


PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

PL	Fuzuli, Mehmet
248	Hadikat us-su'ada'
F95H3	
1870	



❖ فهرست كتاب حديقۃ السعداء ❖

۸	اولیٰ بجی باب بعض انبیای عظام و رسل کرامک	۷۰	فصل فی شهادت جعفر طیار
	صورت احوالری بیاننده در	۷۳	اوجنجی باب حضرت سید المرسلینک وفاتی کیفیتی بیاننده در
۱۶	فصل فی ابتلاى نوح علیه السلام	۹۱	دردنجی باب حضرت فاطمه زهراک وفاتی بیاننده در
۱۹	فصل فی ابتلاى خلیل علیه السلام	۱۱۸	بشنجی باب علی مرتضی حضرتلرینک وفاتی بیاننده در
۲۷	فصل فی ابتلاى یعقوب علیه السلام	۱۴۷	التنجی باب حضرت حسنک بزم بلاده ساغر بقا نوش ایتدیکی بیاننده در
۴۴	فصل فی ابتلاى کلیم الله علیه السلام	۱۶۳	یدنجی باب حضرت امام حسنک مدینه دن مکّه یه توجهی بیاننده در
۴۵	فصل فی ابتلاى عیسی علیه السلام	۱۸۹	سکرنجی باب مسلم عقبک شهادتی بیاننده در
۴۵	فصل فی ابتلاى ایوب علیه السلام	۲۱۴	طقوزنجی باب امام حسنک مکّه دن کر بلایه توجهی بیاننده در
۴۷	فصل فی ابتلاى زکریا و یحیی علیهما السلام	۲۴۶	اوننجی باب حضرت امامک لشکر یزید ایله مخار بهسی بیاننده در
۵۳	ابکنجی باب حضرت رسولک قریشدن		
۶۱	چکدیکى اذالک بیاننده در فصل فی شهادت عبیده ابن حارث		
۶۲	فصل فی شهادت حزه		



۳۱۵ او بنی بایب خاتمه کتاب و خدوات اهل بیتک کر بلادن شاهه
کتدکاری بیانده در


*Planchon
Yuharola*

PL

248

F95 H3

1870



*

*

**

**

حدیقه السعداء

بسم الله الرحمن الرحيم

* یارب ره عشقکده بنی شیدا قبل * احکام عباداتی بکا اجرا قبل *
 * نظاره صنعکده کوزم ینسا قبل * اوصاف حبیبکده دلم کویا قبل *
 (حضرت ملک متعال مقتدر منعم منتقم متکبر عظم سلطانه و عز شانه
 کتاب واجب التکریم * و خطاب لازم التعظیمنده میدان محبت بلا
 کشرین و بادیه ارادت متعطشترین بو خطاب مستطاب ایله سرفراز
 ایش که (و انبلونکم) یعنی ای شاهراه صداقنده ثبات قدم دعواسین
 قیلنلر * وای طریق وفاده لاف استقامت اوروب شرف امتیازه
 طالب اولنلر * اگرچه ارقام صحایف اعتقاد کز بزه واضح * و کیفیت
 رسوخ صلاح و فساد کز بزه لایحدر * اما سرزه دخی معلوم اولوق
 ایچون سزنی امتحان ایدرز (بشی) برنسنه ایله (من الخوف)
 که اول عبارتدر یا ترغیب ایچون بیم عقوبات اخرویهدن * یا ظهور
 رتبه تسلیم و توکل ایچون ترس مصائب دنیویهدن (و الجوع)
 که اول عبارتدر * یا انکسار صوت قوای شهویه ایچون خط
 شراب و طعامدن * یا انفاذ احکام شرعیه ایچون ارتکاب صیامدن

(ونقص)

(ونقص من الاموال) اول عبارت در بیان اظهار انقیاد ایچون اخراج
 خمس وزکاتدن * یا طغیان نفس ایچون تاراج حادثاتدن (والانفس)
 اول عبارت در * یا واسطه کهلنله منقص قوای نفسانیه دن * یا وسیله
 امر اضله تعطیل جوارح جسمانیه دن (والثرات) اول عبارت در یا قلت
 فوا کهد نکه نتیجه باغ و بوستان * یا فوت اولاد د نکه ثمره شجره نوع
 انساندر * و مرآت امتحان بیان اولدقد نصکره بیورمشکه (وبشر
 الصابرين) یعنی بشارت و رضا برلره (اللذين) انلر کیم (اذاصابتهن
 مصيبة) اکر واقع اولسه آنلره بر مصیبت (قالوا انالله وانا الیه راجعون)
 یعنی مبدأ وجود من خالق اکبر * وعاقبة الامر اکر جوعز مقرر در هر
 آینه بویت کریمه فحوا سندن * و بو عبارت شریفه ایماسندن مستفاد
 اولان اولدر که عامه عباد عموم بلا شاملدر * و جمیع ار باب صلاح
 و قساده امتحان ایچون و انبلونکم حصرتنه داخلدر * اما اول جمله دن
 مواقع مصائبده دامن تمکین طوتوب مضطرب اولیلر * و مصادر
 نوائیده خاطره تسکین و یروب اظهار جزع قیلیلر * استعداد تشریف
 بشارت بولملر * و مستحق توفیق تقرب اولملر (قطعه) طالبی ورطه
 مصائبده * شرف صبر سرفراز ایلر * صبر در اول محکمه محتده * کفر
 و ایمانی امتیاز ایلر (نثر) بو عبارت کتب سماویه دن منقولدر (من احب
 او احب صلب علیه البلاء) یعنی بر بنده مقبل که محب اولمغه لباق
 بولدی لاجرم کندوسین هدف سهام بلا و منزل نزول عناقلدی *
 همیشه سبره صداقت کلزار طیتده باران بلادن نشو و نما بولدی
 * و چراغ محبت خلوت خلقتده آتش محبتدن روشن اولور که
 البلاء للولاء کالذهب للذهب (نظم) بهجت افزای محبتدر بلا *
 کیم بلا آتش محبتدر طلا (نثر) بو مفهومه مطابق و بو مضمونه موافقدر
 اولکه حضرت رسالت صلی الله تعالی علیه وسلم بیورمش (ان الله اذا
 احب قوما ابتلاهم) یعنی هر طائفه که محبت معبوده اختصاص بوله
 مقرر در که محبت اسیر و بلایه گرفتار اوله * اما مرآت و لامحازی درجات

بلاد * و معارج بلا موافق طبقات ولادر * بونکته بی مشعرو بومعنائی
 مخبردر * اولکه حضرت رسالتدن سؤال اولندقدہ کہ (ای الناس اشد
 بلاء) یعنی نه کرو اوله نوع انساندنکه شدت بلا ایله معروف و کثرت عنایه
 موصوف * ییوردیلرکه (الانبیاء) یعنی سرپرده نبوت محرملی *
 و تشریف رسالت محترملی * زیر امراتب محبتلی درجات محبتلرینه
 مقرون * و رفعت منزلتلی شدت مصیبتلرنده مضموندر * و سؤال
 اولندقدہ (ومن بعدهم) ییوردیلرکه (ثم الامثل) یعنی طریق مصابرتده
 انلره شبیه اولنلر * و جاده متابعتده انلره اقتداقلنلر * بونکته اولیاءاللاهه
 اشارتدرکه آینه دارحقایق اشیا اولوب عالم صوزنده احکام نبوتی اجرا
 ایدوب * مر اسم شریعتی احیایدرلر * و سؤال اولندقدہ (ومن بعدهم
 ییوردیلر) فالامثل) یعنی شیمه تقوی و شیوه صلاحده اولیایه شبیه اولنلر
 و بومضمون انقیای انام * و صلحای فرقه اسلامدن عبارتدرکه صوالح
 اعماله سائرخلقدن امتیاز بولشلر * و محاسن افعاله اقران و امثاله فائق
 اولشلر (قطعه) نه مخلصکه درگاه معبوده اقرب * همومی اشد و بلیاتی
 اصعب * عجزقدر قربه کیم اولسه واقع * اولور آفت روزگارده مقرب *
 فی الواقع عالم فتاده مؤمن متالم * و منکر متعیم * اولمق مصلحت و عین
 حکمتدر تاملک بقاده ادرالک فوت نعمت منکره موجب تراید الم * و مؤمنه
 باعث تضایف نعم * اولوب سروری زیاده قیله (شعر) بلسه کافرندر
 نعمت نه یلسون روزحشر * نه کیم لطفک مظهریدر مؤمن بالاعتقاد *
 قیلسه مؤمن الم ادراکن اولمازمطلع * کیم نه تعذیبده دردوزخده ازباب
 فساد (نثر) هرآینه میران بلا ممیز مراتب ولا اولغین معلوم اولدی
 و ثبوت بولدیکه نوع انساندن بارگاه معبوده اقرب فرقه انبیا و زمرة
 اولیادر زیرا شرائط تعظیم آداب عبادت * و مر اسم اجرای شریعت
 و ارشاد امت انلره برامر در جمیع بلیاتی شامل * و بر حکمدر جمیع لذاتی
 حائل * و بودخی مقررجه عقلا * و مقبول جمیع فضلا درکه افضل انبیا

حضرت محمد مصطفی صلی الله علیه وسلم در زیر جمیع انبیاء استی اکا
 مود و عذر * و اصلاح جمیع طوائف مختلفه و ائم متوحد اکامر جو عذر
 * لاجرم مجموع انبیاء در رتبه سی افضل * و بلیاتی اتم و اکمل * اول
 حضرت یومعنا یمطابق و یومضمونه موافق پیورده شک (ما و ذی نبی
 مثل ما و ذیت) و دلیل صادق بود عوایه ا دلدر که توارخ سلفده مسطور
 و السنته خواص و عوامده مشهور و اولان انبیاء لایک هیچ بری معادل
 اولماز * و امکان مناسب بولماز * حضرت رسول الله صنادید
 قریشدن چکدیکجی جفاله * و سفهای امتدن کوردیکجی بالاره * اول
 جله دندر واقعه دشت کر بلا و حادثه قتل حسین بن علی المرتضا که
 قدوه خاندان رسالت وزیده دودمان نبوت * بی تکلف اکامتوجه اولان
 مصیبت حضرت رسوله نسبت کمال اهانت و نهایت حقارتدر حضرت
 امام شافعی کتاب مرآة البخانده حسن بصری نقلیه ابن البرازدن روایت
 ایتشکه واقعه کر بلاد اهل بیتدن اون التي نفر صاحب سعادت شربت
 شهادت ایچمشلر که زمانده هر بری بی معادل * و عصرده هر بری
 بی مماثل ایدی * و مصایح القلوبده مذکوردر که کعب الاخبار برکون
 اخبار سلف نقل ایدر کن دیدی ای قوم مصائب جمیع ازمنه یمه واقف
 اولدم * و نوائب مجموع طوائفه اطلاع بولدم * واقعه کر بلادن
 اصعب حادثه یم مطلع اولدم * و اندن اعظم مصیبتی مطالعه قیلدم
 * حقا که حضرت حسین مظلوم شهید اولدقده یدی افلاک قان
 اغلدی * دیدیلر یا اباسحق هر کن افلاک قان اغلرمی دیدی (و یلکم
 ان قتل حسین امر عظیم) یعنی ای بی درد ز قتل حسین امر عظیمدر
 زیرا اول حضرت مقبول رب العالمین و جکر کوشه سید المرسلین و فرزند
 سید الاولیا * و نور دیده فاطمه الزهرا * و یاد کار حسن مجتبا و کزیده
 آل عبادر * قسم اول واجب الوجوده که کعبک روحی الک قبضه
 قدرتمده در نقل صحیحله تحق ایتشم که حسین مظلومک لقبی
 ملائکه آسمان اباعبدالله المقتول و ملائکه ارض اباعبدالله

الذبح و ملائکه در یا حسین شهید دیوب اول شهید اولدیغی کوندن
 قیامتده کسماییدن برکروه روضه مبارکده مجاور اولوب عراسنه
 مشغولدر و هر شب جمعه یمشیک ملک زیارتکلوب صبحده ک
 عراسنه اشتغال ایدوب صبح اولوقده هدیة ثوابله صوامع عبادتلیزیه
 مراجعت قبلورلر (قطعه) حکمدر کیم جیع خلق جهان * ملک و انس
 و جن و وحش و طیور * عقل و نفس و عناصر و افلاک * علوی و سفلی
 و انات و ذکور * طوقلر ماتم حسین شهید * ایدلر آونالهدام صور * بو
 مصیبتدن اولیان آگاه * اوله احد شفاعتدن دور * روز حشر اولیه
 نصیبی الک * نظر اطف کرد کار غفور * بودخی جله اخبار صحیحه دندر
 که من بجی علی الحسین اوتبای و جبتله الجنة * یعنی هر کیم حسین ایچون
 اغلیه یاخود بر کیمه یی اغلده واجب اوله کادخول جنت (شیخ جلالله
 علامه دن منقولدر که من تشبه بقوم فهو منهم مقتضاسیجه اگر تقلیدله
 دخی کریان اولوب بعض کیمه یی کریان ایتسه اول جله یه داخلدر
 * و کادخی اول ثواب حاصلدر * امام رضای بخار بدن روایتدر که
 خاک کربلا بر طینت پاکدر کیم انده تخم شهادت دوکش * و نهال
 مصیبت دیکلمشدر * اگر جویبار دیده نمنا کدن آنلری سیراب ایتسدر
 الدنیا من رعد الاخرة * مقتضاسیجه روضه رضوانده اول تخم نتیجه سی
 آثار نعمات بهشت باقی اوله * و اول نهالتک ثمره سی آثار لذات نعيم
 مؤبد اولوب انصفا ی نیران قهر الهی قبله (نظم) خاک پاک کربلا در
 اول مبارک بقعه کیم * انده تحصیل مطالب ایلک آسان اولور * اشک
 دوکت آه چکمک ضایع اولماز روز حشر * کاه بخش چشم پر خون و دل
 سوزان اولور * اشک آنک قطره سی کلبرک کلزار بهشت * دود آهک
 مدی نخل روضه رضوان اولور (نثر) المنة لله کیم فرقه اسلام و زمرة
 اصحاب ایمانه بوسعادت ميسر * و بو عادت مقرر اولودر که همراه محرم
 تجدید ص اسم ماتم ایدوب اطراف وجواننده متوجه دشت کربلا اولورلر
 و اول تربت شریفده بقعه محالس و محافل قوروب تکرار وقایع

شهادی کربلا ایلہ داغ مصیبتن تازه قبلورز (نظم) محرمدرہارگلشن
 غم * نسیم دلکش آہ دامادم * اول ایلر سبزہ مرگانی نمناک * کوکلر
 غنچه سینه اول صالر خالک (نثر) اما جبع مدتہ مجالس ومحافلده تقریر
 اولانان وقایع کربلا و کیفیت احوال شهدا فارسی وتازی عبارتندہ بیان
 اولغین اشراف عرب واکابر عجم تمتع بواب اعزہ اتراک کہ جزء اعظم
 ترکیب عالم * و صنف نوع بنی آدم اولوب سطرزائد صحایف کتبہ
 صفوف مجالسہدن خارج قالوب اسنیفای ادراک حقایق احوالندن
 محروم قالورلردی بوسیدن اقتضای عموم ماتم آل * زبان حال ایلہ
 بن خاکسارہ تعرض ایتدی و دست تعرضلہ کریبایم طوطیکہ ای پرورده
 خوان نعمت شاه کربلا فضولی مبتلانولہ کر برطرز مجدده مخترع اولسک
 و همت طوتوب بر دقتل ترکی انشا قیاسک کہ فکساء ترکی زبانندہ
 استماعندن تمتع بولہ لر وادراک مضمونندہ عربدن و عجمندن مستغنی
 اولہ لر (قطعه) تکرار ذکر واقعہ دشت کربلا * مقبول خاص وعام
 وصغار و کباردر * تقریر ایدنلرہ سبب عز و احشام * تحریر ایدنلرہ شرف
 روزگاردر (نثر) بوفتیر و حقیر کہ بونصیحتی اصغا قبلدم و بو خدمتک
 محض سعادت اولدیغن محقق یلدم * عدم استطاعت و قلت
 بضاعتندن احتراز واجتباب ایتوب ترتیبہ توجه قبلدم (اگرچه عبارت
 ترکیبہ بیان وقایع دشواردر زیرا اکثر الفاظی رکیک و عباراتی ناهموارددر
 امیددر کہ همت اولیا اتمامہ مساعدت وانجائنه معاونت قبلہ (قطعه)
 ای فیض رسان عرب و ترک و عجم * قبلدک عربی افصح اهل عالم * ایتدک
 فصحای عجمی عیسی دم * بن ترک زبانندن التفات ایلہ کم * الہی واقف
 کیفیت حال وعالم دقایق افعال سین یلور سننکہ سندن غیری معین
 ومظاہرم یوقدر * و اطراف وجوانبہ حاسد و معاندیم چوقدر * عینم
 مکارمکدن و کریم مراحمکدن توقع بودر کہ بونای مجدد تعمیرندہ و بوملک
 مؤید تسخیرندہ الفاظ و معانیدن جبع مصالحیم مہابقیلہ سین * و ارباب
 حسد و اصحاب عناد هجوم ایتدکجہ بکامعین و مساعد اولہ سین * انک علی

کل شیء قدیر حالا السنه عر بده مذکور اولان مقتل ابو حنیف و مصرع
طاو سیدر که سید رضاء الدین ابو القاسم علی بن موسی بن جعفر بن محمد
الطاوسی کمال تحقیق و تدقیق الیه اسناد معتبر دن نقل ایدوب اهتمام یش
وافواه مجده مشهور اولان کاب روضه الشهداء که حضرت افصح
المتکلمین مولانا حسین واعظ تبع تواریخ و تفاسیر ایدوب دقتله یازمغین
روایتاری درجه صحنه یش و بن خاکسارک یشی اولدر که اصل تألیفه
روضه الشهداءیه اقتدا قیلوب سائر کتیده اولان نکات غریبه لری ممکن
اولد یقه اکافلا ده قیل (و حدیقه السعدا) الیه موسوم ایدوب اون باب ویر
خاتمده صورت تألیفه اتمام و یرم انشاء الله تعالی (اولیکی باب) انبیا
احوالن بیان ایدر (ایکنجی باب) حضرت رسولک قریشدن چکدیکی
جفار ی بیان ایدر (اوچنجی باب) حضرت سید المرسلین وفاتن بیان ایدر
(دردنجی باب) حضرت فاطمه الزهرا وفاتن بیان ایدر (بشنجی باب)
حضرت علی المرتضی وفاتن بیان ایدر (اتنجی باب) حضرت امام حسن
احوالن بیان ایدر (یدنجی باب) حضرت امام حسین مدینه دن مکه یه
کلدیکن بیان ایدر (سکرنجی باب) حضرت مسلم عقیلک وفاتن بیان ایدر
(طقوزنجی باب) حضرت امام حسینک مکه دن کر بلا یه کلدیکن بیان
ایدر (اونجی باب) حضرت امام حسینک شهید اولدیغن بیان ایدر (اون
برنجی باب) مخدرات اهل بیتک کر بلادن شاه کلدیکن بیان ایدر (قطعه)
یارب مسافر ره صحرای محنتم * توفیق ایدوب بکاصدقی رهبرایت *
سر منزل مراده یتور سر باند قبل * محروم قومه جلّه مرادم هسرایت *
اولیکی باب بعض انبیا عظام و رسل کرامک صورت احوال لرن بیان ایدر
(بلک کر کدر که محنت سرای خلقت دار البلاء فطر تده مصیبت زد دل
پیشوای و داشده مقتدای آدم صفیدر (رباعی) آدم که فضای عالمه
باصدی قدم * اندوه بلا یه او اولدی همدم * مخصوص صدر آدمه بلای عالم *
عالمه بلا چکمین اولماز آدم * هنوز آدم صنی شکای عدمدن فضای

وجوده کلمدن و خلعت کیوب افسر کرامت برله سرافراز اولدن
 ملائکه زبان طعن اوزان دیلروانی هدف تیرطعن ایتدیلر که (اتجعل فیها
 من یفسد فیها) روایتدر که ابتدای خلعتده حضرت ملاک جلیل عزرائله حکم
 ایتدیکه جمیع اجزاء زمینک هر جزیندن برقبضه خاک اولوب بطن نعمانده
 جمع قیله و بر سجابه امر ایتدیکه قرق کون اول طپراغک اوزرینه باران رحمت
 دو کوب تربیتنه مشغول اوله و بو خدمته مأمور اولان صحاب اوتوز طقوز
 کون دریای الم و چشمه غمن نم چکر دی و اول طپراغه باران محنت دو کردی
 قرقجی کونکه موعده تمام ایدی بر نیجه قطره بحر فرحدن کتوروب
 اوزرینه صاچوب صورت تخمین اتمامه یتوردی و پیکر اتمامن ظهوره
 کتوردی بوسیدن مقرر اولدیکه طینت بشریت اکثر اوقات مثبت ریاحین
 غم اوله * و حقیقه تدمه آثار سرور نهایت ندرت و کمال قلت بوله (قطعه)
 آدمک غم برله طپراغن مخمر قیلدیلر * انده درد و محنته منزل مقرر قیلدیلر *
 موقدانده نیران ایلوب ترکیبی * صفحه جاننده نقش غم مصور قیلدیلر *
 (نثر) القصه آدم وجوده کلوب (یا آدم اسکن انت وزوجک الجنة) اشارتیه
 ساکن بهشت اولدقده و میوه شجره منهیه دن غیری جمیع نعماتک
 تصرفه رخصت بولدقده ابلیس بو حاله واقف اولوب بنیاد حسد قیلوب
 وسیله مار و طاوسله بهشته کیردی و آدمه وسوسه و یردی و راه ضلالت
 کوسیددی و آدمک ابلیسه مغلوب اولدیغنه سبب بو اولدیکه مظهر افعال
 ستوده و مصدر خصال حبیده ایدی کذب و خلافه امکان و یرمبوب
 ابلیسک سوزن محض نصیحت تصویر ایدی (قطعه) ای خوش اول صافی
 طبیعت کیم غمیر پاکنه * یتیمه مطاق بو کیم عالمده مکر و حيله وار * ای خوش
 اوصاحب سخاوت کیم دم اظهار جود * دشمنک مقصودن اوزنغینه
 ایلر اختیار (نثر) روایتدر که شجره منهیه میوه سین آدم و حوا تناول
 ایتدکدنصکره کرد ادبار چهره اعتبارلرن طوتوب و افسر عزت فرق
 اقتدارلرندن دوشوب و خلعت کرامت نبدلرندن انتراع بولوب و صورت

حائری دگر کون اولوب مضطرب و متحیر قالب مسند عرتده ایکن
 معتکف زوایه حرمان اولدیلر خدمت لرینه رضوان مأور ایکن انلردن
 نفرت ایدوب وسرای سرور لری معمر ایکن سیل حادثه دن ویران اولدی
 اول بیچاره لر مکشوف العوره قالب حیا قلغین هر درختد که پناه
 ایچون متوجه اولور لری انلردن درخت فرار ایدردی بوحالنده حضرت
 عزتدن ندا کلدیکه (یا ادم) افررت منی ادم ایتدی بل حیلء منک یعنی سندن
 فرار ایتمک کندی فعلدن شرمندیم (قطعه) دیز کو ارخدا یا اساءت علم *
 بنی مکرم ایکن خوار و خاکسار ایتدی * بودر جزای انک کیم سکا مخالف
 اولوب * هوای نفس مرا تن اختیار ایتدی (نثر) عاقبت برک انجیردن ستر
 عورت ایدوب فرمان قضا جریانیله بهشتدن طشره قدم با صدقه
 بر ساعت یمن و یساره باقوب توقع ایدردیکه مشرق کرمدن آفتاب عفو
 و عطا طلوع ایده * وظلمت حرمانه اضاعت ویره و اوج عنایتدن سحاب
 عاطفت پیدا اولوب کلزار امید طراوت یوره * هیچ بر جانبدن رایحه
 مرا داستشمام ایتوب و هیچ بر طرفدن درنده درمان یتوب نا امید طشره
 قدم بصدقه لسانه کلد (بسم الله الرحمن الرحیم) جاری اولدی جبرائیل
 ایتدی یا ادم بر دم توقف ایت اوله که بو کلد طیبه برکاتده ابواب مرحمت
 افتتاح بوله * و شقاوت سعادت مبدل اوله * خطاب کلدیکه ای جبرائیل
 آمده نیچون مانع اولدک جبرائیل ایتدی الهی سنی رحن الرحیم اسمیله یاد
 ایتدی نوله که دریای رحمتک موجه کلوب و بحر عنایتک متلاطم او ابوب
 بوسر کشته بی ورطه بلادن برکناره چکسد * و کلزار امیدنه سحاب مکرمک
 باران رحمت دو کسد * ندا کلدیکه ای جبرائیل بنم رحمت عامدر اگر بو کون
 آمده تعلق بولسه برنفسه مخصوص اولمش اولور صبرایت و تحمل قیلکه
 عرصه دنیا دن ملک عقابیه توجه قیلدقه و دار فنادن معموره بقایه
 راجع اولدقه کندویه و یک یک اولادنه اظهار کمال ترحم قلم و هول
 قیامنده جبع مجله لرینه پناه اولم (قطعه) زهی کریم که هر دم عموم

مکرمتی ❖ عطایه جلهء خلقی امیدوارایلر ❖ زهی جواد که بحر ملری تسلی
 ایدوب همیشه عفوگاهله افتخارایلر (نثر) کنز الحقایقه مسطور در
 که آدم بهشتدن اخراج اولند بغنه سبب بو ایدیکه متعرض عشق اولدی
 و عشق اقتضای داراللام ایدوب ملازم باب ملائمدر که اکادار
 السلام مناسب اولماز ❖ و اهل سلامت احتیاطله رونق بولماز (قطعه)
 اگر ملائم صبرایلر سین ای غافل ❖ ملامت ایله عشقی یوری سلامتله ❖
 کمال عشق ملائمده در خیال ایتمه ❖ که عشق ذوق ویره اولسه ملائمله
 (نثر) و اول نهال دلر با که شجره منهیه صورتنده آمه کورندی شاهد
 محبت ایدی و اول نهی تنزیه به دن غرض ازدیاد رغبت ایدیکه (انتاس
 حر بص علی مانع) ممکن که اگر اول شجره منهیه منعله اختصاص
 بولسه بدی و نهیله ممنوع اولسه بدی آدم کثر لذات تمنعماندن اگر پروا
 قیلیدی و شدت اشتغال سائر اذواقدن اکاملتقت اولمیدی (قطعه)
 لطف قدر هر جور کیم عشاقنه اول ماه ایدر ❖ قیلغه نظاره غافل اولی اگاه
 ایدر ❖ هر جفا سنده حبیبک بیک عنایتدر نهان ❖ کیمکه غافلدر جفا سندن
 آیک اگر اه ایدر (نثر) عاشقه معشوقدن کلان جفاعین وفادر ❖ اندن
 غافل اولیق اکابر جفا در (نظم) نه خوشد در اولیکه محبوب اوله پرفتن ❖
 کو کلمه دوست اوله و دلده دشمن ❖ جفا سندن وفال اوله مضمون ❖ اولوب
 عین طلب منعیله مقرون ❖ فراقه اوله ظاهرده طلبکار ❖ وصاله اوله
 باطنده خریدار (نثر) القصه آدمه حکم اولدیکه ای آدم اگر مرادک
 بهشت ایسه ميسر اولدی قناعت قبل و شجره منهیه اطرافنه کله
 و مطلق اکامائل و راغب اوله و محقق یلکه آتک میوه سی اندوه محنت
 و سایه سی ظلمات و حیرتدر ❖ آدم طبیعت مقتضاسنجه بهشتی چون
 کورمیشدی آندن رغبت کو توروب شاهد محبت کوهل ویرمیشدی
 لاجرم لشکر بلا که لازمه عشق قدر اکاملازم اولدی ❖ و کرداب محنت که
 عین دریای محبتدر انی احاطه قیلیدی (بیت) عشق دعوادر جفا چکک
 کواه ❖ کر کواه اولماز سه دعوادر تباه ❖ سلطان العارفين قدس سره

بیور شد در که خلقت آدم من مقدم شاهد محبت جلوه ظهور ایت که
 بر مظهر استردی اول زمان که دبدبه عبادت ابلیس ملک و ملکوتی
 طوتدی شاهد محبت آنک اتصاله میل ایتدی اما سلطان غیرت اول
 اتصاله رخصت ویر محبوب و آنک ذوق وصالن ابلیسه لایق کوره یوب
 همیشه پرده خفا و خلوت عناده صقلردی اول وقتنه دکه دست قدرت
 رخساره آدم من نقاب عدم کو توروب آنی مسجود ملائک قیلدی * و آدم
 شرف کرامت بولوب منظور عین اعیان مکنات اولدی (بیت) منور
 اولدی جهان پر توجا نندن * مشرف اولدی زمان دولت وصالندن *
 شاهد محبت زهت سرای بهشته شجره نهیه صورتنه کنندیسین اکا
 عرض ایتدی و آدم اختیار سز اکا واله اولوب همانم تمنای مواصا
 قیاب دامن طوتدی اما پرده دار حرم سرای اراده ربانی و حاجب
 درگاه بارگاه مشبث تأیید سبحانی منع ایتدی که ای آدم بوعروس زیبایک
 حلیه زینتی کوهر اشک چشم بر نمدر * و بو مخدره رعنائک زیور بهجتی
 یاقوت شعله آتش آه دما در * جنت فضای فرح فراسانده بومیسر
 اولماز * و بهشت بهجت سراسانده بو حلال صورت بولماز * تحمل ایت که
 دارد نیاده بوزینه مزین اولد قده آنک عقد تزویجی سگاه بسراوله * و اول
 زینت بوعروسک رونق جمالن زیاده قبله (قطعه) عرس وعشه زیور
 روی زرد اشک کوندر * دل سوزان و جسم درد ناک و چشم پر خوندر *
 بوزیور حاصل اولماز بزمگاه سخن چنده * متاع خانه محنت فزای دنی
 دوند (نثر) پس آدم که عاشق بیقرار ایدی ناچار وعده وصال و امید
 اتصال ایله ترک بهشت ایدوب محنت خانه دنیایی اختیار ایتدی *
 و هوای محبتنه ذوقله دامن صبر طوتدی حکم اولدیکه ای آدم
 حوادن مباعدت اختیار ایت و ملک فراغتدن تجاوز ایدوب
 سرکوی بلاده قرار ایت که هنسکام وصال منقضی اولدی و ایام فراق کلدی
 و زمان مواصلاست انجام بولوب اوان مفارقت اولدی (قطعه) ای
 مائل راحت غم همراه اولغل * دم ذوقدن اورمه همدم آه اولغل

ای جامع هر صفت سرو صالی بلدك * هجران المندن دخی آگاه
اولعل * القصه مقراض انقراض مدت رسته واصلت پیوندن قطع
ایدوب و آدم حوادن مفارقت اختیار قلوب هر بری بردیاره دوشدی *
وهر بری یك بلایه صتا شدی * آدم وادی سر ندیده سر کردان اولوب
حوا ساحل دریای شده دوشدی (یت) نه اشدرای فلك دلداری دلدارندن
آیرمق * جفاکش عاشقی یار و فادارندن آیرمق (نثر) آدم و حوا کنندی
حالتلرینه کریان وجیع ملائک انلرک واقعلرینه حیران اولوب ایکی
یوزیل بونوعله پریشانلق چکدیلر و اشک ندامت دو کدیلر * ابن عباسدن
نقلدر هرگاه که آدم یادهشت ایدردی بیهوش اولوب اوزرندن کبدردی
* حضرت عزیزدن ندا کلدیکه ای جبرائیل آدم غربدر انکله موانست
قیل * برکون آدم جبرائیلدن سؤال ایتدیکه ای انیس و جلیسم حوادن
نه خبرلوار جبرائیل ایتدی اول ساکن ساحل دریای هندا اولوب سئک
فراق کله کریاندر * وایشی همیشه آه و فغاندر * آدم اول خبری استماعندن
بیهوش اولوب عالم مر اقبه ده کوردیکه حوا ساحل دریاده ابروار سیلاب
سرسک دمادم دو کوب دیرکه * یاحیبی آدم اجابع انتام شعبان الایس
انتام عریان انائم انتام یقظان * آدم جواب ویرمک تدارکننده ایکن
اوزینه کلوب حوایی کورمبوب برنوحه قبلدیکه جبرائیله تزلزل دوشوب
سؤال ایتدیکه ای آدم بونه حالتدر آدم صورت واقعه بی بیان ایتدکده
جبرائیل اول خبردن متأثر اولوب مناجات ایتدیکه یارب بو غریب ییچاره یه
رحم ایت خطاب کلدیکه یا جبرائیل وقت اولدیکه کلزار ایدمه نسیم مقصد
توفیق کنذار ایدمه و اول نسیم ایله غنچه مقصود آچله (یت) آه آتشباری
عشاقک سرایتسزدکل * عاقبت هر غم یتر پایانه غایتسزدکل (نثر)
القصه آدمک توبه سی مقبول و دعاسی اجابت بولدی و ایلم مختی مرور ایله
هنکام راحتیه میل اولدی محقه قلردن نقلدر که سبب قبول توبه آدم اوج
نسنه ایدی بری حیا و بری بکا و بری دعا اما حیاسی اول غایتده ایدیکه

ابتداء خلقته او چيز ييل باش قالديروب يوقاري باقدي ويمين
ويساره نظر راقدي * وبكاسي اول مرتبه يي بولميشديكه هجوم سيلاب
اشكدن رخسارندن جويبارلر عيان اولوب فرات ودجله كي آندن
وحوش وطيور مجتمع اولوب ديرلرديكه ند خوش آب خوشه كوار وندزيبا
شربت ساز كاردر آدم اول سهوزي استهرايه حمل ايدوب بركون مناجات
ايتديكه يارب وحوش وطيور بنم آب چشمه تمسخر ايدرلر آب شور يدهيه
شربت خوشه كوار ديرلر ندا كلديكه اي آدم هيچ جوهر كوهر اشك
اهل نياز دن اعلا و هيچ شربت زلال سرشك مردم يك باز دن احلا دكل *
في الواقع بر كوهر كه معدني ديده ارباب نظر دن در خاك مذتده قالماز
بر جوهر كه بنم تحفه در كا همدندر محقر اولماز (قطعه) واه نه معدندر
سواد چشم تر كيم آنده در * دانه در سرشك ولعه نور بصير * اول برنده رتبه
معراج درگاه قبول * بو برنده قوت كيفيت فيض نظر (نثر) امداء آدم
بو ايتديكه يارب محمد وآل محمد حقيق چون توبدي قبول ايله بركون بارگاه
عزندن ندا كلديكه اي آدم سن محمد ي نه ياور سن كه ذيل شفاعته
تمسك اولور سين آدم ايتدي يارب محمدك اسم شر يفي صفحه ساق
عرشه سنك نام لطيفه مقارن كوردم ييلمكه آندن اشرف و افضل
خلقك يوقدر آكاتوسل ايدرم (نظم) نور مصطفائي كورك * خاتم خيل
انبياي كورك * نور ذاتي چراغ عالمدر * آب روي شفيق آدمدر (نثر)
و آدمك رمصيتي دخی قتل هابل ابدی * روايتدر اهل تفسير دن كه قبول
توبه د نص كره آدم حوايه ملحق اولدي ويكرمي نوبت حوايه اله اولوب هر
نوبت بر غلام و بر جاريه آندن ظهوره كلوردي و شريعت آنده هر بطنك
جاريه سي غير بطنك غلامه و يرك عادت ايكن اتفاقا قابلك همزادي
اولان اقليما نام جاريه هابل همزادي اولان يهودا نام جاريه دن اجل واقع
اولدي و آدم هابل همزادي اولان جاريه ي قابله حكم قيلدي و قابل عادت
مسئونه قائل اولوب قول ايتديكه اقليماي هابله و يروب كند ي

یهودایه قناعت قبله و سائر اولاد آدم کبی مطیع و متقاد شرع اوله مکاره
 قبله بیکه ای آدم بومدا اثر محبت بگذره که مقتضای شریعتک آدم ایتدی
 اگر بنیم صلاحه راضی اولماز سه کز مرا فاعکزی قاضی الحاجاته رجوع
 ایدوب انک امر نه راضی اولک و آنک حکمنه متابعت قبلاک و انلرک بری مزراع
 ایدی مزروعانندن بر قایچ خوشه حاضر ایدوب و بری چوبان ایدی
 برقبون مهیا قیلوب بر عرصه ده قبوب شرط ایتدی لکه هر کیمک قربانی
 مقبول اولور سه اقلیمایی اول تصرف قبله مترصد حکم اولدقده عالم
 غیبدن بر برق لایع چیقوب هابلاک قربانن تصرف قیلدی و قابلاک قربانی
 معطل قالدی بوسه بیدن آتش حسد قابلاک بنای اختیارن یاقوب
 و سبلاب رشک معموره قرارن ییقوب هابلاک هلاکنه عزم ایتدی و همت
 طوتدی آدم متوجه زیارت بیت المقدس اولدقده فرصت بولوب مشغول
 خواب ایکنی انی هلاک ایدوب قرق کون باشی اوزرینه کتوروب کردی ردی
 زیرا بیلر دیکه تنک کرک بر کون کوردیکه بر غراب بر حفره حفر ایدوب
 بر غراب مبتی دفن ایتدی اندن ارشاد اولوب هابلی دفن ایدوب اوزرندن
 کتدی (شعر) رشکدر جانه اضطراب صلان * رشکدر عالمی خراب
 قیلان * رشکدر موجب جفای یزید * رشکدر کیم حسینی ایتدی شهید *
 القصه آدم بیت المقدس دن مراجعت قیلدقده جمیع اولادی استقبال
 ایدوب هابلی انلرک سلک کنده اولماغین احوالن استفسار ایتد کده دیدیلر که
 بر نیجه کوندر غائب اولوب در آدم مضطرب اولوبیدی کون تجسس و تفحص
 ایدوب سکرنجی کون ملائله اویقه ویه واردی واقعه سنده کوردیکه هابلی
 آلوده خالک و خون اولوب استغاثه ایدر که یا ابتاه الغیاث آدم اضطرابله
 بیدار اولوب فریاد ایتد کده جبرائیل حاضر اولوب ایتدی ای آدم بونه
 فغاندر آدم صورت واقعه یی بیان ایدوب هابلاک حالن صورتی جبرائیل
 ایتدی هابلی قابل هلاک ایدوب بر موضعه دفن ایتشدر آدم بنیاد
 نوحه و تضرع قیلوب ایتدیکه ای جبرائیل انک مزارن بکا کوسه تر

جبرائیل آدمی هابلک مزاری اوزرینه کتوروب و آدم لک مز ارندن طبراق
 حجان کتوروب کوردیکه بیکری بوزلمش و اعضاسی پاره پاره اولمش اغاز
 نوحه قیلوب روی تضرعی بارگاه بی نیازه طودی و مناجات ابتدیکه یارب
 قابل سنک حکم کدن تجاوز قیلوب و بنم حرتم طوتوبوب بومظلومی قتل
 ایتش جراسین ویر حضرت عزندن ندا کلدیکه ای آدم مقرر ایتدیکه نصف
 عذاب دوزخ قابله منسوب اوله و اول عذاب ایچنده مؤبد قیله ای عزیزلر
 هرگاه که آدم حرمتن طوتوبوب انک فرزندن قتل ایدن بونجه عذابه
 مستحق اولور معلومدر که حضرت رسول آدمدن اشرف و افضلدر حرمتن
 طوتوبوب اکثر اولادن شهید ایدن نه تعذیله عذابه استحقاق بولوب
 و دأمانه عقوبته قالور (صحفه رضویه ده مسطوردر که قائل امام حسین
 دوزخده برآتشین تابوت ایچنده محبوس اوله کدر ایچند کر بهه سندن اهل
 دوزخ نفرت قیله بی تکلف حسین مظلومک قتلی واقعه اعظم و حادثه
 اکبردر و اول چکدیکه محنت آدمک چکدیکه محنتدن بدتردر اگر چه آدم
 بهشتدن جدا دوشوب وادی غربنده سرکردان اولدی اما حضرت
 حسین مدینه مطهره و مکه معظمه و روضه رسول الله دن محروم اولوب
 غربت کر بلا ده آزار و ایذا بولدی و اگر آدم بر فرزندیک قتلندن منزجر
 اولوب ملالت چکدی اول حضرت اولاده متعدد شهادتین مشاهده قیلوب
 اشک ندامت دوکدی (شعر) محنت آدم کل مانند اندوه حسین * فی المثل
 برشعله در برق بلادن اول شرر * اشرف خلق جهالک اکبر اولادنی * قتل
 ایدن دنیاده و عقباده اولماز بهرور (فصل فی ابتلاء نوح علیه السلام) بادیه
 محنت بلا کشترینک و باده محبت سر خوشترینک بری دخی حضرت نوح
 نبیدر که طقوز یوز بیل هدف سهام سیاست سفهای قوم اولدی
 و سنکدالرجناسین چکوب صبر قیلدی و دعوت ایتکدن تقصیر ایتدی
 و دقایق تبلیغ احکام الهیده اندن تکامل و تکاسل ظهوره یتدی تظلمده
 مسطوردر که اول واضع قانون شریعت و کلار ریا حین کرامت هر کون

صاحب ستمدن ژاله وار اولمقدار سنك سياست ياغدير لر ديكه جسم لطيف
 اهل آبدار كي طاشلر ايچنده يا تردي اماينه جبريل حاضر اولوب اول كل
 باغ رسالتی لاله وارجامه پرخون و اعضاي پاره پاره يله طاشلر ايچندن
 چيقاروب پروبالن اعضاسنه سوروب صحت و يروب اوزرندن كيدردي
 واول حضرت ينه انجمن آرای قوم اولوب كله طيبه (قوالا اله الا الله)
 عبارتيله آنلره آغاز دعوت ايدوب مدت عمرنده بو طريقي مسلولك
 ايدوب اوج قرن قوميله مدارا قيلدي اما كون كوندن قومك جفاي
 اكاز ياده اولدي بركون برمد بر فرزند ناپسندنه نوحی كوستروب نصيحت
 قيلديكه اي فرزند بزم طريقمزده بوشخصه اهانت عين عبادتدر غافل
 اولمه سين و تقصير قيلمه سين اول حرمزاده ايتدي اي پدر اولمه كه
 بووصيت ادا اولدين اجل يتوب بني بو عبادت ثوابدن محروم ايدو
 پس حضرت نوحه متوجه اولوب برطاشله جبين مباركن مجروح ايدوب
 محاسن شريفنه قان روان اولدي واول سبيل خوانبله دريای بلای طوفان
 توج ايدوب حضرت نوح دعا قیلديكه (رب اني مغلوب فانتصر) ناولك
 دعای هدف اجابته يتوب واحاطه طوفان عالمی طوتوب جميع مخالف
 غرق اولدي همان نوح تابعلريله قورتلدي (شعر) سيل بيداد ستمدر
 منشی طوفان نوح * اولسون غافل بلادن اهل بيدادوستم * خانه ظالم
 كيدر سيلابه مانند حباب * طوتوسه طوفان عالمی مظلومه طوفاندن
 نه غم * كز الغرائب مسطور در كه زورق نوح ايام طوفانده هر طرفي سير
 ايدر كن خطه كز بلایه ايرشد كده جايريه ديدكاري منزله متحير اولوب
 توقف ايدوب حر كتدن دوشدي حضرت نوح بو حاله حيرت ايتد كده
 ندا كلديكه اي نوح بو اول منزلدر كه (مثل اهل بيتي كمثل سفينة نوح)
 بو منزلده غرقه كرداب خون اوله واهل بيتك اكر فاضل و اعيان بو منزل
 دائرة حيرته را غوب سرگردان قبله في الواقع تأمل ايتد كده مناسب
 كورينور كه حديث صحيح مقتضاسنجه سفينه نوح اهل بيت رسالتدر

زیرا هوای نفس اصحاب عنادله دریای مصائب متلاطم اولاد قدوه و صحرای
 کربلایی طوفان بلا احاطه قیام قدوه هر کیم اهل بیتیه داخل ایدی
 بلای مصیبت بدین نجات بولدی و هر کیم خارج ایدی هلاک اولدی
 روایتدر که حضرت حسین مدینه دن عزیمت کوفه قیام قدوه یدی یاشنده
 بر معصومه سی اولوب موافقه قدرت بولمادین ام سلمه خدمتنده
 قائمشیدی واقعه کربلا ده حضرت امام شهید اولاد قدوه بر غراب مشکین
 بال پروان قائله رنگین ایدوب متوجه مدینه اولوب ام سلمه دنک دیوار
 سراینده قونوب خون افشانلق ایدردی اول معصومه انی کوروب فراستله
 حسینه شهادتی معلوم ایدوب فغان قبایلی ام سلمه ایتدی ای مخدومه
 نه واقع اولدی سکا اول معصومه ایتدی ای عزیزه غراب مخبر احوال سفینه
 نو حذر غالباً بو کون سفینه اهل بیت طوفان بلایی دنیادن نجات بولدی
 و محرم هوای قرب الهی آنتری ورطه هائلدن واصل ساحل نجات
 قبایلی و بو غراب اندن کلوب و انلردن خبر ویرر ام سلمه ایتدی بر کون
 حضرت رسول خلوتدن چیقوب طشرده بر مدت مکث ایدوب ژالیده موی
 و غبار آلوده روی مراجمت ایتدی دیدم یا رسول الله بو کدورتیه باعث ندر
 بیوردیکه ای ام سلمه بو کجده بکا عراق ده بر مقام کوستر دیر که اکا کربلا دیر
 و اول منزله حسینه و بعض اولادک قتل کاهنی زیارت ایتدردیلر و بن
 اول منزلدن بر مقدار خاک آلب کلشم مبارک الارین آچوب اول طیراخی
 بکاتسلیم ایتدی و بیوردیکه بو طیراخی بر شیشه حفظایت اول کونکه
 وعده شهادت بتر بوششده ده کی اجزای تراب اوراق کل کی قانز نیکنه
 دوز و بن اول طیراخی حفظ ایشم و بر روایت دخی اولدر که قاضی عیاض
 کتاب شفا ده نقل ایشکه حضرت رسول حسین مظلومک قتلندن خبر
 و یروب زمین کربلا دنکه اکا ططف دیرلردی بر قبضه خاک آلب ام سلمه یه
 طابشوردی و بر روایت دخی امام یافعی مرآة الجنانده انس بن مالکدن
 امام حنبل واسطه سبله نقل ایدوب مسطور ایشکه بر کون ملک اصحاب

حجره رسالتك كك اوب حضرت امام حسين حاضر اولدى وقولارنى
 حضرت رسولك بوينه براغوب مبارك كېسولر يله بنياد ملاعبه قىلدى
 ملك السحاب ايتدى يارسول الله بو پرورده نعمتك اولان فرزند
 سعادت مند بىكى امت يى وفارك دشت كر بلاده قتل ايدىلر و كر بلادن
 بومقدار خاك نمونه اچون حضرت رسوله عرض ايتدى و حضرت انى
 ام سلمه يه تسليم ايتدى امرى تقدير ايله ام سلمه اول شېشه يى حاضر ايدوب
 ملا حظه قىلدقده كوردىلر كه اول خاك خونا ب اولمش و اول نشانه
 وقوع بولمش چون نشانه ايله كر بلا واقعه سنك كيفيتن يى لىديلر
 آغاز مصيبت قىلوب غزايه عزىت قىلدىلر (شعر) يارب نه فتنه در كه
 خراب ايتدى عالمى * آزرده قىلدى روح رسول مكرمى * اعيان آل احده
 كردون جفا قىلوب * اشراف اهل بيته روا كوردى ماتمى * واحسرتا كه
 بولدى خىل سبل فتنه دن * شرعك متين بناسى و بنياد محكمى * كلزار
 كر بلايه دكلى نهال غم * خوشدر كيم انى ايله سىراب كوز نمى (فصل
 فى ابتلاء خليل عليه السلام) ديار بلا مسافر لى وعقار عينا مجاور لى نك
 جله سندن برى محبوب ملك جلال ابراهيم خليلدر كه تاخاكت
 خلتله سرافراز اولدى و خلوت خلتله شرف و محرميت بولدى هر كز
 هجوم بلادن امان بولمادى و صدور حادثه دن فارغ اولمادى جله بلاردن
 برى اولدر كه نمرود مردودك آتش استىلاسى زبانه چكوب و سحاب
 تسلطى باران بلاد و كوب استعدا قىلدى كه اول طلای تمام عياره آتش
 سوزانله تاب و يره و اول شمع شىستان رسالتى ياقوب ظلمت سراى كفر نه نور
 سرورى توره القصة ابراهيم منجنيقه كرد كده و ملائكه انى آتسه متوجه
 كورد كده مناجات ايتدىلر كه يارب جبيع بنى ادمدن بر كيمسه در كه سنك
 احدى كه معترفدر و عباد تسكله متصفدر انى يا قدر مق استرلر رخصت و بر كه
 معاونت قىلوب انى بوتما كه دن خلاص ايدىلر حضرت عزتدن خطاب
 كلىدى كه معاونته كبدك و اكر مدد دىلرسه ايلك بو اشارتله ملك السحاب

حاضر اولوب ایتدی ای خلیل رخصت ویرسنک سیلاب سیاستله اعدا ک
 ناره فسادن منطقی قیلوب بنای عنادلرین فتنایه ویرمهک حاضر اولشم
 و ملک الارض ایتدی اگر اشارت اولسد قوم غرودی قارون کی تحت
 الترایه چکمکه عزیمت قیلشم حضرت خلیل ایتدی ای عمال کارخانه
 دنیاوای حفاظ قوانین نظام اشیاء صلاحنه بودمه بنم اختیارم اولدرکه
 دوستدن کلن دردک درماننه اقتدارم یوقدر (نظم) دردله خرسند اولان
 در دینه درمان استمز * ذوق محنت بولسه عاشق راحت جان استمز *
 هر کیمی استرسه جانان عالم عشقه قنده فرد * صبر ایدر تنهالغه انصار
 واعوان استمز * بو مناظره لدن نصیره خلیل فحشیه قدن جدا اولوب
 آتش سوزانه دوشمهک قریب اولدی جبریل امین اول شمع رسالتک پروانه وار
 باشنه دولانوب ایتدی ای خلیل (هل لك من حاجة) یعنی حاجتک
 وارمی خلیل الله (اما لیک فلا) یعنی احتیاجم وار اما سکا یوق جبرائیل
 ایتدی (سل ربک) مدداسته اندنکه اکا محتاج سین ابراهیم ایتدی (علمه
 بحال حسبی عن سؤالی) یعنی انک علی حاله مانعدر سؤاله (نظم)
 غافل اولماز دردنی درده گرفتار ایلین * عاشق و عارف دکل دردنی
 اظهار ایلین * ال چکک دردم علا چندنکه تحقیق ایتشم * اسنسه
 صحت ویرر بیماریه تیمار ایلین * فی الواقع برعاشق صادق که یاردن غیر بی
 کندویه اغیار ییلور اغیار تدبیر یله درده درمان قیلغی کشدویه عار ییلور
 روایتدر که ابراهیم غیریدن کمال استغناسی دریای رحمتی موجه کتوروب
 خطاب کلدیکه بدن غیره امید طوعینی بدن غیره محتاج ایتزم و بعض
 دیمش لکه خلیلک جوابی جبریه بو اولدیکه بن محب دوستم هیچ دشمن
 کورمز مکه بوجفالی اندن بتم حاشا که دوست جفا سندن شکایت قیل
 (یفعل الله ما یشاء و یحکم ما یرید) بو گفتاره مقارن ندا کلدیکه (یانار کونی
 بردا و سلاما علی ابراهیم) یعنی ای آتش سوزان سلامت اولغل خلیلله
 نه کیم اول طبیعت بشریتدن چیقوب محض اخلاص اولدی سندخی

طبیعتی که کن چاقوب احراقی اشفاقه تبدیل ایت (شعر) کلشن امیدابر
 صبردن سیراب اولور * صبر قبلسک آب کوهر سنک لعل ناب اولور * تیره
 اولماز کسب ظلمت ایلوب هر خانه کیم * جلوه کاه پرتو خورشیده عالمتاب
 اولور * وحضرت خلیفک بر مصیبتی دخی قضیه ذبح اسماعیلدر که اسان
 تنزیل جاری اولمشدر (ان هذا لهوالبلاء المبین) روایتدر که برکون
 حضرت اسماعیل صید کاهدن رخسار غبار آلودایله حضرت ابراهیم
 حضور ینمکده و حضرت ابراهیم چشم التفاتله اول آفتاب عالمتابک
 صفحه رخسار ینی مطالعه قیلدقه سلسله کیسوی مشکباردن هر سر مو
 جانه برک پیوند وشعشده جال پر نورندن هر رشته شعاع بر عضونه
 بند اولوب لذت دیدارنده محو اولدی و تماشای رخسارنده جمله نقد
 وجودین صرف قیلدی (شعر) تعالی الله بونه رخسار می غوب دلارادر *
 که دل دردنده عاجز جان تماشا سنده حیراندر * لاجرم سلسله غیرت عشق
 الهی متحرک اولوب رابطه محبت مجازینک انقطاعی لازم کلدی
 و معشوق مشفق عاشق صادق اغیاردن قطع ایتکه توجه قیلدی (شعر)
 یار استم که عاشقی اغیاره یار اوله * هر لحظه برتر دله بی قرار اوله * استر که
 لوح ساده اولوب نقش غیردن * پیوسته کندی نقشینه آینه دار اوله *
 القصه چون خلیفک قلبی محبت اسمعیل مملو قیلدی واقعه سنده دیوان
 قضایان حکم اولدیکه ای محرم سرارده خلت وای مقتدای امت اگر
 جاده محبتده ثابت قدم سک بدن غیر یدن رشقی کوتورو مقتونی اولدیغک
 جگر گوشه کل رشته حیانه تیغ انقطاعیتور (شعر) او یله کیم معشوق
 عاشق غیره دمساز استم * عاشقن معشوق هم غیر یله همراز استم *
 ابراهیم اول او یخودن یسار اولدقه هاجره ایتدی ای همسر مهربان
 اسماعیله تجدید لباس برله زیور ویر که دوست مهمانی اولور هاجر بحسب
 الاشاره اول خورشید آسمان لطافتک سنبل کیسوی مشکبارین شانله لبوب
 و اندام لطیفن البسه الوانله مزین قلوب مهیا قیلدقه ابراهیم

ایتدی بررسن و بر تیغ دخی همراه ایله هاجرایتدی یا خلیل الله صحبت
 احباب سبب رابطه اتصال اولور تیغ که آلت قطعدر آنده نه مناسب
 و مجمع اصحاب محل حل اش کمال اولور رسنیکه آلت عتقه در آمده نه و اجدر
 خلیل الله ایتدی شاید بر قربان ایتک لازم اوله و با غلغله و کسمکه تیغ ورسن
 ضرورت اوله القصه ابراهیم و اسمعیل هاجر و داغ ایدوب روانه اولدقده
 هاجر ورطه تفکره دوشوب متحیر قالدقده ابلیسکه محرک سلسله فساد
 و مؤسس بنای عدوان و عناددر فرصت بولوب عزم قیلدیکه خاندان خلته
 رخند براغه و معمره نبوتن خلیلک حیلله ایله یقه بر پیر صالح صورتنه
 متمثل اولوب هاجرک خدمته کلوب ایتدی ای صالحه یلور میسین ابراهیم
 و اسمعیل قنده کندیلر هاجر ایتدی دوست صلاهی ضیافت اورمش
 اکا اجابت ایدرلر ابلیس ایتدی ای غافل غلط خیال ایتش سین ابراهیم
 اسمعیلک فائق دوک استر تیغ ورسندن اندیشه نه اولدیغن بیتلدیکی
 و صورت حالندن کیفیت مألن ملاحظه قیلدیکی و بو گفتاردن ابلیسک
 مدعای بوایدیکه جماعت نسا رفت قابله مشهوره در و طائفه عورت قلت
 صبر و ثباتله موصوفه در هاجر بو خبردن متأثر اولوب اضطراب قیله
 و خلیلک عزیمته مانع اوله هاجر ایتدی ای پیر حرف عجبدر که سن ابلیس
 اولیه سین زیرا جلیل اغیار قتلندن فرار ایدر کن اسماعیلکه یار وفادارد
 جفا سین روا کوررمی ابلیس ایتدی ای هاجر واقعه سنده بوا مره مأثور
 اولشد هاجر ایتدی خلیل کاذب دکلدن فرمان اله بو خصوصه صدور
 بولوب جانب حقندن اشارت بویله اولدیه زلال تیغ بلا چشمه آب بقادر
 و قطره خون اسمعیل لاله کلزار عز و علادر (شعر) جانله بدن اکر
 خشه نو داو له جانانز * جانله مندر آک قربانی اولسون جانز * ابلیس
 هاجر دن نومید اولوب خلیل الله رهگذارین طوقوب ایتدی ای عاقل
 زمان وای افضل اهل جهان نه روا که کلزار نبوتک نهال نور سین زینت
 کلشن اقتدار یکن وسوسه خواب خیال ایلله آزرده تیشه جفا قلا سین

و صد فرسالتك كوهر تابناكن زيور افسر عز و اعتبار ايكن دغدغه
 فكر مجال ايله كرداب بلايه صالوب متخير و متأسف اوله سين (شعر) باغبانا
 زينت كلزار اولان شاخ كللى * كسمه فوت زينت كلزار دن انديشه قيل *
 شاد ايدوب اغيار يكي آزرده قيلمه يارى * ذبح يار و طعنه اغيار دن انديشه
 قيل * حضرت خليل ييلديكه اول ابلوس در ديدى اى مدبر اكر چه ميوه
 نخل حياتم و جوهر كنجهينه ذاتم اسمعيلدر حقا كه اكر هر يك اعضاى تركيم
 بر اسمعيل اولسد و جمله سنك قطعنه امر موجود صدور بولسه توقف ايتيم
 و طريق تخلف طوتميم (شعر) درد عشق يار كوكم ملكك سلطانيدر *
 حكم آلك حكيم در فرمان آلك فرمانيدر * ابلوس لعين اندن دخى مأيوس
 اولوب اسماعيلي طفل كوروب فريه قابل تصور ايدوب ايتدى اى كل كلزار
 نبوت و نهال حديقهد رسالت عزيمتك نه يكادر اسماعيل ايتدى دوست
 ضيافت خانه سنده ابلوس ايتدى حاشا ابراهيم سنى ذبح ايتك تدار كنده در
 اسمعيل ايتدى اى پير كراه اك كر بنم قلم اك امر اولمسه دخى آلك
 اطاعتى بك امر اولمشدر اتقيانده ترمدم بوقدر خصوصاكه امر اولمش
 اوله (شعر) جانمى جانان اكر استرسه منت جانمه * جان ندر كيمانى قربان
 ايتيم جانانه * خليل ايتدى اى اسمعيل بو بدبخت شيطاندر رحيله سندن
 حذر ايت اسمعيل جانب ابلوسه سنك اجتناب اتوب دفع ايتد كد نصكره
 والد صالح و ولد خلف اتفاقله منايه كلديلر ابراهيم تبغ چكوب رسن
 چوزوب ايتدى اى فرزند عزيز ناظم كارگاه حكمت و مصور صورت
 خانه فطرتدن ذبحكه حكم اولوبدر صلاحك ندر اسمعيل ايتدى اى والد
 بزرگوار بوفرمانه موجب نه اوله خليل ايتدى محبت قبول مشاركت قيلز
 و محبتده مشاركت مناسب اولماز غالباطفيان محبتك موجب تحريك
 غيرت حضرت عزت واقع اولدى و هو اى افراط مودتك دري اى
 محبوب حقيقى متحرك قيلدى اسمعيل ايتدى اى عزيز (شعر) عجب
 للمحب كيف ينام * كل نوم على المحب حرام * ديمشدر معشوق عاشق

قیلانی نه مقدار عمل مأجور و عبادت مأثور در فی الواقع مناسب کورینور
احوال شهید کر بلا وقایع ابراهیم و اسماعیله اگر ابراهیم آتش نمروده
توجه قیلدوده ملائکه دن معاونت قبول ایتدی شاه کر بلادخی مصائب
کر بلادده اشکر جن و سپاه ملکن مساعدت استیوب دامن استغاثه
طوتمدی و اگر ابراهیم واقعه حکمیه بر اوغلن ذبح ایتکه اقدام ایتدی
شاه کر بلادخی واقعه مقتضاسنجه متعدد اولاد و انسابن فدا قیلوب درجه
کاله یتدی و اگر اسمعیل نقد جان صرف راه حق ایتکه موفق اولدی
شاه کر بلادخی اول مرتبه بی احسن وجهله حاصل ایدوب شهادته توفیق
بولدی ائمه اهل یتدن مسئولدر که هر دانه سرشکم شهداء کر بلا ایچون
کوزدن دو کور صدف شرفده بر کوهر آبدار اولوب میزان عملدن اکثر
سیناتی انکله رفع اولور و صحیفه اعمالدن اکثر سواد و خطابی اول محوق اولور
(شعر) کر بلا تشنه لرین باد قیلوب اشک دو کن * عطش روز جزادن الم
و غم چکمز * شهدا حالن اکوب دردله یا توب یا قلن * الم شعله نیران جهنم
چکمز * شیخ سهل بن عبدالله دیمشدر که بن عاشورا کونی اشک ندامت
دو کردم و تأسف چکر دمکه دریغ واقعه کر بلادده اول شاهک ملازمته
موفق اولدم و مقدمه سعادت و شهادت بولدم بوملامتله دیده نمائیم
او یقویه کتد کده حضرت رسولی واقعه کوردم بیوردیکه ای سهل
حضرت ذوالخلائک عظمتی حقیچون هر قطره اشک که بنم فرزندم
مصیبتده کوزدن دو کدک اولقدر ثوابه سیدر که حسابندن کتاب دیوان
افلاک عاجز در (و بودخی اخبار معتبره دندر که حضرت حسین روز قیامتده
عرصه عرصاته چهره خون آلودله کلوب مناجات ایدر که (رب شفعی لمن
یکی علی مصیبتی) یعنی الهی رخصت شفاعت ویر بکا انار ایچونکه
مصیبتده اشکار اولشور و بوتن یتده اهل یتمه متابعت ایتشدر (شعر)
خوش اولیکه یاد قیلوب کر بلا شهیدلرین * زمان زمان دو که لؤلوی شاهوار
سرشک * کر اولسیدی غرض ماتم حسین شهید * ریاض دیده ده اولمازدی

جویبار سرشک (فصل فی ابتلاء یعقوب علیه السلام) زهره ارباب بلا
 و فرقه اصحاب عنانک بری یعقوب بنیدر و بری یوسف صدیقدر حضرت
 امام رکن الدین علیه الرحمه ترجمه سوره یوسفده بویله تحریر اینشکه
 برکون شمس ایوان رسالت و دیباجه دیوان نبوت ممکن مسند راحت
 اولوب دریای التفاتک برکنارنده کوه معدن وفا حضرت حسن مجتبی
 و برکنارنده سروجویبار سخا حضرت حسین بن علی المرتضی قرار
 طوتوب کاه اول جوهرک نظاره سنده دیده نور و یردی و کاه بوسرولک
 مشاهده سندن سنده سروریتورردی و بواله مقارن جبریل ملک
 جلیلدن کلوب سلام یتوردی حسن و حسین اشارت قیلوب ایتدی یا محمد
 (انجبهما) حضرت بیوردیکه (نعم اولادنا کبانا) جبرائیل ایتدی یا نبی الله
 محبتلی منسا و عیدر یا متفاوتی حضرت ایتدی (لافرق بینهما) بر بحر
 معارف کوه لریدر و برفلک مکارم اخترلیدر جبرائیل ایتدی یا رسول الله
 بوشهراده لک بری زهر جفا ایله فوت اولوب و برینک تیغ بیدر یغ ایله
 بغین چاکلیدر حضرت رسول ایتدی (من یفعل هذا بهما) جبرائیل
 ایتدی یا رسول الله امت بیوفارک حضرت رسول ایتدی آناه جرمه مقتول
 اوله رفه جنایتله بوجقایه استحقاق بولهلر جبریل ایتدی جرمندن مبرا
 و جنایتدن مبرا حضرت رسول کنندیسین بولایه مخصوص تصور
 قیلوب بوجفادن متألم اولدقدده جبریل اول حضرتک تسلی خاطر یچون
 یوسف سورده سین نازل ایتدیکه نحن نقص علیک احسن القصص (شعر)
 مصیبت حسن و محنت حسین شهید * دمی که اولدی غم افزای طبع پاک
 رسول * تسلی دل پاک رسول ایچون حقندن * بیان قصه یعقوب و یوسف
 ایتدی نزول * و منشا ابتلاء یعقوب اولدر که اول حضرتده حقندن اون
 ایکی اولاد ذکور کرامت اولندی وجهه سندن سیرته و صورتده یوسف
 اکمل واجل واقع اولدی تکیم صریح تنزیل آندن خبر ویر (ماهذا بشرا
 ان هذا الاملاک کریم (بیت) جمال بی بدل و فتنه خواص و عوام * کل

همیشه بهار و مه همیشه تمام * عشق و محبت ملازم حسن و ملاحات
اولی عادت معهود اولغین دیده بصیرت یعقوب یوسفک کال جهان
بر غایتده واله اولدیکه باقی اولادن فراموش قیادی اولاد یعقوب بو حاتی
مشاهده قیلد قده آتش رشک خرمن مر و تدرین یاقوب وسیل حسد بنای
مود تدرین یعقوب یوسفک دفع و رفعت همت طوتدیلر وقاعده مراعات
ابوت و اخوتی اون تدیلر (شعر) هواند بادی بنالریقر * حسد تشی خاغانلر
یاقر * همیشه مقدمات مکر ترتیب ایدوب انتظار فرصت چکر لردی
اول زمانه دکه یوسف واقعه سنده مهر و ماه و ستاره بی کند یسنه ساجد
کور دی و یعقوب دن آنک تعبیرین صورتی و آنک بوم باهاتیدن حسد
اخوان زیاده اولوب رموسمکه یوسف کل کلزار مصرک سلطانی
اولشیدی و دشته سیلاب کف مخضوب خواتین مصرکی اعضای لاله
زاری پاره پاره قیلشیدی اولادی اتفاقله یعقوب خدمته کلوب ایتدیلر
ای آسمان نجوم سعادت وای معدن جواهر فتوت ابکار رباحین
پرده خفادن چقبوب عالم افروز اولدی * و مشاطه نو بهار چله جهانی
حلیه اظهار ایلدمن بن قیلدی و صریر صدای سیلاب (انظر و الی آثار
رحه الله) دیو سکان بیت الاحزانه صلاهی سیر صخرا ویر و زبان سبزه
نوخیز (انما الحیوة الدنیا لهو و لعب) دیو ابناء زمانه زده تماشاوی بیابان
یتورر (شعر) چقبودی یشل پرده دن عرض ایلدی دیدار کل * سلادی
مرآت ضمیر پاکدن زینکار کل * صان زلیخا خلوت بدر غنچه در بسته کیم *
چقبودی آندن دامن چاکله یوسف وار کل * نوله که بوموسمه
یوسفه رخصت و بره سنکه بر نیجه دم لاله زار سبزینه کل کبی کوکلی
آچله و سبزه نظاره سی زکس شهلا سین نور و بنفشه عطری دماغ
لطیف منظر قبله یعقوب ایتدی ای عزیز یوسف ناز پرورده مسند
راحتدر تردد جفا سنه تحمل ایتر و طفل نازک طبیعتدر سباع و ذیابه مقابل
اولسه مقاومت قدرتی یتر اولاد ایتدیلر ای پدر بزرگوار یوسف

بنم حصن حایتمزده و حرز حراستمرده اولسه حله سباعه نه بحال * یا اثر
حله ذیابه نه احتمال (القصه انواع الحاح ایله یعقوب یوسفک قرائنه رضا
و یروب اندام لطیفن ملون جامه لاله مزین قیلوب اولادنه همراه ایدوب
سپارش ایتدیکه خارج دروازه کنعانده شجره الوداع آلتنده بن کلنجه
توقف ایدک آندن کیدک آنلر شهر دن چیقوب شجره الوداعه یتدکدن
صکره یعقوب دخی متعاقبا کلوب یوسفی اختیار سز باغری نه باصوب یوزین
یوزینه سوروب ایتدی ای اولاد امجاد بنی یوسف محبونده معذور طوک
که اختیار له دکل (شعر) لذت شوق جمالی دمدم افزون اولور * عارضین
کوردیکه کوز و کوکلم بتر مفتون اولور * یوسفه ایتدی ای جگر کوشم
حقا که اگر قدرتم اولیدی سندن ایرلمازدم اما بنده یم ضعیف حالم ای
فرزند دلبنده جهد قیل که بو کیجه معاودت قیله سین (یانی او بقیته الایل
لا حرقت) پس یوسفه آغاز نصیحت ایتدیکه ای قره العین (الایله حبلی)
معلوم دکل که یارن آینه روزگار نه صورت کوستر و بو بوستان عالمده
نهال حکمت نه عمر ویر (شهر) بو بحر نیل کونیک موج هر ساعت عیان
ایلر * اولوا لا بصاره بر برکشف اسرار نهان ایلر * حالاسکادرت نصیحتم
وار (یانی لا تنسی الله) یعنی معبودی اونمه (اذ اوقعت فی بلیه فاستعن بالله)
یعنی اگر بلایه دوشیر ایسک معبود کدن معاونت استمه (و اکثر من قول
حسبی الله ونعم الوکیل) یعنی بو کلمه بی چوق ذکر ایت (لا تنسانی فانی
لا انساک) یعنی بنی فراموش ایلمه که بن دخی سنی فراموش ایتزم (روایتدر که
یوسفک دنیانام بر همشیره سی اولوب اول متوجه صحرا اولدیغی زمانده
او یقوده ایدی واقعه سنده کوردیکه بر نیجه کرک خونخواره یوسف گرفتار
اولدی اضطراب له بیدار اولوب یوسفی تفحص ایتد که دیدیلر متوجه
صحرا اولدی فریاد و فغان ایله شهر دن چیقوده کوردیکه یوسف یقه قوبله
وداع ایتدیکه در ایاغنه دوشوب تضرع قیلدیکه ای عزیز پریشان واقعه
کوردشم بوسفر عزیمتن فسخایت وا کر توجه لازم ایسه بکاملازمه کده

اوله در خست و یرکه مفارقه طاقتم یوقدر (شعر) شب وداع سحرگاه
 روز هجراندر * اساس بنده فریاد آه و فغاندر (القصه اقتضای حکم
 قضای صبح عزیمت رضا و رمبوب یوسف والد بزرگوار و همشیره وفادار له
 وداع ایدوب اخوان جفاکار له روانه اولدوقده یعقوب عم روبله ایتدی
 سن اکبر اولادم سین یوسنی سکا طاپشوردم سندن استرم غالباً یوسم و دنگه
 دیمدی اللهه طاپشوردم بونجه فراقه سزاوار اولدی و بونجه بلالره
 استحقاق واستعداد بولدی (شعر) هیچ مقصوده دسترس اولماز * غیر
 معبوده اعتماد قیلان * واصل منزل مراد اولماز * اونودوب آنی غیری
 یاد قیلان * و بر مشربه شیر و شکر روبله تسلیم ایتدیکه یوسفک طبع
 نازکنده تاب حرارته طاقت یوقدر تشنه اولدوقده بومشربه دن حرارته
 تسکین و یره سزوزیاده توقف ایتوب یوسنی بکایتوره سزکه سز کلنجه
 بن منزله کتیم (القصه آنلر روان اولوب و یعقوب اثر زینه نکران قالب
 هر لحظه بیک آه جگر سوز چکردی و هر دم بیک قطره سرشت لاله کون
 دو کردی (شعر) کتدی اول سرو که کام دل دیوانه ایدی * مرغ جان
 نورخ شمعنه پروانه ایدی * قالدی هجرنده کوکل مضطرب و سرگردان *
 ای خوش اولدمکه اکاه همدم و هم خانه ایدی * یعقوبک عرصه
 مشاهده سنده اولدوقه یوسنی قرداشلری مکرّم و محترم طوتوب گاه
 کوکسلرینه آلوب و گاه باشلری اوزرینه کوتوروب یورلردی (شعر) کی
 کوکسنده ایلردی مقامن * کی باشده مقام احترامن * کی ایلردی
 کرد دامن پالک * یولندن رفع ایلردی خار و خاشاک * کی تکرار ایدوب
 کفتار شیرین * و یردی نازنین طبعینه تسکین * کروه حیلّه انکیز
 وجناجو * کمال مکرله یعقوبه قارشو * قیلوب اظهار اثار نلطف *
 قبولرلدی قوت عظیم یوسف * چون امتداد بعد مسافه یعقوبله اولاد
 آراسنده حائل اولدی ورشته مدشعاع بصر یعقوب تبع اشکله انقطاع
 بولدی اول یوفار قوه زنده اولان کینلرین فعله کتوردیلر و پرده مواسات

و مدارای آرادن کوتوردیلر ویوسفی که افسر فرق رفعت و کوهر تاج
 سعادتلی ایدی عمامه ماتم کی باشلرندن خاك مذله براقبیلر و کوردیکی
 واقعه دن تعرض ایله ایتدیلر که ای صاحب رؤیای کاذبه مسجودلی
 اولدیغك مهر و ماهه استغاثه قیل سکا اعانت ایتسونلرو واقعه کده
 کوردیکك ستاره لر دن توقع ایتکه هبوط احتراف بالیکه مساعد اولسونلر
 (القصه یوسف اوج تعظیمدن حضيض تخفیفه دوشوب هر کیمه که
 توجه ایتدیه تعرض اشدی و هر جائیه که مانل اولدی آزار بولدی ظلم
 ایله عمامه سین باشندن آلوب و نعلینن آیاغندن صالوب سنبل کسولین
 پریشان ایتدیلر و خا و حاشا ک اوزره انی باره نه یورتدیلر (نظم) کف پاین
 جراحت قبلدی پر خون * سمن بر کینی خوناب ایتدی کل کون * غبار آلوده
 اولدی ماه روی * پریشان جعد موی مشک بوی * کیمه کیم دردینی ایلدی
 اظهار * اکالته آندن یتدی آزار * کیم کیم دامننی طودی اول پاك *
 کر بیانی قبلدی کل کی چاك * کیم کیم ایاغنه دوشدی اول نور *
 باشندن قبلدی رأفت سایه سین دور * اولوقته د ککه درجه آفتاب ارتفاع
 بولدی و هوا سینه سوزان یعقوب کی عالم سوز اولدی آتش عطش جگر
 یوسفه حرارت براقدی و لهب شدت تعطش خرمن صبر و قرارین یاقدی
 (شعر) پر مرده قبلدی سرو خرامانی قحط آب * کلبر که دوشدی تاب
 حرارتدن اضطراب * یوسف غایت اضطرابدن رویله ایتدی ای برادر
 بن سنك حبطه حایه کده و حرز حراسته کده یم بنم حالمه رحم ایله و فریاده
 یت اندن التفات بولوب شمعونه ایتدی ای برادر تیغ طغیان عطش رشته
 حیاتم قطعنده درنوله بر قطره صوایله نائرة اضطرابمه تسکین ویرسک و والد
 بز کوهر همراه ایدن مشربه دن جان سوزانمه راحت یتورسک شمعون
 بیروت اول مشربه بی طیراغه دو کوب اکا ویرمدی و اول شیر و شکری
 تیره طیراغه روا کوردی اکالایق کورمدی نکیم دشت کر بلا ده بعض
 بد بخملر زلال فرات جمیع مخلوقات مباح ایکن آل مصطفادن قطع ایتدیلر

و طریق هدایت ظاهر ایکن راه ضالیتی طو تدبیر (نظم) روز رزم کر بلاراه
خطاطو تمش فراپ * قیامش آل محمد دردینک درمانی * اول سیدندر
بو کیم عذریله طو تمش متصل * ابایوب فریاد خاکه کر بلادمانی * القصه
شمعون ایتدی ای یوسف قدراشکر کدن توقع ایتدی کک قطره آب دشمنه تیغ
ابدردر و طمع ایلدی کک انتفات نوک خنجر خونخواردر یوسف که وعید
هلاک اشدی محافت قتلندن اکل و شربی فراهموش ایتدی (شعر)
چو نومید اولدی افغان ایتدی یوسف * دراشکینی غلطان ایتدی
یوسف * جگر فایله زکائی ایدوب نم * نم زکانه درد دی دمام * کهای
سبل سر شک تندر فتار * چومانع یوق سکا لطف ایلنه زهار * یوری یعقوبه
حالمند خبرویر * غمی اعتدالندن خبرویر * خبرویر سوله ای پیر بلا کش
* قیلوبدر یوسفی کردون مشوش * اولوبدر خاک ذلت خاکساری * نه
همرازی نه غمخواری نه یاری * آبا کر یعقوب پریشان روزگار یوسف
نخستنه خصالی اول ذلتله کورسیدی نولوردی حالی واکر حضرت
مصطفی کر بلاده حسینک احوالنه مشاهده قیاسیدی نه غایته بتردی
مخت و ملالی (شعر) تحقیق محنت و غم آل عباسی چون * صحرای کر بلایه
کذرایله یانی * حال حسنه خاک مذلتنده قبل نظر * اندیشه غریب دیار ایلله
یانی (القصه یوسف جمله دن نومید اولوب روی تضرعی درگاه حاجاته
وقبله مناجاته طو توب ایتدی الهی تکیم نارغرو ددن خلیله نجات ویردک
و طوفان اضطرابندن نوحه مدد یتدک بکا بو حادثه دن امان ویر
یوسف نسیم مناجاتی یهودا ک روضه ضمیرنده کل رقت آچوب یوسفه
ایتدی ای برادر توهم ایتدکه غم بقای حیاتمدن اراولدیقه سکا نثاریمز
و صرصر آفت حصن حیاتمه ایکن کلشن احوالکده کذرا ایمز سا راخوان
یهودا ک ظل حیاتن یوسفک اوزرنده ممدود کوروب قتلندن تجاوز ایدوب
بر غیر تدبیر ایتدبیر (واجعوا ان یجعلوه فی غیابت الحب) اتفاق
کنمندن اوج میل مقداری یرده برچاه بعید لغور واریدی مهجور

یوسفی اول چاه اوزرینه ایتوب براتق تدارکنده اولدقده یوسف اول
واقعده هولندن اضطراره دوشوب اخوان یوفارکالارین اوپوب آقلمرینه
یوزسورب استغائه قیلوردی اما فائده قیلردی و هیچ برینک دل سختی آنک
مرورسبل سرشکندن نرم اولمازدی (نظم) دردا که دارد هرده یارقالمادی
* شرح غم دل ایتکه غمخوارفالمادی * طی قیلدی جور دوردی مروت
بساطنی * مطلق بساط دهرده یارقالمادی * یوسف کوردیکه امدنجات
یوق تضرع ایتدیکه ای عزیز مهلت ویرک که ایکی رکعت نمازه قیام ایدم
دیدلرسن نمازی نه ییلورسین یوسف ایتدی اکر چه طفلم اما پدر بزرگوارمله
محراب عبادته چوق توجه ایدوب عادت ایتدین مألوف اولمشدر (القصة)
اجازت آلوب نمازه مشغول اولدقده مناجات ایتدیکه یارب زمام مهام سنک
قبضه اقتدار کده در سندن حیایت استرم دیومناجاتدن فارغ اولدقده
اول یوفار اطاله دست تغلب قیلوب بدن مبارکندن پیراهنن چینه قارمق
استدکلرنده یوسف ایتدی ای بیرونلر زنده ستر عورت و مرده کفن
لوازمنددر نوله کر پیراهننه متعرض اولبه سزدینجه دیدیلر که خون آلود
ایدوب حضرت یعقوبه کوستر مک مصلمتی ایچون پیراهن بزه لازمدر تضرع
فائده ایتوب بدن لطیفن غنچه وار پیراهندن معرا قیلدیلر و موی میاننه
رشته رسنی یوندا ایدوب تیره چاهه ایندر دیلر (مشوی) تنی پیرهندن
قیلدیلر عور * کلن رک سندن صالدیلر دور * رسنلر ایلوب اعضا سنه بند *
درون یا قیلر قندیل مائند * مفید اولوب فریاد و آهه * آتی ایندر دیلر
اول تیره چاهه * شعاع نور روی و برق آهی * منور ایلدی اول تیره
چاهی * اما هنوز نصف راه قعر چاه قطع اولدن اول رسنی سلسله
محببتلی کبی قطع ایتدیلر و اول بیچاره بی تنهاراغوب اول چاهک اوزرینه
خاروخاشاک ییغوب اوزرندن کتدیلر روایتدر که یوسف غبردن قطع امید
ایدوب کندیسین واجب الوجوده تسلیم ایدوب غایت دهشتندن
بیهوش اولدقده حضرت عزتدن جبرائله حکم اولدیکه یاجبرائیل

ادرك عبدی فی الحال جبرائیل یوسفی کوتورب قهرچاهه یتوردی وحل
 بهشتیدن ستریدن و یروب پرو بان صحت ایچون جراحاتلرینه سوروب
 و سمر بارکن خالك مذلتدن کوتوروب صورت احواله حیران قالدی ندا
 کلدیکه ای جبرائیل یوسفک برنجیه کون مواسستن اختیار ایتکه غریبدر
 بیدار اولدوقده اکا بنم سلام یتور و مرده نجات ویر جبرائیل ایتدی
 الهی اجازت ویرکه کندیمی اکا یعقوب صورتنده کوسترمکه غایتده
 مشفققدر یوسف اول خواب دهشتدن بیدار و اول سکر مختدن هشیار
 اولدوقده جبریل یعیقوب صانوب فریاده کلدیکه یا بته کوردکی که اخوان
 ییوفا بکانه جفال قیلدیلر و نه عقوبت لره بنی بوزندان بلایه صالدیلر جبرائیل
 اول اضطرابه طاقت کنور محبوب ایتدی ای یوسف بن یعقوب دکلم
 جبرائیل امین و رسول رب العالمین حضرت حق سکا سلاملر یتور و فراق
 والدک خصوصنده تعزیت ویر و حکم ایدرکه بلایه تحمل قیله سین
 و صبرایله نجاته امیدوار اوله سین (شعر) صبر قبل صبرله مقصودنه صبر
 اهلی یتر * صبر ایدن صبرله سر رشته * مقصود طوتر * روایتدرکه یعقوب
 اولادیه و داع ایتدی بی منزلدن متحرک اولوب اول مسافر لک مر اجمعتنه
 انتظار چکردی و لحظه لحظه یاد رخسار یوسف ایدوب آه حسرت
 چکوب دیده دن اشک ندامت دو کردی اول زمانه دکه یوسف
 خورشید رسن شاعله چاه مغربه نزول ایتدی و غبار کدورت ظلمات
 دود دل یعقوب کی صفحه روزکاری طوتدی قطعاً مسافر لدن اثر پیدا
 اولوب یعقوبک اضطرابی زیاده اولوب دیردی (شعر) برخبرویرای صبا
 سرور و نام قنده در * جانک آرام یوق آرام جانم قنده در * یلندک نندک فلک
 خورشید عالم تابمی * اول رخی فرخنده ماه مهر بانم قنده در * دمدم تخیل
 ایدر دیکه آبا و اجدادن اختر مر ادم طلوعنک تا خیر نه نه سبب واقع اولدی
 اوله آسمان دعدان آیت رحمت نزولنه نه مانع اولدی اوله (شعر) بنی دور
 ایتدک ای دور فلک بر ماه سیماد * که ذوق وصالدر یکرک بکاذب و عبادن

شب تاریکدن ای کردون قیاس ایتکل آنک حالی * کد شمشدر جدا
بر آفتاب عالم آرادن * یعقوب تمام کیجه بوسرور ايله مترنم ایدی اول
وقته د ککه یعقوب سفیدموی صبح صادق یوسف خورشید اشیاقدن آه
سرد چکدی و بیر کردون خم فامته اول آه سردن رقت کلوب ستاره
سرش کن دو کدی یعقوب ادای نماز صبح ایدوب اول کون دخی منزله
مر اجعت قیلوب شجرة الوداع آلتنه سایه واریدن ره متردد اولوب
اول شمع شبستان سعادتک انتظار ايله نوحه قیلدی اماخوان یوسف اول
امر قیجه ارتکاب ایتد کدن صکره اول کیجه مر اجعت مہسراولوب
صحرا ده قالبوب اویقویه یاتدیلر نصف النایده یهودا سائر خوانندن
مخفی چاه اوزرینه کلوب ندا قیلدی که (یاخی اخی ام میت) یوسف
ایتدی ایاسن کیسنکه غریبلر حالن استفسار ایدرسن دیدی بن یهودایم
ای برادر ندر حالک یوسف ایتدی ای عزیز نوله حال آنک کیم غریبلردن
جفا کورد کده معاونتن استدبکی قومدن جفا کوروب آتش فراق
پدر و نائره جفای برادر دن خرمن حیاته حرقت فنا یتہ و خدمت
ایچون دامن طوتان طائفه بیداد ایچون کر بیانک طوته (شعر) غریب ملک
عشقم غیر اشک و آه درد و غم * نه بر مشفق نه بر مونس نه بر یارونه بر همدم *
یهودا ایتدی ای برادر کیفیت حالک معلومدر وصبتک وارا یتسه بیان
ایت یوسف ایتدی وصبتم بودر که والد بزرگوارم حضه ورنده مجلس
جمعیت کز انقصاد بولدقده بنم پریشان لغمی فراموش ایتیه سز و جهد
ایدوب اول پیرضه بفتک کو کلن یاپوب خاطرین بقیمیه سز الله الله
نه متاسبدر بو وصبت اکا که حضرت سلطان کر بلا امام زین العابدینه
وصبت قیلدی که ای فرزند دلبند بنم سلامی صلحای اتمه یتور و التماس
ابت که هر وقتده بر مظلوم و بر غریب مشاهد قیلدقجه بنم غریبایکم
و مظلومایم یاد ایدیلر (شعر) ای قیللر آرزوی آب کورده بدم * تشنه
دندان کیدن آل رسولی یاد ایدک * ماجرای کر بلا ذکرین قیلک شام و سحر

طبعی اول ذکر رقت بخشه معناد ایدک * روایتی که یهودا هنوز
مراجعت قیامدن برادرلی خبردار اولوب عقبه کلوب کوردیلر کرین
سبب کریه نه در دیدیلر ایتدی بو غریب ایچون آغلم برادرلی آتی ملامت
ایدوب و سرچاهی محکم ایدوب متوجه کنعان اولدیلر و یوسفک پیراهن
رک ایدوب کل کی خونین ایدوب سباعه الدردق دیمکه اتفاق ایتدی لر شجرة
الوداعه قریب اولدوقده یعقوبه ملازم اولان نیا نام دختر بلندا ختر کوردیکه
اولاد یعقوب کلورل اما یوسف آرالنده یوقدر اعضا سینه رزه دوشوب
مضطرب اولدوقده یعقوب ایتدی ای ضعیفه بونه رعشه در اول معصومه
ایتدی ای پدر بزرگوار اولدولر کلور اما یوسف آرالنده یوقدر بلنمه حکمتدر
(بیت) کلر آچلدی کورنر اول کل خندان چه سود * چیتدی لر سیاه لر
چیتدی لر نه تابان چه سود * و حاله مقارن اولاد یعقوب یلدیلر که هنوز یعقوب
شجرة الوداع آلتده در حبله ایله کریسانلرین چاک و مکرله دیدلرین ننگ
ایدوب (واخاه وایوسفاه) دیوب نو حبه به باشدیلر نیا صورت حاللرندن
مضمونه مطلع اولوب یعقوبه خبر و رد کده حضرت یعقوب یهوش اولوب
دوشد کده نیافرید ایتدی که ای عزیز لر یعقوب الدن کتدی مدد قیلاک اولاد
یعقوب اول پیرمظلومک اوزرینه جمع اولوب یهودا ایتدی ای جاهلار بونه
فکر خطا و اندیشه ناصواب ایدیکه قیادیکن حقا که بوتدی بیک نتیجه سی
دنباده ملامت و آخرتده خجالتدر (القصد یعقوب ناهرادی یهوش ایکن
اول خالک مذلتدن کوتوردیلر و کندی محنت خانه سنه یتوردیلر برمدت نصکره
یعقوب دیده نمانکن آچوب یوسفی استفسار ایتد کده اول جفا جور رشته
تیره تاب و یوب یوسفک پیراهن خون آلودن آرایه کتوردیلر و سباع و ذبایه
تهمت براغوب ناله و افغانلرین افلا که یتوردیلر یعقوب اول خبردنینه
یهوش اولوب برمدت نصکره ایتدی (این انا) دیدیلر کندی منزل کرامت کده
و مقرر سعادت کده سن یعقوب ایتدی حاشا چون یوسف یوقدر منزلتدر
و مقام مقامند ایتدر (شعر) بیدرم جان و جهانی بکادار کرک * نه درر

جان و جهان ماشقه دیدار کړك (القصة يعقوب حزين لباس ماتم
 كيوب و بنای بیت الاحزان قیلوب ناله و افغانی برغایتیه یتوردیکه
 ملائکه آسمان متضرع اولوب مناجات ایتدیلرکه یارب یوسنی یعقوبه
 واصل ایت یازره رخصت ویرکه ریوزینه اینوب اکا موافقت قیللم
 جبرائیل ایتدی یا یعقوب (ایکیٹ بیکنک الملائکه) یعقوب ایتدی
 ای جبرائیل (شعر) بسته دام غم هجران یارم نیلیم * عیب قیلک کریدی
 بی اختیارم نیلیم * یعقوبك آب چشم اشکباری برمر تبه رخصت
 جریان بوالدیکه سواد مردم چشمین بیاض دیده دن محو قیلدی نیکیم صحیح
 تنزیل آندن خبر ویرکه (وایضت عیناه من الحزن) نقلدرکه حضرت
 امام زین العابدین واقعه کربلا دنصکره همیشه کریان ایدی التماس
 ایتدیلرکه یا امام کثرت بکایه اقدام ایتمه صبرایت اول حضرت یوردیکه
 ای عزیز زنی معذور طوتک (شعر) براوغلندن جدا دوشمشدی یعقوب *
 هجوم کریه چشمین قلدی بی نور * عجبمی کریه قیلسم بیکه دوشدم *
 نیجه یوسف کپی معصومدن دور * حضرت یعقوب پیغمبر می سادر
 اون ایکی اوغلندن بری غائب اولدی و غائبک دخی وصالنه رجا حاصل
 ایکن اولقدر اغلبدیکه نقطه سواد دیده سن تیغ سبل سرشک حک قیلدی
 والد بزرگوارم و اعمام عالمقدارم و اخوان بلند اقتدارم حضه ورده
 شهادت بولدیلر و بی امید عالم بقایه توجه قلدیلر کریه قیلسم عجبمیدر
 (شعر) بنم عالم نه یاسون اولین محنت گرفتاری * بلا آزرده سی غربت
 پریشانی غم افکاری * روایتدرکه اولاد یعقوب یوسنی براغوب
 کتد کدنصکره هر زمان معاودت قیلوب احوالن تجسس ایدرلر دی برکون
 مالک نام برتاجرک کذاری اول چاه اوزرینه دوشوب یوسنی چبقار قدده
 اولاد یعقوب خبردار اولوب اوزرینه واروب بو زم قولیر دردیو آتی مالک
 صاندیلر و سوارش قلدیلرکه بو بنده کربری پادر بندوزنجیر سز قومک و عبد
 حاصیدر استبقای اکل و شر بله طعنان ویرمک یوسف صدیق آنلرک کلماتن

نثار ویر روایت در که عزیر مصر یوسفی مالکدن آلوب زلیخا ک خدمت
اکامقر قبلد قد و زلیخا آک دام مجبئه گرفتار اولد قد چون عشق زلیخا
آلوده مجازیدی تاب ملامت کنور میوب کند یسنه راحت و معشوقه
محنت روا کوردی و دامن پا کنه چاک تهمت براغوب بند و زندانه
اکا اذار یتوردی (شعر) عالم عشق ایچره اولدر عادت معهود کیم ❖
عاشق اهل درد اولوب معشوق اولان یبدر د اوله ❖ هیچ عاشق
خاطر معشوقه آزار استر ❖ مرد اولان معشوقه جور ایتر مکر نامرد
اوله ❖ بر کون زلیخا حکیم ایتدی که یوسفی بر زنجیر ایله ناقه یه بند یروب مصر
محله لنده کرد یروب ندایدلر که ولی نعمتی حرمی سراینده خبات قیله ک
جراسی بودر بوخبر شایع اولد قد مصر ک در و دیواری نظاره اهلندن
صحایف تصویر اولدی زیرامشاهده جمال یوسف اهل مصری غایت
حیرتن صورت دیوار قبلدی بو طریقه سیر ایدر کن زلیخا کسوت مجهول
یوسف ک گذرگاهنه کدی که حالن کوروب کلماتن استماع ایده بو حالتده یوسف
مناجات ایتدی که الهی بیکناهم سن واقع حاله واقف سین (شعر) بزرگوار
خدایا اسبر و حیراتم ❖ شکسته حال دل آزرده و پریشانم ❖ مقیم گوشه
غم مبتلای دام الم ❖ اسبدر درد و گرفتار بند و زندانم ❖ جبرائیل حضرت
جلیلدن کلوب ایتدی ای یوسف بند و زندانن الم چکمه کیم سنک ریزه
حبس معاندنه مضایقه چکمه لعل آیدار اولوب زیور افسر سلاطین
اولماز وقطره آب تنکای صدفده محبوس اولسه در شاهوار اولوب محبوب بلر
وصالنه دسترس بولماز ای یوسف زلیخا گذرگاه کده طوروب مترصد
استماع کلامدر حکمدر که جراح قتیله سین و کثرت المدن منشکی
اولمه سنکه زلیخا عملکدن خشود اولیه و سنک ملاکدن سرور بولیه
روایتدر که یوسف زلیخایه یتد کده منادی لسانه بوجاری اولدی
(هذا غلام من کنعان والعزیز علیه غضبان) جبرائیل ایتدی ای یوسف
منادی یه جواب و یرکه (هذا خیر من غضب الرحمن ومعصبة الدیان

ودخول النيران وسرايل القطران) يوسف بواد اليه متكلم اولدقه
 جبرائيل اول صدي زليخايه ايشرددي وزليخانم فعل اولوب كندی منزله
 مراجعت قلوب حارس زندانه ارسال پيام قبلديكه من بعد بو غلامه جفا
 روا كور محبوب بندوزنجيرين كوتوروب حسن رعایتنده تقصیر ایتدیه سین
 (القصة يوسف يبل مقیم كوشه زندان اولدی اما اول مرتبه افغان
 ایدرديكه اهل زندان دیرلردی ای عزیز كوندناله ایدرسین باری كیجه
 تحمل ایتكه بزه راحت ميسر اوله زليخا بو حاله مطلع اولدقه یورديكه
 زندانن شارع عامه بردریجه آچه لاوله كه صادر و وارد و نظاره سندن
 يوسفك دل بیقرارنه برقراركه اتفاقا اول دریجه جانب كنعانه
 آچلدی هر كیجه كه صلابت هندوی ظلمت شب اول كذر كاھدن خلقك
 تردد قطع ایدردی يوسف اول دریجه یی مفتوح ایدوب جانب كنعاندن
 متحرك اولان نسیمی مخاطب ایدوب یعقوبك احوالن استخبار ایدوب
 اكا پیغام لارسال ایدردی (شعر) برخبرویر ای صبا اول ماه تاباندن بكا
 * کیم غمی عشقنده یوزغم یتدی دوراندن بكا * اوله غافل تکر یچون دائم
 تردد ایلوب * که تیر بندن اكا پیغام که آندن بكا * بر کون براعرابی شتر
 سوار شهردن متوجه صحرا ایکن ناقه آتی براغوب بی اختیار يوسفك
 زندانه مقابل کلوب اسان حاله یوسفه سلام و یروب ایتدی ای پسندیده
 ملك جلیل وای شکوفه کلزار بی اسر ایل كنعاندن مصره کلدن و حالا
 مصردن كنعانه کیدرم یعقوبه پیغامك وارمی یوسفكه كنعان ذکرین
 و یعقوب آدن استماع ایتد که فغانی آسمانه یتدی (یت) صبا لطف ایتدك
 اهل درده درماندن خبرو یردك * تنی بیجانه جاندن جانه جانندن خبر
 و یردك * بو حاله مقارن اعرابی اضطراب ایله کلوب ناقه یی تازیانه اورمق
 صد دنده ایکن زمینه حکم اولدیکه اعرابی بی حبس ایده اعرابی مقید
 اولدقه یوسف ندایتوردیکه یا خاالعرب نه جانبدن کلور سین اعرابی
 ایندی كنعاندن کلورم یوسف ایتدی كنعانك فتخی ناحیه سندن

اولورسین اعرابی ایتدی منزل کاهم چشمه سارخی اسرائیل و میر غرار
آل یعقوبدر یوسف ایتدی ای برادر اول بادیه ده هیچ بر درخت بارور
کور دیکه که اون ایکی بد اغانی اولوب برین صرصر آفت قوپاروب برمدتر که
اصل درخت آرزوی فرعله پڑمرده و بیخ درخت اشتیاق شاخسار له
افسرده در اعرابی ایتدی بونکته احوال یعقوبدن کایه در اون ابی
اوغلندن برین یتوروب حالا برمدتر که یوللر اوزرنده بر محنت خانه بنا
قیلوب اسمین بیت الاحزان قویوب آنده ساکن اولوب آینه ورونده دن
خبر ضرور اما اثر بولماز (شعر) هیچ کیم یارب اسیر دام هجران اولسون *
منزل یعقوبه نسبت بیت الاحزان اولسون * عاشق کدردم مراد نجه
مدار ایتمز فلک * نجه هر دم کلسون فریاده کریان اولسون * یوسف ک
دردی بو خبردن زیاده اونوب ایتدی ای اعرابی حالا عزیمتک نه جانبد در
اعرابی ایتدی بادیه حجازه عزم ایتمش که آندن متاع مناسب آلوب
کنعانه مراجعت قیلام یوسف ایتدی بو تجارتده نفعدار فائده تصوردر
اعرابی ایتدی یوزدر هم یوسف ایتدی سکبار یاقوت ویره یکه قیتی بکرمی
یک در هم بدن زیاده اوله بومنزالدن کنعانه مراجعت قیلوب اول بیت
الاحزانه کیدوب اول پیره بنم سلامی یتوره سین و خاکیانه نیازم عرض
ایده سنکه ای رسول صاحب قبول ذکر کرده اولان غریبلری و فراقک چکن
بی نصیلری هنکام دعادن فراموش ایتمد سین و سنی و نیتبازلری اوتتیه سین
اعرابی ایتدی ای عزیز اسمک در یوسف ایتدی (شعر) صفحه چهره مرده
شرح محنتم می قومدر * ظاهر مدن باطنم کیتی معلومدر * اظهار اسمه
نه حاجت صحیفه صورت حاملدن کیفیت مالم معلومدر بو آثار و علامتدن
اول پیره خبر و رد کده کیم اولدیقم بیلور (شعر) کور رخ زرد مده ای
همدم سرشک آلی * اول کل رعنا یه بورنیکله بیلدر حالی * ای اعرابی
اگر آنک مردم چشمی رهگذار سبیلاب سرشکه دوشوب محو اولد یسه
بنم خال رخسارم خون جگر کردانده نایاب اولدی و اگر آنک مقامی

بیت الاحزان ایسه بنم منزلم بندوزندادر ای اعرابی بو یاقوتی آلوب لعل
 سرشکمدن اول معدن مروته خبریتور که آنی فرخناک ایدوب دعا سین
 آله سین زیرامستجباب الدعوه در اعرابی ایتدی بن گرفتار زمینم حرکته
 قدرتم یوقدر یوسف ایتدی ای اعرابی بونا فقه مبارکدر سندن مقدم بادیه
 غربت گرفتارلرینه سکان بیت الاحزان پیامن کتوروب وطالبه طلبوب
 مرده سینیتوردی مستحق عقوبت دکل تعرضدن تجاوزایت اعرابی توبه
 قیلوب اول مضایقه دن خلاص اولدی واول یاقوتی آلوب جانب کنهانه
 روان اولدی یوسف اول اعرابی آردندن سرشک سیلابن دوکوب دیردی
 (یالیت را حیل لم تلدن) (بیت) چوندمی شاد اولزم دورجه انجیامدن *
 کاشکه هر کرطو غمی دیم مادر ایامدن (الفصه اعرابی کنهانه توب نصف
 الیلده بیت الاحزان کلوب یعقوبه سلام و یروب ایتدی السلام عليك
 یا نبی الله السلام عليك ایها المهموم السلام عليك ایها المغموم یعقوب
 اول صمدان برفرح احساس ایدوب حجره دن چقبوب ایتدی عليك
 السلام ای بنده خدانه جانبدن کلور سین اعرابی ایتدی پیغام وار مصر
 جانبدن و تمامی حکایتی تفصیله شرح ایتدی یعقوب اول پیغامدن سرور
 تام و نشاط تمام بولوب مرادنه یتدی (شعر) عفاک الله ای قاصد خوش
 خرام * یتوردک بکادایم مدن پیام * رموز نهان آشکار ایلدک * بنی وصله
 امیدوار ایلدک * ای اعرابی جان عزیزمه کلمات بهجت آثارله تمکین
 یتوردک و ناره هجرانم زلال لفظ کهر بار ایله تسکین و یردک نه شکرانه
 استر سین اعرابی ایتدی یا نبی الله دنیا مرادین یوسف دن حاصل ایتشم
 سندن نجات آخرت ایچون استدعای دعا قیلورم یعقوب ایتدی الهی
 بو بنده مقبولی سكرات موتدن فارغ ایدوب مستعد دخول بهشت قبل
 بو حاله مقارن ناقد زبان حال ایله فریاد ایتدی که یا نبی الله واسطه پیام بن
 ایدم بن دخی دعا به محتاجم یعقوب ایتدی الهی بونا فقه یی بهشت
 ناقله زندن ایدوب اکسبره زار جنت مرعانی نصیب ایت اعرابی ایتدی

یا نبی الله بوزمان اجابت دعا در اول اسیر زندان ایچون دخی برد عاقبل
 یعقوب ایتدی الهی آتی مطلوبنه واصل ایدوب جمع مرادینی حاصل
 ایت الله الله نه خوش مناسبدر یوسفک جفال کوروب و بند وزندان
 دوشوب یعقوبه ارسال پیغام ایتدیکی شهید کر بلانک جفای قومدن
 تعرض بولوب دشت کر بلاده محنتله گرفتار اولد قده روضه رسول الله
 عرض حال ایتدیکنه زهی تحمل که اخوان واقارب بر مر مقابلنده شربت
 شهادت ایچون کندی تنها قلوب مترزل اولمادی و تغیر بولمادی (شعر)
 دردا که اهل دانش و ادراک کتدیلر * مجروح دل شکسته و غمناک کتدیلر *
 آلاش زخارفه آلوده اولوب * دنیا به پالک دیلر و پالک کتدیلر * روایتدر که
 حسین مظلوم اخوان واقارب بد نصیره تنها قالد قده مناجات قیلدی که
 (ع) زار تنها قالمشم یار و دیار مدن جدا * اهل بیت رسالت شهر آده نک
 یکس لکن کوروب فعانده کلوب هر طرفدن بنات مطهرات کر بیان چاک
 ایدوب و بر طرفدن اخوان صالحات خون جگر برله دیدلر غمناک ایدوب
 و بر طرفدن حضرت امام زین العابدین صدای افغانن متوجه افلاک
 ایدوب غلغله مصیبت برغایت تشدیدیکه فلک بی رحمت اول حالنه رحمی
 کلوب شدت محنت دور ظالمی اول مظلوم ملک حالنه متحیر ایتشدیدی
 (شعر) بکر من یوسفک احوالنه احوال حسین * تنکیم یوسف اولوب
 بسته زنجیر محن * دوشدی زنجیره ولی قیلدی زنجیر صفت * تیر بیداد
 عدو جسمی روزن روزن (فصل ابتلا کلم الله علیه السلام) تیر تحمل
 سر کشته لیک و تیغ و کل کشته لیک بری دخی حضرت کلیم اللهدر که
 قلت عوان و انصار له جفای آل فرعوننه تحمل اولوب و سفهای قوم آزارنه
 صبر قیلوب شکر ایدردی فی الواقع آنک شدت احوالی و کثرت احوالی
 شیخدر وقایع شاه کر بلایه که اسلیلای اعدادن مزجر اولوب ترک روضه
 رسول ایدوب یار و دیار ندن محروم قلوب دشت کر بلاده گرفتار دام مصائب
 و بسته بندنوائب اولد قده تحمل ایدوب مترزل اولمادی و عقیده صلاحی

اصلا تغیر بولمادی (شعر) محنتی موسی دکل مانند اندوه حسین * فرق
ایتمش آنلر کمیران اندوه بلا * شمع بزم افروز در وادی ایمن آتشی * نار عالم
سوز در برق بلای کر بلا (فصل ابتلای عیسی علیه السلام) طریق محبت
ثابت قدملر ینک و سرا پرده محنت محرملر ینک بریدخی عیسیای مجر در در که
سوزن و اراسه باب بنیادن یکوب سر رشته فنا طوتمش و ترک تعلقات فانی
ایدوب طریق تجرد اختیار ایتمش جماعت بهود آتی تهمتله منسوب ایدوب
صلبنه اقدام ایندیلمر و متابعتدن انحراف ایدوب طریق مخالفتن طو تدیلر
نتیکیم حضرت شاه کر بلا تصرف حکم خلافتدن که اشتقاقله اکانسبدر
تجاوز قیلوب مجاورت روضه رسول الهی اختیار ایتمش کیکن و تعرض امر
سلطنتدن که ارثله اکانسبدر اعراض ایدوب گوشه قناعت طوتمش کیکن
ظلمه امت صرصر هوای نفسله زورق تمکین دریای بلایه صالوب
سر رشته اختیارین زور بازوی ظلمه الندن آلوب غرقه کرداب فنا قیلدیلمر
(شعر) قصد قیل عیسی مریم قیلدیغی ساعت بهود * ایلمشدی مضطرب
آتی مجر دیم جان * کور شهید کر بلا حالنکه هم جان قیلدی ترک * هم فراق
آل و اولاد یله اولدی امتحان (فصل ابتلای ایوب علیه السلام) پستر بلا
بیمارلر ینک و بادیه فنادلفکارلر ینک بریدخی ایوب بلا کشدر که نوید (ان الله
یحب کل قلب حزن) دل پاکن محزن جواهر اشتیاق حزن و ملال ایتمش
و عقیده ناعند المنکسرة قلوبهم همیشه دل شکسته سنده مکان طوتمش
زیر اساطان کبریا نک دار فناده عنایتی عین عنادر و حاکم دیوان قضاتک
التفاتی محض بلادر (شعر) بر درر مصدر جلال و جمال * بر بیاور اطف
وقهری اهل کمال * کرچه احوال مختلف چوق اولور * بر دراصل حقایق
احوال * روایتدر که ایوب صبور زمان محنتدن مقدم قرق ییل مداوم نوال
نعمت و مقیم ریاض راحت ایدی اون ایکی فرزند ی اولوب هر یی استقلالله
بر سلیمان زمانیدی در تویزملوی اولوب بعض قطارلر ینه ساریان و بعض
رملر ینه شبان و بعض بستانلر ینه باغبان ایدی اما هر کن کثرت تعلقات

آنکه معبودی آرمند حائل اولمازدی واسنیقای اسباب مر ادمداومت
 ذکر کردن آتی غافل قیلیدی ملائکه ایوبك شدت اطاعتن و کمال عبادتن
 کوروب تصور قیلیدیر که اول عبادته سبب تیسر مطالب و اول طاعته
 باعث حصول مواهبدر کمال ایتدیلر که اگر ازاله نعمت واقع اولسه واستقرار
 موهبت خلل بولسه آنک شکاری شکایتیه مبدل اولور و بنای اعتقادی
 نزل بولور لاجرم امتحان ایچون بر کون حضرت جبرائیل ملک جلیلدن
 کلوب ایتدی ای ایوب برمدتدر که مظهر آثار نعمت و مقیم گوشه راحن سین
 وقت اولدیکه راحت دیارندن محنت ملکینه متوجه اوله سین و تکیه
 نعمت لذت کوردک محنت ذوقن دخی بوله سین ایوب صبور اول خبردن
 اصلا متغیر اولوب و توهم قیلوب ایتدی ای جبرائیل بودخی بر نعمت
 غیر مکرر در که هر زمان بر عالمک سیری مبرسدر (یت) بیلیم بن کندری رأمله
 زیان و سودمی * بندهام بن پادشاهم یک بیلور بهبودمی (القصة ایوب
 منظر بلا و مترصد عنا اولوب بر کون گوشه محراب عبادته نمازندن فارغ
 اولوب مشغول مواظب ایکن بر طرفدن شبان کلوب خبر و یردیکه تمامی رمه
 سیلابه غرق اولدی و بر طرفدن ساریبان کلوب تعزیت یتوردیکه جمیع
 ناقه لک صرصر سمومدن فنا بولدی و بر طرفدن باغبانلر کلوب آفت
 ژاله دن بوستان هلاکن تقریر ایدوب فغانه کلیدلر و بر طرفدن خدم
 و حشم زلزله دن قصر و ایوانک انهدامن خبر و یروب نوحه قیلیدلر اما
 ایوب چون مقدمه دن واقف ایدی بو خبرلردن اضطراب ایتوب و بو
 حادثه لردن خاطری نه غبار کدورت یتیموب حق ذکر نه مشغول ایدی ناکاه
 خبر و یردیلر که ای ایوب اون راوغلاک اکبر اولادک مهمان سراینده ضایقه
 مشغول ایکن سقف سرای دهندهم اولوب اون ایکیس بدخی فوت اولدی
 ابتدای حائده ایوب به اسبیلائی جزع بی اختیار ظفر بولدی ایمانه غیرت
 محبت دعبله صبر ایدوب دعایه مشغول اولدی (شعر) خاطریار اگر
 عاشقه آزار استر * کرک ازار چکه عاشق اگر یار استر * کفر در عاشقه اندیشه

صحت قلیق * یارا اگر عاشقنی دردله بیمار استر * چون فتنای مال و منال
وفوت اولاد و عیال ایوبه تغیر و یرمدی و بنای اعتقادنه آسیب حوادث
خلل بتورمدی ملائکه ایتدیلر یارب افضل نعم صحتدر و ایوبی فوت
اولان نعمتلك استردادنه امیدوار ایدوب عبادتده قائم ایدن اول نعمتدر
حکم اولدیکه امتحان ایچون صحرای وجودی سریر سلطان صحت ایکن
سیرگاه سپاه سقام اوله و مجاری عروق اعضا منده هر قطره قان بر کرم
خونخوار اولوب مفاصل ترکیبده منزل قبله بو محنتله دخی صبرینه
اختلال و عده عقبه سنه انحلال بولمندی اول زمانه دکه که کرملر زبان قلبنه
دخل ایتدیلر و تفکر رهگذارن طو توب تذکر سرچشمه سین طو تیلر ایوب
بیچاره فریاده کلدی و تضرع قیلدیکه (ربانی مسمی الضر) یعنی بکا
ضرر متوجه اولدی جمیع المده ذکرو فیکر کله تسلی اولوردم و غم و اندوه
کوردکجه ذکردن فرح و فیکردن طرب تمنا قبولوردم حالادیکه آلت فیکردر
وزیانکه سبب ذکردر مرض تاراجنه کتمکده در و بی تفکردن محروم
و مناجادن مأیوس ایتمکده در حاشا که بو حاله رضا و یره سین و بوبنده
مخلصی فیکرو ذکردن محروم ایتمکده روا کورده سین (شعر) زبان بلبل باغ ذکر
نادر * دل آینه حسن صدق و صفادر * بنی بی دل و بی زبان قوی عید یارب *
که بی دلک و بی زبانلق بلاد * حق سبحانه و تعالی دل متضرع و زبان
متخشعدن قبول توقع قلوب جمیع فوت اولان نعمتلك استردادنه حکم
قیلدی و تن مکسورینک جباری و دل و یرانک معماری اولدی ای عزیز
اگر ایوب صبور فوت اموال و موت اولادله متغیر اولوب صبر قیلدی شهید
کر بلا ایسه خاتمانی یغمایه و یروب اخوان و اولاد و انساب موت مشاهده
قلوب صابر اولدی و اگر چه ایوبک بدبنده درت ییک یکر می کرم خونخوار
منزل طو تدی شهید کر بلانک تنده یوز ییک پیکان ابدار قرارگاه ایتدی
(شعر) دیمه کیم شاه کر بلا المی * غم ایوب دلفکار جه در * صمنه کیم زخم نبش
کرم ضعیف * ضرب شمشیر ابدار جه در (فصل فی ابتلای زکریا و یحیی

عليهما السلام) جفاى فلک از رده لری و محنت زمانه افسرد لری نیک بری
 زکریاء مظلوم و بری یحیای معصومدر (روایتدر که بر کون زکریا بحراب
 عبادتند مناجات ایتدی که الهی شام شبابه صبح شبایر شدی
 و رابطه جان و تن رشته سنه تاب مخالفت دوشدی (فهبلی من لدنک
 وایا) یعنی عنایت قبل بکار خلف صاحب تقوی و فرزند پاکیزه لقا حق
 تعالی ناولد دعاسین هدف اجابته یتوردی و یحیای معصومی اکا و یردی
 اوچ باشه یتد کده بر کون اطفال محله زکریا حجره سنه جمع اولوب یحیایه
 تکلف لعب و لهو ایتدی لر یحیی حجره دن چئمییوب جواب و یردی که
 (مالعب خلقنا) القصه ابتدای طفولیتده رقت تمامله مجبول اولوب و ترک
 لهو و لعب قیلوب همیشه استماع احوال قیاءته مائل و کفایت احوال
 محشری سائل ایدی و درت یاشنده توراتی حفظ ایتدی و اون یاشنده احکام
 شرعیته کهنه یتدی شب و روز کران اولغین و ماه و سال ناله و افغان
 قیلغین بر کون زکریا مناجات ایتدی که یارب سندن بر خلف استدم که
 سرور سینم آدن مپسر اوله بکا بر نطفه کرامت قبلد ککه آدن راحت
 کتدی و ناله و افغانی بنی آزرده ایتدی ندا کلدی که ای زکریا سن بندن فرزند
 ولی شعار تمنا قبلدک بودر و لیبر و صالح لر نشانیه همیشه کران اوله لر
 و پیوسته ناله و افغان قیله لر ای زکریا هنوز صبح بلادن بونشانه سحر در
 و آتش محنتدن بو بر شر در تحمل قبلد که عن قریب بوش کوفه نکه مپوه سین
 دره جک سین و بو غنچه نکه کلن کوره جک سین ای زکریا و قندر که سنی
 باشند یا غه اره ایله ابی پاره قیله لر و یحیایک حلقه تیغ تیز حواله قیلوب
 قنانه متوجه اوله لر (شعر) یارسندن ترک جان استر کوتور جانن طمع *
 هر نه اندن غیر کورسک قطع قیل اندن طمع * شمع وش جانان سنی چون
 یاقق استر متصل * آتش سوزانه کیر کس آب حیواندن طمع (القصه
 خوف یحیی بر غایتده ایدیکه اول حاضر اولد قد زکریا عقوبات محشر دن
 بر کله پسان و بر حرف عیان ایده بیلر دی بر کون یحیایان غافل اولوب غائب

صانوب ز کریانیکه دوزخده غضبان نام برکوه آتسین واردر که آندن
 سبل اشکله گذارایتم اولور و بدرقه سوزو کدازله پایانه یتک اولور یحیی
 اشیدوب دراعه سین راغوب جانب صحرایه روان اولدی (الویل لمن دخل
 غضبان) دیوب فغانه باشدی ز کریانک احوالنه مطلع اولدقده منبردن
 اینوب والده سنه ایتدی ای ضعیفه بوکون سهوایدوب برشمه احوال
 دوزخدن بیان ایتدم یحیی استماع ایدوب فغان قیلوب صحرایه دوشدی
 مر افقت قبل صحرایه کدوب آتی استقدا ایدلم اتفاقه اول ستم رسیده لر
 صحرا کوه بیابان نورد اولوب اوچ کون سیاحتیه اشغال قیلوب آندن اثر
 بولمیلر و مقاننه مطلع اولدیلر (یت) جانه بکر ردلیم یتلم مکانی قنده در*
 کیم ییلور عالمده عنقا آتش بانی قنده در* دردنجی کون برش بانه یتوب
 سؤال ایتدکده شبان ایتدی بن یحییایی کوردم اما اوچ کوندر
 بوکوه ساردن برصدای دلسوز کلور که استماعی حضورمه مانع اولور اول
 جانبه توجه ایتدکده کوردیلر که آغشته خاک و خون اولمش بیخوده یاتور
 اوزرینه کلوب فریاد ایتدکده اضطرابله کوز آچوب او یله صاندیکه ملک
 الموتد قبض روح ایتدکده کلش تضرع قیلوب ایتدی ای ملک الموت
 اولقدر امان ویرکه پدر پیروماد رضه عیقمی کوروب وداع ایدیم والده سی
 ایتدی ای جگر کوشدم والده دلفسکارک و مادر بیقرارک بنم یحیی خبردار
 اولدقده فرارایتم تدارکنده ایکن انواع یمین ایله تسکین و یروب وزکریا
 دخی بجانب بدن تضرع قیلوب آتی منزله کتوردیلر و برمه قدر عدس طبخ
 ایدوب یحییاه عرض ایتدکده یحیی آندن برمه قدر تناول ایدوب میل خواب
 ایتدکده واقعه سنه خطابه ایتدیلر که ای یحیی مکر غضبانی فراموش
 ایتدکده غذا تناول ایدوب فراغتله یاتدک یحیی بهدار اولوب یله اضطرابله
 فغان قیلوب صحرایه دوشدی و فریاد و فغانی آسمانه ایرشدی
 (روایتدر که یحیی مدت عمرنده هرگز خیال معصیت خاطر نه یتورمدی
 و ذکر مناسی دینه کتورمدی) (نقلدر که روز قیامت ایکی نوبت ندای عام

ایله برنوبت یحیی ایچون بو عبارتله که ای اهل محشر نظر اید که که بو بنده
معصومه ک هر کرانیشده خطا خاطر نه کلمه مشدر و مطلقا لذات دنیویه
تصرف ایتمه مشدر جمع عالم کوز آچد قده یحییای معصومی مشاهده
قبیله لر و کنه کارلر شرمسار اوله لر و برنوبت دخی فاطمه زهرا ایچون
ندا قیله لر بو عبارتله که ای معشر بشسر (غضوا ابصارکم) یعنی ای بنی
آدم کوز یومک که فاطمه زهرا کلور نقلدر که فاطمه زهرا عرصات محشره
برنوعله کذار ایده که هیچ ناظرک قدرت نظاره سی اولمه و هیچ کیم
مشاهده سنده قدرت بولمه کتف یمینده پیراهن زهرا آلود حسن مجتبا
و کتف یسارنده جامه پر خون شهید کر بلا و کف مبارکنده عمامه خونین
علی المرتضی غایت تضرعله دامن عرشی طوقوب تظلم کوسه تیره که یارب
فریاده یت جبریل حضرت سید کائناته خبر یترور که یار رسول الله
خاتون قیامت دامن عرشه ال اور بدر و تظلم ایدوب بارگاه عدالت درگاهنده
طور بدر و قندر که صرصر آه جانکد ازدن دریای قهر الهی تموجد کله
و عالی غرقه طوفان غضب قیله حضرت سید المرسلین استیصال ایله عرش
یانه کلوب فاطمه زهرا یه نصیحت قیله که ای نور دیده وای آرام دل
نمیدیده بو کوز روز دعا و ندر وقت مختصمت دکل و زمان رعایت در ایام شکایت
دکل سن حسینک جامه پر خوننی و حسینک پیراهن زهرا آلودنی اله آلوب
بندخی کبسوی غبار آلودمی آچوب دعا قیله لم وامت کنه کارلره شمع اوله لم
اوله که ارحم الراحمین اهل عصیاندر حجت قیله خصوصاً اول کیمسدره که
مظلوم لر بمنز مصیبتنده و شهید لر بمنز تعزیتنده دیده لر ین کر بان و سبندلر ین
پریان ایتشار و غائبانه اولاد بمنز عزاسین طوتمشدر (شعر) اهل بیتک یاد ایدوب
هر خطه آب دیده سین * ضایع اولماز اشک دوکت دیده خونباردن *
بومصیبت اشکنک هر قطره سنده روز حشر * اجر در یک بحر رحمت ایزد
جباردن * اخبار صحیحهدن نقلدر که زکریای مظلوم یحییای معصومه
معاصر اولان ملک بنی رحمت بر منکوحه سینک زوج آخردن بر جیله قری

اولوب كندى پيرا اولوب است. عاقل ديكه قرن اول ملك عقدنه مقرر قيله
 ملك يحيى ايله بو خصوصه مشورت قبلد قده يحيى رضا ويره بوب ملايى
 بواند يشد در منع ايتدى اول مكاره منزجر اولوب يحيى ايه كينه سين خاطر نده
 طودى ركون ملك جام اسئيلاى شهوتدن مست ايكن قارشوسنده اول
 محبوبه يى مزين قيلولب اكا كوستردى ملك آنك وصانه حريص اولوب
 طلب واصلت قبلد قده ايتدى بوصورت يحيى ملك قانى دوكله نجه
 ميسر اولماز ودرجه امكان بولماز ملك يحيى ملك قتلنه حكم ايتد كده علماي
 عصر ايتديار يحيى ملك بر قطره قانى ريوزنه دكلسه اجزاي عروق نبات
 من بعد پيوند طوبه وروى زمينده بهاييم منعم اولغه يكه نيمه ملك حكم
 ايتد يكه يحيى ملك باشين بر طشت اوزرنده كسوب قانن تحت الزاده دفن ايدلر
 ريوزنه دوكله (القصد جلاد لر مقرر اولوب يحيى ملك قتلنه امر اولند قده
 جلاد لر ايتديلر زكريا مستجاب الدعوه در اوغلنى قتل ايتد كده آنك
 بدد عاستندن احتراز ايدلر زكريا اولد يكه اول زكريا قانن دوكلر بو عزيمتله
 زكريا ملك منزله كلوب يحيى يى مقيد ايدر كن زكريا فرصت بولوب بر جابه
 فرار ايتدى بعض كيمسه لر يحيى يى مقيد ايدوب بعض كيمسه لر زكريا
 جست و جوينه روان اولدى زكريا اضطرار ليه كيدر كن شدت ضامنندن
 بي طاقت اولوب بر پناه استر كن بر درخت على كوروب اكا توجه
 اولد قده اول درخت چاك اولوب زكريا يه بطنه ده منزل ايتدى زكريا
 دخول ايتد كده نصيره صورت التيام طوندى اما زكريا كوشه
 رداسين ابلهس چكوب طشيره قودى زكريا تفحصنده اولن لر يتد كده
 ابلهس لعين بر پير صالح صورته كيروب زكريا احوال نده استفسار ايدن لره
 اول لعين زكريا كوشه رداسين كوستروب ايتدى مطلوب بكن بودرخت
 ايچنده درديدى كافر زكريا يى چيقار مق تدار كننده ايكن ابلهس ايتدى
 اى قوم اكر غرضه كن آنك قتلى ايسه درخت ايچنده دخي ميسر در
 وانلره اره يى ايجاد ايدوب تعليم ايتدى (روايتد كه كفار زكريا ملك فرق

نشانه ناول بلاقیله و جلاد فک تیغ جفا یله قتل که مائل اوله (فقر عیناک)
یعنی دیده امید کی نور رضا یله روشن ایدوب شه کربله که علامه مقام انبیا
واولیا و نشانه حصول مرتبه عز و علادر و یوم عید در که بلای نوع نی آدم
صانع اقراب اولغین سائر مخلوقا ندن زیاده در زیر ابتدای خلقته چشمه
خونابه دن رزقی مقسوم اولوب کمال ذلته گرفتار اولوب و قدرت تردد و ولد قدیه
عقوبت تربیت استاد و اندوه معلم و ارشاد اله معذب اولوب بر مدت اول
محتنده قالور و مرتبه بلوغ حاصل ایتد کده کند کسب معیشت و سلسله
تکلیف عبادت قیدیه دوشوب کاه غم دنیا و کاه خوف آخرت قرارن آلور
و بودخی محق قدر که مرتبه بلای ابدا جمع نی آدم دن اعلا و اعظم درو بلا یه
صبر ایدوب اکنس اب قبول قرب ایتک انبیایه مسلمان (شعر) انبیا در
مظاہر رحمت * انبیا در خزان حکمت * هر بلا کیم فلک کن ایتدی
نزول * انبیا قیلدی اول بلا ی قبول * سپرناول غم آنلردر * آنک ایچون
مکرم آنلردر * و بودخی مقرر در که اول مقدار بلا که حضرت مصطفی
علیه السلامه یشدر و اول مقدار زهر محنت که اول حضرت تجرع ایتشد در
هیچ پیغمبره مبرس اولاش دکل و هیچ کس بلا یه آنک کبی صبر قیلمش دکل
اگر بر جرعه شربت ایچسه آکا زهر بلا یله مزوج ایدی و اگر بر خرقة کبسه
تار و بودرنج و عنایله نسوج ایدی فی الواقع بر بلا ی عظیمدر متصدی
اجرای احکام اولوب متعهد شفاعت اهل عصیان اولق و غفلت سرای
راحتده خواب فراغت سرمستی اولان یی هوشر ایچون کیچهلر صبا حده ک
بیدار اولوب دعا قیلق زهی سعادت که اگر منبر عزت بارگاه قدرت قاب قوس بنه
چکسه کردن کبر دامن اقتدار نه غمزدی و اگر قائد حکمت کر بیان شکوهن
پنجه عجز و انکساره تابشور سه دست اعتقاد ندن دامن توکل کمتر دی
(شعر) کمال اعتدال طبعی اول غایتده کیم بولماز * تغیر کر زمین و آسمان زیر
وزیر اولسه * تکبر ایلر معراجیه چیه سه پایه قدری * مزاجی کسر بولماز
فرش خالک رکذار اولسه * بمجلاد دیوان قضا دن اول حضرتک نام شریفته

مرقوم اولان بلارك ابتداسی اولدرکه هنوز والدهسی بطنده ایکن
والد بز کواری وفات ایدوب صراف روزگار اول کوهر کرانمایه مک لقبین
بنیم قویدی وتوقع رفیع وجودشریفی بو طغرا الیه مزین اولدی (شعر)
نوله کر اولسه یتیم اول در دریای حیا* کر یتیم اولسه فرونذر در دریاه بهیا*
وحضرت ایزد ملائکه یه خطاب ایتدیکه اگرچه حبیب یتیمدر بن اکا ولی
وکنیم (نعم المولی ونعم الوکیل) روایتدرکه ایکی یاشنه یتدکده واندۀ
محترمه لری مکهدن مدینه یه نقل ایدوب اول حضرتی والد بز کواری مک
زیارتله مشرف قیلوب مراجهت ایتدکده مر یض اولدی وحضرت
رسول اول مخدومه مک شمع بالینی اولوب دل سوزان و دیده کریان الیه زارزار
آغلیوب دیردی (شعر) کتمه ای روح روان هجر یله زارایتمه بنی* یاندروب
فرقه بنی صبر وقرارایتمه بنی* نظرمدن کل رخساری پنهان ایدوبن*
خارخارغم هجر یله فنکارایتمه بنی* اول صدف کوهر رسالت ونهال
شکوفه نبوت یهوش ایکن هوشه کلوب دیده اشکبار آچدقده حضرت
رسول اللهک چهره مبارکنده اشک حسرت کوروب زبان حال الیه
بونکته بی مترنم اولدی (شعر عربی) تبارک الله فیک من غلام* ان صح ما
ابصرت فی المنام* وافت مبعوث الی الانام* من عندنی الجلال والاكرام*
ای فرزند سعادت مند واقعه کده کورمشم وهاتفدن دخی استماع ایتشمکه
سن پیغمبر مرسل سین اگر بن ملک فنادن اقلیم بقایه متوجه اولسم
غم چکرم زیرا سنک کی یادکارم وار (شعر) غم دکل کردانه محو
ایتسه دور روزگار* چونهاال بارور قالمشدر آندن یادکار* روایتدرکه
اندوه مفارقت پدر و مادر مهربان اضافه سائر نوائب واحزان اولوب
سکر یاشنه یتدکده جد بز کواری خواجه عبدالمطلب کافل انجام ومهام
مرام ایدی داردنیا دن انتقال ایدوب اول حضرت عی ابوطالب مکفل
اولدی ویکرمی یاشنه یتدکده بش ییل شبانلق ایتدی واول صنعت
ضمنده رعایت امت کالنه یتدی ویکرمی بش ییلدن صکره خدیجه

حضرت تارینه اتصال ایدوب قر قنجی ییلنده نزول وحیه مشرف اولدی
 و فرق او چنجی ییلنده آغاز دعوت قبلدی و ابتدای دعوتنده اون ییل
 مکده اهل کفر دن انواع شدائد و اصناف مکاید کوروب جفال چکدی
 (نسخه زلال الرضاده مسطور در که او حضرت سعاد تخانه سی ایکی
 جار جائز آراسنده واقع اولشیدی بری ابولهب و یری عتبه بن ابی معیط
 (شعر) کل نیجه قیلسون یقه سین چاک غصه دن * هر دم بتر کاغم
 قرب جوار خار * یاقوت نیجه قهرله خونین دل اولسون * چکمش
 زمانه خاردن اطرافنه حصار * بعض تقاسیرده مسطور در که ابولهب
 نکو حسسی ام جبل اکثر اوقاتده ره گذارلر دن خار و خاشاک جمع ایدوب
 کیجه اول کل کلزار رسالتک ره گذارنه براغوردیکه اول حضرت صبحدم
 نماز ایچون حر مسرای نبوتدن چقد قدده قدم شیرینی آزرده اولوب مزاج
 مبارکی مکدر اوله (طارق بن عبداللهمدن نقلدر که بدأ اسلامده بر کون
 بازار ایچنده بر شخص مبارک صورت کوردم جامه کک کونله ندا قیلوردیکه
 یاقوم (قولوا لا اله الا الله محمد رسول الله و تفلحوا) و بر ظالم آنک کفتارینی
 تکذیب ایدوب دیر ایدی ای قوم بو کذا بر قولنه اعتماد ایتک و زمان
 زمان سنک ستم برله اعضای لطیفن مجروح ایدردی سؤال ایتدم که بونلر
 نه طائفه در دیدیلر بوسرخ جامه محمد قرشیدر خلق ایمانه دعوت ایدر
 و بوانکارنه اقدام ایدن عی ابولهبدر و اکثر صنادید قریش ابولهبه تابع
 اولوب گاه ساحر و گاه شاعر و گاه کاهن و گاه مجنون دیواسه تهر اقیلورلردی
 اول حضرت بو جفاره تحمل ایدوب قطعا دعوتدن خالی اولمازدی
 و شرایط صبر و تحملده تقصیر قیلردی و حضرت واجب الوجود آنک تسلی
 خاطری ایچون آیتلر نازل ایدردی بو مضمون ایله که هیچ پیغمبری بر قومه
 ارسال ایتدککه آتی سحره و جنونه منسوب قیلدیلر بو طریق مهلبکده
 صبر ایدن منزل مقصوده بتر و تحمل قبلان دامن مقصودی طوتار (فاصبر
 کاصبر اولوالعزم من الرسل (شعر) ای خوش اول کیم عشق عبداننده در

ثابت قدم * دامن دلداردن کسمزان تیغ ستم * اوله کیم میخواره لذوقن
 زیاده ایلم شراب * خون دل ایچمک قیلور افزون صفاسین دم بدم * روضه
 الاحبابده مسطوردرکه عروه بن عبدالله وقاصدن سؤال ایتدیلرکه
 حضرت رسوله صنادید قریشدن متوجه اولان جفاریک اکثرنه مطلع
 اولدک قنغی جفاری اشد واصبایدی عروه ایتدی رکون اکابر قریش
 جمع اولوب اول حضرتک حکایت ارایه کتوروب ایتدیلر بزویتمک نیجه
 برغصه سین چکلم کلک اتفاق ایدوب قانی دوکلم فاطمه بومش ورتدن
 خبردار اولوب کریان کریان حضرت رسول خدمته کلوب ایتدی (یاباب
 ان القوم عزموا ان يقتلوك) حضرت رسول اصلا مضطرب اولوب
 واندیشه قلیوب ایتدی ای فرزند بر مقدار صو حاضر ایتکه اسلحه وضوکه
 سلاح المؤمندر کندیهمه باقیم وجوشن انصلا که حصن
 المسلمیندر اکمه آلم پس وضوء قلیوب حرم سران چیقوب مسجد
 الحرامه قدم باصدا قدده بر مقدار سنکریزه النله الوب شاهت الوجوه دیوب
 اول سنکدرلر طرفته ساجدی (روایتدرکه هیچ برینک کوز آچمده فرصتی
 اولمادی و هیچ بری اول اختر برج سعادتک طلوعنده اطلاع بولمادی و اول
 سنکریزه هر کیمه طوقندی ایسه هنکام حرب بدر کبراده البته مقتول
 اولدی تنکیم ابو جهل وشبهه وعتبه وادیه وعمار هذیل تدعی
 مستجاب اولوب انصار دین النده فنا بولدیله واقعه کر بلاد دهخی یکر می
 ایکی بیک نفر شاهیدن و کوفیدن حضرت حسنینک ناولک دعاسته هدف
 اولوب جله سی اول یلده هر بری بر بلا ایله دنیادن کتدی و هر برینه
 عقوبت یتدی (شعر) بر مراد اولماز شهید کر بلا قانک دوکن * اهل
 بیتک سیل اشک چشم کر یانک دوکن * کنز الغرائبده مسطوردرکه
 ابو جعفر اسنادیله بر کون بر آشنایی کورم اعی اولمش سؤال ایتدیمکه
 ای برادر سن یتنایدک سببه اولدیکه نور بصر ظلمت عمایه تبدیل اولدی
 جواب ویردیکه ای عزیز واقعه کر بلاد بن داخل سپاه عبیدالله بن زیاد

ایدم اول واقعه د نصـ کـره مقامه مراجعت ایتدیکمده برکیجه واقعه
 کورد مکده حضرت رسول بر مسجد ایچنده محرابه یا صواب اوتورمش
 و اطراف وجوانبده صحابه حلقه اولش حضرت حسین اعضای مجروح
 و لباس پر خون ایله منظره کی قارشوسنده طور و بر عرض حال ایدر
 و شهدای کربلا قائلین بر رکتور و بر رسول الله اشارت ایلرکه (اضریوه
 بالسيف و احرقوه بالنار) و زبانه آتلی قتل ایدوب اوده یا قد قجه نه حیات
 مجدد بولوب بدخی تکرار اول عذاب کرفتنار اولور لرایدی بن سبـ استک
 صلابتدن توهیم قیلوب حضرت رسوله پناه کتوروب استعانه طریقیله
 ایتدم (السلام عليك یا رسول الله) اول حضرت سلام آلبوب غضب
 کوزیله باقوب ایتدی یا عدو الله نیچون بنم حرمتم طوتمدک دیدم یا رسول الله
 حق ییلور بن تیغ چکمدیم حضرت رسول ایتدی تیغ چکمدیکمده
 صادقین اما سبب کثرت سواد سپاه اعدا ایدک بیوردیکه ایلری کل
 بو طشت پر خونه نظر قبل مشاهده قیلد قده کوردیم بر طشت پر خون دیدی
 ای بد بخت بو بنم جگر کوشم قانیدر پس بر میل ایله اول قانندن بنم کوزمه
 چکدی اول هولده بیدار اولد قده عالم کوزمه تیره اولدی (شعر) شهید
 کر بلا قتلینه رغبت قیلدک ای ظالم ❀ سـ کا چکمدک عذاب دینه و عقی
 مقرر در ❀ تماشای مصاف کر بلا قیلدک حذر قبل کیم ❀ ملا متکاه
 تعذیبک سنک صحرای محشر در ❀ محرابه محققان قاندر که حضرت رسول
 ابوطالب حصن حمایتنده اولد قجه کفار فی الجمله اذاسنه دسترس
 بولمازلدی و متعرض اولمازلدی اما فرقاً اسلامدن هر قنده رعاجز و فقیر
 کورسندز ممکن اولد قجه تعرض ایدر لردی اول جله دندر که امیه بن خلف
 بلال حبشی بی هر کون بطحایه ایلدوب عریان قیلوب اعضا سینه حرارت
 آفتابله قرمش طاشلری باصوب و بدن عریانه ریک کرم اوزرینه یا توروب
 لات و عزایه ایمان کتوروب ترک دین محمدی ایلدیو اذای ایدردی بلال بدخی
 ایدردی احد یعنی واحد اولان معبوده رسـ شـش ایدرم (القصد اول

میدان مجاهدت پهلوانلری و اول عالم ایمان صاحبقرانلری انواع بلایه
 واصناف عنایه تحمل و صبر قیلوب دیرلر دیکه بلاعین عطادر و جفا محض
 رجا اما تدبیریه اوظالم ملک فسادیه زیاده اولوب و ایلم مرور یله دریای
 عصیانلری طغیان بولوب برغایتیه یتدیکه مسلمانلر قتلنه و نهبنه دست
 تغلبی دراز ایتدیلر و عمار بن یاسرک والد والده سین بی کنه قتل ایتدیلر
 و اول مظلوملره ستملر یورتدیلر بعض صحابه بالضروری حضرت رسول
 اشارتیه حبش جانبیه هجرت ایدوب و بعضی سائر بلاد و بقاعه
 متفرق اولوب اعوان و انصار دین قتل بولمغین کفار اول حضرت آزارنه
 فرصت بولدیلر برکون کذاری صناید قریش مجمعه دوشوب ابوجهل
 و عدی و سائر سفهاهر جانبدن تیغ زبان چکوب اول حضرتی آزرده
 جراحت طعن و تشنیع ایتدیلر رسول اکرم دخی (اذ اخطا بهم الجاهلون
 قالوا سلما) طریقه سالک اولوب مجادله و مقاتله سزچکوب برکورستان
 کنارنده ملول و محزون اوتوررکن ابوجهل لعین قول قیجمله اکتفا قیلوب
 مرتکب فعل شنیع اولوب اول حضرتیه حددن زیاده آزاریتورردی
 (روایتدر که حزه اول کون شکاره مشغول اولوب تمام روز برشکاره ظفر
 بولوب غضبناک مراجهت قلده قدده مکده دروازه سنده جارید عید جعدان
 استقبال ایدوب ایتدی ای حزه سکا شکار ایتمک و صید کاهه کتمک نه مناسبکه
 برادرزاده عزیز که جای شمنز اولمغین ابوجهل و سائر سفها انواع اهانته
 اذالیتوررلر حزه بوکاتدن متأثر اولوب منزله کلد کده کوردیکه
 منکوحه سی کریان اوتورر سببن صورت قدده اولدخی جاریه نک داغ طعن تازه
 قیلوب ایتدی یا ابا عماره نه مصیبت بوندن زیاده اوله که اشراف بنی هاشمه
 محل اولمیان جفاری روا کوره حزه ایتدی نه واقع اولشد دیدی ای حزه
 ابوجهل برقاچ سفها ایله محمدی طوتوب پرتو آفتاب کی رخسار مبارکن
 غبار آود ایتدیلر حزه ایتدی و ابولاء ابوطالب قنده ایدی دیدی کندی
 منزه سنده کتمش ایدی دیدی ابولهب قنده ایدی دیدی اول سنکدل

انتفات ایتیموب بلکه اهانتہ تحریرص ایدردیکہ یو کذاب و ساحر در دیر ایدی
و عباس قندہ ایدی دیدی عباس پروانہ وار اول شمع شبستان نبوتک
اطرافہ جز کنوب اسشفاع ایدردی اما قبول ایتزلدی جزہ بوخبردن
غایتہ متالم اولوب زارزار آغلیوب اگر چه اوچ کون طعام و شراب تناول
ایتمش ایدی اکل و شربہ انتفات ایتیموب محمدک انتقامن ابو جہلدن
آلینجہ طعام و شراب بکا حرامدر (القصہ حضرت رسولی استفسار
ایدوب روانہ اولدقدہ حرم کعبہ دہہ کوردی ملول و مکدر دیوارہ تکیہ
قیلش ایدی (السلام علیک یا ابنی) خاطر مبارکک خوش طوتیکہ
انتقامن دشمنلردن آلمغہ کلشم و ممکن اولدقجہ دفع اندوہ خاطر کہ تدارک
قیلغہ عنایت قیلشم حضرت رسول ایتدی جمیع اقربا ک انتفاتی با کہ
جفادر محبدر کہ خلاف عادت سندن ظہورہ کلہ و تمنای خاطر ناشادہ کہ
هیچ کیسہ دن میسر اولماز سندن میسر اولہ (شعر) چرخ هرگز سهو
ایدوب رأیجہ دور ان ایتدی * هیچ کیم دردم یلوب تدبیرہ درمان
ایتدی * تنکدل بر غنجه ام بن کیم فلک هرگز نی * نوبهار لطف تحریریکلہ
خندان ایتدی * جزہ کریان اولوب قسم یاد ایتدیکہ ای برادر زادہ عزیز
حقا کہ رضای خاطرک حاصل ایتک بکالازم اولمش در حضرت رسول
ایتدی ای عمر بر کوار بنم رضای خاطر م بذل مال وار تنکاب قتال ایلہ
حاصل اولماز جزہ ایتدی پس نیلہ حاصل اولور حضرت رسول ایتدی
ای جزہ اگر رضای خاطر م استرایسک واجب الوجودک وحدانیتنی
و بنم رسالتنی اعتراف ایدوب لوح ضمیرکی غبار کفردن پاکایت (شعر) عز
وجاہ و دوات و اقبال و ملک عالمک * اولہ تحصی اینہ راغب کیم فنا انجمادر
* دوات اسلامی کسب ایتکدہ تقصیر ایتہ کیم * دولت باقیکہ دیرلر دولت
اسلامدر * جزہ ایتدی ای مخدوم زاد بوکلہ ایلہ خاطرک خوش اولورمی
حضرت رسول ایتدی نعم پس جزہ کمال اخلاص و اعتقاد ایلہ مسلمان
اولوب ہم اول حرارتلہ ابو جہلاک در سر اینہ کلوب کوردیکہ اکابر قریش

ایله اوتورمش بی محابا التده کی یایله اوروب فرق نامبارکن مجروح قیلوب
ایتدی ای بدبخت سندن محمد جفا ایتک نه مناسبدر جماعت قریش آتی
غضبناک کوروب ایتدیلر ای اباعمار بر کذاب ایچون بونجه حدت نه لایق
جزه ایتدی ای بدبختلر محمد قریشی صادق و امیندر و بندخی شهادت
ویریم آنک صدق دعواسنه (شعر) حمد لله که اولوب کفر و ضلالتدن دور
* دوشدی کوکلم اوینه شمع رساندن نور * اشراف قریش جزه دن
اول کلماتی استماع ایتدکه متوهم اولوب ارتفاع آفتاب دولت اسلامدن
اندیشه قیلوب حضرت رس-ولک قتلنه ییل باغلدیلر و ابوطالبه بنیاد
جدال و قتال قیلدیلر و ابوطالب دخی بنو هاشم و بنو مطلبی جمع ایدوب
اول سرورک محافظت و معاونتده یکجهت اولدیلر و جمع بنی هاشم
ابو جهلدن غیری ابوطالبه اتفاق ایدوب بر شهبه اولوب بنی قریشدن
قطع علاقه ایدوب مناکحه و معامله آرازدن کوتوردای (شعر) صحیح
صادق کی طلوع قیلوب * نور شرع محمد عربی * پرتوفیض ایتدی
عالمکبر * بر بزدن ایردی روز و شبی (القصة) اوچ ییل بونهوال ایله
روز کارلری یکوب ابوطالب وفات ایتدی اوچ آی یکدکه خدیجه وفات
ایدوب جمعیت اسلام بر مقدار خلل بولمغین و اعوان و انصار متفرق اولمغین
کفار طغیان طریقله اول حضرت اظهاری ازار ایتدیلر و طریق معاندتی
طوتدیلر بمجلا اون ییل مقداری مکده جفاچکد کدنصکره هجرت فرمان
یتوب مکهدن مدینه یه انتقال ایتدی آنده دخی عبده اصنام صدد مخالفتده
اولوب محاربه و مقاتله و غزای بدر اول زمانده ظهوره کلوب عمر رسول عبیده
بن حارث بن عبدالمطلب شرف شهادت بولادی (فصل فی شهادت
عبیده بن حارث) کیفیت شهادتی اولدر که چون مصاف بدرده سپاه
اسلام و لشکر کفار مقابله ایلدیلر سپاه کفار طقوز یوزاللی مبارز و لشکر
اسلام اوچ یوز مجاهد اولوب و تمامی لشکر اسلامده یتش مر کب
و آتی زره و سکر شمشیر دن غیری یوغبدی ایکی جانبندن صفلر مرتب

اولدقده صف كفاردن اوچ كيمسه ميدانه چيقدی رى عتبه بن ربيعه
 وبرى وليد بن عتبه وبرى شبيه بن ربيعه و لشكر اسلامدن دخی اوچ
 مبارز انصارى آنلره مقابل اولدی كفار مبارزلى انصار مجاهدلرندن
 سؤال ايتديلر كه سزه طائفه دنسز ديديلر كه انصار دنز ندا قيلدیلر كه بزم
 اى محمد انصار ايله عداوتمز يوقدر بره افرامزدن مبارز كوندر حضرت
 رسول عبیده بن حارثی و حرة بن عبدالمطلبی و علی بن ابی طالبی آنلرك
 ميدانه ارسال ايتدی مقابل اولدقده عبیده بن حارث عتبه يه و حرة
 شبيه يه و علی بن ابی طالب وليده مقارن اولوب ابتدای حربده حرة ضرب
 تیغ آبدارله شبيه يی هلاك ايدوب و علی صدمه شمشیر صاعقه بارله وليدی
 قتل قيلوب دشمنلره غالب اولدیلر اما عبیده بن حارث عتبه بن ربيعه و برين
 مجروح ايدوب عاقبت عتبه عبیده يه برزخ منكر اوروب آهدن براقدی
 و حرة و علی اتفاقله عتبه يی قتل ايدوب عبیده يی كتوروب حضرت رسول
 خدمته يتوردیلر و عبیده ييهوش ايكن كندوسنه كلوب كوزن آچدقده
 خواجه عالمك جمال شريفن كوروب ايتدی يار رسول الله (الست شهيدا)
 حضرت بيوردیكم نعم سن سر دفتر شهداسين و عبیده اول حالته
 مباحات ايدوب دارالحر بدن هر اجعت ايتد كده منزل روحاده دارالقراره
 انتقال ايتدی و منزل مقصوده يتدی (شعر) اى خوش اوليكم حياتی
 اولدقجه ❀ عمری صرف ره شریعت ایده ❀ مدت عمری آخر اولدقده ❀
 بوجهاندن شهادت ايله كیده (فصل فی شهادة حرة) اما حرة نك
 شهادتنده بوجهله تقرر اولمشكه مصاف بدر دنصكره كفار لشكر جمع
 ايدوب بيك مسلح و مرتب كافر مدينه يه توجه قيلدیلر واحد ديمكله
 معروف منزله يتد كده حضرت رسالتدخی يديوزمه هاجر و انصار ايله آنلره
 مقابل طوروب برنوعله صف باغلديلر كه كوه واحد قفاده و مدینه مقابلده
 و كوه عين جانب يسارده واقع اولوب و كوه عينك برشكافی اولوب كينه كاه
 اولغه قابل اولغين حضرت رسول عبدالله حبيبي الی كاندار ايله

آنک حفظه تعیین ایتدی و مقر قیلدی که اگر لشکر اسلام غایت
واکر مغلوب اولسدل انلر اول شکافدن انحراف ایتدیلر و اول رخنه دن
برغیری جانبه کتیدیلر ایکی جانبدن آتش جدال اشتعال بولدقده و بازار
محاربه کرم اولدقده جماعت قریشدن طلحه بن ابی طلحه مبدانه کلوب
علی بن ابی طالب انده هلاک اولدی و فرزند ی مباشر حرب اولوب حزه
الندن تجرع شربت فنا قیلدی (القصه ابواب ظفر لشکر اسلامه مفتوح
اولوب لشکر کفار اختلال و انحلال بولغین عملری نیکو نسلار اولوب
متفرق اولدقده لشکر اسلام غنایم طوتمقده فرصتی غنیمت یلوب نهب
وغارتیه متوجه اولدقده رخنه کوه مستحفظلری اول حالی کوروب
بی اختیار منزللرندن منحرف اولوب عبدالله منع ایتدی که قابل اولوب
غارتیه متوجه اولغین کفار اول عمری خالی و لشکر ی غارتیه مشغول
کوروب اول عمره متوجه اولوب عبداللهی بعض اصحاب ایله شهید ایدوب
لشکر عقبندن چیقوب حله قیلدیلر لاجرم اثر مخالفت حضرت رسول
موجب تفرقه لشکر اولوب کفار تغلب ایدوب لشکر اسلام اوج قسم
اولدی بر قسمی مدینه جانبده فرار ایتدی و بر قسمی علی و سعد و طلحه
کبی حضرت رسول خدمتده قالدی و بر قسمی درجه شهادت بولدی
و روضه الاحبابده مسطور در که لشکر اسلام هزیمت ایدوب حضرت
رسولی تنها بر اقدقده اول حضرت علیدن غیری خدمتده کور میوب
ایتدی یا علی سن نیچون سائر جماعته ملحق اولمادک حضرت مرتضی
ایتدی یا رسول الله انلیک اسوة (شهر) بر بنده ام که روز ازلدن مطیع
اولوب * طوق وفای عهد که چکمش قضایبی * تقد حیاتم ایلشم نذر
طاعتک * حاشا که سندن ایله دوران جدایی * ناکاه جمع معاندلر اول
حضرتیه متوجه اولدیلر حضرت ایتدی یا علی بوجهی پریشان ایله
حضرت علی اول جمعی پریشان قلوب اکثر مالک تبرانه تابشوردی اول
حالتده حضرت جبرائیل نازل اولوب ایتدی یا رسول الله کمال مخالفتدر

بو که علین ظهوره کلدی حضرت رسول ایتدی (بلی انه منی وانا منه)
 جبرائیل ایتدی (وانا منکما) روایتدرکه منظومه (لافتی الاعلی لاسیف الا
 ذوالفقار) هفت غیبدن اول کون صادر اولدی ارباب حقابق و اصحاب
 معارفه محققدرکه سبب اعتلای رتبه مر قضا اتباع حضرت مصطفادر
 واعظم معجزات مصطفی ولایت مر تضادر (شعر) تکمیل مر تضایه سبب
 قیاسلر سؤال * اقبال اتباع شه انبیا بر * حقیقت رسوله دلیل ایتلر
 طلب * طوع اطاعت علی مر تضایه بر * روایتدرکه کفاردن درت معاند
 عهد ایتدی لکه حضرت رسوله بر ضربت یتوره لر و پر یوزندن اسلام آثارن
 کو توره لر بری ابنی شهاب و بری ابن قدو بری ابن حمید و بری ابن ابی وقاص
 (القصة) اشرار غلبه ایدوب ابرار مغلوب اولدقدده فرصت بولوب ابنی قه
 حضرت رسولک جبین مبارک لرین که مطلع آفتاب صدق وصف ایدی سنک
 جفا الیه مجروح ایدوب اول جراحتدن جاری اولان خونابه بی اول حضرت
 پاک ایدوب دیردیکه اگر بر قطره بوقاندن روی زمینه دو کله بلای آسمانی
 نزول قبله ابن شهاب بازوی شریف لرین که پنجه تاب دست تغلب کفار ایدی
 ناولک بیدادله زخماک ایدوب و ابن ابی وقاص لبروح افزا لرین که مسیح
 احبایی مر اسم دین و ماده حیات شرع مبین ایدی خسته قیلوب آنک
 اثرندن دندان رباعی لری شکست بولدی (مطلع) لعل ناب و در سیرابه
 حجرو پر سه شکست * صاعقه کیم آرته حجر قدری در و لعل اوله پست * و ابن
 حمید حر مزاده اول حضرتی جراحتلره مشغول کوروب شمشیر
 حواله قیلوب حضرت اول ضرر بدن احتیاط ایدوب بر مغاره به تحصن
 ایتدکده رخسار عالم آرا لکه منظور انظار احباب ایدی نظر دن
 غائب اولمغین ابن حمید ملعون تصور ایتدیکه خورشید آسمان شرع افق
 سعادتدن نهان اولدی و شمع شبستان رسالت انطفا بولدی مباهات
 ایدوب فریاده کلدیکه صاحب دعوی رسالت امرن تمام ایتدم
 ابلیس اول ملعونک اتفاقله ندا قیلدی (الان محمد اقد قتل) روایتدرکه

آواز ابابلس مدینه به یتوب دوست و دشمن اره سنده شیوع بولوب فرقه
احباب محزون و زمزه اعدا مسرور اولدی اما اندک زمانه نصیره
حضرت رسول اول مغا کدن چقبوب صحابه به ملحق اولدی و بوغزوده
حضرت حمزه شهادت بوالدی و کیفیت شهادتی بودر که مطعم که اکابر
اعیان مکه دن ایدی وحشی نام برملوکی اولوب غایت مبارز ایدی بر
کون دیدی ای غلام مصاف بدرده بنم برعم مقتول اولو بدر و محمد ک ابی
عمی واربری حمزه بری عباس ایکسندن برین قتل ایده یلسک و محمد
انتقامن السک سنی مالدن آزاد ایدردم وحشی ملعون حمزه قتلن قبول
ایدوب و همواره مترصد فرصت ایدی و هند که منکوحه ابی سفیان
ایدی آنک اتاسی دخی بدر مصافده مقتول اولوب خاطر ند بو کدورت
ممکن ایدی اولدخی و حبشک عزمن معلوم ایدوب مؤکد فساد اولوب
انواع مواعده اول ملعونی تحریر یص ایتدی وحشی به حارث بن عامر
دخی ایتدی ای وحشی بنم اتام و فرنداشم بدرده مسلمانلر انده قتل
اولدیلر اگر سن محمدی یا حمزه بی و یا علی بی قتل ایده جک اولسک سنی مال ایله
بینیاز ایدرم (مشوی) طمعدر سرفتنه روزگار * طمعدر قیلن عزت اهلنی
خوار * نهال طمع میوه سیدر فساد * بهار طمع سبزه سیدر عناد *
طمع دیده دانشی کور ایدر * رخ شاهد فبضی مسطور ایدر * وحشی
ایتدی محمد قتلنه قادر دکل زیرا اصحابی آنک محافظتنه یکجه تدرلر و حمزه
قتلنه دخی اقدام ایده بیلر مزیرا اول پهلوان صاحب صلابتدر اما علی
نور سیده درهنوز احوال مصافه واقف دکل ممکندر که قتلنه فرصت بولم
واکا غالب اولم (القصة اول عزیمتله وحشی حرمزاده منتظر فرصت
ایدی اول وقتله دگکه غرای احد و اقع اولوب نیران محار به اشتعال بوالدی
مقدما حضرت علی قصدن قیلوب کوردیکه شاهباز اوج لافتی غرابه
صیدا اولماز و شیر پیشه هل اتی به هر شغال نصرت بولماز اندن تجاوز
ایدوب حمزه قصدنه دوشدی و حمزه عادت معهود اوزره ایکی شمشیر ایله

مصاف ایدوب هر جانبہ جلہ قلوب صفوف اعدای چاک ایدرکن
 هر کی رنہ وار پرده اعشار بولوب آیاقدن دوشوب کندی پیاده قالوب
 بعض اعضا سندن زره دور اولمغین وحشی حرا مزاده فرصت بولوب اکا
 برضرب نیرہ یتوردیکہ برطرفندن برطرفنه گذارایتدی فی الحال کلمہ
 شہادت کتوروب نقد روانی خازن جناہ تسلیم ایتدی (شعر) اول
 شہنشاہ عظیم الشانہ ہنسکام اجل * تیغ دشمن اولدی مفتاح درددار السلام
 * چہرہ اقبالانہ آچلادی ابواب نجات * دوستدن استردی دشمندن مہسر
 اولدی کام * و بعض بد بختر دخی آک حربہ ایلہ سہندسین چاک ایدوب
 جکرن پارہ پارہ چبقاروب ہند جکر خوارہ یہ ہدیہ التدیلو ہند بی دولت
 آک جکرن یوب وحشی بہ آفرینلو اوقیوب احسانلو ایتدی (روایتدر کہ
 لشکر اسلام متفرق اولدیغی حالتدہ حضرت فاطمہ حضورندہ اولان
 خوانین ایلہ مترصد اخبار رسول ایکن برسپاہی حضرت رسولک فوتندن
 خبر و یروب حضرت فاطمہ اول خبردن بیہوش اولوب کندویہ کلدکدہ
 بی اختیار مدینہ دروازہ سندن چیقوب عایشہ وصفیہ و حفصہ و بعض
 مخدرات حرمسرای عصمت دخی اتفاق ایدوب احد طاعنہ توجہ ایتدیلو
 وحدت فریاد و فعالہ لالہ لکچی کریبان چاک ایدوب و چشمہ لکچی دیدلرین
 نناک قیلدیلو (الفصہ فاطمہ بنوحوہ بنیاد قیلدیکہ صداسندن احد
 طاغی مترزل اولدی (بیت) براقدی کوہ صدانالہ و افغانی آک * اقدی
 چشمہ یاشین چشم خونفشانی آک * اثر مصیبت اعضای لطیفندن قوت
 رفتاری آوب غایتدہ بیطاقت اولوب سایہ وار اول آفتاب اوج عصمت
 برکشمہ دیوارہ تکیہ قیلدی و اطرافندہ اولان عوراندن برصالحہ یہ
 تضرع قیلدیکہ اول رزمکاکہ رواں اولوب حضرت رسولدن برخبر کتورہ
 اول صالحہ راونہ اولوب رزمکاکہ یتدکدہ گذاری شہیدلو اوزرینہ
 دوشوب قرنداشین مقتول کوروب انتفات ایتوب سرعہ آندن یکدکدہ
 اوغلنی دخی کوروب پرزخہ آغشتہ خاک و خون اولمش حیانتدن

بررق باقی اولوب تضرع ایتدی که ای مادر مهربان آخر نفس در فرزند
مستمنده کی سعادت دیدار که مشرف قبل اول صالحه ایتدی ای فرزند
اگرچه آتش فراقک جگر سوز و نالوک هجرانک دل دوزدر اما
نه دیم حضرت فاطمه منتظر می اجمعتدر سکا مشغول اولهم معذور
طوت آندن دخی بوعدرله کچوب معرکه قتله قدم با صدقه اول محله
یتدی که حضرت رسول مغاکدن چیقوب سایه علمده قرار طومشبدی
پایوس شریفله مشرف اولوب ستایش ایلوب ایتدی (شعر) ای چراغ
خانه شرع کل کزاردین * ملجأ الافاق خیر الخلق فخر العالمین * نور
روی کدن منور دیده خورشید و ماه * خاک پای کدن مزین صفحه روی
زمین * تفصیلی ایله فاطمه احوال ان عرض ایدوب اشیاقن شرح قیلوب
وسلامن بتوردی حضرت رسول الله صلی الله علیه وسلم ایتدی ای
مستوره می اجمعت قیلوب فاطمه یه حیاتدن بشارت بتور وانی بنم
حضورمه کتور اول مستوره حضرت فاطمه یه سید کائناتدن بشارت
یتوروب حضرت فاطمه مضطرب الحال افتان و خیزان اول رزمگاهه
یتد کده حضرت رسول استقبال ایدوب اکاتسلی خاطر و پردکده
خاتون قیام ایتدی ای پدر بزرگوار بو عورته شکرانه قبول ایتشم
حضرت رسول ایتدی ای مستوره می ادکندر خاتون ایتدی توقع
بودر که عرصه قیامده بکا و اولادده شفیع اوله سین حضرت رسول
توقعن قبول ایدوب واول عورته رخصت اولوب شهیدلینک اوزرینه
کتد کدنصکره حضرت رسول ایتدی ای اجره یه نه واقع اولدی
اوله که آندن اثر کورلماز حضرت علی حضرت رسوله حجه شهادتن
خبر و یردی (بیث) نه خبردر بو که خوانده دو کرم ژکندن * صبر آلورجان
حزین و دل سرگرداندن * حضرت رسول صحابه لایله حجه نک اوزرینه
کلوب اعضای پاره پاره سن کوروب ناله لچکدی و نوحه لیلدی و غایتده
متأثر و متألم اولدی زیرا عم برکوار و برادر رضاعی اولوب حین دعوت

نہوتندہ هواداری ایدی بوحالته مقارن صفیه کہ جزہنک ہمیشہ سیرہ سی
ایدی حاضر اولوب حضرت رسول آنی کوروب فرزند ی زیرہ ایتدی
یاز بیروالدهی برتدیرله کلکدن منع ایدہ کور قرنداشین بوحال ایلہ کورہیہ
اول مخدوم زاده اناسنہ استقبالی ایدوب ایتدی ای والده محترمه
حضرت رسولک رضاسی سنک مراجعت کدر صفیه ایتدی ای فرزندم
استماع ایتشم کہ جزہ شهادت بولوبدر و یقینک بوه صیت رضای
خداورسول ایچوندر توقعم بودر کہ بکادخی تعزیتدن ومشاهده سندن
بو ثواب مہسراولہ حضرت رسول اول مظلومہنک کمال ہمتن وحسن
اخلاصن ملاحظہ قیلوب رخصت ملاقات و یروب انفاقلہ عزاسنہ
اشغال ایتدیلر و اول ساعتہ جبریل علیہ السلام کلوب بشارت
کتوردیکہ جزہنک صفحہ آسمانہ اسمی اسداللہ واسدالرسول یازلدی
روایتدر کہ حضرت رسول جزہنک جنازہ سی اوزرینہ نماز ایتدکدہ
یتمش نفر شہیدک جنازہ سین حاضر ایدوب بری اوزرینہ نماز ایتدککہ
آنک جنازہ سین کتورہ یوب یتمش کرہ اوزرینہ نماز قیلدی (نورالائمه)
خوارزیندن نقلدر کہ جزہ ایکنجی شہیددر اہل یتدن وحسین مظلوم
خاتم الشہدادر وحضرت رسول بیورمشکہ کہ بلادہ حسین ایلہ یتمش
نفر مجاہد شہید اولہ و آنلرک اوزرلینہ نماز قیلغہ بر مؤمن حاضر اولہ
بنم جزہ اوزرینہ یتمش کرہ نماز ایتدیکمک بری جزہ ایچون وقعہ سی اول
شہیدلر ایچوندروایتدر کہ بر شہیددارا حربہ آیاقدن دوشدیک ی زمانہ
حورالعین استقبالیہ کلوب آنککہ مصافحہ قیلور (القصد حضرت رسول
بیوردیکہ جزہ بی جامہ خون آلود ایلہ دفن ایدلر و دارا حرب احسندن
مراجعہ ایدوب مدینہ یکلکد کدہ ہر جانبدن شہدای احدا ایچون کر یہ
استماع ایدوب جزہنک سرایتدن نوحہ استماع ایجبوب حضرت رسول
بیوردیکہ جزہنک بو شہردہ اہلی یوقدر عزاسین طوغغہ (مشہوردر کہ
ایکی وقت ایکی طائفہ یہ حسرت مستولی اولور صباح اولدقدہ کہ ہر فرزند

والده سنك كنارنده طور وب شفقتلر ومهر بانقلر كورر اما يتيملى بيكسلاك
 آتشي باقار وهر اخشام اولدقده هر كيم كندى منزله متوجه اولور غريب
 اولنلرك خاطر بنى سراسيمه لك محنتي باقار (نقلدر كه بر يغمبر ملك الموت دن
 سؤال ايتديكه اى خازن نفود ارواح بونجه جكر لك داغ مفارقتله باقار سين
 و بونجه خانمانلر كه اجل سيلابه ييقار سين آيا هيچ كيمسه يه رحك كلور مى
 ملك الموت ايتدى ترجم نقشى صحيفه خاطر مدن حضرت ايزد رفع
 ايتشدرا ما بو حال ايله غريبلر كه حلاله رحم كلور زير استر داد زمان امانت
 ريانى برى پدر و مادر ياد ايدوب آب حسرت ديدۀ غمديده دن دو كر و برى
 يار و ديارى فراقندن آه حسرت چكر (شعر) سيل اشك يتيم آه و غريب *
 موج اوروب شعله چكسه شام و سحر * قطره سى صفحه زمينى طوتوب *
 شعله سى آسمانه ايدۀ اثر * روايتدر كه جميع مهاجر و انصارك عورتانه
 حكم اولديكه جزه نك سراينه جمع اولوب كندى شهيدلر ينك عزاسين
 آتده طوتاز حضرت رسول مهاجر و انصارك بوفعلارندن غايت خشنود
 اولوب دعا قىلدى اى عزيزلر ملاحظه قىلككه حضرت رسول جزه نك
 بيكسلاكنه رحم ايتديكى رده كر بلاده حسنه بونجه اولادى شهيد
 اولوب ماتملرين طومغه كيمسه اولمدينى اجلدن اكر مكدرا ولسه و آنك
 رضا سچون مخلوقات زمين و آسمانى عزاطوسه غريب و عجيب اولمازامام
 محبى السنه معالم التزيينده نقل ايتشكه واقعه كر بلادن مقدم حرت شفق
 يوغيدى اول واقعه دن صكره ظاهر اولدى (بيت) صانع كيم كلكون
 شفق دندر سـ پهر بيوفا * دامن دوراني طومش خون آل مصطفى *
 شواهد النبوه ده مسطور در كه عبد الملك بن مروان مجلسنده بركون واقعه
 كر بلا ذكر اولنودى زهير آتده حاضر ايدى نقل ايتديكه اول كون حوالى
 مسجد اقصاده هيچ سنك ريزه يرنن كستور مدبلر كه آنك التده بر قطره
 قان كور مدبلر (وعيون الرضاده مسطور در كه على بن موسى رضادن
 نقلدر كه جدم حسين شهيد اولدقده آسمان خونبار اولوب حقا كه

يك فرشته رحمت آنك انتقامن آلفه افلاكن مر كز خاكه اينديلر اما
 رخصت بولديلر وحالا روضه مبارك اوزرنده مومي ژولیده وروی
 خراشیده ايله عراسنه مشغولدرلر (شعر) كر بلاد شونده شاه كر بلانك
 حالنه * اتفاق عام اولوب مجموع عالم آغلدی * پایه عرش معلاده دوکوب
 جبریل اشك * روضه رضوانه روح نوح و آدم آغلدی (فصل شهادت
 جعفر طیار) او چنجی شهید اهل بیتدن جعفر طیاردر (روایتدر که جعفر
 جمع صحابه ايله حبش جانبته هجرت ابتدا کده نجاشی علیه الرحمه آنک
 ارشاد ايله اسلامه کلدی و قلعه خیبر فتح اولندقدده حضرت
 رسول ملازمیتله مشرف اولوب حضرت آنک حقنده بیورمشکه
 (اشبهت خالق و خلق) فی الواقع بونهایت تعظیمدر روایتدر که هجرتک
 سکرنجی بیانده حضرت رسول جعفری مر حل غسالی حربته ارسال
 ایتدی و مؤنه منزله کفاره ملحق اولوب لشکر اسلام اوچبیک مجاهد
 و لشکر مر حل یوزیک مفسد اولوب غایت کترده ایدی اما سپاه ظفر
 پناه اسلام کثرت سپاه اعدادن اندیشه قیلوب بنیاد مقاتله قیلدیلر
 اثنای مقاتله ده زید بن حارث علمدار سپاه ایدی شهید اولوب جعفر کندی
 رایت نصرت آیتی الله آلوب هجوم ابتدا کده کفار مر کین سقط ایدوب
 پیاده قالوب فسقه و فجار فرصت بولدقدده ضرب شمشیر ايله بازوی یمین بدن
 مبارکندن جدا قلدیلر اول شهباز اوج جلادت رایتی بازوی یساره آلوب
 بر اقدی بازوی یسارن دخی قطع ایتدی لر ایتی دیشله طوتوب دوشمه
 قویندی (القصة برنامدر بر ضرب منکر اوروب اول مظلومی آناقدن
 بر اقدی) اخبار صحیحهدن نقلدر که حضرت ابن حجب واستاری رفع
 ایدوب حضرت رسولی مؤنه معرکه سنه مطلع ایتشیدی و اول حضرت
 دمدم جمع احواله مطلع اولوب اصحابه خبر و یردی وزید بن حارث
 و جعفر بن ابی طالبک پاره پاره اولد قلرین اعلام ایدردی و بیوردیکه جعفری
 کوردم بهشته کیروب یا قوتدن ابکی شهر پییدا قیلوب طیران ایدردی

و بودخی حضرت رسولدن نقادر که بیورمش بن جعفری کوردم مثل
 ملك طيور بهشته پرواز ایدر بوجهتدن آکا جعفر طیار دیرلر (و بعضی
 قصصده مسطوردر که جعفرکیتش ایکی زخی اولوب دوشد کده هیت
 و صلابتدن هیچ کیسه قتنه اقدام ایدله بلوب آخر الامر اعدا هجوم
 ایدوب آنی یردن کتورد کده باش قالدیروب مناجات ایتد کده الهی بنم
 قتله عم زاده مک ناموسنه خلل یتورمه حق تعالی ایکی شهبال
 التفات ایدوب قوت پرواز و یردیکه کفار ایچنده اوچوب فردوس برینه
 نزول ایتدی (شعر) قتل ره عشق اولان سالکی * حلق التفاتی
 سرافراز ایدر * مذلت ترابنده کورمز روا * علو مقابله ممتاز ایدر
 * پروبال پیدا قیلوب لاجرم * طوب بهشت ایله پرواز ایدر * هرگاه که
 عبدالله بن عمر جعفرک اولادین کوردی بو عبارتله تعظیم ایدردیکه
 السلام علیک یا بنی ذی الجناحین (روایتدر که حسین شهیددن حضرت
 رسول جعفرک احوالنه مطلع اولدقده آنک منزله واروب اسماء
 بنت عمسه که آنک زوجه سی ایدی حاضر ایدوب جعفرک اطفالی بربر
 نوازش طریقله سرفراز ایتد کده اسماء ایتدی یارسول الله بو کون
 جعفرک اولادینی یتیم طریقله نوازش ایدرسین مگر جعفر شهادت
 بولوبدر اول حضرت کریم اولوب آنلره صبرله تسلی و یردی (عبدالله
 ابن جعفردن مر ویدر که حضرت رسول کلوب بزه تعزیت و یرد کده اول
 غایتده کریم ایدیکه قطرات اشک محاسین شریفتدن دوکلوردی
 و بیورردیکه الهی جعفری احسن مقامه واجزل ثوابه ایرشدر و حالا
 سن انک خلیفه سی اولوب حصن حایت کده صاقله و اول کوندن صکره
 ینه کلوب اولادن عزادن چیقاروب خاطر لرین اله الدقده والد لری یتیم
 ایچون تشفع ایتد کده بیوردیکه (اتخافین علیهم وانا ولیهم فی الدنیا
 والاخرة) روایتدر که جعفرک سکر اوغلی اولوب ایکبسی عون و محمد اصغر
 حضرت حسبله کر بلاده شهید اولدیلر رحمة الله علیهم حضرت رسول

اللهك بابتلاسی دخی فوت ابراهیم در (روایتدر که ابراهیم هجرت
یکرمی ییلنده ماریه قطبهدن متولد اولوب قابله سی مسلمه نام جاریه
ایدی حضرت رسولدن نقلدر که ابراهیم متولد اولدوقده جبرائیل نزول
ایدوب تهنیه طریقله ایتدی السلام علیک یا ابا ابراهیم (القصه ابراهیم
بریل التی آی فضای حیاته قالوب جوار رحته واصل اولدی حضرت
رسول انک فوتندن مجروح اولوب کربیه آغاز ایتدکه عبدالرحمن بن
عوف ایتدی یارسول الله سن خلقی جزعدن منع ایتدک حضرت رسول
ایتدی بن کربهدن منع ایتدم خراش روی و کشف اعضادن نهی ایتدم
آب چشم ماتمرده باران رحمت و نشان رأفتدر (العین تدمع والقلب تحزن
ولا اقول الا مارضی به ربنا) شواهد النبوه مسطوردر که برکون
حضرت رسول حضرت حسینی بر دیزی اوزرینه و ابراهیمی بر دیزی
اوزرینه آلوب نواز شلرایدرکن جبرائیل حاضر اولوب ایتدی یارسول الله
حضرت حق بویاکی اولو شهوراری بر رشتهیه منتظم قیلوب جمع ایتز
برینک رفعتی رضا و برمک کک (شعر) ای شهر یار مسند تمکین عز و جاه *
اولماز بر آسمان اینکی خورشیده جلوه گاه * حضرت رسول ایتدی اگر
ابراهیم فوت اولسه اکثر آلام بکا متوجه اولور اگر حسین فوت اولسه بکا
و می تضایه و زهرا یه اولق لازم کلور بن مصیبت خاصی محنت عامه اوزرینه
اختیار ایتدم اول واقعه دن اوچ کون کچد کده ابراهیم وفات ایتدی رحمه
الله علیه اول واقعه دن صکره هرگاه که حضرت رسول حضرت حسینی
الینه آلوب التفات ایدردی و دیدیکه می حبا ای فرزند عزیز می فداسی
ایتدیکیم جگر کوشم زهی بد بختلر که بویله عزیزه اهاقی روا کوردر
کنز الغرأبدیه مسطوردر که برکون حضرت حسین حضرت رسول
خدمتنده ایدی منزلته مراجعت ایتک مراد ایتدی اما باراندن کمتکی
متعذر کوروب ملالت خاطر ظاهر ایتدی حضرت رسول حضرت حسینی
ملول کوروب ایتدی نه واقعه در حسین ایتدی یارسول الله باران بکا مجال

ویرمز که منزله کیده‌م حضرت رسول دعا قیلدی باران توقف ایدوب
 حضرت حسین منزله متوجه اولدی قیاس ایدککه قطره باران جفا سینه
 متحمل اولیان اعضای شریفه سنک ستمدننه جفال یتش اوله (شعر)
 خار ناوکن کل اعضاسی اولش چاک چاک * پایمال ایتش غم اول
 سروروانی ای دریغ * اختلاف وضع طغیان هوای مختلف * منطقی
 قیلش چراغ خاندانی ای دریغ * حقا که هر ذره خاک و هر جزء افلاک
 تاروز قیامت هر زمان هزار ناله دلسوز چکسه مصیبت کر بلایه وفا قیماز
 واول محنت زده لر عراسنه وافی اولماز (اوچنجی باب حضرت سید المرسلینک
 کیفیت وفاتن بیان ایدر) همبشه دیده بصیرت برله مطالعه اوراق لبالی
 وایام ایدن ار باب حقایق واصحاب معارفه معلوم اولشدر و همواره عین
 فراستله مشاهده میورستین واعوام قیلان اولوالابصار ذوی الافهام
 آراسنده وضوح بولشدر بو که اعیان ثابته ممکنه مستلزم احاطه عدمدر
 واصلنه راجع اولور هر موجود که وجودنه عدم مقدمدر (منوی) کنج
 بقاصانه بوویرانهی * ایتبه کور قبله بویتخانهی * مهری کتور کنبد
 دواردن * رسم وفا اومه بوغداردن * ملک وجودی عدم آبادیل *
 کورمه وجودک عدمک یادقبل * آنچه جهان زالنه چشم هوس *
 عقدنه بیل باغله پیوندی کس * طوتکه جهان ملکئی طوتک تمام * سودنه
 چون ملکینه یوقدر دوام * دهر ندر آینه عکس دار * صورت آینه
 بی اعتبار * ای عزیز مطلق ریاحین ریاض امکانه شبنم بقادن اثر طراوت
 یتماشدر و سبره بوستان حیات مستعار هر کس بحباب ثباتدن کسب رطوبت
 یتماشدر کایه ایوان بنای عالم رقم (کل مخلوق یموت) و خیره طینت بنی
 آدمندن خیره مایه (کل مرزوق یفوتدر) (منوی) طمع قیلمک وفا ملک
 جهانندن * وفا قندن بو فانی ملک قندن * بو ویران ایچره صمک
 کنج یوقدر * جواهر دن ابالب کنج چوقدر * ولی عادت
 بو اولشدر که دوران * قبله هر کنجی بر طیر اقد نهان *
 کر ادراک ایلسک هر ذره خاک * چکوبدر پرده ییست جوهر پاک *

نه بارگاه حشمتدر که طاق و رواقی طایم اعلا یه یتد کده سیل فسادن تزلزل
بولوب ویران اولمادی * ونه نقش کارگاه رفعتدر که زینت وزیبه درجه کمال
حاصل ایتد کده بازیجه لعلمباز دهردن صورت تغیر بولمادی * لاله زار
صحرای امکاندن مشام ادراکه رایجه (کل من عایها فان) کلور زمرمه
بزم جمعیت اعبادن سماع عرفانه اصغای صدای (کل شیء هالک) کلور
(مشوی) دهردن آرزوی کام ایتمه * بونده کام استیوب مقام ایتمه *
فلاک تبر کرد و تشخرام * هیچ ناکامه ویرمشدیر کام * الحق بوخارزاره
کل مراد انید یله زلال حیات کرامی دوکن خار ندامتدن غیری بهره
کورمشدیر * و بوستانه شکوفه مقصد متناسبه نهال توقع دیکن زهر بلادن
اوزکه مویه درمشدیر * اتصال صحیحی خاطر انفعال دن خالی اولماز والتیام
الغنی ضرر انفاکدن امان بولماز (مشوی) دنیا یه کلن کیدر ضروری *
مستلزم غیبه و حضوری * دور فلک قرار ی اولماز * اقبالنک اعتباری
اولماز * طوتک طوتام جهانی یکسر * مانند جم و قباد و قیصر * نه سود
چو عاقبت کیدر سین * اسباب جهانی ترک ایدر سین * یقین بیلک کر ککه
وضیع و شریف و قوی و ضعیف عالم و جاهل و دیوانه و عاقل و مست
و هشیار و خفته و بیدار ملک عدمدن هیئت منساویه ایله چیقوب و عالم
صورته اطوار مختلفه و اوضاع متنوعه ایله سلوک ایدوب هنکام انقضای
مدت عمرنک تساوی طوتوب شربت (کل نفس ذائقه الموت) ایچمک
مقرر در و اعتقاد و اعتماد ایتک کر ککه خلعت ظهور کوب فیض فطرت
قبول ایدنلره ادرالک تسلط (ایمان کونوا یدر ککم الموت) مقرر در (مشوی)
کل ای ملک دنیا یه مغرور اولان * می ذوقدن مست و مسرور اولان *
کرفتار دام بلا سین صاقین * اسیر دم اژدرها سین صقین * کریبانکی بیچیه
روزگار * طوبه در حذر قبل سرانجام کار * سنی دام قبری کرفتار ایدر * باشک
مهرة رشته مار ایدر * کلان بو کذرگاه کمت کرک * نزول ایلین رحلت
ایتمک کرک * بولماز جهان کارگاهنده کام * فراغت مقامی دکل بو مقام *

فی الواقع اگر بقای بشر ممکن اولسیدی خیر البشر که نقش نیکین (ولیکن رسول الله وخاتم النبیین) در بوت شریفه مشرف اولق انساب ایدی واکر دوام نبی آدم احتمال بولسیدی قائل (اناسید ولد آدم) بوسعادت استحقاقنه اقرب ایدی دلیل ازاله نقش تعینات جسمانی بویتر که حضرت خواجه کائنات (انک میت وانهم میتون) خطابنه مخاطب اولمش در وشاهد تغیر صور صحیف امکانی بو کفایت ایدر که افضل عالم (وما جعلنا لبشر من قبلك الخلد) خطاب مسـنطابن اصغاقیشـدر (شعر) دور زمانه نک عدم اعتبارنه * شاهد شباع واقعه اندیایتر * عمال کارخانه احوال عالمه * موت نبی علامه فوت و فانیتر * بی تکلف اعظم مصائب شهید کر بلا فوت حضرت مصطفادر زیر موجب اطاله ایادی ظلم وجفادر (مجملا کیفیت موت حضرت رسالت اولدر که اول شمع شبستان رسالت و خورشید آسمان نبوت هجرتک اونجی ییلنده ادای حج الوداع ایتدکده عرفه کونی ساحت عرفانده بو آیت کریمه نزول ایتدیکه (الیوم اکملت لکم دینکم و اتممت علیکم نعمتی) حضرت رسول بو آیتک مضمونندن استشمام رایحه انتقال ایدوب و بو عبارتک مفهومندن احساس ارتحال قیلوب محقق بیلدیکه تیکنای شهادتدن فضای فرحزای غیبه توجه ایتک کرک و دار فنادن ملک بقایه کتمک کرک زیر اغرض شرف رسالتدن بیان احکام ایدی تمام اولدی و مقصود سعادت ظهورندن اظهار نعمت اسلام ایدی درجه کمال بولدی پس اکابر و اشراف صحابه بی جمع ایدوب بیوردیکه ای مهاجر و انصار بندن بو کون ضروریات اموردیکری تحقیق ایدک فرصت اکسباب فوت اولدنکه وعده مفارقت قریب اولمشدر وطریق مرافقت انتها بولمشدر و دخی بیوردیکه ای قوم عرصه قیامت (یوم ینفع الصادقین صدقهم) قرارگاهیدر وقاضی روز جزا (یوم لاینفع مال ولا بنون) کواھیدر اگر او کونده سزدن سؤال اولنسه که محمد سرکله نیجه سلوک ایتدی جوابکن ندر صحابه اتفاقله ایتدیلر یا رسول الله سندن

ادای رسالت والقای نصیحت استماع ایتدک شهادت و یریز پس
حضرت رسول انکشت سبابه قرشکافن جانب آسمانه قالدیروب ایتدی
(الاهم اشهد) یعنی الهی سن شاهد اول (روایتدرکه حج الوداعدن
مراجعت قبلدقده انشای طریقه غدی رخم دیملکه معروف موضعده
جاعتله ادای نماز ایتدکد نصکره صحابهیه متوجه اولوب یوردیکه
(الست بالمؤمنین اولی من انفسهم) یعنی مؤمنلره نفسلرندن اولی دگیم
اول حضار مجلس اتفاقله تصدیق و یروب ایتدیلر نعم یارسول الله
پس حضرت می تضانک النندن طوتوب ایتدی (من کنت مولاه فهذا
علی مولاه) هرکیمک که بن مولاسی ایدم علی آنک مولاسیدر (الاهم
عاد من عاده) یعنی الهی آنکله عداوت قبائمه عداوت قبل
(ووال من وآله) یعنی آنکله دوست اولنلره دوست اول (واخذل
من خذله) و آئی خوار طوتنی خوار طوت (وانصر من نصره) واکا
نصرت و یرنه نصرت و یر (وادر الحق معه حیث ما کان) و مقارن ایله حتی
آکافنده اولورسه (روایتدرکه حضرت عمر الفاروق رضی الله تعالی عنه
حضرت می تضانک الین طوتوب تهنیه طریقه ایتدی) (بخ نیک یا بن ابی
طالب اصحبت مولای مولای کل مؤمن و مؤمنه) (قطعه) کل ای رضای
رسول اسنین ظهوره کتور * نشان دولت توفیق و آل من و آله * عداوت
اسد الله اولمه قائل کیم * سکا چکلیمه شمشیر عاد من عاده * و بوکلات
حکمت آمیز ائناسنده ایتدی ای قوم بنی عالم عقبایه دعوت ایتدیلر و اول
جانبه توجه قیلوب حفظ صلاح ایچون (خلفت فیکم الثقلین کتاب الله
وعترتی) یعنی مظهر سرخلاقیم ایکی امر عظیمدر بری قرآن و بری
اهل یتیم زنهار طریق متابعتلرندن محالفت قیلک و رسم مطاوعتلرندن
متجاوز اولمککه بونلر بر بر لیله رابطه تمام بولوب حوض کوثر کنارنده بکاملحق
اولوب آثار شکر و شکایت ظاهر اینسلر کرک زهی امت بیوفاکه بو مضمون
صحیح اولش ایکن اقرب زمانده تحریف مضمون قرآنی جائز کوروب

اهل بيته جفال روا کوردیلر و دشت کر بلاده اولاد رسوله اذار يتوردیلر
 (مشوی) ای شریعت شرفندن غافل * خلل شرعه دما دم مائل *
 مصطفادن نه جفا یتدی سکا * اول وفا پیشه نه جور یتدی سکا *
 که مکافاته پیدا یتدی * اوزک آزار نه معتاد یتدی * بنیه شرعه و یردک
 تغیر * آل و اولاده چکدک شمشر * اول سنی صاحب ایمان یتدی *
 لطفلر کوسرتوب احسان یتدی * سن آنک ظلمه عرضین یقده * داغ
 پیدا یله جان یاقده (نور الائمة ده مسطور در که هنکام طفولیتده برکون
 حضرت حسین مظلوم اطفال محله ايله ملاعبه یه مشغول ابکن
 حضرت رسول حاضر اولوب آنی طومغه قصدا یتدی و حضرت حسین
 حضرت خواجه دن فرار ایدوب هر طرفه توجه ایدوب حضرت رسول
 متعاقبا روان اولوب یتدی یا حسین بونه نفر در حضرت حسین یتدی
 یا رسول الله بونفرت دکل بلکه تحرك سلسله محبتدر (شعر) دلبک
 عشاقدن عین طلبدر نفرتی * منعنددر مهر طغیان محبت شدتی *
 انطفای نار شوق ایلر زلال اتصال * منع مقدار نجه در مطلوبه طالب
 رغبتی * معشوقه عاشقدن آهنگ کر یزایر آتش محبت و بازار طلبی
 تیرایدر (الفصه خواجه کائنات اول احسن محاوراتی ترددله طوتوب
 آسمانه متوجه اولوب دعا قبلدیکه (اللهم احبه واحبه) هم اول ساعت
 عالم غیبدن ندا کلدیکه یا رسول الله بو محبتله ممتاز یتدی بک جکر
 کوشک و بوالقناتله سرافراز یتدی بک قره العین دشت کر بلاده شهید
 اولوب درگاه عالم پنهمزه پدر بزرگواری و برادر عالمقدار یله حاضر
 اولوب بری بر حربته و بری شربتله و بری بر ضررتله شهید اولوب
 تظلم یتسار کرک (مشوی) برینک فرق تیغ ظلمدن شق * دم معجز
 مثال بدر مطلق * برینک زهردن حالی دکر کون * مزاج تلخ کل تک
 باغری پر خون * برینک لاله وش چسمنده یوز چاک * جکر قاتله جسم چاک
 نمناک (الفصه روایتدر که حج الوداعده ایام منی (اذا جاء نصر الله والفتح)

آبت کریمه سی نزول ایدوب حضرت رسول جبرائله ایتدی ای مقرب
 درگاه الوهیت وای محرم بارگاه ربوبیت غالباً هکلم توجه عالم آخرتدن
 جبرائیل ایتدی یار رسول الله (وللاخرة خیرک من الاولى) حضرت
 خواجه رسالت بوآیتی استماعندن و بو مضمونه اطلاقند نصکره تهنیه
 اسباب انتقاله و ترتیب آلات ارتحال مشغول اولوب همیشه (سبحانک اللهم
 اغفر لی انک انت الوهاب) کلمه طینه سنی تکرار ایدردی صحابه ایتدیلر
 یار رسول الله بو کلمه بی تکرار ایتدن غرض ندر حضرت رسول ایتدی بنی عالم
 بقایه دعوت ایتدیلر و انانی تکلمده کریان اولدی ایتدیلر یار رسول الله موتدن
 کریمه ایتک حضرت تکریدن نه مناسب بدر خصوصاً که محترم و مغفور اولدی بکفر
 مقرر در حضرت رسول ایتدی بنم اضطراریم آنکچوندر که بونجه جفا
 چکوب دائرة ایمانه چکدیکیم مسلمانلر آیا بند نصکره مکاید ابلهسه گرفتار
 اولوب نه آفتلره مقارن اولهلر و نه محتلره دوشوب نه اهانتلر بولهلر (القصة
 اول آفتاب آسمان لطف و کرم متوجه درگاه اولوب برآی وفاتندن مقدم
 صحابه کباری عائشه منزله جمع ایدوب آنلری برینه سفارش قیلوب
 بودعائله سرافراز ایتدیکه (رفعکم الله هداکم الله جمعکم الله حفظکم الله
 نصرکم الله وفقکم الله) و شرائط دعا داند نصکره وصیت قیلدیکه ای
 قوم بنم توجهیم عالم بقایه مقرر اولدی و آفتاب حیاتم رخصت غروب
 بولدی حرمت اهل یتیمی سزه و سزی اول پادشاه بیر واله تابشوردمکه
 ملک بقاسنه خلل انتقال طاری اولماز و میرآت حیات مؤبدی کدورت
 فنا بولماز لایق اولدر که همیشه طریق اطاعتنه مسلوک اولوب
 مطاوعتدن مخالفت روا کورمیه سز و قاعده احکامنه اختلاف
 آرا ایلر خلل بتورمیه سز و برنوعله سلوک ایده سز که روز قیامت سزک
 افعال کنیزی شرمنده ایتیه و دامن مباهاغه نتیجه اعمال ذمیه کردن
 کرد حجات ایتیه صغار و کبار حضرت رسولدن بو اخبار موحشی استماع
 ایتد کده انفاقله کریان اولوب ایتدیلر یار رسول الله بو واقعه هائله نه وقت

واقع اولسه كرك بيورديكه عن قريب واقع اولسه كرك ديديلار رسول الله
 عياذ بالله بوضورت واقع اولسه غسل شريفكزي قنخي خدمتكار بكره
 رجوع ايدرسن بيورديكه اقرب اهل بيتم غسله اولي در ديديلار نه جامه
 ايله جسم مبارك كز دفن ايدلم بيورديلر كه اكتمده كي جبه ايله وا كرمصري
 حله لرو يعني جامه لردخي اواسه جائز در ديديلر كه هر قدش ريفكزي نه مقامده
 اولمق مناسبدر بيورديلر كه حاله متوطن اولديغم منزله ديديلر سكا كيملر
 نماز ايتسـونلر بيورديكه تجهيز و تكفينم تمام اولدقده قهرم
 مهيا قبلوب جنازه مي قبرم كنارنده قويوب طشره چيك بلمش اولك كه
 نمازه اقدام اين اول جبرائيل و اندنصر كه ميكائيل و اندنصر كه
 اسرافيل و اندنصر كه عزرائيلدر جميع ملائكه ايله و اندنصر كه سزكلوب
 دفعه دفعه نماز ايدك اما ابتدای نماز اهل بيتدن اولسون صحابه
 بي اختيار ناله وزار ايدوب ايتديلر يار رسول الله سزي قبره كيم ايتدرسين
 بيورديلر كه اقرب اهل بيتم گروه ملائكه معاونه كه انلرسزي كوروب
 سز انلري كورمه سز وصيت تمام اولدقده حضار مجلس ايله مواده
 قبلوب غائبه سلام ارسال ايدوب بيورديلر كه بدن صكره دار دنياه كلوب
 شريعتمه اقتدا قيلنلره و غائبانه بنم رسالتمه معرف اولنلره بدن قيامته دك
 سلام اولسون اندنصر كه مترصد تبليغ وصال و منتظر زمان اتصال اولوب
 احباندن هجرتك اون برنجي ييلنده صفر آينك بكرمي سكرنجي كونده مقبره
 ببيع زيارته متوجه اولوب سكا بقعه ببيع ايچون استغفار ايدوب اول
 مقدار دعا قبلدك كندوري دخی آرزو ايتدي و ايتدي كاش بندي بو
 بقعه نك مدفونلنده اولوب بودعايه داخل اولبدم (روايتدر ابوهريره دن كه
 ديمش بن حاضر ايدم حضرت رسول ايتدي اي ابوهريره بكا دوام حيات
 مستعاري و لقاي پروردكاري و دخول دارالقراري عرض ايتديلر لقاي
 پروردكاري اختيار ايتدم و ترك ماسوي طريقن طوتم (نقلدر كه بركيجه
 اول حضرت مأمور اولدي كه كورستان بقعه كيدوب امواتمه استغفار

ایده آند نصکره شهدای احد قبورن زیارت قیلوب آنلرایچون شفیع اوله
 بوتردد ائناسنده اول حضرته برصداع طاری اولدیکه فرق مبارک کون
 عصابه ایله محکم باغلیوب میوه سراینه کلوب بی اختیار تکیه قیلدی
 ویوردیکه (این اناغدا) یعنی یارین بنم منزل قنده در فاطمه اول حضرتی
 مضطرب کوروب امهات مؤمنانه ایتدی ای خواتین سعادتخانه عصمت
 حضرت رسول مکیسردر وهر کون برمنزله کتک معتذر کورینور
 برمنزله مقیم اولسنه راضی اولک نخلرات بحرات رسالت اول صلاحه
 راضی اولوب مقرر ایتدیلرکه حضرت رسول حضرت عائشه منزلده
 اولوب هر بری خدمت آنده ادا قیله پس میوه سرایندن چاقوب برالی
 مرتضی کتفنده و برالی عباس کتفنده حضرت عائشه حجره سنه کلوب پستره
 دوشد کده حناء محرق پیداقیلدی (شعر) آفتاب سرعکه بولمشیدی اوج
 ارتقاغ * لاجرم محرور اولور بولدق جدر فعت آفتاب * نوله کرب حدیله
 آقسه جسمندن عرق * بک کلدراقیدر فرط حرارتدن کلاب * عبدالله
 ابن مسعوددن نقلدرکه بنی اول وقت حاضر ایدم نبضه ال باصده
 حرارتلرین غایت زیاده کوروب ایتدم یار رسول الله بونه عجب تب محرقدر
 یوردیکه هر کسک مرضی مقدار نجه در دیدم یار رسول الله بودرده دوا
 نه دریدی اول معبود حقیقچونکه بنم نفسم آک قبضه قدر تنده درکه هیچ
 کیسه یه بر مرض طاری اولماز که کاهلری آنسکه دوکلر تنکه باد صرصردن
 اوراق اشجار و تصادم هوادن قطرات امطار (نقلدرکه ابوسعد
 خوارزمی بنده دیمش بن حین مرضه اول حضرته ملازم ایدم اوزرینه
 برقطیفه چکلمشیدی حدت حرارتلری قطیفه دن محسوس اولوب
 یوردیکه انبیاک مراتبی اعلی اولدیغی کبی مرضلری دخی اشد و اقوادر زی
 انبیا محنتلرینک زیاده اولدیغن است دعا قیلورلر و محنت موجب قربت
 اولدیغن ییلورلر (شعر) رنجی راحت دلبرک دردی دوا در عاشقه * رنجی
 بیحد اول سیدن دردی بی پایان اولور * غافل اولک دوست دردندن کیم

اولد قجه فزون * موجب تشريف و شفقت باعث احسان اولور (رباعی)
 يارك الم عشقى دوانك اولور * خالك سر كوي تو تيانك اولور * عشاقه
 حبيب ايلديكي جور و ستم * غير ايتديكي لطفيله سخندانك اولور *
 و بورديكه بومرض اول زهره ك ائيدركه ام البرام اوغلك ضباقتده
 بكاي ردبار وهر مدمه المي مجد دالوب برد و ايله دفع اولوردي اما بنوبت
 هنكلم رحلت اولمغين اشتداد بولدى غالباً بدن شريفنده اوزهره ك
 ائري ملازم اولمقدن غرض شرف شهادت ايدى (روح الارواحده
 مسطوردر كه چون بحرفيض نبوت و دريائى كال ولايت بر ييله مقارن
 اولوب (يخرج منها اللؤلؤ والمرجان) مقتضاستحجه حضرت حسن
 و حسين ظهوره كلدبار اول شهادت هر رى بر كيفيته وارث اولديار
 لاجرم حضرت حسن اكبر اولمغين جذبز كو ارلر ينه اقتدا قلوب الم
 زهرله دنبادن كندى و حضرت حسين اصغر اولمغين والد عالمقدارلر ينه
 تشبث قلوب ضرب تبغله آخرته نقل ايتدى (شعر) زهردن تلخ اولهلى
 لعل شكر بار حسن * زهر كامن هيج كيم عالمده شيرين كورمدى *
 اولهلى شمشيردن پر خون تن پاك حسين * استراحت بولدى شمشير تسكين
 كورمدى * و بودخى مناسبدر كه حضرت حسن مدينه جده
 بزر كو ارينك مجاورتن اختيار قلدى و حضرت حسين متوطن عراق
 اولوب والد عالمقدارينك ملازمى اولدى (شعر) وادى غربته
 تنهالقدن اكره ايلوب * مر تضا شيرى هم خواب ايتدى احمد شيرى *
 قلدبار قسمت ولايت بحرك كوهرلر * اكبر اولان اكبرى حفظ ايتدى
 اصغر اصغرى (القصة حضرت رسول اون درت كون پيامر اولوب
 قضايه متوقف قالدى (روضة الاحبابده مسطوردر كه اشتداد مر ضده
 فاطمه زهرايى حاضر ايدوب طريق تودد و قاعده تفقد رعایتند نصكره
 اخفايله بر تكلم ايتدى حضرت فاطمه كريان اولدى آن نصكره
 بر تكلم دخی ايتديكه اندوهن نشاطه تبديل قلدى حضرت عائشه

ایتدی یا فاطمه آیا اول اندوهه و سبیله نایدی و بونشاطه سبب ندر فاطمه
ایتدی ای مخدره زمان حضرت رسـول ابتداء تسکینده بیوردیکه ای
فاطمه هر یل جبرائیل تبلیغ احکام ایچون بزوبت کلوردی بویل ایکی
نوبت نزول ایتدی غالباً اجم قریب اولشدر و هتکام حیاتم در جد شهادته
نهایت بولشدر بن بوخبردن متالم اولدقده بیوردیکه ای دختر عزیزم
غم چکمه که سکا بشارت ویریم ایکی سعادتله ری اولیکه افضل نساء اهل
بهشت سن اولور سین و ری اولیکه اهل بیتک جله سندن مقدم سن
بکالافات قیلور سین بومژده بی استماعده تریک زهر فراقن بکاساز کار
ایدوب سرور لاحدن الم سابقه تسکین ایتدی و بیوردیکه ای فاطمه
چون جبع نساء اهل عالم سن ذریک اعظم و مقامک افضلدر لاجرم
سنک بلیاتک اتم و اکندر صبرایت و تحملی بیشه قبل غرض بوکه اول
حضرتک اشئافنه که اشد بلیاتدر حضرت فاطمه صبر ایدوب تحملی
پیشه قبله فی الواقع اگر مرده علود درجات اخروی و بشارت سمو مرتبه معنوی
موجب تسکین خاطر اولماسه حضرت رسول الله کی سرور خجسته افاق
آتش فراقنه و الم اشئافنه صبر و تحمل خارج احاطه احتمال امکندر زیرا
آتش جانسوز الم جانستندر (شعر) خنجر هجران و تیغ قطع و شمشیر فراق
* چاک چاک ایلردی زهراتک دل افکارنی * ویرم سیدی وعده وصلنی انک
مصطفی * مرده ذوق وصال و دوات دیدارنی (روایتدر که اول سرورک
تب مخرقی کلدیکه زیاده اولوب و حرارت جسم لطیفی کتدیکه تراید بولوب
بیوردیکه یدی کوزه ایله یدی قیودن صوکتوروب اوزرینه دوکه لر که خفت
بولوب مسجدی تشریف بیوره حسب الاشاره یدی کوزه ایله یدی قیودن
صوکتوروب اول چشمه حیاتک اوزرینه دوکدیلر فی الجملة خفت بولوب
حجره دن طشره چقبوب جماعتله نماز قیلوب بر خطبه حکمت آمیز
انشاقیلوب درگاه واجب الوجوددن مجددا شهداء احدا ایچون استغفار
قیلقد نصکره بیوردیکه انصار بنم خواصمدر انلری کرامی طوتک

و خطا نردن تجاوز قیلاک و بر روایت دخی اولدر که اول حضرتک مرضی
تزیاد بولدقده انصارک قراری قالمیوب مسجد نبوی اطرافنده تردد
ایدرلردی عباس اول حاله مطاع اولوب مصطفایه عرض ایوب
حضرت مرضی دخی آکا موافق شرح حال ایند کدنصکره حضرت
رسول یرندن طوروب ایتدی یا علی انصارنه دیرلر مرضی ایتدی انصار
دیرلر که حاشا اگر حضرت مصطفی دنیادن نقل ایده جک اولسه و بومصیت
وضوح بولسه بزم احوالنه اولور وعده رعایتزدن کیم کلور حضرت
رسول آیاغه طوروب برالین مرضی کتفته و برالین عباس کتفته براغوب
مسجده کلوب منبر اوزرینه چیقوب قرارطودی وجد و ثنایه مشتمل
بر خطبه بلیغه انشا قیلدی و انصاری مهاجره و مهاجری انصاره مبالغه
تمامله سفارش قیلدی (روایتدر فضل بن عباسدنکه ایام مرضه برکون
حضرت رسول بنم الم طوتوب حجره دن چیقوب و مبارک باشنه عصایه
باغایوب منبر اوزره قرارطودی و بلاله یوردیکه ندا قبل خلق جمع اولسون
آنره وصیت قیلایم که بو آخر وصیتدر بلال حسب الفرموده ندای عام
قیلوب و جمیع خلق حاضر اولوب اول حضرت ادای خطبه دنصکره
یوردیکه ای فرقه اسلام و زمرة انام بنم اجلم قریبدر زنهاریندن بدنلر بکرله
جدا اولدقده کوکلر بکرله جدا اولمک و تنکه بن سزی فراموش ایتم
سزدخی بنی فراموش قیلک ای قوم هیچ پیغمبر شربت بقا ایچما مشکه
بندخی اول شربت بنوش ایتم (و بر روایت دخی اولدر که بیوردی ای قوم
سزه ابلاغ احکام ایتم و اصلاحکره اقدام قیلدم و بلالره مبتلا اولدم
حالا صحت بکردن انقطاع ایتم محالیدر و مفارقت قیلای زمانیدر کیم
بنده حق و ارایسه آسون و کیم کیم مشکلی وار سؤال قیلسونکه بارگاه
قریه جمیع دعوان منزه کیدوب و دامن تجردی دست تعلق و نظم طوتمیه
بواد انصکره منبردن اینوب جماعتله نماز ظهری ادا قیلوب ینه منبره
چیقوب کلمات سابق تکرار قیلدقده حضار مجلسدن بر شخص آیاغه

طوروب ایتدی یارسول الله سنک ذمتکده بنم اوج درهم وار حضرت رسول اول دینک اداسنه حکم ایدوب علی المرتضی ادا قیلدی اند نصکره اصحابدن عکاشه نام کیمسه آياغه طوروب ایتدی یارسول الله تبوک سفرندن کلور کن ناقه یه تازیانه حواله قیلدک ناقه دن رد اولوب بکایرشدی اول ضر بدن غایده متألم اولدم حالا قصاص استم حضرت رسول ایتدی جزاک الله خبر ارجت سکا که بوقصاصی آخرته براقبوب دنیا ده طلب ایتدک بیوردیکه ای عکاشه اول تازیانه معروف کیم بدر عکاشه ایتدی برادیمه طوتمش تازیانه در حضرت رسول ایتدی اول تازیانه فاطمه زهرا منزلده در بیوردیکه کتوره لر سلمان بحسب الفرمان فاطمه سراینه متوجه اولوب حجره قیوسنه یتد کده ایتدی (السلام علیکم یا اهل البیت) سلمان آوازی ن اشدوب حضرت فاطمه ایتدی ای سلمان حاجت ندر سلمان ایتدی فلان تازیانه یی حضرت رسول استر فاطمه ایتدی ای سلمان حال مرضده تازیانه دن غرض ندر سلمان صورت حالی عرض ایتد کده حضرت فاطمه ایتدی حضرت رسول بیمار در آنده تازیانه یه قدرت احتمالی یوقدر فی الحال حسن و حسینی حاضر ایدوب ایتدیکه ای جکر کوشه لم جدیدکه برحق متوجه اولمش و حسن عدالت اداسنه اقتضایدر یورک و آتک عوضنه ضرب تازیانه یی قبول ایدک سلمان و حضرت حسن و حسین تازیانه یی آلوب مسجد شریفه کلد کده اهل مسجد دن خروش و ولوله افلا که چیقوب هر بری بر طرفدن عکاشه یه الحاح عفواید لر دیکه بر تازیانه یرینه هر بریمه بیک تازیانه اور حضرت رسوله متعرض اولمه و جسم لطیف بیمارینی آزرده قیلمه و حضرت رسول بیوردیکه قصاص بکاتوجه اولد قده سزه تازیانه اور مق مناسب دکل عکاشه ایتدی یارسول الله بن اول کون عریان ایدم صحت قصاص ایچون سندخی عریان اول حضرت رسول ردا شریفن کتف لطیفندن برافد قده سکان حضایر قدس و حضار مجاس انسدن خروش و افغان افلا که

چیتوب جهانہ غوغا صالیدی عکاشہ حضرت رسولک کشف مبار کنندہ
 مہر نبوتہ نظر قیلدی فی الحال اول مہر مبارکہ یوزن سوروب تازیانہ پی
 الندن صالیدی ویدی یار رسول اللہ بنم بومبالغہ دن ایکی غرضم وارایدی
 بری بودر کیم سنک انصاف کی خلقہ اظہار ایدم وری اولکہ (من مس
 جلدی لایعہ انار) مقتضا سنجہ بدن مبارککہ یوزم سورم و آتش
 دوز خدن امان بولم بوقضیہ دنصکرہ حضرت رسول منبردن اینوب
 خوابکاهہ کلوب و مرضی تزیاد و تضاعف بولوب سمع مبارک کی عالم
 قدس دن صلا ی خوان نعیم اصغا قیلدی و طائر روح شریفی حبسکاه
 دنبدان نرہتکاه بقایہ متوجہ اولدی (قطعه) غریب ملک وجود ایتدی
 آرزوی وطن * مقرر اولدیکہ روح ایلیہ وداع بدن * ایرشدی وقت کہ
 شہباز آشیانہ قدس * قبلہ ارادتہ ترک حبس خانہ تن * روایتدر کہ اول
 حالتہ جبرائیل نزول ایدوب ایتدی یا حبیب اللہ پروردگار عالم سکا رسال
 سلام ایدوب سنی موت و حیات آراسندہ مختار ایتدی اگر بقای حیاتہ
 طالب ایسک ایام حیاتک بقا بولسون واکر موتہ راغب ایسک سہولتہ
 مہسر اولسون (شعر) دنیا و عقبی بنم ملکہ مہدرای فخر رسل * سن بکابر بندہ
 صافی دل و صاحب وقار * رأی رأیکدر سنک سندن بکایوق امتناع *
 ایلدم احسان سکا هرملکی اینسک اختیار * حضرت رسول ایتدی ای
 جبرائیل عنان اختیاریمی حضرت حق رضا سنہ ویرمشم و حسن
 اعتقاد ایلہ دائرہ تفویض و تسلیمہ کیرمشم (فان شاء اخیانی وان شاء امانی)
 (بیت) خالقم بکر کییلور بندن بنم به بودمی * اکا طبشورمشم چوقدن زبان
 و سودمی * روایتدر کہ آخر مرصده اوچ کون حضرت رسول چیتوب
 جماعتہ نماز ایتدی و دردنچی کونده عشاء الاخر و قشندہ بلال سده سعادت
 دستکاهہ و عقبہ عالمناہہ کلوب ندا قیلدیکہ الصلاة یار رسول اللہ حضرت
 استماع ایدوب یوردیکہ حق سکا اجر خیر ویرہ بنو بتدخی الصلاة یار رسول
 اللہ دیدی حضرت جواب ویردیکہ ای بلال ایزد تعالی سکا مژدہ رحمت

یترره بلال بنو بت دخی ایتدی (الصلاة یار رسول الله) حضرت
 یهوش ایدی جواب ویرمدی بلال نومید اولوب کرین کرین جماعته
 متوجه اولدی وایتدی (واغوثاه وانه قطع رجاه وانکسار ظهراه) دریغا که
 اصل رابطه آنه قادی جماعت ترک جماعت قیلدی و اساس بنیه سنت حفظ
 سلسله دن فارغ اولدی (قطعہ) دردا که بنای شرع ویران اولای *
 جمعیت اسلام پریشان اولدی * ویرمدی فلاک می ادمز لطف قیلوب *
 کویا که بولطفدن پشیمان اولدی * اول ائشاده جماعته حضرت رسولدن
 فرمان یوردیلر که ابو بکر الصدیق رضی الله عنه امامت قیلوب جماعت
 منعقد اوله حضرت ابو بکر حسب فرمان متوجه محراب اولدقده
 صورت محراب زبان حاله رسولک طاق ابروسندن خبر ویروب حضرت
 ابو بکر قائم بار حیرتله رکوعدن مقدم خیمه قیلدی و مشاهده شکل
 محرابدن چهره سنه ابواب فراق آچلدی بی اختیار فغانه کلوب وجهه
 صحابه آنک اتفاقله کرین اولوب صدای نوحه لرندن حضرت رسول
 خبردار اولدقده فاطمه دن سؤال ایتدی که بونه غلغله در حضرت فاطمه
 ایتدی یار رسول الله صحابه شدت فراقکدن فغانه کلدیار و مهاجر
 و انصار اندوه مفارقتکدن کرین اولسار حضرت رسول برالن می تزی
 کتفنه و برالن فضل بن عباس کتفنه براغوب بردخی حجره شریفه دن
 چیقوب جماعتله نماز ایتدی (بعض کتفنه دستوردر که ام سلمه دیمش
 بن ایلم می رضه اول حضرت ملازم ایدم برکون لب شکر بارن متحرک
 کوروب متوجه استماع اولدم وایشتمه که مناجات ایدر بو مضمونله که
 الهی بنم اعتماد آتش دوزخدن نجات ویر و قیامت حسابن آنلره آسان قبل
 (مطلع) کورک اول پادشهنک اتمه غمخوراغن * امت بی ادبک ظلم
 و ستمکاراغن * دیدم یار رسول الله حالک ندریدی ای ام سلمه هنکام و داعدر
 و دم انتزع بواشاده می تزی حاضر اولوب ایتدی یار رسول الله واقعه ده
 کوردمکه برززه کیمش ایکن اوزرمدن چیقار دیلر حضرت رسول ایتدی

اول زره بن ایدم که جمیع مکاره دن سـنـک پناهک ایدم وقتدر که بن کچوب
سن تهاقاوب بلالره کرتار اوله سین ای علی زنه ار که دل تنک اولوب جزع
قیلمه سین ومصابرتدن غیرى طریقده ذاهب اولیه سین بوائنده حضرت
فاطمه دخی کریان اولوب ایتدی یار رسول الله واقعه کوردمه که المده برورق
مصحف وارایکن ناکاه المدن غائب اولدی حضرت رسول بیوردیکه
ای فاطمه اول وررق بن ایدم نظر کدن غائب اولسم کرک بوائنده حضرت
حسن وحسین حاضر اولوب ایتدی لر ای جد بزرگوار واقعه مزده کوردیکه
هواده برتخت روان اولوب آک التنده بزناش آچبق بورورز حضرت رسول
ایتدی ای جکر گوشلر اول تخت بنم نعمتدر کد سز کبوسوی مشکباریکری
آچوب التنده یوریه سز بو واقعه لردن وتعبیرلردن اهل بیتک ناله و فغانی
برغایته یتدیکه صداسین فلکده ملکلر اشتهدی (قطعه) نیجه کوزدن
کمتسون خونا به جاناندر کیدن * نیجه جسم و جان آیقدن دوشمسون
جاندر کیدن * نیجه عالم اولسون اهل نظر چشمه طار * چون نظر دن
چشمه خورشید رخساندر کیدن * روایتدر که ایام مرصده برکون دخی
جبرائیل نزول ایدوب ایتدی یار رسول الله کنده یکی نیجه کوررسین حضرت
رسول ایتدی ای برادر کنده می مهموم ومهموم کوریم برکون دخینه
بوسوالی ایتدی ینه اول جوابی اشندی او چنجی کون ملک الموت واسمعیل
نام بر ملک دخی اتفاقله کلوب جبرائیل ایتدی یار رسول الله ملک الموت باب
سعاده طوروب رخصت استر هیچ بنی آدم دن رخصت طلب ایتمشدر
حضرت رسول بیوردیکه ای جبرائیل رخصت ویر ملک الموت حجره
قبوسندن کوروب سلام و یروب ادب طریقله ایتدی یار رسول الله حق بنی
سـنـک رعایت خاطر که مأمور ایتشد اکر رخصت اولورسه نفردو حکمی
خزانة بهشته تسلیم ایدیم واکراولمازسه کلدیکم کبی معبودمه کبدیم
حضرت رسول جبرائیل دن بکانظر قیلدی جبرائیل ایتدی ای سید
کائنات رب العالمین مشتاق جمال کدر وارواح انبیا آرزوی وصال کدر

حضرت رسول ایتدی ای ملک الموت سنک شمشیر صلابتک مقراض رسته
 میاعدتدر وتبع هیتک شمع شبستان مواصلتدر خدمتکده تقصیر
 ایتکه بندخی مشفق لقایم وآرزومند عالم بقایم (ابن عباسدن نقلدر که
 حضرت رسولک وفاقی کونی حضرت ایزدیوردیکه ملک الموت یریوزینه
 ایتوب رخصت حاصل ایتدین حضرت رسولک اوزرینه کیدوب قبض
 روح شریفن قیلیمه وکستخانها متعرض اولبه ملک الموت یک یک
 ملائکه ایله ابسه ملون کیوب وانواع زیبوزینله مزین اولوب اول
 حضرتک در سعادت سراینه کلدیلر ملک الموت بر اعرابی صورتنه ممثل
 اولوب رخصت دخول استدی فاطمه حاضر ایدی جواب ویردیکه ای
 اعرابی حضرت رسول کندی حالنه مشفقولدر حالجمال ملاقات دکل
 ملک الموت صدای بلند ایدوب بردخی رخصت استدی فاطمه ینه اول
 جوانی ویردی اوچنجی نوبت اشد اصواتله صدایتوردیکه حضرت
 رسول خبردار اولوب فاطمه دن کیفیت حالی سؤال ایتدی فاطمه ایتدی
 یا رسول الله برهم اعرابیدر رخصت ملاقات استر عذرله ممنوع اولماز
 ومعذرت آکافنده قیلن حضرت رسول ایتدی ای فاطمه یلوره بیسین اول
 اعرابی کیمدر فاطمه ایتدی الله ورسوله اعلم حضرت رسول ایتدی اول
 قاطع لذات ومفرق جماعات یعنی ملک الموتدر قبض روح ایتکه کلمش هیچ
 باب اکامسدود اولماز و هیچ کیم دفعنه چاره بولماز رخصتدن غرض حرمت
 خاندان نبوتدر یوخسه آگاهه احتیاج اجازت ورخصتدر فاطمه بواقعه دن
 مضطرب اولوب یهوش اولدقده حضرت رسول فاطمه نک سینه
 بی کینه سنه دست مبارکن قویوب بیخود اولوب فاطمه کندویه کلدکده
 رسولی بیخود کوروب تصور ایتدیکه عالم بقایه توجه قیلشدر فریاد ایدوب
 ایتدی (والله ما حالک) حضرت دیدۀ اشکبار آچوب فاطمه بی کرمان
 کوروب ایتدی ای جکر کوشه آغله کدجه عرش سنک ناله و زار کدن فغانه
 کلدیلر وکندی مبارک الیه فاطمه نک چهره سندن سرشکن پلک

ایدوب مناجات ایتدی که یارب بودردمندی بنم فرافنده صبرایله ممتازایت
 پس طریق تسلیم ایل ایتدی ای فاطمه بنم روح قبض اولند قدده (انالله
 وانا الیه راجعون) کله سنی تکرار ایدوب تحملی بیشه قیل که هر انسانی
 ایزد تعالی هر صیبتده عوض و یرمک مقرر و هر تحمله بیک تحمل
 مقدر در فاطمه ایتدی ای سرور سکا عوضی اولور بوحاله مقارن امهات
 مؤمناتی جمع ایدوب جله سنده تقوی و طاعت و صبر و قناعت و صبت
 قبولوب فاطمه ایتدی حسن و حسن بنی حاضرایت حسن و حسین حاضر
 اولوب سلام و یروب کریان کریان قرشوسنده طور قدده جمیع حضار
 مجلس اتفاقله کریان اولدیلر (بیت) دم و دعدر ای چشم تر سرشک روان
 قیل * زمان هجدر ای دل دو کوب سرشک فغان قیل * امام
 حسن چهره پرغبان رخسار پرانوارینه سوروب و حضرت حسین
 دیده اشکباردن کف پای عرش مقدارنه یوروب فغان ایدرزدی اول
 حضرت عین اشفاقله انلره نظاره قیلوب مفارقتلرندن آه حسرت
 چکردی و سرشک رقت دو کوردی (مقتل نورالائمه ده مسطوردر که
 اول حضرت حین وفاتنده حسن و حسین متوجه اولوب دیرایدیکه
 ای دریغا بیتلک غباری چهره احوالکری طوئوب و بی کس ملک اثری
 صورت اطوار کرده پیدا اولدی وجهیتکز بوزلدی آیامت بیوفاسزه
 نه جفال قیلر و نه بهانه ایلر متعرض اولر بوتکلم ائناسنده بی اختیار
 کریان اولدی ام سلمه ایتدی یارسول الله سبب گریه ندر حضرت رسول
 ایتدی (انما بکیت رحمة لائی) یعنی کریان اولدیغم اتم ایچوندر زیر احسن
 اهتمامله شرف اسلام بولمش یکن و قابل قرب اله اولمش یکن بند نصیره
 ابلیس اغواسنده گرفتار اولر وار تکاب کمال معصیت قیلر هم آنلره
 عقوبت الهی توجه قیلر و هم بنم سعیم ضایع اولر (روایتدر که اول ائشاده
 علی بن ابی طالب ایدوب و حضرت مرتضی کلوب اول حضرت
 پس بتردن سرمبارکن قالد یروب بعض لازم اولان وصیتلری ادا قیلوب

اما تئری تسلیم ایتدی حضرت علیدن نقلدرکه حضرت رسول بکایک
باب علم تعلیم قبادی هر بندن دخی بکایک باب مقنوح اولدی (القصة
اعرابی قیوده طوروب اجازت طلب ایدردی عاقبت رخصت حاصل
ایدوب حجره کیروب ایتدی (السلام عليك ايها النبي) حضرت
ایزد سکا سلامریتوروب قبض روح ایتکه فرمان ایتشد فرماندر
حضرت رسول ایتدی ای ملک الموت سندن بر حاجتم وار ملک الموت
ایتدی یار رسول الله ندر حاجتک حضرت رسول ایتدی بنم روحم قبض
ایته جبرائیل کلمه نجه ملک الموت ایتدی فرمان سندر بوحاله مقارن
حضرت ایزد رضوانه یوردیکه بهشته آیین باغلیوب حورو غلmani مزین
قبله و ماک دوزخه امر ایتدیکه نار جحیمه تسکین و یروب حیات
وعقاربک سمیانی رفع اوله و سکا عالم ملک و ملکوت و ارواح انبیا
و کروه ملا اعلایه استقباله چقدر و خدام حرم عرش انوار قدس سندن
چراغ لیاقه و بوم صالح مرتب اولد قد نص کره جبریله حکم اولدیکه
سندس بهشت سندن بر منیدیل حضرت رسوله ایلتوب خدمته مشرف
اوله جبرائیل کریان کریان کلد کده حضرت رسول ایتدی ای برادر
بونک کی حالتده بندن ماعدت اختیار ایدر سین سببندر جبرائیل
ایتدی یار رسول الله سنک خدمتک بنی سندن دورا یتشیدی سکا بشارت
کتور مشیم یار رسول الله (النیران قد اجدت والجنان قد زحرفت والخور
العین قد زینت والملائكة قد صفت بقدم روحك العزيز) شعر (اشتیاق
دولت قربکده در ارواح قدس * رفع ایدوب ظلمت حجابین عرض قبل
دیداری * روضه رضوانه وصلیکدن نصب ایت نوبهار * حورو غلمان
بزمه شمع ایت مه رخساری * حضرت رسول ایتدی ای برادر
بو بشارت لر خوشددر اما بکار خبر ویرکه بو خبر لردن افضل اوله جبرائیل
ایتدی یار رسول الله بهشت سندن وامتیکدن مقدم جمیع انبیایه و امتلرینه
حرام اوله حضرت رسول ایتدی بو خبر دخی خوشدر اما بوندن اعلایه خبره

منتظرم جبرائیل ایتدی یارسول الله مقرر اولدی که روز قیامت سبقت
 و تقدم تفویض و شفاعت و توفیق استحقاق رحمت سکاویر یله حضرت
 رسول ایتدی بو خبر دخی خوشددر اما بوندن اشرف خبره مترصدم
 جبرائیل ایتدی ای خازن نقود حکمت وای آیین کنجینه رسالت
 مقصودک نذر حضرت رسول ایتدی ای جبرائیل اتم فکرنده یم
 آیا بند نصرکه حل اشکال و اغلاق مهام و تحقیق کلمات و منشا بهات آیات
 و تمیز حلال و حرام و تدبیر اوازم شرع و احکام و نظام قاعده اسلامه
 نوجهله اقدام ایدهل و در دل بنه درمان کیدن بوله لر جبرائیل ایتدی
 ای سرور اندوه و غم چکمه که آنلری حق تعالی کند ی پناهنده صاقلوب
 قیامت کونی سنک شفاعت کی آنلره نصیب ایدر و اول مقدار کنناهلر ندن
 تجاوز قیله که سن راضی اوله سین حضرت رسول ایتدی حالاراضی اولدم
 ای ملک الموت خدمتکه قیام ایت ملک الموت اول حضرت قبض روح
 شریفنه مشغول اولدقده اول حضرت سقف سرایه باقوب دیر ایدی
 (یارفیق الاعلی) ناکه بو کله ایله عالم بقایه انتقال ایتدی (مشوی) اوچدی
 اول طاوس قدس آشیان * کتدی اول شاهنشاه علوی مکان * کرجهانده
 ممکن اولسیدی بقا * ترک ایدوب کتزدی آدن مصطفی * و برروایت دخی
 اولدر که ملک الموت جبرائیلک حضورنده اول حضرتک روح شریفن
 قبض ایدوب جبرائیل اعلا ی علیننه ایتدی (و حضرت علی بن ابی
 طالب ندن نقلدر که اول حالده بن آسماندن صدای و امجداده استماع ایتدم
) روایتدر که حضرت نبید نصرکه هرگز فاطمه زهرا یی کیمسه متبسم
 کورمیدی اول زمانه دکه که حضرت رسوله واصل اولدی و مطلق
 منبسط اولمادی اول وقته دکه که عالم بقایه توجیه قیلدی (شعر) آغله
 ای زهرا که سندن مصطفی فوت اولان * مصطفی فوق زمین و آسمانی
 آغلدر * افضل خالق جهان چیقمش جهان دن لاجرم * بومصیبت
 جله خالق جهانی آغلدر (دردنجی باب) حضرت فاطمه الزهرا وفات

بیان ایدر (پرده دار حر مسرای قدرت اسکار عالم ارواحه رخصت تزویج
 تعینات اشباح و یرد کده حلبه استعداد الامله مزین قیلیدین خلوتگاه
 خفادن منصف ظهوره چیقارمز * و مشاطه نهانخانه حکمت مخدرات
 نفوسک دست تعلقلرین دامن عقد ابدانه یتورد کده حلال استحقاق
 سقامله زینت و یرمدین جلوس مسند شهوده رخصت و یرمز (منوی)
 خاک و افلاک مادر و پدری * جفت اولاده مکر نتیجه لری * الم و شدت
 و مشقت ایتمش * غم و اندوه و درد و محنت ایتمش * که جهان ایچره یوق
 بولردن غیر * هم نشینی سلوک و همدم سیر * غالباً عروس خود رای بیوفا
 جهانک پیونده رغبت قیلان و عقد اتصالنه راغب اولان بیلر که آنک مهر
 مؤجلی نقد روان * و جهازی قطار هفته ایامه یوکلوا امتعه بیکراندر
 و همیشه منزلک فراشی خاک فضا و عطاسی اربلا و همواره کله کونه
 رخساری مظلوم لرقانی و لالی اطراف بنا کوشی ستمرده لراشک روانبدر
 (منوی) زال مکاره در جهان خراب * غمره شوخی آفت احباب * رنکی
 کله کونه عذاری عیان * دیده دن اهل درد دو کدیکی قان * طرف روینده
 لوؤلا * سرخی اشک عاشق شیدا * دانه خال روی داغ جگر * طره سی
 دودآه اهل نظر * مضطرب خسته لرمدم آتدن * بولامش هیچ خسته
 کام آتدن * مجمل زمان غدار و جهان ستمکارک عدم و فاسنه شاهد بو یتر
 و قلت حباسنه بودلیل کفایت ایدر که بتول زهرا کی کوهر پاکیزه حریم
 غیبیدن فضای شهوده قدم باصدیغی زماندن پرده نشین عالم بها اولنده دک
 بر دم کل رخسارندن قطرات اشک حسرت کم اولمادی و بر ساعت کبسوی
 مشکبارندن عقد ملال آچیلدی * کاه محنت طعن خوانین قریش چکدی
 و کاه الم مفارقت پدر بزرگوارن کوروب اشک لاله کون دو کدی * و کاه
 مفارقت مرتضی مصیبتن کوردی * و کاه اخبار شهادت اولاد آکا
 الم یتوردی (شعر) وه که دوران فلاك فاطمه زهرانک * غنچه لاله کی
 قیلدی قره باغربنی قان * بر زمان کچمدی ایلم حیانتدن کیم * دل

پرخونه یا درمندی بیک داغ نهان * محرم حریم غمخانه سوز و کداز *
 رخساره شاه درازدن بو طرزله پرده صالمامش و مریم خامه مشکین طرازدن
 مسیح تکلم بو طریقه متولد اولماشکه حضرت رسولک خدیجه کبرادن
 آتی اولادی اولوب ایکسی ذکور بری قاسم که حضرت رسول آنک اسمیه
 مکنی ایدی و بری عبدالله که طیب و طاهر دیکله معروفدر * و بنات
 مطهراتک بری زینب و بری رقیه و بری ام کلثوم و بری فاطمه ایدی و جمع
 اولادی زمان اسلامده متولد اولوب جله سندن اصغری فاطمه ایدی
 و مجموعی حیاته عالم بقایه انتقال ایدوب تجرغ زهر فراقی زهرادن غیره
 نصیب اولمادی فاطمه ولادته اختلاف روایت چوقدر بعضیاری دیرلر که
 واقعه قبلدن یکرمی بش ییل کچد کده متولد اولدی (و شیخ محمد امام محمد
 باقر دن نقل ایدر که مبعثدن بش ییل کچد کده تولد بولدی (و روضه
 الواعظینده مسطوردر که خدیجه فاطمه بی حامله اولدقده حضرت
 رسول بیوردیکد ای خدیجه جبرائیل بکا خبر ویردیکه صدف بطنیکده
 اولان لؤلؤ شاهوار برصیده در فاطمه نامکه آنک نسلی جواهر رشته
 امتداد زمان اولوب قیامته دک تسلسل بوله و اول سلسله جواهر کردن بند
 عروس کائنات اوله (روایتدر که مدت حلی منقضی اولوب زمان ولادت
 قریب اولدقده خدیجه خواتین قریشدن قابله طلب قبلدی خواتین
 قریش ایتدیلسن بزه عاصی اولوب ابوطالب کفالتنده اولان یتیمه راضی
 اولدک بزرگا انتساب ایتکدن عاراید و خدیجه بوخبردن متالم ایکن
 ناکاه خلوتنده درت خاتون خواتین قریش و بنی هاشم وضعنده ظاهر
 اولوب آکا تعظیم ایتدیله خدیجه آنلری مخدرات قبائل عرب تصور ایدوب
 اصل و نسب لرن سؤال ایتد کده ایتدیله رای خدیجه حق بری سنک خدمتکده
 مأمور ایدی بو خاتونک بری ساره زوجه خلیل و بری مریم بنت عمران
 و بری کلثوم رضیه موسی و بری آسیه زوجه فرعوندر و بونلر نیاده سکا
 خدمتکار و آخرته رفیق و یار اوله ل پس بری یمینده و بری یسارنده و بری

قفا سنده و بری مقابله سنده قرار طو توب فاطمه متولد اولدی طاهر
 و مظهر عالم وجوده قدم با صدقه نور رخساری آسمانه علم چکدی
 و رایحه مشکباردن صفحه روی زمینه غبار عبیر و عنبر چوکدی (شعر)
 شرع کلزارینه رونق و یردی بر نورس نهال * آسمان دینه پرتو صالیدی
 بر فرخ هلال * اول نهالک رلک و بارندن طرلوب دامن دهر * اول هلاله
 قیلدی انوار هدایت انتقال (روایتدر که همان اول ساعتده بهشتیدن اون
 عدد حوری هر بری بر طشت و ابریه قله حاضر اولوب قابله اولان خاتون
 اول ابر یقار دن آب کوثر دو کوب فاطمه بی غسل ایدوب بر کافوردن حریره
 صاروب خدیجه به تسلیم ایدوب غائب اولدی لر حضرت رسول قدوم
 فاطمه دن خبردار اولوب حجره به کلد کده خدیجه فاطمه بی اول خر قه ایله
 حضرت رسولک کنارنه قوبوب حضرت آکا فاطمه نام ایتدی و کینه سی
 ام محمد و لقبی رضیه و مر ضیه و میونه و زکیه و زهرادر و آنک فضائی
 حددن زیاده و مناقبی لایه و لایحی در (روضه الاحبابده حضرت
 عائشه دن منقولدر که آندن سؤال ایتدی لر که خواتین جنسندن حضرت
 رسول کیمه زیاده احترام ایدردی عائشه ایتدی فاطمه ک حرمتن زیاده
 طو تر دی دیدی لر جنس ذکر دن کیمک رعایتن افزون ایدردی دیدی علی
 ابن ابی طالبک و بو خبر صخته یتشدر (فاطمه بضعة منی) روایتدر که
 حضرت رسول بر غزایه متوجه اولوب و مر تضی همراه اولوب حضرت
 حسن و حسین طفل اولغبین مر افقت قیلدی لر اتفاقا زمان غیبلرنده بر
 کون حضرت حسین مدینه خر مالغنده سیر ایدر کن صالح بن رقهه یهودی
 فرصت بولوب حسینی آلوب منزلنده پنهان قیلدی بر کون پیدا و اویوب
 آتش مفارقت زهرا جکر ن یاقوب یتش نوبت حجره قپوسنه کلوب
 بر کیمسه بولمادی که آنک مطالبته ارسال قیله عاقبه الامر امام حسنه
 ایتدی ای جکر کوشم حسین غائب اولمشدر طلب ایت حضرت امام
 حسن اضطرار به مدینه باغنه کلوب یا حسین بن علی و یافره عین النبی ابن

انت دیو تجسس ایدر کن بر کوشد دن بر آهو چیقیدی امام حسن ایتدی
 (یاظبی ارأیت اخی حسبنا) آهو حق فرمایله متکلم اولوب دیدی ای
 نور دیده مصطفی ومرتضی وای سرور سینه زهرا (اخذہ صالح بن رقعہ
 اليهودی و اخبأه فی بیتہ) امام حسن صالح یهودینک منزله کلوب ایتدی
 ای صالح قرن دیشم حسین سنک منزله کده در بکاتسلیم ایت تعامل ایتہ
 یوخسه والد سینه عرض ایدرم کنکره کردونه کند آه جکر سوز چکوب
 و دست نیازله دامن عرشی طوتوب بردعالیله جمع یهود جنسی یریوزندن
 کتورر ویاوالد برز کوارنه صورت حالی شرح ایدرم تیغ آبدار و ذوالفقار
 صاعقه کردار یله یریوزن یهود یلرقان یله لاله زار ایدر ویا جده عالیقدرانه
 بو واقعه دن خبر ویریم هدف قاب قوس سینه ناولک دعاروان ایدوب طائفه
 یهوده مرده نزل بلا کتورر وخرمن جمع تیرینه برق فضا بتورر (شعر)
 حذر قبل ناله مظلومدن ای سنکدل ظالم * که یتر آهنگ پیکانی
 کردوندن کذار ایلر * ستان بر قدر آه تظلم احتراز ایت کیم * اگر چه
 سنکدلسین زخمی آنک طاشه کار ایلر * صالح یهودی اول فصاحتدن
 متأثر اولوب ایتدی ای عزیز والدک کیمدر امام حسن ایتدی صفوات
 خاندان رسالت و قدوة دودمان نبوت صدف عفت عصمت غره چهره
 علم و حکمت نقطه دایره مناقب و مفاخر لمعه ناصیه محامد و مأثر مادر
 سادات مجمع سعادات سمع عرصه عرصات بتول عذرا یعنی فاطمه زهرا
 صالح ایتدی والدک معلوم اولدی والدک کیمدر امام حسن ایتدی
 شیر بزبان شاه مردان مجدد جهات مکارم مخترع قوانین مراحم مصلی
 القبلین قره العین سید الثقلین رئیس الاولیا انیس الانبیا یعنی علی
 المرتضادر صالح ایتدی والدک دخی معلوم اولدی جدک کیمدر امام حسن
 ایتدی کوهر خزانه خلیل و ثمره شجره اسمعیل نور قدیل تعظیم و تجلیل
 حبیب ملک جلیل اول امام مفترض الطاعه که مکده نماز فرائض
 ادا قیلولب مسجد اقصاده سنت ادا قیلدی واحوال قرون سابقه

وامور آینه بی احکام خالیدن اوضح یلیدی منزل فرقان واضح ایمان رسول
 الثقلین محرم حریم قاب قوسین جد سبطین سرور انبیا یعنی محمد مصطفی
 شاهزاده ادای منقوب قیلد قبحه صیقل کلام معجز نظامی صالح یهودینک
 مرأه ضعیف برندن ژنک کفر وضعیلاتی تدریج الیه رفع ایدوب و نکات
 موعظه آمیزنی تأثیر تام قیلوب قطرات اشک کوزدن دو کوب ایتدی ای
 شاهزاده تسلسل عبارت دلیذیرک کشند کردن جان اولدی و ترشح زلال
 کلمات بی نظیرک حدیقه اعتقاد ترویج طراوت براغوب و ریاض روانمی
 خرم قیلدی (شعر) کوهر دریا به حکمت در کلام دلکشک * طائر دل
 صید نه رنگته سی بردانه در رشته عرفانه جان پرور سوزک درل دوزر *
 سوز بودر کیم سن دیدک غیرک سوزی افسانه در * ای نور دیده برادرک
 سکا اول وقت تسلیم اولنور که بی دانه ایمانه چکوب کله اسلامی عرض
 ایده سین امام حسن اکا اسلامی عرض ایدوب صالح یهودی اخلاصه
 مسلمان اولوب حضرت حسینی اوندن چیقاروب اوزرینه بر طبق درم
 نثار ایدوب حسنه تسلیم ایتدی و حسن حسینی فاطمه حضورینه
 کتوروب شرف قدومندن محنت مفارقت نهایتیه ایتدی (شعر) اولنکه
 عشق ایچره بی شهره دوران ایتدی * کتدی غم کلدی بکا کلدی
 کدورت کتدی * صالح یهودی برکوند نصکره یتش نفر یهودی
 افر باسندن مسلمان ایدوب در حجره طهارت زیارت کلوب درگاه عالم پناهه
 یوز سوروب تضرع ایتدی که ای معصومه خطا قیلدم نگاهمی عفوایت
 حضرت فاطمه ایتدی ای صالح بن کاهندن یکدم اما پدر بزرگوارندن
 دخی استمقا طلب قیلکه اول سرور اولیا و سر دفتر اوصیادر (الفصه
 صالح یهودی اول حضرت مصطفی سفردن مراجعت ایدنه دک صبر ایدوب
 مرتضی خدمتیه مشرف اولوب صورت حالن عرض ایتد کده حضرت
 مرتضی ایتدی ای صالح بن تجاوز قیلدم اما جد عالمقدار نرندن دخی
 استدعای عفوایتک کر که سید انبیا و افضل خلق خدا در صالح کریان

گریان حضرت رسول خدمتہ کلوب عرضحال ایتد کده حضرت رسول
 بیوردیکہ سـنک بکشرط اسلامہ معذرتک مقبولدر اما حسن و حسین
 حضرت ایزد محترماید و آنلرک اذاسندن البتہ حضرت حق متأذی
 اولشدر استغفارايتک کرک صالح بیچاره صحراره دوشوب فریاد و فغان
 ایدردیکہ (شعر) یارب اسیردام بلا و مصیتم * مستغرق تلاطم بحر
 ضلالتم * برق کناہ یقیدی بناء وجودمی * رحم ایتکہ ذلت ایلہ طلبکار رحتم *
 اونیدی کون سراسیمه و سرکشته کروب تحسرو تحیرله نوحه ز قیلوب
 اون سکرنجی کونده جبرائیل حضرت رسوله سلام ملاک جلیل کتوروب
 ایتدی ای سید کائنات اول بیچاره نک توبه سین قبول ایتدم و کناهنده قلم
 عفوچکدم بشارت ویر و مرده تور * ای عزیز تأمل قیل و نظرات کورکه
 برکیمسه حضرت حسینی بر زمان محبوس ایدوب خاطر مبارکن آزرده
 قیلغله تمقدار تضرعدن صکره مغفور اولدی آیانه اوله آنلرک احوالی که
 دعوا ی اسلامه اول معصومی تیغ صاعقه بار ایلہ پاره پاره قیلوب ایتدکاری
 عملدن استغفار ایتیدر واصلادامن تأسف و تحسرت و تمبهلر (شعر) ای
 دوکن ظلیلہ اولادر سولک قانی * اولماش کویا خبر غوغای محشر دن سکا
 * مست جام جهل غفلت سین اوز کدن بیخبر * خوف یوق حق دن خجالت
 یوق بیمبردن سکا * حذیفه یمانیدن نقلدر که بر کون حضرت رسول
 خدمتده ایدم مغرب نمازن ادا ایدوب فارغ اولدقده حجره طهارته متوجه
 اولدی بن دخی عقبجہ روان اولدم کوردم بر شخص مهیب خدمتہ
 کلوب آنکله مشاورت قیلدی و غائب اولدی اول حضرت بندن واقف
 اولوب ایتدی ای حذیفه نه حاجتک وارا ایتدم یارـسـول الله کلشم که بنم
 ایچون ووالدهم ایچون طلب غفران ایده سنز بیوردیکہ (غفر الله لک
 ولامک) و بیوردیکہ ای حذیفه اول شخص که بخله مشاورت ایدردی
 کوردکی بلی یارـسـول الله کوردم بیوردیکہ اول بر ملا کیر که هرگز بوندن
 اقدام یوزینه نزول ایتماشدر حضرت ایزدن رخصت حاصل ایدوب

بنم سلامه مشرف اولمغه گلش بکابشارت يتوردیکه فاطمه سیده نساء
بهشدر و حسن و حسين بهشت نوجوانلرينك سیدلر در پس فاطمه یه
ایتدی ای فرزندسکا بوسه ادايتر که افضل خواتین دنیا و آخرت اوله سین
حضرت علیدن نقلدر که چون حق تعالی بهشتی آدم و حوایه ارزانی
قیلیدی و حوائك لطافت جمالی تأثیر هوای بهشتیدن متضاعف و مترايد
اولدی بر کون آدم دقتله حوایه نظر صالوب و آنک جمالان منظور نظر
اعتبار قلوب ایتدی ای حوایا نفاس قدرت کارگاه فطرته سنک پیکر
جمله کدن اجل صورت چکمشمی اوله فی الحال بارگاه عزتدن جبرائله
حکم اولدیکه آدمی فردوس اعلا سیرنه هدايت قبل آدم نزهت سرای
فردوسه قدم باصدا قدده کوردیکه بر بساط می تفع اوزره البسه مکمل
و می صعله بر جمله قرار و تشککه شمشعه نور جانندن ساحت بهشت
منور اواش و لطافت رخساره دیده حور و غلمان متحیر قالمش نوردن
فرق مبارکنده بر افسردرخشان و هر قولاغنده بر کوشواره در غلطان
(قطعه) لاله رخساری اولش زیور باغ بهشت * خاکپایی خلد باغن
ایلمش عنبر سرشت * صنع معماری بنا قیلد قدده قصر حسنی * مشکتاب
ولاله جردان ایتش خاک و خشت * آدم متحیر اولوب ایتدی ای جبرائیل
بونه جمله در که مشاهده حسنی حیرتفر او ملا حظة جمالی دل بادر جبرائیل
ایتدی بوفاطمه زهرادر که بنت محمد مصطفادر و باشنده کی افسر
درخشان زوجی علی می تضي و بوکوشواره لریك بری حسن مجتبی و بری
حسین شاه شهیدان کر بلادر آدم ایتدی ای جبرائیل بونلر نه زمانک
خالقیدر لر جبرائیل ایتدی ای آدم اگر چه بونلر عالم صورتده سندن ظهور
ایده جکلدر اما خلقه لری درت بیک ییل سندن مقدم واقع اولمشدر (قطعه)
بن سر بلند عالم ایدم عالم اولدین * خالک درک مقام ایدی آدم اولدین *
دولت بنی پراقتیدی آستانیکه * آدم بهشت خلوتنه محرم اولدین * عائشه
صدیقهدن منقولدر که بر کون حضرت رسول اوزرنده بر کسای شمشید

اولوب حضرت مرتضی فاطمه و حسن و حسین اول کسای الته الوب
 یوردیکه (انما یرید الله لیبذهب عنکم الرجس اهل البیت) و هم اول درت
 کیمه نك خصوصند یوردی (انی احرب لمن حاربکم واسلم لمن سالمکم)
 یعنی بن حرب ایدرم انلرکله که سزکله حرب ایدر و صلح ایدرم انلرکله که
 سزکله صلح ایدر حضرت فاطمه سکر بیل مکه ده ملازم مصطفی اولوب
 کرامات و اشاراتک نهایی بو قدر اول جله دندر که برکون حضرت رسول
 مسجد حرامده دیواره نیکه قیلوب قرار طوتمشیدی خواتین عربدن برکوه
 مزین و مرتب خدمته مشرف اولوب ایتدیلر یا محمد اگر چه ملتله سندن
 بیگانه بز اما بوشهرده همخانه زبو کون برجهیتمز اولوب خواتین عرب
 جعبدر التماس ایدر که فاطمه زهرا یه رخصت ویره سنیکه بزى مشرف
 قیله شاید حسن اختلاطله منقطع اولان رشتہ الفتن تجدد اتصال
 بوله خواجه کائنات رد سؤال جائز کورمبوب التماسلرین قبول ایدوب
 یوردیکه سزکیم بن فاطمه بی متعاقبا ارسال ایدیم پس
 فاطمه حضورینه کلوب ایتدی ای نوردیده وای نطفه برکریزه بز دیوان
 قضادن حکم اولمشدر که جفا کوردیکه و فاعرض ایدهوز و بیگانه لک
 مشاهده قیلد فجه آشنالقی قبله وز (شعر) خار دن خونریز نک کوردیکه کل
 خندان اولور * صبر ایدن خیل و حشم یدانه سلطان اولور * محنته صبر
 ایلین راحت بولور کیم یوسف * لمظنت تختک اول پایه سی زندان اولور
 ای فاطمه خواتین عرب بندن حضوری التماس ایتدیلر که جعبیترین
 فیض قدم مکه مشرف قبله سین و بن دخی قبول ایتدم ایمدی شرط
 وفای عهد حسن رضای شریف کدر فاطمه ایتدی (شعر) سن شه نشاه
 سر بر عدالین * بن سنک بنده فرمانکم * ربقه حکم کدن ایتیم انحراف
 * نیکیم پرورده احسانکم * ای پدر بزرگوار وفای عهد که اقدام
 ایدرم اما تمحیرم که نه کسوتله اول محفله کرم حالا عتبه نك وشبهه نك
 و ابو جهلک بنات و ازواجی البسه الوانله مسندر فعتده اوتور مشلر ذرین

بوجامه مرقع و چادر بشمیند ایله حاضر اولد قده حاله الخطب بر بکادن
 متعرض اوله و هند جگر خوار بر طرفدن تشنیع قبله دیدی حضرت
 رسول ایتدی ای نور دیده آنلرک نظر لری قاصدر در نظاره عالم معنی
 قتلار و عالم صورتدن غیری عالم اولدیغن بئلزلر (یت) مردم صورت
 پرستک همتی کوتاه اولور * محو صورت ذوق معنیدن چنان آگاه اولور *
 بونی دیوب اشک حسرت دیده اشکبارندن رخساره دوکلوردی حضرت
 رسول ایتدی ای جگر کوشم ملول اولمه که بزه نسبت البسه فاخره لباس
 تقوادر و تاج مرصع کلبل علم و رضادر عروس نوبهارک پیرایه جالنه
 نه اعتبار چون صرصر خزان تسلطیله تاراج اولور و شاه شمعک افسر
 زرنکار نه اعتماد چون رشته حیاتک اول قطع ایدر (قطعه) مقصودک
 اکر دین ایسه دنیادن کج * الملهه یاپش جلّه اشبادن کج * تاپشور
 نم اشک و شعله آهه عنان * یعنی که سرادن و ثریادن کج * بومحاوره
 اثناسنده جبرائیل نزول ایدوب ایتدی یار رسول الله حکمدر که فاطمه بی
 اول جمعیه ارسالده سینه که بمن قدومندن بعض اسرار نهان منکشف
 اولسه کرک حضرت رسول ایتدی ای فاطمه جبرائیل ارسالده که
 فرمان یتوزدی فاطمه ایتدی یار رسول الله بنده مخالفت یوغیدی اما
 ملاحظه قیلورده که دنیا ماتم سرای آخرتدر بوماتم سراده سور
 و سروره حاضر اولق نه مناسب چون حکم مطاع ایزد مؤکد فرمان
 شریفکز واقع اولدی دخی نه چاره پس مقنعه عفتی فرق مبارکته آلوب
 و چادر عصمتی رده بدن لطیف قیلوب خیره دن چیقوب آفتاب تابان کی
 تنها طشریه قدم باصدی (شعر) طلوع ایتدی بر جندن اول آفتاب *
 براقدی جانندن آفاقه تاب * قدم خاکه با صدقه اول نور پاک * قنادیل
 نور اولدی اجزاء خاک * خوانین عرب دیده غرور آچوب مترصد و منتظر
 ایدیلر که فاطمه چادر پاره پاره و جامه رقع رقع ایله بزم سریر رفعت و افسر
 شوکتی کورد که آتش حسرت بنای وجودن یاقه جقدر و سیل

سرشت معصومه حیات یقه جعفر ناکاه کوردیلر که هیت صلابت له بر
 خاتون عظمی و ربانوی کبری انجمنلرینه سایه سعادت بر اقدیکه
 شمعش نور جانندن باصره خیره اولوب دیده حشمتندن دیده عقل
 حیرت آفر فرق مبارکی اکلیل مرصعه کردون سای و بدن لطیف دینای
 ماوله جلوه نمای سلاسل لالیدن غره جبینی پر زیور و حائل مطالادن
 سرو خرامانی بار و اطراف جوانبده مهوش جاریه لر وکل رخسار خادمه لر
 کیمی شقه چادر عصمتی ادب البله کتور مشکه خاکدان دینادن غبار آلود
 اولیه و کیمی دامن مقنعه عفتن طوتمشکه خارزار دهر دن آزار بولیه
 و کیمی خاک رهگذارنه کلاب افشان و عود سوز و کیمی راه مرورنده
 حاشا کروب و شمع افروز (القصه اول شکوه و شوکتله اول مجمعه قدم
 با صدقه خواتین صنادید قریش اول شکوه و شوکتله وزیر و زینته
 متحیر قالب و کیم اولاد یغن بیلوب توقفسن صدر مجلسی اکا تسلیم
 قیلوب آیت غرور لری منسوخ و صورت جمعی لری منسوخ اولوب
 بر برینه ایتدیلر آیا بونه شهراده در که قبائل مزده کورما مشزو بونه اسباب
 تجملدر که دامن تمبکینه دست تصرف یتورما مشز (قطعه) کیمدر
 آیا بو که نور یله منیر اولدی جهان * مه رخسار نه در دیده دوران نکران *
 اوزی حوری قدی دلبروشی جان پرور * اوتور شمع دور سر و پرور روح
 روان * رعب و دهشتلری دفع اولوب نظر نامل قیلمده تحبب ایتدیلر که
 فاطمه بنت رسول الله در ترتیب مقدماتلری عکس مطلب نتیجه و ربوب
 یهضکه جبلت لرنده اشتداد کفر و سوخ بولمشیدی اول کراماتی سحره
 حل ایدوب تاب نظاره کتوره مبوب مجلسدن چیقدی و بعضکه قابل
 اصلاح ایدی زبان معذرت آچوب ایتدیلر ای مخدوم زاده صفا کتوردک
 و بزی طبر اقدن کتوردک ماکل و مشار بدن خاطر مبارک نه اساتر سه
 حکم ایت حاضر اولسون فاطمه درج جواهر دن کوهر مواعظه نثار
 ایدوب ایتدی ای اعزه قریش (قطعه) بزجهانی پامال ایتش جهان

پیمارز * قله قاف قناعت بکین عنقارز * فقرانه در فخر من دنیا به
 رغبت قنارز * جبهه به بل ایتمز طوطی شکر خالز * بزم مأده
 قدرن غدامن تسبیح و تهلیلدر و حاصلن اول عدادن تعظیم و تحلیلدر
 و کله (اجوع یوما و اشبع یوما) پدر بزرگوارم مباحاتدر و نعمت ولایت
 و کرامات اول سلوک برکاتدر اگر بزم رضای خاطر من مقصود اید سه
 ظلمت کفرن قضای ایمانه چقک و خلوت اعتقاد کرده شمع ایمان یاقک
 اکثر حضار مجلس فاطمه نکه لفظ کهر بازندن متأ را اولوب و اول کرامتاری
 مشاهده قیلوب مسلمان اولدیلر و شرف ایمان بولدیله و بصورت شواهد
 النبوه مسطوردر (روایتدر که مدت هجرتن بر ییل تمام اولدقده
 فاطمه طقوز یاشنه و بر روایتده اون درت یاشنه و بر روایتده بکرمی یاشنه
 یتیمه یدی اکابر و اشراف قریشدن تزویجینه رغبت ایتد کجده اول حضرت
 رسول بیوردیکه فاطمه تزویجینه منتظر و حیم (کتاب مناقب ابوالموائد
 خوارزمیده مسطوردر که حافظ ابوالمعانی حسنین بن علی بن نقل
 ایتد که بر کون حضرت رسول ام سلمه سراینده ایدی بر ملک نزول
 ایتدیکه بکرمی باشی اولوب هر یاشنده بیک دیلی وار ایدی و هر دلیله مسح
 و مهمل ایزد جبار ایدی و کف دستی قضای آسمانه مقابل شکلی مهیب
 و شمائل هائل حضرت رسول آتی جبرائیل تصور قیلوب ایتدی ای برادر
 هر کرسی بوصورده کورمشم ملک ایتدی ای ملک رسالت بکاصر صائیل
 دبیر حضرت حق بنی ارسال ایتدی بر نوری بر نوره تابش و رفته
 یعنی فاطمه بنی سر تضایه عقد ایتد که حضرت رسول بر حسب حکم
 الهی همان اول ساعتده جبرائیل و میکائیل شهادتیه حضرت فاطمه بنی
 سر تضایه عقد ایتدی و شیخ ترمذی کتاب انظم دار السبطین ده ذکر ایدر
 انس ابن مالکدنکه بر کون حضرت رسول خدمتده ایدم بشره مبارکنده
 آثار و حی ظاهر اولوب فنجلی اولدقده بیوردیکه ای انس جبرائیل کلوب
 بکا و بیای کتوردی (ان الله یأمرک ان تزوج فاطمه علی) ایتدی اشراف

مهاجر و انصاری جمع است بن دخی امر شریف مقنض است بجه صنادید
 قریشی جمع است کد نص کره اول حضرت خطبه بالغ ادا قبلوب ایتدی
 ای قوم امر واجب الوجود و حکم نافذ معبود جاری اولد بکه فاطمه
 زهرانی علی مرتضایه عقد ایدم سزک شهادت کرله پس علی مرتضایی
 حاضر ایدوب ایتدی یا علی فاطمه بی سکا و یردم و در تبوز منقال نقره خالص
 مهرله قبول ایتدکی علی ایتدی یا رسول الله راضی اولدم و قبول ایتدم
 و بر روایت دخی اولدر که حضرت دعا قبلوب پیورد بکه (جمع الله بینکما
 و اسمکما و بارک علیکما و اخرج عنکما کثیرا طیباً) و کتاب مناقب خوارزمیده
 مذکور در که جبرائیل حضرت رسولک خدمت کلوب جنتدن بره مقدار
 قرنفل و سنبل کتوروب ایتدی یا رسول الله حضرت ایزد پیورد بکه
 صحن بهشت عزیز اولوب و نهال طوبی باره کلوب و ملائکه عرض اسما
 کونی آدم خطیب اولدیغی منزله جمع اوله لر و حور و عثمان بجمع سور مرتب
 قبله لر و راحیل نام فرشته که حجاب بارگاه ربوبیتدن و اعیان درگاه الوهیتدن
 نوردن منبر قوروب زبان فصیحله خطبه نگاه انشا قبلوب فاطمه بی
 مرتضایه عقد باغیله و ملائکه کواه اولوب کتاب دیوان قضاده ثبت ایدلر
 بوصورت واقع اولوب بنکه جبرائیل بوعقد نامه نک صورتی بر حریه تحریر
 ایدوب خازن بهشته تسلیم ایدوب و مهم عقد سرانجام اولد قده مخدرات
 حجرات بهشت طبق طبق سنبل و قرنفل نثار ایدوب و نهال طوبی
 کتوردیکی شکوفه لری اوزرلینه صاچوب و عرایس حورا حلال
 حلیله یں ره گذارلینه براغوب قاعده سور مرتب اولدی و بو کتوردیکم
 سنبل و قرنفل اول نثارلر دندر بر روایت دخی اولدر که نهال طوبی رقه در
 نثار ایدوب اول رقه درک هر برنده بر مخلص اسمی مرتب قوم مضعونی بو که
 فلان آتش دوزخ دندن آزاد اوله و اول رقه در لری خازن بهشت روز
 قیامت اصحابه تسلیم قبله یا رسول الله سندخی فاطمه بی مرتضایه
 عقدایت پس حضرت رسول اول امر موجب بجه فاطمه بی مرتضایه

عقد ایتدی و ام سلمه یه بیوردیکه علیک حجره سنه واروب فاطمه بی تسلیم
ایده ام سلمه روان اولدوقده حضرت رسـول دخی نماز ایدوب متعاقب
روان اولوب برکوزه صـوکو توروب ولعاب شهـهد امیریه مزوج ایدوب
اوزرینه معوذتین و مناسب آیتلر اوقوب حضرت علی یه اول کوزه دن
وضوء ایتدیروب تجرع ایتدرد کدنصکره فاطمه نک سینئه بی کینه سنه
صاحب ایتدی (اللهم انی اعینک و ذریته من الشـیطان الرجیم)
و بر مقدار دخی مر تضا نک اعضا سنه صاحب ایتدی (اللهم کاذهبت
عنی الرجس و طهرت فی فطرهما) اندنصکره طشره چیتمق استدکده
فاطمه کرین اولوب حضرت رسـول ایتدی ای جکر گوشه آغله المنه الله
سنی برکیمه یه و یرمشکه قدری جمع خلقدن فزون و علمی جـله دن
زیاده در اول بنم قرب اهل یتیم و افضل اعوانم و اشرف انصار مدر اول
معبود حقیقونکه نفسم آنک قبضه قدر تنده در که سنی برکیمه یه
و یرمشکه سلطان در دنیاده و سـید در آخر تنده فاطمه ایتدی یا رسول الله
بن قلت مال و عسرت حالدن اندیشه قلوب علی جانندن ملالت چکرم
اما خدمت شریف کدن فی الجمله مفارقت لازم کلور رقتم آنکچوندر (بیت)
سندن ایرلاق معاذ الله براولمکدر بکا * بلکه ایرلقدن اولمک بلکه یرکدر
بکا * روایتدر که حضرت فاطمه نک جهازی ایکی عدد بقص بر دوه ایکی
بازو بند نقره و بر قطیفه مرقع و بر قدح و بر اسیاب سنک و بر اردیر و ایکی سبو
و بر مشک و بر مشربه و ایکی نهالی برینک حشوی تراشه سخنیان ایدی
برینک لیف خرمدان و درت عدد بالش ایکیسی پشمیندن مملو و ایکیسی
لیف خرمدان محشو (امام سیف الدین کاتب سنن الجانمده نقل ایتمشکه
منافق لردن بری مدینه ده مر تضا یه طعن ایدوب ایتدی ای علی سن اشجع
اهل زمانه و فرید و یکه سین نیچون برکیمه یه ایله اتصال ایتدککه شامی
چاشته و فاقیلز و چاشت بولسه شام بولماز اگر بنم اتصال قبول ایتسـبدک
سرایکدن سرایمده ک جهاز مملو قلدیم و سـنک معبشتکه کفیل اولدیم

مر تضي ايتدی ای کراه بوامر بنم تدبیر له دکل الحکم لله العلی الکبیر
 (شعر) ای مر صغ تاج مغروری اولان بیایکم فلک * هر کیمی عالمده برز نیکیه
 ایلر حاکسار * لعل صانع کیم فریب فرقه اطفال ایچون * رنگ ویرم شد
 قره طراغه دور روزگار * وهیج شک یوقدر که حضرت احسن احوالی
 بره لطف ایتشد و خزانه التفاتدن افضل مواهب بره یتشد (قطعه)
 بر متاع ملک دنیادن فراغت قیلمش * کیمیای فقردن کسب سعادت
 قیلمش * غیره عرض ایت ای فلک جاه و ملک و مالیکم * بز قناعت اهلین
 فقریله عادت قیلمش * روایتدر که حضرت علی طعمه جهالدن متأثر
 اولوب استغنا طریقن مسلوک ایتش یکن ندا کلدیکه ای علی متوجه
 آسمان اولوب تماشا قبل حضرت علی نظاره قبلدده ووردیکه
 پایه عرشدن فضای فرشه دک در کوهر و مشک و عنبر یوکل و ناقه
 هر برینک مهاری بر پی چهره غلام الله و هر برینک اوزرنده بر ماه
 پیکر جاریه ندا قبلورلر که (هذا جهاز فاطمة بنت رسول الله) حضرت
 مر تضي بومو هبتی مشاهده سندن و بوسعادت ملاحظه سندن مسرور
 اولوب متوجه حرم سرای اولدده فاطمه استقبال ایدوب ایتدی یا علی
 بکا عرض ایدنلری سکا دخی عرض ایتدیار الله که جهازی کوردک
 (شعر) ملک دنیاده بری جاهل محقر کور مسون * بز بقا ملکین مسخر ایلین
 سلطانلر * عالم معینده اعلادر قودن قدر من * کرچه صورتده حقیر
 و بی سرو سامانلر * روایتدر که بر کون خواجه عالم پیوردیکه سلیمان نبی
 داماده بر تاج مرتب ایتش بدی یدیبوز دانه ایله مر صغ حضرت علی
 حجره طهارته کلد کده فاطمه یه نقل ایتدی فاطمه استماع ایتد کده خاطر
 شریفنه خطور ایتدیکه شاید علی جهاز و جهات و دختر سلیمانی اول
 عظمتله ایشیدوب و بنم جهازی بو حقایقه کوروب خیال ایده که
 حضرت رسول سلیمانجه کلن بود غدغه خاطر ند ایدی اول وقتده دک که عالم
 بقایه حالت ایتدی بر کیمجه حضرت علی واقعه سنده کوردیکه بهشته

بر صاع تخت منصوب اولوب اطرافنده حوری صف چکوب فاطمه
 اوزرنده قرار طومش و بردختر بلند اختر نهایت حسن جمال ایله تشارا یجون
 ایکی طبق جواهر مهیا قیلوب منتظر در که فاطمه زهرا کا نظر قریله
 حضرت علی فاطمه دن سؤال ایتدی که آیا بو کیمدر حضرت فاطمه
 ایتدی که یا علی بوسلیمان نبی قزیدر حق تعالی بنم خدمته مأمور ایتشد
 یا علی بو عزیزه مک بر کون چهارزی حکایت نقل ایتدک و بو اندیشه بنم
 خاطر مده ایدی و بو اندیشه دن الم حکدیکمک اجر نه بوسمادت مپسر
 اولدی یا علی اول تاج عوضنه که سلیمان نبی دامادنه مرتب اولشیدی
 جل لوا الحمد سگاه مقرر اولدی و لوا الحمد بر علمدر که خاصه حضرت
 رسول الله کدر ارتغای حد دن زیاده اولوب اوچ شقه سی وار بری مغریده
 و بری مشرقده و بری مکه اوزرنده بر شقه سنک اوزرنده یازنش (بسم الله
 الرحمن الرحیم) و برینک اوزرنده (الحمد لله رب العالمین) و برینک اوزرنده
 (لا اله الا الله محمد رسول الله) نقلدر که عرصات قیامتده اول واء جدی
 حاضر ایدوب ندا قیله لر که قنده در امت محمد عربی قنده در توابع خواجه
 هاشمی و حضرت نبی اول اوای مبارکی الله الووب تمامی اتیبا و اولیا
 و کافئه اهل اسلام اول ووا الله جمیع اولوب تشکیر یورمش (آدم و ذریته
 تحت لوای یوم القيمة) و فرق مبارکنه نوردن بر تاج سبر اورتوب و حریر
 اخضر دن بر خلعت کوب براقه یوب و سائر انبیا دخی سوار اولوب
 و اول علمی حضرت علینک الله و یروب متوجه بهشت اولملر (روایتدر که
 حضرت علینک فرق مبارکنده اول لم بر تاج هیئتده ملحوظ اولوب
 ندا قیله لر که یا علی بوتاج افضل بدر یا خود او تاج که سلیمان نبی دامادنه
 و یرم شبیدی (امام نجم الدین عمر رضی الله عنهدن روایت ایدر که بر کون
 حضرت رسول حضرت فاطمه حجره سنه کوب فاطمه بی ملول کوروب
 سبب ملائک سؤال ایتد که ایتدی یا رسول الله اوچ کوندر که سر ایده
 ما کولات قسمندن سنه یوقدر حسن و حسین مضطرب اولشلر و باحوالی

حضرت نکردن مخفی طوئارم اما بگویند حسن و حسین است طربان کوردم
 دیر که آیا هیچ عالمه بر طغلاک ریاضتی بزم ریاضتزه بتری ای پدر بزرگوار
 حضرت نکردن رخصت اولور میکه کس تا خانه درگاه الهی بدن بر توقع ایتم
 خواجه عالم ایتدی ای فرزند حضرت ایزد محاصلک کس تا خلفن
 قبول ایدر فاطمه اجازت حاصل ایدوب ایکی رکعت نماز قیلوب مبارک
 اللین کتوروب ایتدی یارب ییلورس نه که عورات واطفالک ریاضته
 ط قتلری اولساز یاط قترجه محنت مقررابت یا محترجه طاقت مبر
 ایت بودعایی تمام ایتد کده ضعفدن بهوش اولوب هم اول ساعت حبرائیل
 نزول ایدوب ایتدی یارسول الله فاطمه ک ناله دلسوزی ملائکه آسمانی
 خروشه کنوردی فریاد نه بیت حضرت رسول خجریه کوروب کوردیکه
 فاطمه احتیارسن دوشمش فرق مبارکن دیزی اوزرنه آلوب پنجه قر
 شکافی سینه سی اوزرینه قیوب دعا قبلدیکه یارب فاطمه بی الم جوعدن
 محافظه قبل فاطمه خواجه کائاتک رایحه کسوی مشه کبارندن
 استفاده قدرت قیلوب کندوس نه کلد کده اوزرنه من بعد الم جوع
 احساس ایتدی (فاطمه دن نقلدر که اول دعا برکاتندن حیاتم اولد قبحه
 کندیمی هر کر الم جوعه مبتلا کوردم (درر معارجده مسطور در که
 برکون حضرت رسول فاطمه ک حجریه سنه کلوب تفقد طریقله ایتدی
 ای فرزند حالک ندر فاطمه ایتدی یارسول الله المنة لله فقر من برغایت
 یتشدر منزلده اوچ کوندر که طعام اثری بولتماز حضرت بیوردیکه
 (اللهم انزل علی محمد واهل بینه کائزات علی مریم بنت عمران) و دیدی
 ای فاطمه مطبخه توجه ایدوب ملا حظه حکمت قبل فاطمه مطبخه
 توجه ایدوب حسن و حسین عقبنجه روان اولوب کوردیلر که جواهرله
 مرصع رکاسه ایچنده بر مقدار طعام فاطمه اول کاسه بی کتوروب حضرت
 رسول خدمته یتوردی و حضرت رسول بیوردیکه (کلوا
 بسم الله) پس نی و داماد و فاطمه و حسن و حسین اول طعامک تناولنه

مشفول اولدیله (روایتدر که یدی کون اول طعامدن تناول ایدرلردی
توکنمزدی برکون امام حسن حجره دن چقبوب انه بر مقدار اول طعامدن
آلوب بر یهودی عورتی کوروب طلب ایتدی امام حسن کرم جلیبی
مقتضاسیجیه امساک ایتیوب التفات ایتدیکده اثر اطلاع نامحرمدن اول
کاسه و طعام غائب اولدی حضرت یوردیکه اگر بو حالت واقع اولمیدی
هرگز منقطع اولمازدی (بعض تفاسیرده مسطوردر که برکون حضرت
رسول فاطمه حجره سنه کلوب ایتدی ای جکر گوشه اوچ کوندر طعام
تناول ایتمشم منزله کده ما کولات قسمندن نه وار فاطمه ایتدی یار رسول الله
زه دخی بو حالت واقع اولشدر حضرت رسول ما یوس چیدقدده
فاطمه خجالت چکوب دعا فیلدیکه الهی بنی بو خجالتدن قورتر و بر طعام
کرامت قبل دعایه مقارن فاطمه کوردیکه آستانه حجره ده بر غرب
طوروب بر کاسه ده بر مقدار طعام بر خادمه و یردیکه بوهدیده در فاطمه
اول طعامی آندن آلوب حسینی حضرت رسول احضارنه روان ایتدی
حضرت حاضر اولدقد اول طعامی حضورنه کتوردیلر کوردیکه اصل
اطعمه دنیا به شیه دکل حضرت بو هبارتله فاطمه دن سؤال ایتدیکه
(انی لک هذا) حضرت زهرا بو جوابه ملهم اولوب (هو من عند الله یرزق
من یشاء بغیر حساب) دیدی بو خبردن حضرت رسول منبسط اولوب
بیلدیکه مطبخ غیبندر شرائط سپاس ادا قیلوب ایتدی ای جکر گوشه
لمنه لله که حضرت ایزد سکا مرتبه بنت عمران نصب ایتدی پس علی
و فاطمه و حسن و حسین اول طعامدن تناول ایدوب ساراهل یتدخی
حصه ارسال ایتدیلر (شعر) نوله کر انعامنی عام ایتسه خوان لطفدن *
اولکه خاص و عام خوانی لطفنک مهمانیدر * نوله کر می یمدن افزون
کور سه نقد پا کنی * اولکه عیسی بر کینه بنده فرمانیدر * بو خبردرجه
وضوحه یتشدر و بونیکته جمیع عالمده اشتهار بولشدر حضرت رسول
فاطمه بی جمیع اهل یتندن زیاده کوروب تعظیمده مبالغه قیلوردی

و حضرت فاطمه دخی اول حضرتی کشدی روح شریفندن اعز و اشرف
 یلوردی اما راوی اخبار جکر سوز و حاوی آثار غم اندوز بو طرزه تنیم
 حکایت قیاش و بو طریقله متم روایت اولمش که خواجه کائنات عالم
 فناندن ملک بقایه انتقال ایتد کده زمین و آسمان مترزل اولوب غایت حرقت
 جن و انس و وحوش و طبری فعانه کتوردی و کمال رقت تمامی نظام عالمه
 خلل یتوردی و مرکز خاک فرق افلا که کرد ملات ساچدی و خازن
 نهانخانه قضا فرینش یوزینه ابواب کدورت آچدی (شعر) دهر زهت
 خانه اقبال ویران ایلدی * کنج اسلامی فلک طپراقده پنهان ایلدی * طی
 قلوب راحت بساطن دهر دن فراش چرخ * صورت جمعیتن خلقک
 پریشان ایلدی * بووقعه هائله و حادثه نازله وقوع بولدقده و جمیع اهل
 عالم نوحهیه مشغول اولدقده حضرت مرتضی فاطمهیه ایتدی ای جکر
 کوشه سید البشر وای زبده اولاد پیغمبر تهجم مصائبده تحمل شیوه ارباب
 وفا و طغیان نوابده تصبر قاعده اهل بیت مصطفی قدر اولیه که هجوم
 سیلاب سرشک پرده حجابی آفتاب جمال کدن براغوب و آتش آه جکر سوز
 خرمن صبر و قرار ک یاقوب صدای فغان کدن نامحرملر خبردار اوله لر و صورت
 اضطرار کدن بیدر دل فرح بوله صبرایت و تحمیلی پیشه قیل اول زمانه دک
 که آفتاب عالمتاب حضرت رسول الله کبی منزوی زوایه حجاب و سایه نشین
 سحاب نقاب اولوب و آسمان زمره اهل ماتم کبی جامه مشکفام کیوب
 رخسارنده قطرات سرشک کواکب ظاهر قلوب تردد نامحرملر منقطع
 اوله و هر کیم مقابله تسکین بوله اول وقت حضرت مصطفی کدن مزار
 شریفن زیارت ایدوب درد دلک عرضه یتور و سوز و کدازله اول حضرتیه
 شمع مزار اولوب کیفیت مافی الضمیرک زیانه کتور (شعر) ای خوش اول
 سماعتکه دلدار اوله دیار اولیه * یار اوله خلوتده اطرافنده اخبار اولیه *
 یار حالن یاره اظهار ایتکه فرصت بولوب * مدعی آگاه نامحرملر خبردار
 اولیه * حضرت فاطمه مرتضی کدن تجاوز ایتوب اول داغ

نهانله قانلر یودوب وسوزدانی نهان طو توب غنچه لاله کی نو بهار و عده به
منتظر و مترصد اولوب صبر ایتدی اول وقت ده که که چراغ خلوتخانه طارم
چارم انطفا بولوب شدت ظلمدن غریبتر فغانی آسمانه ایتدی حضرت
زهره شدت غمدن ییهوش ایکن کوز آچوب حضرت مر تضایه تضرع
ایتدی که یا علی نه وقت اوله مر تضا ایتدی ای فاطمه شب دیچوردن برغن
کچم شد مر فاطمه ایتدی یا علی آبار خست زیارت مبر اولور می مر تضا
ایتدی ای فاطمه رخصت مبر اولور بوشر طله که صدای بلند ایله فغان
ایتمه سین پس فاطمه قیامه کلوب حضرت مر تضا هدایت قیلوب روضه
مبار که کلدیلر نظر زهره که مر قدم مصطفایه دوشدی فریاد و فغانی ملاه
اعلا یه ایرشدی ایاقدن دوشوب بوسرودله مترنم بوادیله متکلم اولدی
(شعر) ای فلک دار الشفاء شرعی ویران ایلدک * اهل دردی مبتلای داغ
حرمان ایلدک * رده آدباره چکدک چهره اقبال می * جمع ایدوب یوز غم بکا
حالم پریشان ایلدک * آسمان شرع خورشیدینه کوستردک زوال * ماه
ملکی نیره طبراق ایچره نهان ایلدک * کردیم کافر سین ای کردون عجب
یوق نه کیم * قصد قتل مقتدای اهل ایمان ایلدک * زار زار آغلده چه
حضرت مر تضا تسکین و یروب دیر ایدی ای فاطمه نوحه دن صبر اعلا
واصو بدر و جزعدن تحمل اولی واثو بدر فاطمه ایتدی ای عمزاده عزیز
بنی منع اتمه که افضل جهاتک مفارقتی اعظم مصائبدر و بو بیت
حضرت رسول مرثیه سنده حضرت زهرادن صادر اولان ایاتند
(بیت) صبت علی مصائب لوانها * صبت علی الایام صرن ابایا *
نقلدر که مرقد مبارکدن بر قبضه خاک الوب دیده اشکبارنه طو توب آغاز
نوحه قیلدی بو مضمونله (شعر) هجری باغرم قان ایدن کلبرک خندانم قنی
راحت جان حزن و جسم سوزانم قنی * دیده نمانه تار اولدی عالم ای فلک
لعه رخسار خورشید درخشانم قنی * و بو خبر صحته یتشدر که حضرت
رسولک وفاتند نصکره هرگز فاطمه تبسم ایتم شد مر و مطلق صفحه

خاطرندن کدورت کتمشدی اولغایتده که برکون اهل مدینه افغانندن
متأذی اولوب دیدیلر یانت رسول الله یا کوندز ناله قیلوب کیجه آرام طوت
یا کیجه نوحه یه مشغول اولوب کوندز تحمل ایتمکه خلقه بروقت راحت
ممکن اوله حضرت زهرا خلقک التماسین قبول ایدوب کیجه لنوحه قیلوب
کوندز داغ صبرله جگر ن داغایوب تحمل ایدردی (امام جعفر صادق
نقلدر که افراط کریمه بش کیسه یه منحصر در بری ادمکه بهشت فرافتدن
نالان ایدی و بری یعقوبکه یوسف هجرندن کرین ایدی و بری یوسفکه
یعقوب دردندن پریشان ایدی و بری فاطمه زهرا که حضرت رسولک
آتش فرافتدن، یان ایدی و بری امام زین العابدینکه قرقیل واقعه کر بلا
دنصکره لابنقطع سرشک افشان ایدی (روایتدر که مفلح نام برنده سی
اولوب برکون ایدی یان رسول الله اولیه که بنوحه کریددن هلاک اوله سین
دیدی حضرت امام بیوردیکه ای مفلح حقا که کریمه بکا اختیار سزکلور
هرگاه که معرکه کر بلا ده والد بزرگوارمک و اخوان و اعمام عالیقدرمک
تشنه لب شهید اولدقلرین و مخدرات اهل بیتک گروه فجاره اسیر اولوب
اهانت چکدکلری یادمه کلدیکه کریددن کنسیمی محافظه قیله بیلرم
(شعر) دوشدیکه یادمه الم دشت کر بلا * کوکلم فغان وناله ده بی اختیار
اولور * کلدیکه یادمه لب خشک شه شهید * بی اختیار چشم ترم اشکبار
اولور * ایام چون بلالره صالمشدر بنی * بن کوردیکم بلالری کیم کورسه زار
اولور (قصه حضرت رسولک و قاتندن اوچ آی کجد کده و بر روایتده
آلتی آی کجد کده برکون حضرت مرتضی منزله کلوب کوردیکه فاطمه
برمقدار خیر ایدوب و اولاد اجمادنگ کبسورین یومغه برمقدار کل مخمر
ایدوب ورختلرین یومغه برمقدار صوحاضر ایتش حضرت مرتضی
اول حالته حیرت ایدوب ایدی ای مخدومه زمان وای مخدره جهان
هر کر دنیا اشغالنه سنک بومقدار التفاتیکی کورمشم آیا بونه حکمتدر که
بوکونده اوچ عمل انجامنه اقدام ایتمشین حضرت فاطمه قطرات اشکی

دیده اشکبارندن دوکوب ایتدی ای تاجدار هل اتی وای شهسوار
 عرصه لافتی وای خطیب منبر سلونی وای وارث مرثیه هارونی وای
 کل باغ والمن وآلاه وای آتش داغ عادمین اعداه وای طراز مسند
 صدق و صفا وای راز دار حضرت مصطفی وای شیر بیشه حقیقت
 وای کشتی لجه طریقت وای شکوفه کلزار ابوطالب وای اسدالله الغالب
 وای مهتر بهتر اهل زمین وزمن وای معدن جوهر حسین حسن (هذا
 فراق بینی و بینک) رأی عقده کسای و ضمیر عالم آرایه مخفی و مستور
 اولیه که رشته اتصال صوری مقراض قضا ایلانقطاع بولوب و مدت
 مقاربت مجازی مرور عمر له منقضی اولوب وقت اولدیکه دست
 تعلقم دامن دولت خدمتکدن دور و دیده امیدم مشاهده پرتوجا لکدن
 مهجور اوله (رباعی) وقت اولدیکه شام هجر له اوله صبح وصال *
 تغیر پذیر اوله بو کیفیت حال * وقت اولدی عروس وصل اولوب پرده
 نشین * عرض ایلله شاهد غم هجر جال * ای علی دون کیچه رسول
 الهی واقعه کوردم بالینم اوزرینه طور وب هر طرفی ملاحظه قیلوب
 فریاده کلوب ایتدم یا بئی یا رسول الله فراقکدن هلاک اولدم آیا قنده سین
 حضرت رسول ایتدی ای فاطمه سکا بشارت ویرمه که کلشم دمدر که
 رابطه قید حیات مستعاری قطع ایدوب مضیق تنکای فنادن فضای بقایه
 قدم باصه سین ای فاطمه سن کل منیجه کترم اگر دولت وصالم استرا بسک
 شتاب ایلله وسعی قیلکه یارین کیچه بکا مهمان اوله سن و بنیدار اولدم
 و حالا اول امیدله متوجه عالم بقایم یا علی اگر چه سنک آتش الم مشارقک
 جگر سوزدر و محنت مساعدتک غم اندوزدر اما اول حضرتک دخی مزده
 وصالی دلفروزدر کتمک تدارکن ایتدیکم اولدر که یارین سن مصیبتیه
 مشغول اولدوقده اولاد لرم اندیشه غدا چکیمه رورختلرین یودیفم
 اولدر که بند نصرکه بو مصیحت ایچون یوز صوین غیره دوکیه ر
 وکسولرین یودیفم اولدر که معلوم دکل که بند نصرکه غمخوارلری

کیم اوله (ای عزیز فاطمه زهرا انلرک کيسـ وارينه غبار قونمقدن مکدر
اولوردی و جامدلی کرد آلود اولمقدن اظهار ملالت قبلوردی آه اکر
کورسـ ییدی دشت کر بلا ده رخسارلی آغشئه خالک و خون و بدنلی
خون جکردن لاله کون (یت) کر بلا دشتئنده خاتون قیامت آه اکر
* غرق خون کورسـ ییدی شاه کر بلانک حالنی * هیچ شـک یوق کیم
قبلوردی کر بلا طیراغنی * غرق خون کوزدن دو کوب سـیلاب اشک آلی
(القصه مرتضی فاطمه دن اول خبر جان کدازی استماع ایند کده اشک
ندامت دیده نمیدهدن روان ایدوب ایتدی آه بونه محنت مجدد درکینه
یوزو یردی ونه بلای غیر مکرردر که ینه فـلک طهوره کـتوردی ای فاطمه
هنوز والد بزرگوارک داغ فراقی مرهم پذیروالم اشـنیاقی تسکین بولمـدن
سندخی جانـه برداغ تازه یالقق و دل ویرانه بی صاعقه مصیـتله یقمق روامـیدر
(شـعر) آه کم هر دم فـلک درد اوزره دردم آرتر * کوسـ تر یـک درد
بردردینه درمان ایتدین * بغرمی بریان ایدر هر لحظه بر برق بلا * بر بلای
حسن تدبیر یله بریان ایتدین * فاطمه ایتدی ای علی اول مصیبتـده صبر
ایتدک بو محنتـه دخی تحمل ایت و بر زمان بنـدن غافل اوله ورعایتـده تعلل
قیلمه که آخر نفسـدر بو کلماتی ادا قیلد قبحه نمیدهد اشـکبارله شهزاده لک
رختنی ترقیلوردی و آتش آهله آتمک ایچون تنوری کرم ایدردی و یدردی ای
جگر کوشه ل آیانند نصـکره سـزکـ حالـکنـه او اور شهزاده ل بو خبر لدن متألم
اولوب کریمه آغا ز ایتد بلر فاطمه ایتدی ای نور دیده ل بر زمان کورستان
بقعه واروب بنم ایچون دعا قبلک و تضرعه دعایه مشغول اولک انلرمـتوجه
اولد قده بستر عصمتـه سـکـیه قـیـلوب مر تـضایه ایتدی ای همسر مهر بان وقت
وداعدر حلال ایت حضرت علی آه حسرت چکوب ایتدی (شـعر)
وا حسرتا که یاقدی بنی آتش وداع * یارب که منقطع اوله آیین انقطاع *
بو حاله مقارن اسماء بنت عبـشی طلب قـیـلوب دیدی ای اسماء برطعام
مهیا قیل که جگر کوشه لرم معاودت قیلد قده تناول قبله ل و قومه که

بنم یانم کلدل و بی بو حال ایله کوروب پریشان اولدل (القصه شهراده ل
 کورستان بقعدن مر اجمت قیلد قده اسماء استقبال ایدوب اناره طعام
 تکلیف ایتد کده شاهزاده ل ایتدی لر بزم هرگز والده مزدن آرو طعام
 تناول ایتدی بکمز بوقدر اسماء ایتدی ای عزیز زوالده کرک جزئیجه کدورتی
 وار سبز طعام تناول ایدک دیدی لر ای اسماء زوالده مزدن آرو طعام ساز کار
 اولماز (القصه ترک طعام ایدوب حجره کلد کزنده کوردی لر که فاطمه تنکيه
 قیلوب حضرت علی بالینی اوزرنده کریان او تورر شاهزاده ل ایتدی ای
 جکر گوشه ل بر زمان روضه رسول الله اوزرنده واروب دعا قیلک شهراده ل
 اطاعت قیلوب روان اولد قده فاطمه ایتدی یا علی بر زمان بندن غافل
 اولد که انجام عردر (شعر) حیاتمدن همان بر دم قالو بدر اولد غافل کیم *
 مہسراوله ذوق دولت و صلاک دم آخر * حیات مسـتعارم کسوق تاراج
 ایدوب کردون * گفتدن اکمه کیدرک استر خلعت فاخر * حضرت علی
 ایتدی ای فاطمه بو خبر استماعده قدرتم یوقدر فاطمه ایتدی بو واقعه
 بی تدبیر و حادثه بی تأخیر در (شعر) صندردی نهال عمری باد اجل * جان
 مر غنه دام قوردی صباد اجل * تن رابطه سن روحدن استرقیله قطع *
 شمشیر سیاستله جلاد اجل * فاطمه علی ک نازنده بیهوش اولوب
 بر زماند نصکره اوزرنده کلوب علی بی کریان کوروب ایتدی یا علی هنگام
 تعزیت دکل زمان وصیتدر علی ایتدی ای فاطمه وصیتک ندر فاطمه
 ایتدی درت وصیتم وار بری اولد که بدن سگان سبت ترک ادب واقع
 اولد یسه ده عفوایده سین علی ایتدی حاشا که سندن ترک ادب صادر اولمش
 اوله همیشه سن بنم غمخوارم و پیوسته غمکسارم ایدک دیدی ایکنجی
 وصیت اولدر که بنم اولادمی محترم طو توب انلردن برکست اخلق صادر اولسه
 تجا و زقیله سین اوچنجی اولدر که بی کیجه وقتنده دفن ایدسه سنکه زمان
 حیاتمده دیده نا محرم دن مستور اولدیغم کی حین وفاتمده دخی نعشه
 انظار پریشان متعلق اولیه دردنجی وصیتم اولدر که بنم زیارتمدن قدم

حکیمه سین و همیشه بنی دعادن اونو تمیسه سین (شعر) چون بنی سندن فلک
 ناچار مهجور ایله * خاک پای کدن بلا کش باشمی دور ایله * التماس سندن
 اولدر کیم غبار مقدس * روحی هر دم ملاقاتیله مسرور ایله * بووصایا
 اناسنده حضرت علی فریاده کلوب زبان حال ایله ابتدی (شعر) دلدار
 برافندی طرح غمخانه هجر * ساقی زمانه طودی پیمانه هجر * دردا که
 سرای وصل ایکن تکیه کهم * وقت اولدی مقام اوله ویرانه هجر * ابتدی
 ای فاطمه سنک وصبتلرک درجه قبوله یتدی اما بنم دخی سکا اوج
 وصبتم وار عرض ایدیم ری اولیکه بندن سکا تقصیر ملازمت واقع
 اولدیه حضرت رسوله شکایت قیلبه سین ایکنجی اولیکه حضرت
 رسول الله سلام یتوره سین اوچنجی اولدر که بندن اول حضرت اظهار
 شکر ایدیه سین فاطمه علینک وصبتلرن قبول ایدوب مکالمه قیلمانده ایکن
 ناکاه رخروش و غلغله صداسی کلدی حضرت علی متوجه اولدوقده
 کوردیکه حسن و حسین و (وا اماه و امصیتاه) دیوب فریاد ایدرک کلدیلر
 اضطرارله حجره قاپوسنه کلوب ابتدی ای جگر کوشه لر بونه حالتدر
 ایتدیلر ای در مدینه علم رسول خدا وای شیر پیشه لافقی والده مزله وداع
 ایتکه کلشوز حضرت علی ابتدی ای نور دیده لر نه پیلدیکن والده کن
 بوحالنده در دیدیلر ای پدر بزرگوار سنک فرمان شریفک مقتضاسنج
 روضه رسول زیارتنه متوجه اولدوقده سمعمره برصدا ایرشدیکه فاطمه
 یتیلری کلدی ناکاه مرقد مبارکدن ندا کلدیکه ای نور دیده لر توقف
 ایتوب مراجعت قبله کهک والده کن دیدار یله مشرف اولوب وداع ایدیه سز
 زبرا متوجه عالم آخرتدر وحالا ابراهیم خلیل واسمعیل ذبیح وموسی
 کلیم وعبسی روح الله وسائر انبیای مرسل وارواح قدس آنک روح پاکنک
 استقبالده کللر بزبوخبردن متنبه اولوب اضطرارله مراجعت قیلمدی
 بوسوزی دیوب فاطمه نک آیانه دوشوب نوحه یه بنیاد ایدوب تضرع
 ایتدیلر که ای محذومه محترمه دیده التفات آچوب بو غریب مبتلارنه

بر نظر قبل و گفتار دکلوب بوبادیة بلاسر کشتند لیلہ تکلم ایت (شعر)
 بر نظر قبل کیم دواى درد بیمار فراق * بر نظر ز کس مردم شکار کدن
 سنک * بر تکلم قبل که ارباب مطالب مقصدی * بر تکلم در لب کوهر
 نثار کدن سنک * آواز لری فاطمه نك سماع مبارکنه ایشوب دیده مرحت
 آچوب آنلری کنارنه چکوب قطرات اشک حسرت دیده اشکباردن
 دوکوب ایتدی ای یتیم لر آیا بند نصکره سزك کیفیت احوال کنر نه اولور
 اول ائناده جمیع اولادی جمیع ایدوب ذکورن اناثه وائان ذکوره امانت
 طریقه تسلیم ایدوب و مجموع حضرت مرتضایه تاپشوروب وجهه سین
 واجب الوجوده موضوع ایلد کدنصکره تکرار حسن و حسنی بردخی
 روضه رسول اوزریته کوندروب ام سلمه دن صواستوب غسل ایدوب افخر
 لباسین کیوب وسط سراینده فراشین براقدرب جانب ایمنه تنکبه قبلدی
 و بازوی ایمن رخسارنه بالین ایدوب اسماء بنت عجمشه ایتدی برکون
 حین مرضده جبرائیل حضرت رسول الله خدمته کلوب بهشتدن
 بر مقدار کافور کتوروب رسوله و پردی اول حضرت بر قسمن کندوسنه
 حفظ کفن قبلوب بر مقدارن بنم ایچون و بر مقدارن علی ایچون بکاتسلیم
 ایتشدی و فلان محله در کتور که کندو حصه می آلوب علی حصه سین
 سکا تسلیم ایدیم اسماء بنت عجمش حسب الفرموده اول کافوری کتوروب
 کندی حصه سین آلوب اسماء ایتدی بر زمان طشره چبقکه بنم معبودمه
 راز دلم عرض ایده جک زماندر اسماء طشره چبققدقه استماع ایتدی که
 فاطمه دیر ایدی یارب رسول حرمتی حقیچون و علی مرتضی قدر ایچون
 و اولاد معصوم کرامت لر ایچونکه امت کنه کارلره مرحت قبل و عاصبار
 جرایمنه قلم عفو چکوب مترجم اوله سین بو حالنده اسماء که به غالب اولوب
 فاطمه آنک کریمه سندن خبردار اولد قدقه ایتدی ای اسماء دیمدیمیکه بنی
 بر زمان حاله قو و بر زمان نصکره تفحص ایت بدن آواز کلورسه یا نه
 کل واکر کلز ایسه بیلاش اولکه پروردگارمه واصل اولشم اسماء بر زمان

طشمرده توقف ایتد کد نصکره ندا قبلدیکه (یافرة عین رسول الله)
 جواب ایشمدی بردخی دیدی یاسیده النساء ینه جواب ایشمدی اضطرارله
 حجره به کیروب رخسار مبار کنندن جاءه خوابی آلوب کوردیکه عالم
 بقیه انتقال ایش اسماء مضطرب الحال اولوب فغانه کلد کده حسن
 وحسین حاضر اولوب ایتدیلر ای اسماء والده من حالی ندرا سماء صبر ایتدیوب
 باشندن مقنعه سین براغوب کریبانن چاک ایدوب شاهزاده لر یو واقعه دن
 خبردار اولدوقده کثرت اضطرارله حضرت مر ترضی خدمت منه متوجه
 اولدیلر حضرت مر ترضی اشرافله عبادتده ایکن حسن وحسین فریادن
 استماع ایتدیکین صورت حالدن خبردار اولوب بیهوش اولدوقده حضار
 مجلس حسن وحسین ایتدیلر ای شهرزاد لر بونه افغاندر که شیر پیشه
 شجاعتی وازد رهای فضای ولایتی آیاقدن براقدی شاهزاده لر ایتدیلر نیجه
 آغلیلم و نیجه فریاد ایتدیم که سرور ریاض عصمتی صرصر ارجل پایمال
 ایتدی ووبهار عفت و طهارته خزان فنا تغییر یبتدی (شعر) زنی فریاده
 کتوردی فلک کچ رفتار * نیجه افغانلر ایدوب قتلیم ناله وزار * و یردی
 جمعیت احوالمره دور خلل * صالیدی آینه اقبالمره دهر غبار * قبلدی
 نومید بزنی سبره بزم مرده کی * فرقردن کتوروب سایه سنی ابر بهار * ای
 اصحاب غمخوار و احباب غمکسار زهرای ازهر و بتول مطهر قافله
 (ارجعی الی ربک راضیه مرضیه) رفاقیله جانب دار السلامه * والله
 یدعوا الی دار السلام * مقتضاسنجه توجه قبلدی و تکنای مضیق دنیادن
 روی ارادتی مخرف ایدوب میل کلزار خلد برین و مجامع اعلای علین
 بو خدمت سید المرسلین ایتدی تمام اصحاب و احباب صورت حاله اطلاع
 بولدوقده حضرت مر ترضی الیه اتفاق ایدوب آغازنوجه قبلدیلر و حضرت
 مر ترضی بومصیبه بر مرثیه انشا قبلدیکه بعض ایاتی بودر (شعر) لکل
 اجتماع من خلیلین فرقة * فکل الاذی دون الفراق قلیل * وان افتادی
 فاطمة بعد احمد * دلیل علی ان لایدوم خلیل * یعنی هر اجتماعه

برافتراق مقرر در وهر بلا فراقه نسبت محقر در و حضرت رسول نصیحه
فاطمه فوقی دلیل در آکا که هیچ جمیع دوامی اولماز و همیشه الفت ثبات
بولماز (شعر) غایت دور روزگار بودر * حال دوران بی ثبات بودر * که فراقه
مبدل اوله وصال * یتد عالمه هرگاه زوال * فی الواقع اگر تأمل قبلسک
زهرای ازهر وفاتی حضرت مظلوم کر بلایه نسبت اشد مصائب و اصعب
نوائیدر زیرا هنوز نهال طبیعی کلشن صورته نشو و نما بولدن و هلال
وجود شریفی آسمان خلقتده بدر تمام اولدن والدۀ مشفقۀ ک سایه
مرحمتی و مادر مهربانک ظل رآفتی فرق مبارکندن کتور بلوب و انک
تریتن فلک بیروت غیره محتاج ایدوب بلاره و محتله آشنای قیلدی
(شعر) هر زمان عشاقی بر در دیله دوران زار ایدر * بوجن هر لحظه بر محنت
کولین اظهار ایدر * درد تعلین و یروب کردون طریقت طفلانه * بو بلال
در سیدر کیم دمدم تکرار ایدر (بشجی باب علی مرتضی وفاتن بیان ایدر)
حضرت مهین متعال و ملک بی انتقال عمت عطیانه و طابت بلیاته کلام
مجز نظامنده پیور مشکه (ولا تحسبن الذین قتلوا فی سبیل الله امواتا
بل احياء عند ربهم يرزقون) ظاهر عبارتک مطلع مضمونندن لامع
اولان آفتاب سر حکمت و بو کلامک چشمۀ مفهومندن ترشح قیلان
زال معرفت اولدر که میدان عنا کلزار ریا حین عطادر و شمشیر فنا
چشمۀ زلال بقادر هر آینه شمشیر بلا که چشمۀ زلال بقادر کفار انده اولک
آب حیاتک ظلمده اولدیغنه اشارتدر و آب حیات ایچون ارتکاب هول
ظلمت جفایه اقدام ایدوب کفار انده اولان شمشیر بلادن شربت شهادت
ایچمکدن عبارتدر (شعر) لذت اندوه و ذوق دردی ادر اک ایلین * عبس
دهر و عشرت دنیا به پروا ایل * شاهد فیض بقا حسن تماشاگاه ایدن *
نقش زائل صورت فانی تمنا ایل * مجمل ازبان سلوک ارباب حال و لسان حال
اصحاب سلوک اتفاقله بو مضمونی کویا و بو معنایه جبین کشادر که قبول
ریاضات و ارتکاب مصائب جمعیت اسباب راحت و نیل استغفای مطالبدن

اولی در لاجرم فرقه انبیا و اولیا که سبقت اقبال تقرب بولمش را اختیار له
 سالک طریقت مصیبت و بلا اولمش و زمره مشایخ و ارباب انکشاف که
 سیر عالم وحدت قیامت محنتی را حندن مقدم بولمش و کافه حکما که بال
 استدلال الیه حضض انکندن اوج ادراک معرفت و جویه پروا زانمش
 دامن ترک تعلقات و طریق نفی تعلمات طوتمش (شعر) بلال شهباز
 اقبال اولور * صفا بخش آینه حال اولور * کل ز کس کلشن اعتبار * دل
 چا کدر دیده اشکبار اولور * فی الواقع خزانه حکمتده بلادن اشرف جوهر
 نفیس اول * بدی احبای حضرت عزت آ کا طالب اولور ردی و خوان
 حکمتده مصیبتدن اغغ و اله صورت احتمال بواسطه بدی خواص بارگاه
 قرب الهی آ کار غبت قبلور ردی (شعر) آنی کور مکه فک بر نیجه دم *
 کیم همدم فرح ایلر کیم غم * آنی کور کیم چقیق عالمدن * کیم فر حدن
 چیقار و کیم غمدن * الحق اثبات استحسان بلایه بوشاهدیت و حجت
 استعلای رتبه مصیبتده بواسطه دل کفایت ایدر که بلانبا و اولیا ملازمند
 درجه کمال بولش و مصیبت محرم سر پرده نبوت و ولایت اولوب اهل بیت
 اختصاصه مشرف اولش اول جمله دندر حضرت شاه ولایت علی
 مرتضای اعتلای رتبه ابتلاسی و بدایت عمر دن نهایتنه دیک بدان بلاد
 استعلای درجات محنت و بلاسی اصح اقاویل منقوله و اسد اسانید
 مقبوله دن مستفاد اولوب شواهد النبوه مسطور در که حضرت علی ابن
 ابی طالب امام اولر ائمه اثنی عشر دن و مناقب و فضائل اندن زیاده در که
 امداد خامه الیه تحریر هکله و یامساعده زبان الیه مذکور اوله (امام احمد
 حنبلدن نقلدر که دیمش اکابر صحابه ک هیج برندن اولمقدار فضائل
 و مناقب که علی ابن ابی طالب دن بزه یتشد ریتماشد رو ولادت شریفی عام الفیلدن
 او توزیل کچد کده حرم کعبه ده رجب آنک اون اوچنده جمعه کونی واقع
 اولمشدر شیخ مفید دن نقلدر که دیار یمنده معبر نام رعابد متقی و ارایدی زاهد
 زهاد روزگار ایدی (شعر) صحیفه امی نقش ماسودن پاک * ایرشمش

انكینه غبار مرکز خاک * و یوز طقسان ییل عمری کوشه عبادتده کچوب
ملتفت حال روز کار اولمامش و سجاده دن غیر یه قدم باصیبوب
محراب دن غیر یه صورته نظر صالمامش برکون مناجاتده ایتدی الهی حرم
محترمک سکاندن و کعبه معظمهک اعیانندن برینک دیدارنه مشرف
اولیق تمناسنده یم هب سرایت دعای بیر یاسی اجابتده یتوب ابوطالبکه
اشرف اعیان مکه و افضل سکان کعبه ایدی بر سفرده ایکن رهگذاری
اول زاهد نیکنام و عابد عالیه امک مقامنه دوشوب زیارتنه توجه ایتدی مبرم
ابوطالبک تعظیمندن صکره کیفیت احوالنه استفسار ایتد کده ابوطالب
ایتدی مکه دیارندن بی هاشم قبیله سندن عبد مناف اوغلی ابوطالبم
مبرم بو خبردن منسب اولوب تکرار تعظیم ایدوب ایتدی المنه الله مر ادم
حاصل اولدی و دعای بیر عونتم ارقبلدی دیدی ای ابوطالب اخبار
سالفه دن بزه یتددر که عبدالمطلبک ایکی نبیره سی اولوب بری عبدالله
صلبندن ظهوره کلوب اظهار سر نبوت قیله و بری ابوطالب ظاهرندن
ظاهر اوله مودع ظهور ورموز ولایت اوله ونی اوقوز باشنه یتد کده ولی
دنپایه آیا اولنجی که دیده دوران منته ظر دولت دیداری و چشم زمان
مشفق پرتور خسار یدر ظهوره کلشمی اوله ابوطالب ایتدی بلی
یا شیخ محمد متولد اولوب حالا بکرمی طقوز یاشنده در مبرم ایتدی
ای ابوطالب بوندن مکه یه مراجعت ایتد کده اول مقرب درگاه معبوده
بندن سلام بتور و عرض ایتکه مبرم شهادت و یرر که خالق فردوبی همتادر
وسن آنک پیغمبری سین ای ابوطالب سندن متولد اولان عزیزه دخی
سلام بتور و عرض ایده سنکه سندن دخی وصی پیغمبر سین نیکیم آده
نبوت تام اوله سنده دخی ولایت اختتام بوله ابوطالب ایتدی ای عزیز
بو گفتارک حقیقته بر بیان استم شیخ ایتدی (بسم الله) ابوطالب
قارشو سنده بر قور یمش درخت انار کوروب امتحان ایله ایتدی ای شیخ
استر مکه بودرخت خشکدن برک و بار کوستره سین شیخ درگاه معبوده

تضرع طو توب ایتدی الهی اول نبی ذی شان و ولی حقیقون که حقیقه بلرینه
اعتراف ایدوب صق بلرندن بیان ایتدم شرمنده ایتیه سین فی الحال اول
درخت خشک بارور اولوب ایکی تازه نار ثمر و یردی شیخ اول انار لر دن
ابوطالبه و یروب ابوطالب اول انار لر ک بر سین باره بلوب ایکی دانه سین
تناول قیلدی (روایتدر که اول دانه لر نطفه یه سرایت ایدوب مبدأ وجود
شخص علی ابن ابی طالب اولدی و حرة رخسار شاه مر دان لعل رمائی کبی
اول ائردن ایدی) القصه ابوطالب اول مرثده دن خرم و خندان اولوب
نقل مکان قیلوب مکّه یه مراجعت قیلد قده صلب شریفندن اول
نطفه فاطمه بنت اسد بطننه انتقال ایتدی و مدت جل منقضى اولد قده
فاطمه بنت اسد دن نقلدر که بن خانه کعبه طوافنده ایدم اثر محاض
ظاهر اولوب دردنجی شو طده حضرت رسول بنی کوردی فراستله
احواله مطلع اولوب ایتدی ای فاطمه طوافی تمام ایتدکی ایتدم خبر
بیوردیکه طوافی تمام ایت کرمضایقه بولور ایسک حرم کعبه یه کبر (و کتاب
بشائر المصطفاده نقل ایتد که فاطمه بنت اسد طواف کعبه ایدر کن
عباس بن عبدالمطلب و جمیع بنی هاشم انک عقبجه طوافه مشغول
مناجات ایکن ناکاه فاطمه یه ائز طلق ظاهر اولوب طشره چیمغده بحالی
اولوب ایتدی که یارب بکولادتی آسان ایله فی الحال دیوار بیت الله شق
اولوب فاطمه نظر دن غائب اولدی و بزخانه کعبه یه کیروب احواله مطلع
اولق استدک ميسر اولمادی اوج کون غائب اولوب دردنجی کون حرم دن
چیقدی انده علی ابن ابی طالب (امام الحرمین نقل ایتد که هر کر علیدن
مقدم بوسعادت هیچ کیمسه یه ميسر اولما مشدر که نفس حرمده متولد اوله
اندنصر که دخی ميسر اولیه جقدر (شعر) عرضی بر در دریای ولایتدر کیم *
حرم کعبه در اول در یتیمک صدفی * غیر دن اشرف اگر اولسه انکیچوندر
او کیم * حرم کعبه دن اول کسب قبلو بدر شرفی (القصه فاطمه بنت اسد
حرم کعبه دن حضرت مر تضای چیمقاروب حجره سنه کلوب عادت اوزره

آنی مهده باغلقده ابوطالب حاضر اولوب استديکه رخسار شريفن
 كوره نقابنه ال اور دقمده على بنجه خير كشايه ابوطالبك ان منع ايوب
 رخسارنه بر بنجه اوروب چهره مين خراشده قبلدي ووالده سي دخی تقرب
 ايوب استديکه رضا عنه اقدام ايده منع ايوب آنكدخی رخسارن
 مجروح ايتدي ابوطالب متخير اولوب ايتدي ای فاطمه بوطفلي نه اسم ايله
 موسوم ايده لم فاطمه ايتدي ای ابوطالب بوطفلك بنجه سنده اسد صلابتي
 وار اسد ديمك مناسبدر ابوطالب ايتدي بنم صلاحم بودر كه زيد اسمي له
 موسوم ايدم خبر ولادتن حضرت رسول اشتهد كده فرخناك اولوب
 ابوطالبك سرائيه كلوب سؤال ايتديكه بوطفلك اسمن نه مقرر ايتديكر
 هر كيم اختيار ايتديكن بيان ايتد كده حضرت رسول ايتدي بنم صلاحم
 بودر كه اسمي على عالي همت اوله فاطمه ايتدي حقا كه بندخی هاتقدن
 بو اسمي اشتهدم (و بر روايت دخی اولدر كه والد و والده را سنده اسم ايجون
 نزاع اولوب استخاره طر يقيله متوجه حرم اولوب فاطمه روى نيازي
 درگاهي نيازه طوقوب ايتدي يارب حرم شريف كده كرامت قبلديغك نقطه
 شريفه سندن تعيين اسم التماس ايدرز بونياز ائنا سنده بام كه به دن صدا
 كديكه اسم شريفن على اعلا قلاك هر تقديله نام مباركن على عالي قدر
 قويدلر حضرت رسول استديكه مهذاوزرنه واروب مرتضى ايله ملاقات
 ايده فاطمه ايتدي ای رادر دليرانه كتمه كه بوطفل شير خصالت و غضنفر
 صولندر اوليه كه حضرت كره نسبت بری ادبلك ايده حضرت رسول
 ايتدي ای فاطمه على بك نسبت طريق ادبه رعايت ايدر پس متوجه
 اولوب حضرت مرتضى مست خواب ايكن رايحه كسوى مشكبار
 رسول اللهی استشمام ايوب ديده حقيقت بينن آچوب ملاحظه نور
 رخسار بني قبلدي و زبان حال ايله بومقالی مترنم اولدي (شعر) شكر كيم اولدم
 مشرف دوات ديدار كه * ديده خونباري آچدم كل رخسار كه * اولدي
 ضاياع عدم منزلار ين قطع ايتديكم * واصل اولدم پرتو خورشيد عالمتابكه

(الفصل اول شیر بیشه ولایتی حضرت رسول مهنددن آچوب
کنارنه آلوب تهنیه طریقیله ایتدی (شعر) مر حبای قبله ارباب عز
واحشام * خبر مقدم ای شه اصحاب قدر واحترام * بن که مبعوثم جهان
خلقینی دعوت قیلغه * قیلدم سن گلدن بواصره اقدم قیام * ذات پاکت
انتظاریدی نه پنهان غیردن * موجب تأخیر اظهار نبوت والسلام *
ورزمان زبان محرمیانلرندن برک کل کی غنچه دهانه قیوب لعابند که
سرچشمه اسرار (وما نطق عن الهوی) در شربت (هذا لعاب رسول الله
فی غی) تجرع ایتدردی (روایتدر که حضرت مر رضایک ابوطالبی
منعندن غرضی اول ایدیکه ابتدای خلقنده حضرت رسول ایله مصفحه قبله
ورضاع امتاعندن مقصود بوایدیکه آغاز فطرته لعاب لسان رسول
اللهدن متجرع اوله (شعر) قطره قطره زلال معرفتی * ابردریادن اکساب
ایتدی * فیض حق اول هلالی ایتکه بدر * قابل نور آفتاب ایتدی *
(الفصل طشت آفتابه حاضر ایدوب مصطفی بقدر شکافه علینک
غسلنه مباشرت ایتدی) (روایتدر که جانب یمن غسل ایتدکده اشارتسز
جانب یساره منقلب اولوردی حضرت رسول بوحاله مطلع اولدوقده کریان
اولدی فاطمه ایتدی ای برادر سبب کویه ندر حضرت رسول ایتدی ای
فاطمه بن بوطقی ابتدای خلقنده غسل ایدرم بوطفل بنی نهایت عمرده
غسل ایدرو بن غسل ایتدکده بوطفل جانب یمندن جانب یساره کندی
منقلب اولدوبنی کی بندیکنم منقلب اولورم (الفصل حضرت رسول
اول در شهواری پیوسته صدقوار کنارنده تربیت قیلوب غمخوارغن
ایدردی واول غنچه نورسک ابرهار کی اوزرینه کلوب کیدردی
مر ترضی بشیاشنه یتدکده ملک حجاز قلات اطاردن مورد غلا و قحط
اولدی وعدم اغدیه دن احوال خلق اضطراب بولدی و ابوطالب عیالند
ایدی برکون حضرت رسول عباسه ایتدی سن توانگر سین و ابوطالب
فقیر الحال و کثیر العیالدر مناسب اولدر که شدت قحط زائل اولنده

هر بریز ابو طالبك بر فرزندنه متكفل اوله لم واکامه بشت خصوصنده
معونت قبله لم اتفاقله ابو طالبك حضورنه كلوب شرح حال ایتدکارنده
ابو طالب ایتدی علی بی بنه قویك سائر اولادی سز یلور سز عباس
جعفر طیارای آلوب حضرت رسول مر تضایی قبول قبول آنک کفالتده
ایدی اول زمانه دکنکه حضرت جبرائیل اکامژده رخصت دعوت
یتوردی و علی اکایمان کتوردی و حضرت علیک بر کنبتی دخی ابوتراب
ایدی و یوقبدن زیاده خوشحال اولوردی و تسمیه وجهنده اقوال
مختلفدر (شواهد النبوه مسطوردر که بر کون حضرت رسول فاطمه
حجره سند کلوب علی بی حاضر کوره بوب تفحص ایتدکده فاطمه ایتدی
بارسول الله بعض قضیه دن ملالت خاطر بولوب طشره چیقدی غالباً که
مسجده تشریف یوردی حضرت رسول مسجده کلوب کوردیکه ردای
مبارکی بدن لطفندن دور اولوب جسم شریفی آلوده غبار اولمش
حضرت رسول اول غباری پاک ایدوب بیوردیکه قریا باتراب (عمار
یاسر دن نقلدر که غزوه عنترده بن و علی بدرخت سایه سین خوابگاه
ایدوب تنکبه قیامش ایدک حضرت رسول کذارای اوزریمزه دوشوب
آواز یتوردی حضرت مر تضایه که (قریا باتراب) و بیوردیکه یا علی خبر
و یریم سکا که جمیع خلقدن اشقی ایکی بد بخندر بری اولکه صالحک
ناقه سین ذبح ایتمش و بری اولکه سنک محاسن شریفک فانیکلر نیکین
ایدرو حضرت علیک بر کنبتی دخی ابوالیحانیدر (جابر علیدن نقل ایدر که
حضرت رسول اوچ کون وفاتندن مقدم مر تضایه ایتدی یا ابوالیحانین
سکا و صبت ایدرم ایکی ریحانه حفظله که بری حسن و بری حسینه
یا علی عن قریب سنک ایکی رکنک منهدم اوله و ایکی عضوک انقطاع
بوله فی الواقع او یله اولدی اول حضرت رسول فوت اولوب آند نصکره
حضرت فاطمه ک وفاتی صورت بولدی (حضرت علیدن نقلدر که
بیورمش بن جفا چوق چکدم کردش روز کاردن وجوری چوق کوردم

عالم غداردن جمله سندن اصعب اوج مصیبت ایدی و جبب سندن اعظم
اوج محنت ایدی بری وفات حضرت رسـ و لکه جمیع مهال کده
پناهیم و قوم کارده امید کاهیم ایدی آنک وفاتند نصـ کره هرگز هجوم
نوائب بکاک اولمادی و تعرض اعدادن خاطر م ترفه بولمادی (شعر)
ای خوش اول کونلر که برامید کاهیم وار ایدی * محنت عالم هجومنده
پناهیم وار ایدی * بن فقیر جور قیلد فجبه عدوی مست رأی * عرض
احوال ایتکه بر پادشاهیم وار ایدی * ایکنجی مصیبت فوت زهرا ایدیکه
مصطفی اند صـ کره همرازم و جمیع وقایعده چاره سازم ایدی چهره بقای
برده خفایه چکوب شبستان عیشیمی تیره و تار و کلبه احزانمی موقدنار
اضطراب و اضطرار ایتدی (شعر) دوردن واه که نصیبم غم هجران
اولدی * کل باغ امل غنچه حرمان اولدی * داغمه راحت ایچون پنبه راحت
با صدم * طو تو شوب اولدخی بر آتش سوزان اولدی * اوچنجی مصیبت
اولدر که جگر کوشه لم شهادتک خبری ایدیکه رسول الله دن معلوم
ایتدم (شـ واهد النبوه مسطوردر که رسفرده حضرت مر تضائک
کناری دشت کر بلایه دوشوب کریان اولوب بیوردیکه بومقامدر مقتل
اکابر شهدا و بومکاندر موضع سفک دماء اعظم آل عبا صحابه صورت
حالی استفسار ایتد کده ایتدی بومزله بر طائفه مقتول اوله لکه حساب سز
بهشته دخول بوله و بوندن زیاده ایضاح ایتدی و هیچ کیمسه بوسرک
حقیقتنه ایتدی اول زمانه دیکه واقعه کر بلا صورت بولدی و سفک دماء
اهل بیت واقع اولدی الحق بو واقعه نک نسیم تذکارندن اچیلان کلبرک
ندامتک هر برکی بر شعله جگر سوز و بوحادثه نک سحاب اخبارندن سیراب
اولان کلزار محنتک هر نهالی برناوک دل دوزدر (شعر) بیک جگر اولدی قان
بو واقعه دن * تیره اولدی جهان بو واقعه دن * هم یدی اختر ایلدی
افغان * هم طوفان آسمان بو واقعه دن * کلدی فریاده رده و کو کده * ملاک
وانس و جن بو واقعه دن * القاب حضرت مر تضی بی نهایتر اول جمله دنر

امیر النحل و یعسوب الدین و کرار واسد الله (فردوس الاخبار ده معاذ بن
جبلدن نقلدر بو خبر که) حب علی حسنة لاتضرها سبته و بغض علی
سبته لاتنفعها حسنة) بر کون حضرت رسول مر اضا ناک جبین مبارک
او پوب عباس بن عبد المطلب ایتدی یار رسول الله بو شخصی سوره بسین
حضرت رسول ایتدی ای عباس بو شخص بنم محبوب بدر و کائنم بو قدر که
بونک محبتدن تغافل ایتک بکا ممکن اوله ای عم بزرگوار حکمت حق
هر پیغمبرک ذریقت کندی صلیبده مودوع ایدوب بنم ذریقتی بونک
صلیبده مقرر ایدوب قیامتده نیکه شریک نسب اولمش امام ترمذی علیه
الرحمة نقل ایتشکه سلمانده سؤال ایتدی بکر که افراط محبت مر تضایه سبب ندر
سلمان ایتدی حضرت رسولدن اشتهدمکه بیورردیکه هر کریم بی سور
علی بی سور و هر کریم علی بی سور و من بی سور و حق تعالیدن آنکی چون دعا
ایتش که یارب محبت قبل آنکله که مر تضایه اظهار محبت قیابور و عداوت
قبل آنکله که آنکله عداوت قیابنی کند و بیه لازم بیله (شعر) فرضدر کریم
اوله صغار و کبار * مائل حب حیدر کرار * آنکی چون دیمش رسول الله *
حضرت حقه و آل من و آله * ای که لطف الهی طاب سین *
روز محشر نجاته راغب سین * اوله اول شاهه دشمن بدخواه * هدف
تیر عادم عاداه (شواهد النبوه ده امام مسیح غفری اسناد بیله مسطور در که
صلحای زماندن بر متقی پاک اعتقاد و بر عابد صافی نهاد دیمش که بر کیجه
واقعه ده کوردم عرصات قیامت قائم اولمش و محاسب قضا خلق اولین
و آخری بی حاضر ایدوب نصل میزان قیامت و بن متوجه صراط ایکن
حضرت رسولی کوردم کنار حوض کوثر ده حسن و حسین ساقی اولوب
صحرا ی محشر متعطش لرین سیراب ایتکه نصب اولمشار و بندخی اشتیاق
تمامه خدمت لر نه مشرف اولوب بر جرعه التماس ایتدم حضرت رسول
ایتدی رشحات کوثر دن سکا نصیب یو قدر ما یوس اولوب ایتدم یار رسول الله
علت منع ندر دیدی ای غافل سنک جوار کده بر شقی وار ساقی کوثر مذمتن

ایلروسن احوالنه مطلع سین منعه اقدام ایتمز سین دیدم یار رسول الله منع
ایلسم هلاکیم قصد ایلر حضرت رسول الیه بر مجرد تبغ و یروب
بیوردیکه بوتیغله اول ملعونی هلاک ایت بندخی واقعهده آنی قتل ایتدم
رسول خدمته مراجعت ایتد کده حسنه امر ایتدیکه بکاصو ویره
نشاط تمامله پیدار اولدقده صبح ایدی ناکاه استماع ایتدمکه فریاد ایدوب
دیرلر که فلان کیمسه یی بو کیمجه پسترند ذبح ایتملر حاکیم خبردار اولوب
جیع همسایه لرین نهمله حبس ایتدیلر بندخی اول گروهه داخل ایدم
چون یلوردمکه همسایه لک اول قضیه دن خبرلری یوغدی صدق دن
نجات اسنیوب حاکمه صورت واقعه یی شرح ایتدم حاکم محب خاندان ایدی
کلامی تصدیق ایدوب ایتدی ای عزیز بندخی آنک حقیقت احوالنه
مطلع ایدم کندی جزاسنه یتش جزاک الله خیرا (شعر) تبغ باطن تبغ
ظاهر دن بتر خونریز اولور * ظاهر و باطنده شمشیر ولایت تیر اولور * و بو
دخی شواحد النبوهده مسطور در که ابراهیم بن هشام مخرومی مدینه ده
والی ایکن هر جمعه کونی خالق منبر آیاغنه جمع ایدوب و کندی منبره چیقوب
مر تضایی مذمت ایدردی بر کون منبر آیاغنده بک خواب غلبه ایدوب
واقعهده کوردمکه حضرت رسولک مر قد مبارکی شق اولوب کافور
کون لباسله بر کیمسه چیقوب ایتدی ای عبدالله سنی بو ملعونک کلماتی
مکدر ایتمزی دیدم بلی یار رسول الله امانه چاره حکم حاکم مطاعدر
دیدم ای عبدالله مشاهده قبلکه آکا قهر الهی نه سیاست کوستر بیدار
اولوب نظر ایتد کده کوردم منبر دن دوشوب هلاک اولدی (شعر) جام
بغض مر تضي نوش ایلین ناکسره * ساقی دوران ویر زهر هلاهل عاقبت
هم کوردرلر عالم صورته آثار بلا * هم جکرلر بند اغلال و سلاسل عاقبت
(روایتدر که غرؤه خیبرده حضرت رسول بیوردیکه یارین رابتی بر کیمسه یه
ویرسم کر کدر که چهره مبارکنده نور یحی حب الله ورسوله درخشان و ناصیه
پاکنده نشان یحی حب الله ورسوله عیان اوله صباح اولدقده رابتی مر تضایه

و یردی و بود خروایتدر که حین محاصره طائف حضرت رسول علی ابن
 ابی طالبی حاضر ایدوب زمان طویل انکله مشاورت قیلدی اشکر متحیر
 قلوب ایتدیلر ایاصحاب وحیه نه احتیاج مشاوره حضرت رسول واقف
 اولوب ایتدی بن کندی رأمله آکا شرح ایتنم حضرت عزت امر
 ایتشد و بوخبر صحیح ترمذی ونسائی اسنادیله منقولدر که (شعر) اول
 ایدی محرم رسول الله * سر ذات وصفادن آگاه * کاتب نقش نامه تنزیل *
 خازن کنج خانه نأویل * آفتاب سپهر فضل و کمال * نو بهار ریاض جاه
 و جلال * اول سلطان سریر سلونی که آفتاب کیفیت ذاتی مشرق (علی منی
 و انانیه) دن لامع واختر صفاتی (یا علی انت منی بمنزلة هارون من موسی)
 سپهرنده طالعدر و خزانه اوصافندن (انامدینه العلم و علی بابها) بر کهردر
 رشته اشتهاره منتظم و حدیقه محاسن و مناقبندن (سلونی عمادون العرش)
 بر غنچه در نسیم ایضاح و اتضاحدن متبسم و چله فضائلندن علی اول
 غایتده ایدیکه بر کون باب منبری پابوس شریفی ایله مشرف قیلوب
 بیورمشکه روح قبضه قدرنده اولان معبود حقیقونکه اگر فرمان بتوب
 زبور و تورات و انجیل اهلی تکلم قیلسلر بن جمیع اسرارلندن خبر و یردم
 و آنلر اتفاقله بکا تصدیق و یرلردی و عبادتی اول مرتبهده ایدیکه هر کجه
 خلوتندن یک تکبیر استماع اولنوردی تکبیرات فرائض و سنن بهوددن
 غیری و حلی اول درجهده ایدیکه بر کون بر بنده سنی یتش که ارفع اصواتله
 طلب قیلدی جواب اشتموب مطالبه سنه توجه ایتدکده کوردی حجره
 قیوسنده طورمش ایتدی نیچون جواب و یرمدک ایتدی یا علی استدمکه
 سنی غضنک ایدم علی ایتدی ای غافل بن اول کیسه ام که سنی بواختخانه
 مأمور ایدنی غضنک ایدرم یعنی ایلرسی و اول بنده بی آزاد ایتدی و مدت
 عمر نیک معاشین قبول ایتدی حقا که بونهایت حلمدر و تواضعی اول غایتده
 ایدیکه زمان خلافتنده که خدمت بدین سمرقندهدک تحت حکومتنده
 ایدی کوفهده پیاده تردد ایدوب ارتکاب رکوب خیل ایتدی بر کون

بعض حواجج آلوب کندی کتوروب خادم لریک بری ایتدی یا امیر المؤمنین
بو خدمت رجوع بنده یه النفات ایت بیوردیکه (ابوالعیال احق ان یحمل)
خادمی ایتدی سن خلیفه زمان و سلطان جهان سین بو عمل سکا نسبت
موجب تخفیفدر بیوردیکه (لایقص الرجل من کاله اذا حل لعیاله)
و سخاوتی اول مرتبه ده ایدیکه عالم فایده درت درهمی اولوب برین
سرله و برین جهرله و برین کیجه و برین کوندز تصدق ایدوب شان شریفنده
آیت (الذین یفقون اموالهم باللیل والنهار سرا وعلانیة) نازل اولوب
وجه عالمه انتشار و اشتهار بولادی و فقر و فاقه ده اول مقدار ایدیکه کیفیتی
آیت (ویطعمون الطعام علی حبه مسکینا ویتیموا و اسیرا) مضمونده
درجه وضوحه یتش و درجه کمال احسانی آیت کریمه (یؤتون الزکوة وهم
را کھون) معناسنی ثابت ایتش (روایتدر که برکون زمان خلافتنده
خرانه بیت المال کوروب جمعیت سیم وزر کورد کده ایتدی) یا جرایا بیضا
غراغیری (یعنی ای زر زرد رخسار وای نقره نایتمام عیار جلوه دلربا و عشوه
عقوبت فزایله غیره غرور و یرک زیا بن سره اویله طلاق و یرمشمکه
مراجعتی ممکن اوله و بریائیده سزی ترک ایتشمکه تجدید مصائب صورت
بوله (شعر) اولسه زر خورشید آتی حفظ ایتیم کردون مثال * نقره ماه
اولسه اکا خورشید و شصالم نظر * رفعم باینده در خاک سیه خورشید
وماه * عتم باینده در طیراغه یکسان سیم وزر * وجهه کرامتدن بری
اولدر که پای دواتی رکاب سعادت با صدقه افتتاح تلاوت کلام ایدوب
صدر زینه تمسک اولوب بر رکابه دخی قدم با صبحه ختم ایدردی (شواهد
النبوه ده مسطوردر که اسماء بنت عبس فاطمه دن نقل ایتشمکه شب زفاف
عرسه ارض انکه تکلم ایتدیکن استماع ایتدم صباح اولدوقده تحیر طریقله
حضرت رسوله اول حالی عرض ایتد کده سجده شکر ایدوب بیوردیکه
ای فاطمه بشارت سکا که زوجکه سعادت تفضیل و یروب ایزد تعالی انی
بر یوزک خلقندن افضل ایتدی و بودخی شواهد النبوه ده مسطوردر که

حرب صفینه توجه ایتدکده قلات آب واقع اولوب لشکر یمین و یساره
 زددا یدرکن بر دیره یتدیلر راهب دیر خبر و بر دیکه فلان منزله بر چشمه
 وار لشکر متوجه اولدقلری سمتدن منحرف اولوب اول جانبه عنان تاب
 اولدقده حضرت شاه ایتدی غیرى جانبه کتک هم اول منزله بر صخره
 کوروب اشارت ایتدیکه کوتورک جمیع لشکر هجوم ایدوب اول صخره یی
 کوتورمکدن عاجز اولدیلر حضرت علی انکشت خیبر کشا ایلله اول صخره یی
 کوتوروب ایتدیه بر چشمه زلال خوشکوار چیقوب لشکر تمام سیراب
 اولدقن صخره یی اول صخره یی چشمه اوزره قویوب دفن ایتدردی
 راهب بو کرامتی کوروب ایتدی ای عزیز سن رسول بن دیدی یوق بن وصی
 رسول راهب اخلاصله رسول الله ایمان کتوروب مسلمان اولدی
 حضرت امیر سبب سؤال ایتدکده ایتدی یا ابا الحسن متقدم لر یزدن
 انتقال ایدوب کابل یزیده مسطوردرکه بر موضعه بر چشمه وار آنک
 اظهاری مبسر اولماز الارسوله یا وصی رسوله و بو کون سندن بو کرامت
 ظاهر اولدی معلوم ایلدم که سن وصی رسول سین جدا لله مر ادمه
 یتدم (القصة ترک دیر قیلوب ملازمت شاه مر دانی اختیار ایدوب
 ملازمتنده محارب به قیلوب سعادت شهادته یتدی (شعر) خدمت اهلینه
 سیم وزر و یرمک * شاه ملک مجاز عادتدر * حاصل خدمت نبی و ولی * شرف
 رتبه شهادتدر * حقا که حضرت علی مر تضائک اوصاف حمیده و اخلاق
 ستوده سنده استدعای حصر تحریر و داعیه ضبط تقریر خارج احاطه
 قدرت بشر و صورت احوالی مافوق امعان نظر در اول جله دندر
 غروره بدر و حرب احده ملحوظ اولسان آثار نزول لافتی و مقاتله
 عمرو و عنبر و محاربه مر حب یهودی و قلع باب خیبر و حرب عبیه و شبیه
 (شعر) بر سرورک که چهره حسن خصالی چون * وصافی هل اتی اوله
 مداحی انما * لایق دکل که ایلده خورشید ذاتک * دامان اتصالی آوده
 هر سها * راوی کلزار سخن و آرای اخبار کهن اول شهر یار مسند

امامت و شاهباز اوج ولایتک مناقبندن عجزله عنان تصرفی منعطف
 و منحرف قیلوب اخبار وفاتندن بو طریقله شمه ییانه کتورمش
 و ظهوره یتورمشکه چون مسند خلافت مقدم شریفلریله عرش سای
 اولدی و جلوس مبارکلیله حق مرکزنده قرار بولدی اتفاقاً
 واقعه جل و صفین واقع اولوب قضیه حکمی صورت بولدقده اول
 معرکه دن کوفه نك عباد و زهادندن درت يك نفر کیمسه اول شهریارک
 تحت لوای نصرتندن چقبوب و اطاعتندن ترم دایدوب دیدیلرکه (لاحکم
 الا لله) و سکر یک نامرد دخی اطراف و جوانبندن آنلره ملحق اولوب
 ابن کوای کنده بلره سردار ایدوب خروج ایتدیلر حضرت مرتضی ابن عباسی
 رسالت طریقله آنلره ارسال ایدوب نصیحت قیلدی قبول قیلوب
 ایتدیلر چون علی حکمته راضی اولمادی بزاندن مبرا اولدق ابن عباس
 مأیوسا مراجعت قیلوب حضرت شاه قیام حجت ایچون بالذات آنلره
 مقابل طوروب نصیحت قیلدقده عناد لری زیاده اولدی ایتدیلر یا علی کینه
 عظیم ایتمشسن اگر توبه قیلوب ینه تدریجله ترتیب سپاه ایدوب متوجه
 شام اولوب محاربه قیلسک سنکله مصالحه قیلورز و اگر بومصالحه یه
 راضی اولماز ایسک سنکله حرب ایده رز حضرت علی ایتدی سز ایتدا
 حرب ایتمینجه بن حرب ایتزم (القصه هر جانبدن لشکر جمع اولوب
 تهیه اسباب حرب ایتدیکجه حضرت علی آنلره التفات ایتدی اول زمانه د ککه
 فساد لری قاعده اعتدال دن تجاوز ایدوب مسلمانلره تسلط و تغلب ایدر
 اولدیلر و داعیه قیلدیلرکه حضرت امیر متوجه شام اولد یغن تحقیق
 ایتد کده متوجه کوفه اولوب غارت قبله ل لشکر اسلام بو خبردن
 متردد اولوب ایتدیلر یا علی خوارج دفعن ایتمینجه هیچ رجانبه کتمک اولماز
 و بو فسادک ضررندن تعافل ایتک اولماز (شعر) حقیر کورمه عدوی که
 عقر ب کورک * دمی دوشنده فسادی فروذر اژدردن * تصوراتنه که
 خصم قویدن اوله عیان * مضرتیکه بتر دشمن محقردن * حضرت امیر

برنوبت دخی ابن عباسی ارسال ایدوب نصیحت ایتدی اثر اجابت
 کورمبوب ینه کندی بالذات آنلره مقابل طوروب نصیحت ایتدکه
 اول جله دن ابن کوانیکه امیر خوارج ایدی اون نفر اقرار بایله خوار جدن
 رجوع ایدوب و سکر یک نفر دخی التوبه التوبه دیوب خوار جدن
 دونوب اشکر اسلامه ملحق اولدیلر و باقی خوارج عبدالله بن وهی
 و قرقوس بن زبیری کندیلر ینه امیر ایدوب جانب نهر وانه توجه قبلدیلر
 و حضرت امیر رایت طفر آیتی متحرک ایدوب عقبلر نیجه روان اولدی
 حضرت رسول بوطائفه مارقین دیوب حضرت امیره مخالفتلرندن
 خبر ویرمشیدی و جبرائیل بن نلرک خبرین حضرت رسوله کتورمشیدی
 (شواهد النبوه ده مسطور در که حضرت رسول می تضایه خبر ویردیکه
 حرب ایده جکسین مارقین جماعتیله یعنی خوار جله و سردار لری
 ذوالشید نام ملعون اوله سینه سینه پستان نساکبی برلحم زائد اوله و نسخ
 اصفهانی دلالتده اسناد درسته مقلد رکابوس عبد خدریدنکه حضرت
 رسول خدمتده ایدم قسمت غنایه مشغول ایدی بنی تمیمدن ذوالخو یصره
 نام کیمسه حصه سنه راضی اولوب ایتدی یا رسول الله رعایت عدل ایت
 حضرت رسول بیوردیکه بن عدل ایتمسم کیم ایدر حضرت فاروق ایتدی
 یا رسول الله رخصت ویر بوی ادبی جزاسنه یورهیم حضرت رسول ایتدی
 یا عمر صبرایتکه عن قریب امثال و اقرا نله حیطة اسلامدن چبقالرتکه
 قوس قویدن تیر بران خروج ایده افضل اهل اسلامه * و مهتر لری برمدیر
 سیاه چرده اولوب کتقنده پستان نسایه شبیه برلحم زائد اوله حقا که بن ابو
 سعیدم بولگماتی حضرت رسولدن استماع ایتدم و مشاهده قبلدمکه علی
 بوطائفه ایله حرب ایتدی وقتلا آراسنده مهتر لری بنی بولوب اول نسانه یی
 آنده کوردیم (شعر) زبان مصطفی معجز بیاندر * چو جبریل امینه همز باندر
 * روایتدر که توجه غزای خوار جده اشکر حضرت امیر نهران قر بنده
 ردیره یتوب راهب دیر نره اوردیکه ای عسکر اسلام امیر کرزه اعلام

ایکدک بوجانبه کلسون حضرت امیر واقف اولوب عنان عزیمتی اول جانبه
منعطف ایدوب دیره تیدکده راهب ایتدی ای سردار لشکر اسلام بو کونلر
ستاره طالع اسلام هبوطه مائلدر صبر ایتکه درجه صعوده یتوب
طالع اسلام قوی اوله حضرت امیر ایتدی ای راهب دعوای حکم
نجوم ایدرسین فلان ستاره دن بکا خبر ویر راهب ایتدی بن بو ستاره دن
واقف دکل حضرت امیر ایتدی ای راهب معلوم اولدیکه احوال سما
معلوم دکل احوال ارضدن خبر صورهم حال اقدم اصدیفک منزله
نه مد فوئدر راهب ایتدی بیلارم حضرت امیر ایتدی بر طرفدر بو نشانه ایله
وایچنده بر مقدار درم وار بو عدده و بونقش سکه ایله راهب ایتدی ای عزیز
بو مکشفه سکا قندن حاصل اولدی حضرت امیر ایتدی رسول الله دیکه
خبر ویرمشیدی و بیورمشیدیکه بر لشکرله حرب ایدیه سین آنارک لشکر کدن
اوندن اکسک قورتله و سنک لشکر کدن اوندن اکسک شهید اوله راهب
متخیر اولوب امتحان ایچون قدیمی التده کی یری حفرا تیدکده اول طرف
مقرر اولان درم و نشانه ایله چیقوب راهب فی الحال ایمانه کلدی و حضرت
امیر ملازمتن اختیار ایدوب خدمتنده نهروانه متوجه اولدی (شعر) هر
سعادت منده کیم توفیق دولت یار اولور * واقف سر نهان و کاشف اسرار
اولور * نقلدر که جنبد بن عبدالله از دی دیش بن مر تضایله حرب جل
وصفینده هیر ایدم اگرچه ولایت منده شکم یوغیدی اما نهروانه نزول واقع
اولدقده بو خاطر مه یتدیکه حربنه اقدام ایتدیکم طائفه ک جبعسی
عباد و زهاددر ایدم بونلری قتل ایتک عظیم کناه کورینور صبحدم
لشکر دن طشره چیقوب سنان ورمحی دل زمینه محکم قیلوب سپرم
سایبان ایدوب سایه سنده قرار ایتشیدم حضرت امیر نهانیدن یکا کنار
ایدوب ایتدی ای جنبد صویه درمانک و ارمی مطهره پرب آب و ارایدی
تسلیم ایتدم نظرمدن غائب اولوب مدت طویله در نصکره پیدا اولدی
تجدید وضوء قیامش یانده قرار ایتدی بو حاله مقارن بر سپاهی پیدا اولوب

حضرت امیر ایتدی ای چندب بوسپاهیدن نهروان احوالی سؤالایت
سؤال ایتدکده سپاهی ایتدی مخالف نهروانی کچدیله حضرت امیر ایتدی
حاشا غلطدر بوخبری سپاهی مبالغه قیلدیکه والله نهروانی عبور ایتدیله
بو حاله مقارن بر سپاهی دخی کلوب بوخبری مؤکد قیلدقده حضرت امیر
حدتله ایتدی البته بوخبر غلطدر نیجه کچله نهروانیکه آنلرک موضع
سفق دمارای بوجانیده در بونیوب یزندن طور دی بنی بو کفتاری تردد
تمیزنه میران ایتدم وخاطر مده مقرر قیلدکده اگر دعواسی کذب اولوب
اهل نهروان عبور ایتمش اولهل آنسکله قتال ایدنلرک مقتداسی بن اولام
واکر کفتاری صحیح اولوب عبور ایتماش اولهل آکاجانی جله دن مقیم
فدا قلم حقا که نهروانه قریب اولدقده کوردمکه ریایت مخالف هنوز
یرلندن متحرک اولماشلر واول عسکرک برفردی عبور ایتماش بن رأیمن
منفعل ایکن حضرت امیر ققامدن کلوب کتقمی دورتوب ایتدی ای
چندب حقیقت حال معلوم اولدیمی دیدم بلی یا امیر المؤمنین (شعر)
اولکه صدق صحت کفتاریکه شکاک اوله * آکا بلدر که شمشیرکله باغری
چاک اوله * روایتدر که کنار نهروانده سپاه خوارج سبز لب جو بیارکی
صف چکوب طور دبغن * وعلمازن جولانه کتوردکلرین کوروب سپاه
شاه عالمپناه بی اختیار متوجه حرب اولوب بنیاد کارزار قیلدیله واول صفک
سایه سین صفحه روی زمیندن کتورمکه متوجه اولدیله لشکر کفار و اسلام
وسپاه نور و ظلام بر بریله مزوج اولوب نائرة جدال و قتال اشتعال بولوب
برنبرد اولدیکه هر نقش اهل سمند بر حفره قبر اولسیدی قتلا دفته وفا
قیلردی و هر زره غبار بر کوه سارا اولسیدی خونابه قتلا سیلنک رهگذارین
طوته بیلردی (شعر) خاکه خون دو کدی زخدن بدخواه * اهل
ناب اولدی نعل دلدل شاه * اولدی مقراض ذوالفقاره شهار * قطع
عقد سلاسل فجار * آخر الامر صبح ظفر دن آفتاب فتح طلوع ایدوب لشکر
اسلامه پرتو براقدی و آفتاب مهجده لوای اسلام شعله آتش اولوب سپاه

اعدادك فراهم قيلد بغي اسباب تدبير وامتنعه تداركن ياقدى (والله يؤيد
 بنصره من يشاء) دن نسيم عننايت (فقد جاءكم الفتح) متحرك اولوب
 وسرچشمه (انافتحنا لك فتحا مينا) دن زلال مكرمت (نصر من الله)
 ترشح قلوب اشكر اسلام منصور وسپاه اعدا مقهور اولدى وسناره اهل
 حق محصول سعادت قلوب اختر ارباب بطلان اثر وبال بولدى (شعر)
 هر سپاهك كيم اولور سردارى شاه اوليا * هيچ شك يوق كيم نه ياكه
 عزم ايده منصور اولور * هر يكا كيم صالحه پرتو روشن ايلر آفتاب *
 قتده كيم ابر بهار اينسه كندر معهور اولور * روايتدر كه اول درت بيك
 بد بخندن اوچ بيك طقوز يوز طقسان بر نفر مقبول اولوب طقوز نفر فرار
 ايتشيدى واشكر اسلامدن همان طقوز سعادت مند دولت شهادت يمتشيدى
 حضرت امير امر به كشته لر آراسنده ذوالشديد ديدكلى ملعونى بولديلر
 اول نشانه ايله كه حضرت رسول خبر و يرمشيدى (القصه حضرت
 سلطان ولايت فتح نهران مهماتى سرانجام ايدوب مسند استقلال
 واستعلا ده متمكن اولد قده اكابر واشرافه يوز طوتوب ايتدى كيدر كه
 كوفه يه قحنامه ايتوب مضر تمر دن خبر ويره عبدالرحمن بن ملجم نامرد
 آياغه طور وب ايتدى اكر اجازت اولور سه بن بو خدمت كاهليم حضرت
 امير ايتدى اى ابن ملجم سنك بوندن زياده خدمت ك بزه كچه جكدر مر دانه
 اولغل (روايتدر كه ابن ملجم ديار مصر دن اولوب حضرت عثمان قتلنه كلن
 قومله همراه اولوب كوفه ده قالمشيدى (و بر روايت دى اولدر كه حضرت
 امير متوجه حرب خوارج ايكن هر جانب دن لشكر طلب ايدوب يمدن ابن
 ملجم كاشيدى و هر برى بر تحفه كستورد كده آنك بر شمشير آبدارى اولوب
 هديه طريقيه حضرت اميره عرض قيلد قده حضرت امير اندن انحراف
 ايدوب هديه سين قبول ايتدى ابن ملجم خلوتده حضرت امير حضور نه
 كلوب ايتدى اى شاه دلدل سوار واى كار فرماى ذوالفقار نيشه خلق
 آراسنده بو بنده كى شرمسار ايدوب هديه سين قبول ايتدك حضرت امير

ایتدی ای ابن ملجم نیجه آلق اولور سندن برتبیگیه سنک مر ادک بندن
 آنیکه حاصل اولور ابن ملجم بو خبردن متوهم اولوب بنیاد جزع قیلدیگیه
 یا امیر المؤمنین حاشا که حضرت کنه نسبت بندن ترک ادب صادر اوله
 حقا که سنک دولت ملازمتک تمنا سنده رک وطن قیلشم و سنک هوای
 خدمتک تولا سنده مقیم دیار غربت اولشم (شعر) حاشا لله کیم سبکین
 یار ایکن اغیار اولم * نقض یمین و خلاف عهد ایدوب غدار اولم *
 آرزوی دولت دنیا و دین ایتمیم * استغنی خاطریم عالمده بر خردار
 اولم * حضرت امیر ایتدی ای یوفاشک یوقدر که سن آینه رخسارمه غبار
 فتمایور رسین و سن خالدان ولایتدن ذوق و صفائرن کتور رسین (شعر)
 بیکانه در طریق وفادن جبلتک * بیداد در ایشک ستم و جور عادتک * لاف
 وفای عهد اور رسین ولی چه سود * چون حفظ عهد قیلغه یوقدر مر و تک
 * ابن ملجمک اعضا سنه و همدن ارزه دوشوب رخسار بی شرمنده خلاف
 عادت عرق خجالت ظاهر اولوب ایتدی ای امیر المؤمنین امر اب دست
 نامبارکی قطع ایتمونلر که بوضرر اندیشه سی مرتفع اوله حضرت امیر
 ایتدی هیچ قصاص جرایمه تقدیم اولماز اما مخبر صادق بکا بو واقعه دن خبر
 ویرمشد (و بر روایتی اولدر که ابن ملجم خوار جدن ایدی اما حضرت
 امیر نه روانه توجه ایتد که فرصت قرار بولوب لشکر اسلام ایچنده قالوب
 حضرت امیره ملازم اولمش ایدی (القصه حضرت امیر اول ملوک
 التماسین ردایتیموب خوارج فتحنامه سین و یروب کوفیه روان ایتدی ابن
 ملجم کوفیه یتد که شهر آیین باغلدوب اشراف و اکابره فتحنامه بی ابراز
 ایلدی بو مضمونله که سپاس بقیاس اول منشی احکام دیوان قدرت
 و ملی ارقام عنوان حکمته که تصدی اور حل و عقد عالمی و تصرف
 احوال نوع بنی آدمی من حیث الاستحقاق خاتم انبیا محمد مصطفایه
 مفوض ایدوب بو خصوصده مبشرو حی و الهام ایله بشارتنامه ل ارسال
 ایتمش و درود نامه دود اول پادشاه ملک رسالت و سلطان سر بر نبوته که

(انت منی بمنزلہ تہارون) اشارت بہ اندن نسق حفظ نظام و ترویج کار کاہ
اسلام بکایتش حقا کہ احاطہ حکم جہان مطاعم ہم محروسہ دنیا و ہم
معمورہ عقبایہ شامل درو مجاہدہ نعیم باقی و معاندہ حجیم ہائندر (شعر)
آفتاب دولتہم شمع جہان افروزدر * نوری بزم افروز عالم ناری عالم سوزدر *
غرض بومقدمہ دن اولدر کہ دائرہ اطاعتدن چیعوب حاشیہ نہروانہ
جمع اولان طائفہ طاعیہ خوارجی قلع و قعنہ لشکر ظفر ازم رایت عزیمت
غزائے متحرک قیلوب توفیق جہاد تمناسیلہ متوجہ اولدقده اول بدبختلر
(ایفاتکونواید رککم الموت) مقتضاسنجہ مقر نجات و مجال فرار بولیوب
ناچار مقابلہ کلوب و خاشاک وار کنندیلرن شعلہ تیغ صاعقہ باریمہ
اوروب مباشر جدال و قتال اولدیلر اما اقرب زماندہ اسهل و جوهلہ تلاطم
امواج در بای لشکر اسلامدن کرداب قتایہ دوشوب عذاب حیاتیہ راحت
ممانی اختیار قیلدیلر (شعر) تیغی اعدایہ نصرت برکسوزان ایلدی *
فیض دولت شمع اقبالم فروزان ایلدی * ایمدی کر کدر کہ اعیان و اشراف
و خواص و عوام اهل کوفہ بوخبردن متہیج و مسرور اولوب طریقہ
شکر و سپاسی مرعی و مسلوک ایدلر و السلام (روایتدر کہ بومژدہ
سرورندن شهر کوفہ دہ برنیچہ کون آیین بغلیوب خلق عبس و عشرتہ
مشغول ایکن بر کون ابن ملجم دارالامارہ دن کندو سراینہ کبدرکن
برقصردن صدای دف و نای استماع ایدوب احسساب طریقہ منع
ایتمک صد دندہ اولوب اول قصرہ دخول تدار کنندہ ایکن قصردن برنیچہ
مزین و مرتب عورات چیعوب اول مجمع ایچندہ بر محبوبہ مشاہدہ
قیلدیکہ اول عصر دہ اندن احسن واجل محبوبہ یوغیدی (شعر) بتی
کیم غمزه سی غارتکر اسلام ایماندر * خراچی فتنہ دوران نکاهی آفت
جاندر * خنار زکس مستی آچلمز تاکہ ایچمرقان * گرفتارینہ رحم ایتمز
دمادم ایچدیکی قاندر (القصہ شعلہ آتش رخساری ابن ملجمک خرمن
قرانہ برنارہ راقدی کہ اول سہیہ روز کارک روزگارن یاقدی (شعر)

خنجر مرثانه ایلر می هوس جانن سون * بت سجدوندن حذر ایتدی
ایمانن سون * الحق بنای ایمانی محکم اولسیدی غمره محبوب مجازیدن
رخنه بولمازدی واساس عقلمده ثبات اولسیدی سلیل حادثه عشق
هوایدن مترزل اولمازدی اول بدبختک بنای عقلمده سیست و پیمان
ایمانی نادرست اولغین بر نظر دن انهدام بولوب ورتو جھدن مترزل
اولوب نیاز عاشقانه عرض ایدوب ایتدی (شعر) ای حرامی عقل بنیادن
استحکام الان * جلوه ناز یله اهل عشق دن آرام الان * قنده در یارب مملک
اسم اوصافک ندر * کیدر آیا شربت لعل ایکن کلام الان * اول مکاره
سحاره لب سحرانگیر آچوب ایتدی قبیله بنی تمیدیم واسم قطامه در
و بر مددر کدر قبه تصرف دن سلسله تعلق تزویج مرتفع درو خاتم قید نسکه
انال تجر دم دن منتزعدر (شعر) کهرم رشتدن میرادر * جوهر فردر
یکتادر * قطامه نکه لذت گفتاری علاوه عشق رخسار و ذوق رفتار اولوب
ابن ملجم ملعونک شوق زیاده اولغین ایتدی ای نازنین بن خریدار کوهر
وصالک و مشتاق دولت اتصالکم نوله کر شرف قبوله سرافراز و سعادت
رضایله ممتاز اید سین (شعر) ایلسک رغبت دل و جان دن طلبکارم سکا *
نقد جانم نذر وصل کدر خریدارم سکا * قطامه ایتدی بو برامر عظیمدر
اولیامه مشورت قیلیمینجه ميسر اولماز واقربا و انس ابدن رخصت المینجه
صورت بولماز قطامه منزله متوجه اولوب ابن ملجم منتظر جواب اولوب
طشهرده طور دقده اول ملعونه البسه ملعونه آرایش غیر مکرر قیلوب
و جواهر کونا کونایله مزین اولوب (شعر) پیرایه دن زیاده اولوب اول بت
لطافتی * دورانک اولدی فتنه سی دنیا ک آفتی * جلوه ناز غرقه اوزرینه
کلوب ابن ملجمه عرض دیدار ایدوب جواب و یردیکه ای طالب وصالم
و مشتاقی جالم اولان سرکردان و حیران کوهر اتصالم ذی قیمت
و کرانماید در عهده سندن چیقان متصرف اولور و شاه باز وصالم بلند
پرواز در صید قدرت بولان رغبت قیلور (شعر) هر کیم استر و صل جانان ترک

جان ایتک کرک * یو خسه حسرتلر چکوب آهوفغان ایتک کرک * ابن ملجم
بدبخت دام عشقه گرفتار و متاع وصله خریدار ایدی تضرعه ایتدی
ای محمدومه مهر کندر قطامه ایتدی بنم مهرم اوج نسنه در بری اوچبیک
درم بغدادی و بری جاریه جیله و بری قتل علی بن ابی طالب ایتدی ابن ملجم
ایتدی ای قطامه نقد و جاریه مقبولم اما قتل علی امر عظیم و شغل و هیمنه
قطامه ایتدی نقد و جاریه دن تجاوز ایتدم اما قتل علی اقصای مراد مدر
زیرا بنم قنداشمله اون نفر اقربا و انسایم لشکر خوار جدن ایدی ایتک
شمشیر آبدار یله شربت فنا ایچمشلر آدن بوانتقامی المینجه قرارم اولماز
و بومهمی کفایت قتلین وصالدن بهره بولماز بومبالغه اثناسنده
ابن ملجمک یاده علی بن ابی طالبک کفتاری کلوب ایتدی غالباً که بواصر
مقدور اولمشدر و بوحکم صحیفه تقدیرده تحریر بولمشدر اول بدبختک عرق
نفاقی متحرک اولوب ایتدی ای قطامه بواصری قبول ایدرم برضربه
بندن راضی اولور ایسک قطامه ایتدی قبول ایتدم و بعض کیمسه لیدیخی
سکامعین و نظهیر اولمغه تعین ایدرم اما کلامکده صادق ایسک شمشیری
بکاتسلیم ایت تاشرؤدن تجاوز ایتیه سین ابن ملجم شمشیر بنی آکاتسلیم
ایدوب اول ملعونه دل پرکینه ایله منزلته روان اولدی (روایتدر که اول
کون حضرت امیر سعادت و اقبال ایله غزای نهر و اندن مراجعت قیابوب
جمع اهل کوفه استقباله چیقوب تعظیم و تکریم ایله اول شهر یاری شهره
کتوردیلر و حضرت امیر جامعه یتدکده حرم سراینه کتمدن دلدلدن
اینوب مسجد قدم باصوب ایکی رکعت نماز قیلدی و جمیع اولاد و اشراف
و اعیان حاضر ایدوب پایتنبیری قدویه له مشروف ایدوب برخطیه به آغاز
ایتدی حمد و ثنایی مشتمل و نعت مصطفی بی محنوی و خاص و عامی طریق
و عطله بهشته انیدوار و عقوبات دوزخدن خبردار ایتد کدنصکره جانب
یمینه نظر صالوب امام حسنه ایتدی (یابنی کم مضمی من شهر ناهذا) و طرف
یسارند مائل اولوب امام حسنه ایتدی (یابنی کم مضمی من شهر ناهذا) دیدیلر

اون بشنخی کونیدر واول شهر رمضان ایدی پس دست مبارکنی محاسین
 شریفنه قویوب ایتدی بوآیده بومکرم بنم قائم الیه خضاب اولور و بنم
 قائم بوجلسده در ابن ملجم بوتکلمدن هیت عظیم آوب خلوته حضرت
 امیر خدمته کلوب ایتدی یا امیر المؤمنین سندن التماس بودر که امر ایده سین
 بنم الارمی قطع ایدوب سیاسته يتوره لر حضرت امیر ایتدی حاشا که
 کناهدن مقدم سیاسته حکم ایدم اما حضرت رسول بکاخبر ویردیکه
 سنک قاتلک قبیله مر ایدن اولوب بر مراد ایچون سکاضرت اوره اما
 مر ادنه یتیه ای ابن ملجم سکاخبر ویره یمکه صدق کلامی آندن تحقیق
 ایده سین ایام طفولیتده سکامری اولان بر یهودی عورتی ایدی واول
 یهودی عورتی برکون غضب طریقله سکا ایتدی ای نازه صالحی ذبح
 ایدن شقیدن اشقی ابن ملجم ایتدی صدقت یا امیر المؤمنین بونشانندن
 بغایت متأثر اولوب منفعل اولدی (القصة حضرت امیر شرائط مواعظ
 ونصائح ندره مشجددن منزله تشریف بیوروب بر کجه امام حسن
 مقاننده افطار ایدردی و بر کجه امام حسین منزله اما اوج لقمه دن زیاده
 تناول ایتزدی ایتدیلر یا امیر المؤمنین قلت طعامه سبب ندریدی وعده
 ملاقات حق قریب اولمشدر غرضم رعایت طهارتدر (روایتدر که رمضان
 آینک اون طقوزنجی کجه سنده که موعده قتل ایدی اول حضرت
 صباحه دک طاعت وعبادته مشغول اولوب هر ساعت صحن صحرايه
 چیقوب آسمانه نظر قیلوب انتظار وعده چکوب دیر ایدیکه صدق
 رسول الله هرگز رسول الله کقولی خلاف اولماز ولوح قضاده نحریر اولان
 خط تقدیرله مطلقا تغیر بولماز (شعر) هر کیم تقدیردر تغیر بولماز ای کوکل
 * لوح تقدیرک خطی هرگز بولماز ای کوکل * اول زمانه که مرغ سحر بو
 مصیبت خانه ملال افزاده سوز وکدازله زمزمه یه آغاز ایتدی و مؤذنلر
 سرودی ارباب عبادت سمعته یتیکه وعده ایتدی اول مقتدای عالم و پیشوای
 نوع بنی آدم وضوء تازه قیلوب طشره چیقمه عزم ایتدکده اتفاقا اول سرای

فرحزاده بر نیچه مرغابی اولوب رهگذارنه کلوب دامن عصمتن طوتوب
 زبان حال ایله فریاده کلدیله نبات مطهرات آنلرک منعه اقدام ایتد کده
 حضرت امیر ایتدی ای جگر گوشه لرم منع ایتک که بونلر بنم ماتم
 طوتارل امام حسن ایتدی ای پدر عالمقدار بونه فال نام بار کدر حضرت
 امیر ایتدی ای فرزند سعادت منده کوکلم بو کون شهادتیه شهادت ویرر
 پس جمیع اولادین حاضر ایدوب برر مواده قلوب بو مضمونی بیانه
 چکردی (شعر) جانیه یتدم محنت و درد بلای دهر دن * ایلدیم عزم سفر
 محنت سرای دهر دن * میل سیر لاله زار جنت ایتدم نیلیم * غنچه وش
 کوکلم طوندی تنکنای دهر دن * نیچه بر آواره قیلسون کردش کردون
 بنی * نیچه بر کوکلم فکار اولسون جفای دهر دن (القصه متوجه
 مسجد اولوب صباح نمازن ادا قلوب ور غبت تمامله عادت معهود اوزره
 درگاهه توجه قیلدی هم اول کیچه ابن ملجم بدبخت قطامه ملعونه
 سرایته کیروب و قطامه بنی سعادت ابن ملجمک تیغ بیدریغن زهرله سیراب
 ایدوب مروان تمیمی و شبت ابن بحیری پیدا قلوب آنک معاونته مقرر
 قیلتدی اول اوج حرامزاده تمامی شب مشغول شرب خرا اولوب کلاب
 مانند صبحدم مست خواب ایکن قطامه که منتظر اظهار فساد ایدی
 آواز بآک نمازی استماع ایتد کده اول غافلاری بیدار ایدوب ایتدی ای بخبرلر
 طور آنک که علی مسجدده تنهادر ابن ملجم بی امان اول ایکی بدبختلر ایله
 افضل زمانک قتلنه یکجهت اولوب سرعتله مسجدده کلوب کندیلرین
 خواب ایدنلر سلکینه بر اقدیلر حضرت امیر تحبب مسجد ادا داندنصر که
 خفته لری بییدار ایتکه توجه قلوب ابن ملجم که مقدم ارباب
 عقلت ایدی مبارک قدومه یله تنیه ایدوب ایتدی که (قم وصل) و تجاوز
 ایدوب ینه محاربه کلوب نمازه مشغول اولدی ابن ملجم اول ایکی
 بدبختی دخی او یاروب طور آنک فرصت غنیمتدر دیدی (تاریخ طبری
 و بعض تواریخنده بویه مسطور در که امیر هنوز بآک نمازه
 مشغول ایدیکه اول حرامزاده لک ایکیسی مسجد قیوسنک ایکی

طرفنده طوروب وانی ملجم مسجد کبروب مقرر ایتدیلر مقدم اول ایکی
نامر د ضرب ایدلر اگر هیچ ری کار کر اولسد ابن ملجم تمام ایدلر (الفصله
حضرت امیر مسجد مقدم با صدقه هر وان تمیمی تیغ را قندی رد اولوب
طاق درگاه مسجد اوغرا دی آک عقبنجه شبت بن بحیر شمشیر حواله
قیلدی کار کر اولوب فرار ایتدیبار و حضرت امیر دل و جانله شهاده
راغب اولغین التفات ایتوب نماز اشتغال ایتد کده ابن ملجم بدبخت
فرست بولوب سجده اولدی دن باش کتورد کده فرق مبارکنه شمشیر زهر
آلود تیوردی اتفاقا اول موضعه ایتدی که روز حرب خندق عربون عبود
تیغله زخماک اولشیدی و اول بدبختک تیغی مغز استخوان کله یه دک
اثر قیلدی حضرت امیر ایتدی (فرت رب الکعبه) یعنی دایم غممن نجات
بولدم و دایره المدن آزاد اولدم ابن ملجم بدبخت بو حرکت صدورند نصره
فرار ایدوب آوازه دوشدیکه (قتل امیر المؤمنین) اهل کوفه صغار و کبار
متوجه مسجد اولوب حسن و حسین اطلاع بولوب جامه چاک و دیده
نما کله حاضر اولدقه کوردیلر که قندیل زیارتگاه امامت سنک پیدا دایله
شکست اولمش و نخل نخلستان ولایت صرصر جفایله پایمال اولمش
سرنیازی قندم مبارکنه قویوب فغانه باشلدیبار و حضرت امیر ده بدم فرق
مبارکندن خونابهی آلوب رخسار لطیف و محاسن شریفه سوروب
مباهات ایدردیکه المنه لله سعادت شهادت نصیبیم اولوب بونشانله
طرف بارگاه کبریا و ملاقات حضرت مصطفی و مشاهده دیدار زهرا
و مصافحه جزء سیدالشهدا و مخالطه جعفر طیار ایتسم کرک بوسیلاب
خونله زورق مرادم کلی آچادی بو کون * حق بنی واصل اقلیم بقا قیلدی
بو کون * شاهزاده لر و اولیاه و امصبتاه دیوب خاص و عام کوفه شرائط
غزایه اقدام ایدوب دیرلردی (شعر) ای سپهر بیوفایه و ده دوران ایلدک
قصددین ایتدک بنای شرعی و یران ایلدک * سمرنکون قیلدک عبادت منبر

وحرابی * معبد اسلامی طبر اغبله یکسان ایلدک * لشکر اسلامی قویدک
 سرور و سردار سز * نولدک ای ظالم که قصد شاه مر دان ایلدک (القصه
 حضرت امیرک زخین باغلیوب سؤال ایتدی لر که سکا کیمدن واقع اولدی
 بو جفا یوردیکه صبراید ککه عیان اوله جقدر و یقینا بو عمل مر تکین حق
 رسوا قیله جقدر بو حاله عقارن شبت بن بحیر فرار ایدوب کیدر کن بر کیمسه
 آنی مضطرب کوروب سؤال ایتدی که مکر قائل امیر المؤمنین سن سین انکار
 ایتک استدی زبانه اقرار جاری اولدی خلق کوفه آنی لکد کوب ایتدی لر اما
 ابن ملجم منافق مسجددن چیقوب حجره سنه کوروب اثواب واسلحه سین
 راقنده ایکن کوفه اهلندن بر کیمسه انی کورد کده کانه دوشوب
 ایتدی مکر سن قائل شاه مر دان سین اول ملعون لایمک تدار کنده ایکن نعم
 دیدی اول کیمسه کر بیان طوتوب مسجدده کتوردی (و بر روایتی اولدر که
 مسجددن چیقوب صحرا یه متوجه ایکن همدان قبیله سندن بر کیمسه
 آنی کوردیکه انده شمشیر خون آلود جرأت ایدوب اول ملعونی طوتوب
 هجوم عامله باغلیوب مسجدده کتوردی حضرت امیر اول ملعونه عتاب
 طریقهله ایتدی ای برادر مکر بنده لیاقت امارت یوغیدیکه وجود می رفع
 ایتکه اقدام ایتدک معاذ الله دیدی ینه حضرت امیر ایتدی پس نه باعث
 اولدیکه اولاد می یتیم قویوب خاندانه رخنه براقدن ابن ملجم ایتدی
 یا امیر حسناتدن غیری بکاسندن یتیمشدر امانه چاره (و کان امر الله قدرا
 مقدورا) حضرت امیر یوردیکه آنی حبس ایدن و بن حیاتیه اولد قبحه
 بن تناول ایتدی کم طعام و شرابدن اکا و یرک و جفا قیلک اکر بن بو
 قضیه دن نجات بولسم صلاح بمندر واکر نجات بولمسم اول بکا برضرب
 اوردی سزدخی آکا برضرب اورک حسب فرمان ابن ملجمی حبس
 ایتدی لر حضرت امیری حسن و حسین بر فراش اوزره کتوروب مسجددن
 چبقار دیلر اول ساعت اثر صبح صادق پیدا اولشیدی حضرت امیر
 ایتدی ای جکر کوشدر لم بنی متوجه مشرق طوتوک متوجه مشرق

اولوب ایتدی ای صبح صادق اول پروردگار حقیقونکه آنک شوقبله
 کر ییالک چا کدر روز محشرده شهادت ویره سنکه حضرت رسولدن
 تعلیم نماز اول مدیغم کوندن بو کونه دك سن بنی غافل بولوبوب همبشه
 بن سکا اسه تقبال ایتشم آندنصکره توجه آسمان قیلوب ایتدی الهی
 سن بواحواله کواه سنکه روز محشرکه یوز بکرمی درت بیک پیغمبر
 واوراح اولیا وشهدا عرش آئنده حاضر اوله شهادت ویره سین حضار
 مجلس خروش غلغله یه آغاز ایتدیلر (شعر) جهانی ابر آفت غرق سبل
 اضطراب ایتدی * دل اهل وفایی آتش حیرت کباب ایتدی * مدد کیم
 دور ظالم روزگار کونونق یوزدی * فغان کیم عالمی کردون دون پرور خراب
 ایتدی * اشراف اهل بیت اضطراب تمامله فریاد و فغان ایتدیکجه حضرت
 امیر آئله تسلی و یروب دیردی ای شاهزاده ل بن مصطفی خدمتیه وزهرا
 صحبئله مشرف اولورم بنم ایچون نأسف چکیم و جزع قیلک زیر بو کیجه
 واقعه کوردمکه حضرت رسول آستین مبارکیله چهرمدن غباری پاک
 ایدردی بودیلدرکه چهره جامدن غبار بدن رفع اولور (شعر) خوش
 اول زمانکه چیتوب یوسفم بوزندانن * غبارتن اوله مرفوع چهره
 جانن * روایتدرکه حضرت امیراوزینه جراح لکرتور دیلر جراح اول
 زخم منکره نظر قیلدقه فریاده کلدیکه بوزنجک شمشرنه زهر آب
 و یرمشار جراحی قابل علاج دکل (و بر روایت دخی اولدرکه جراحدن
 مقدم ام کلثوم ابن ملجمی حبسه کوروب ایتدی ای بدبخت بونه اندیشه
 باطل ایدیکه قیلدک حضرت امیره بهر حال سنک زنجک ارقیقز اما سنک
 جالک نه اولور ابن ملجم ایتدی ای خاتون بن اول تیغی بیک آتونه آلوب
 و بیک آتون دخی و یروب زهرله سیراب ایتشم جراحندن امان ممکن دکل
 و بو واقعه رمضان اینک بکرمی رنده ایدی حضرت امیر و صبت یازوب
 اولاد لری ایله و داع ایدوب ام کلثومه ایتدی (یابنتی اغلقی علی اییک الباب)
 ام کلثوم حجره قبوسین مسدود ایدوب حسن و حسین طشرده کریان کریان

اوتوررکن ناکاه برصد اشدیلر که برهائف دیردی (اهن یاقی فی النار خیر
 ام من یأتی آمنا یوم القیمة) برهائف دخی دیردی (بل یأتی آمنا یوم القیمة
 و بررایت دخی اولدر که حجره دن (لاله الا الله) کله سین استماع ایتدیلر
 شهرزاده لر بی اختیار حجره به کیرد کده کوردیلر عالم بقایه انتقال ایتش
 (شواهد النبوه مسطوردر که اهل بیت دیمشله هنکلم وفات مرتضی
 غیب دن برصد اکلدی که حقیق حجره دن بو بنده پاک اعتقاد ی کندی حاله
 قویک بزحجره دن چبقه قدده حجره دن برصد اکلدی که دریغامحمد مصطفی
 وفات ایتدی و علی المرتضی شهید اولدی آیا کیمدر آنلردن صکره رعایت
 امت قیله برهائف دخی ندا ییتوردی که آنلرک سیرت لر یله متخلق اولان آواز
 ساکن اولد قدده حجره به کیرد کده کورد کله مغسل و مکفن اولمش اوزرینه
 نماز قیلوب کتوردک (برروایت دخی اولدر که حضرت امیر و صبت ایتدی
 بن کچد کده دیوار سرادن برلوح پیدا اولوب بنی اول لوح اوزرینه براغوب
 کوکدن کفن و حنوط ظاهر اولور تغسل و تکفینم تمام اولد قدده بنی
 برتابوته قویوب صحن سراده قویک اوزرمده برنوبت امام حسن و برنوبت
 امام حسین نماز ایدوب تابوتی کوتورک هر قنده که سر تابوت میل خاکی
 ایدر سه اول بقعه یی حفر ایدک ساجدن برتابوت چبقار بنی اول تابوتله انده
 دفن ایدک (و بودخی شواهد النبوه مسطوردر که حسن و حسین و صبت
 ایتشکی بنی تابوته قویوب کتوروب غریبین دیمکله معروف زمینه اتوب
 انده برزمر د فام حجر ظاهر اولور بنم مدقم انده در وصبت مقتضاسنجیه
 شهرزاده لر عمل قیلوب حالا مشهور اولان مقامده دفن ایتدیلر و تعرض
 سفهادر احتراز ایدوب قبر شریفن مستور قیلدیلر همیشه مستور ایدی
 تا اول زمانه د ککه هارون الرشید مستولی اولدی برکون اول نواحیده شکار
 ایدر کنی برپشته کوردیلر که بعض جانورلر انده متحصن اولمشله هر نه قدر که
 جوارح بر اقدیلر اول جانورلر میل ایتدیلر بو حاله متحیر اولوب بر پیره
 اول قضیه سرن سوال ایتد کده ایتدی اجداد من استماع

ایتم که مرقد علی بن ابی طالب بونده در هارون الرشید ترك شكار
ایدوب اول موضعه تجسس ایدوب ارن کوروب معمر ایتدی وایام
حیاتده انی زیارتگاه ایتدی (القصه شاهزاده ل شاه مر دانی کچده ایله
کوتوروب کوفه دن چیقاروب وصیت ایتدیکی منزله دفن ایتدیروب
مر اجعت قیلدقه عزایه مشغول اولوب خلق شهر دفعه دفعه کلوب
شرائط تعزیتی ادا قیلورلردی اما هر نچمد استفسار ایدرلر دیکه
ای شاهزاده ل حضرت امیرک مرقد شریفی ومشهد منوری قنده در
زیارت شریفله مشرف اوله لم دیرلردی (شعر) بالله اول شاه شهر یارقنی *
سرور اهل روزگار قنی * چله درد لیلرک طیبی اولان * مظهر لطف کردگار
قنی * اول اگر کتدی ابد عالم دن * اول مقام ایتدیکی مزار قنی * قطعا
اثر بولزلردی ومن ازندن واقف اولمازلردی (روایتدر که حسن وحسین
حضرت امیری دفن ایدوب مر اجعت قیلدقه بر فقیره صتا شدیلر که
آواز حزیله فغان ایدردی حالن صورده قده ای عزیزلر بن بر غریب
مهمجورم محنم چوق غمخوارم یوق دیدیلر بو اوقاته غمخوارک کیم
ایدی دیدی بر ییل مقداری ایدیکه هر کون بو شهر دن بر شخص
اوزریمه کلوب بنله موانست قلوب جمیع مایحتاجم حاضر ایدوب
کیدردی دیدیلر اسمی ندر دیدی اسمن صوردم جواب ویردیکه بنم
مر حتم رضای حق ایچوندر شهرت ایچون دکل دیدیلر صورت و عیبتی
ندر دیدی بن اعماجم اما بوقدر ییلورمکه ابکی کوندر اوزرمدن قدم چکوب
احوالدن نظر التفاتن دریغ ایتدی دیدیلر نشانه اطواری ندر دیدی
اشتغالی تسبیح و تهلیلدر حقا که صدای تسبیح و تهلیلنه ملائکه دن جواب
ایشتم بلکه درود یواردن تعظیم و تکریم احساس ایتدم و هر ساعت
محاسن مسرور اولوب دیردیکه (مسکین جالس مسکینا و غریب
جالس غریبا) شاهزاده ل بو خبر دن کریم اولوب ایتدیلر ای درویش
بونشانلر علی بن ابی طالب نشانلر یدر و درویش ایتدی ای مخدوم

زاد در آگاه واقع اولدی دیدیلر بر بدبخت آنی شهید ایتدی و حالا بزانک
 مرقدندن کلوریز درویش اول خبردن مضطرب اولوب فغانه باشلیوب
 ایتدی ای شاهزاده لر جد بزرگوار کز و پدر عالیقدر کز حرمتی حقیقچونکه
 بنی اول سرورک مزاری اوزرینه هدایت قیلاک شاهزاده لر رحم ایدوب
 برالن حسن و برالن حسین طوتوب حضرت امیرک مدفن شریفنه
 یتور دیلر اول درویش قبر اوزرینه دوشوب ایتدی الهی بومر قد شریف
 صاحبی حقیقچون بنی غمخوار سز قویمه اول غمخواره و اصل ایت دعا سی
 موافق حکم قضا اولوب فی الحال تقدجانی نثار مرقد شاه مر دان ایتدی
 (شعر) قطره دریاه اتصال ایتدی * ذره خورشیده انتقال ایتدی *
 شهرزاده لر اول درویشک اوزرینه نماز ایدوب هم اول موضعه دفن ایتدی لر
 فی الواقع وفات شاه مر دان شهید کز بلایه نسبت اعظم مصائب واکبر
 نوائب ایدی زیرا جمیع مکار هدن حصن حصین و حصاره تین اولوب
 دلیل منخ و مأرب ایدی لاجرم غروب آفتاب شوکتی موجب استیلا ی
 ظلمت و ظلم و فساد اولوب و ازاله ظل رأفتی باعث اقتضای طغیان عدوان
 و عناد اولدی (شعر) شاهک حایثنده ایکن هرگز ایتدی * کلزار
 خاندانه نسیم بلا کذر * قتلندن اول شهک نم خونا به چکمدن * آل
 عبا به نخل بلا ویرمدی ثمر (التنجی باب) حضرت امام حسنک بزم بلا ده
 ساغر بقانوش ایتدی کن بیان ایدر حضرت سلطان سریر کبریا و مالک
 ملک (نوتی الملائک من ثناء) خواص درگاه رفعت دستکاهه ارشاد تسلیم
 و توکل قیلوب جواب طعن و تعرض و تعلیم ایتدشکه (قل ان یصبینا الا
 ما کتب الله لنا هو مولینا و علی الله فلیتوکل المؤمنین) و نواب بارگاه عالم
 پناهه اهدای سبیل صبر و تحمل ایدوب بو عبارتله تسکین و تمکین
 و یرمشکه (وما صبرک الا بالله) (شعر) سکا کر منزل مقصوده یتکدر مراد
 ای دل * یریشان کر مه هر جانب ره صبر و تحمل طوت * تردد پنجه سندن
 جهد ایدوب قوز تار کر یانک * کف اخلاص له دامن تسلیم و توکل طوت

حقا که نهال رضای ایزد جبار جو بیار تسلیم و توکلدن سیراب اولینجه
اندن احتیای ثمار دوام نعمت و تقطیف ازهار بقای سعادت ممکن اولماز
و چراغ اقبال قرب اله آتش صبر و تحملدن اضائت آلتینجه اهل ظلمات
سراین منور قیماز (شعر) کیمی کیم سور ساقی روزگار * اکا ساغر سم
قاتل و یرر * کیمی کیم بیلور احترامن روا * اکا جام زهر هلاهل و یرر *
چون وقوع مصائب و حدوث نواب لازمه وجود عالمدر بلکه اکثر
اجزای ترکیب عالم حروف المدر لاجرم هر مصیبتده جزع غیر مکرر
واهل جزع همیشه معذب عذاب مصیبت اولتی مقرر در (شعر) جزع
تقدیره چون تغیر و یرر * قضای مبرمه تأخیر و یرر * بلاوقتی آکار غبت
خطادر * بلاوزره جزع هم بر بلاد * الحاق دأره تسلیم و توکل بر حصار
مستحکمدر که متحصنلره شبخون سپاه نوابدن اثر آفت یمز و مقام
تقویض بر حصن متین مبرمدر که متمکنلره هجوم سیلاب حادثه تأثیر ایتز
هر آینه دوران بزمنک زهر هلاهل مصیبتی اهل تسلیمه شهد شفا در
وفلک جلادک تیغ سیاحتی ارباب نفو یضه مفتاح کنجینه عطادر (شعر)
معینده زهرله طولو بر شیشه در سپهر * اندن پرایلیوب قدح مهری
هر سحر * ساقی دهر خلقه برابر طو ترولی * تحسین اکا کیم
ایتموب اول زهر دن حذر * نوش ایده او یله کیم شده پناودین حسن *
نقدنی چراغ ملک زبده بشر * پابسته سلاسل حسن رضای دوست
* سرمست تشنه می خونابه جگر * بو مضمون مسطور شرفنامه
شواهد در بلکه معتقد اکابر ارباب عقاید که حضرت حسن ایکنجی
امام در آئمه اثنی عشر دن و کنت شریفی ابو محمد و لقب لطیفی نفی و توفیق
ولادتی هجرتک اوچنجی ییلنده رمضالک اواسط نده مدینه منوره ده واقع
اولدی صحیفه رضویه ده مسطور در که اسماء بنت عیسی دن نقل اولور که
دیش امام حسن ولادتده بن قابله ایدم اول آفتاب او ج سعادت آسمان
عصمتدن فروزان اولدقده اول نهال کلشن ولایت حدیقه عفتدن

نشو و نما بولوب فضای وجوده کلد کده حضرت رسول واقف اولوب
 فاطمه حرم سراینه سایه سعادت براغوب شهرزاده نک احضار نه امر ایتدی
 بن امام حسنی بر کهر بانی خرقه یه صاروب خدمت نه کتوردم حضرت
 رسول لطف ایله ایتدی ای اسماسکا کرانله دیمدیمیکه بنم اولامی صارو
 خرقه یه صارمه بنسختی حسب فرمان برکافور قام خرقه یه صاروب
 مبارک الله و یردم حضرت آکا تلقین بانک نماز ایدوب حضرت علیدن
 سؤال ایتدیکه بو طفله نه نام تعیین ایتدک مرتضی ایتدی یار سوا الله
 اولادم تسمیه سنده حضرت تکه تقدم ایتم امل خاطر مده بو ایدیکه صلاح
 شریفک اولسه حرب تسمیه ایدم و یا خود حزه حضرت بیوردیکه حکم
 خدا مقدمدر بو حاله مقاری جبرائیل نزول ایدوب ایتدی یار رسول الله
 حضرت حق سکا سلام ایلر بیورر که علی موسایه هارون منزله سنده در
 آنک اوغلانی هارون اوغلنک اسمبله موسوم ایت حضرت بیوردیکه آنک
 اسمی نه در جبرائیل ایتدی شیردرو شیر سربانی دلنجه حسن دیمکدر پس
 حسب الحکم اول مخدوم زاده نک اسم سر یغن حسن ایتدیلر (روایتدر انس
 ابن مالک دیکه امام حسن اشبه اولاد ایدی حضرت رسول الله وصفنده
 ابن عازب نقلیله مسطوردر که کوردیم برکون حضرت رسول الله امام
 حسنی کو کسی اوزرینه آلوب بیوردیکه (اللهم انی احبه فاحبه) یعنی
 بوشهرزاده بی بن سورم سن دخی سودخی بیوردی بن بوشهرزاده بی سورم
 وسونی دخی سورم ابوهریره دن منقولدر که هر کز امام حسنک رخسار
 شیر یغن کوردمد که کثرت فرح دن چشمم چشمه چشمه شاداب سرور
 دو کدی برکون حضرت رسول مسجدده عبادته مشغول ایکن امام حسن
 حاضر اولوب کنار شیر یغنه چیقوب کسول یله ملاعبه ایدردی حضرت
 رسالت رخسارینی رخسانه سوورب دیردی (اللهم احبه واحب من
 یحبه) (منوی) مه کردون عفت و عصمت * هم حسن نام هم حسن سیرت
 اولین کوهر خزانه جود * آخرین نقش کارگاه وجود * مطلع نظم اهل

بیت نبی * نور چشم محمد عربی * لعل نابی که روح پرور ایدی * غیرت
 شه دور شک و شکر ایدی * دور ظالم دن اولدی زهرا شام * زهر لعلن قیلوب
 زمرد فام * جیکرن پاره پاره قیلدی آنک * اخکرینی شراره قیلدی آنک
 * عام اولوب اول شراره نک اثری * برچکر داغی اولدی هر شرری *
 (سنن ترمذیه مسطور در ابن عباسد نکه حضرت رسول برکون
 امام حسنی کتف مبارکنه آلوب طشره چبقدی صحابه دن بری ایتدی
 (نعم المکب) حضرت رسول التفات طریقه ایله ایتدی نعم اراکب
 (شواهد النبوه مسطور در که برکون حضرت رسول مسجد کلوب
 امام حسنی حاضر ایدوب حضاره ایتدی بنم بوخلفم سید در و سرور در
 واقرب زمانه بونک سببیه اصلاح اوله ایکی کروهک ارسنده و واضح
 دلائل فضائل حسن و حسین بویتر که حضرت رسول بیورمش (الحسن
 و الحسین سیدا اهل الجنة) و کتاب اعلام الوارده ابن عباسدن
 نقلدر که دیدی بن حضرت رسول خدمتده ایدم فاطمه کریان کریان
 کلوب ایتدی بابی حسن و حسین حجره دن چیقوب مدت غیبه لری
 امتداد بولدی و حضرت علی حاضر دکل که مطالت قیله چاره ندر
 حضرت رسول بیوردیکه ای فاطمه غم جگمه که حضرت ایزد آنلرک
 حفظنده بزدن اول در پس دعا قیلدیکه الهی اول شهزاده لری اکر در یاده
 ایسه زورق عنایتله کناره بیوروا کر صحرا ده ایسه بدرقه هدایتله منزله بیور
 فی الحال جبرائیل نزول ایدوب ایتدی یا رسول الله آنلر افاضل اهل دنیا
 و اعظم اهل عقبار و والده لری آنلردن اعلا در هیچ الم جگمه که اول
 شهزاده لری بنی نجار حظیره سنده اسایشده در و حضرت ایزد ایکی فرشته
 آنلرک حفظنده موکل ایدوب بال و پرلین آنلره غطا و فراش ایدوب
 خدمت لرینه مشغولدرلر حضرت رسول اول حظیره روانه اولوب امام
 حسنی کتوردی و اما حسینی بفرشته کتورب کلور کن ابو ایوب
 انصاری فرشته بی احساس ایتوب تصور ایتدیکه شهزاده لری ایکی کسی

دختر رسول الله در ترجم قیلوب ایندی یار رسول الله بویکی شهرزاده لک
 برین بکاورین کنوره یمکه حضرت تکه سبکبارلق حاصل اوله حضرت
 رسول ایندی ای ابو ایوب بونلر مکرملردر دنیا ده و محترملردر عقبا ده
 ووالده لری کندیلردن اشرف وافضلدر پس جانب صحابه یه توجه قیلوب
 ایندی ای قوم خبر ویره یم سزه جد و جدّه جهتندن اشرف عالمده
 کیمدر دیدیلر کیمدر یار رسول الله بیوردیکه حسن و حسین که جدلری رسول
 اللهدر و جدّه لری خدیجه بنت خویلددر اشرف قبائل عربندردیدی
 خبر ویره یم سزه والد ووالده جهتندن کیمدر اشرف دیدیلر کیمدر
 یار رسول الله دیدی حسن و حسین که والدلری علی بن ابی طالبدر ووالده لری
 فاطمه بنت رسول اللهدر دیدی خبر ویره یم سزه خال وخاله جهتندن
 کیمدر اشرف دیدیلر کیمدر دیدی حسن و حسین که خال لری قاسم
 ابن رسول اللهدر وخاله لری زینب بنت رسول اللهدر دیدی خبر ویره یم
 سزه که عم و عمّه جهتندن کیمدر اشرف دیدیلر کیمدر دیدی حسن
 و حسین که عملری جعفر طیاردر و عملری امهانی بنت ابی طالبدر (شعر)
 قنده در بویه برشرفلی نسب * معدن فضل و عزو علم و ادب * صفت
 حضرت حسین و حسن * جله کائناتدر روشن * اول بری نقی پاک
 مصطفوی * بو بری نور چشم مر قزوی * اول بری بدر آسمان کمال * بو
 بری سروج و بیار جمال * اول بری اوج آفتاب یقین * بو بری کلین حقیقه
 دین * بو بری رهنمای جلوه نما * رفع الله اقتدار هما (روایتدر که
 ابن زبیرله سفرده ایکن برکون برنخلستانه یتدیلر که نخلزده اثر طراوت
 قائمشیدی آنده قرار طویوب ابن زبیر آرزو قیلدیکه نوایدی بودر ختلرده
 رطب ظاهر اولدی امام حسن روی نبازی درگاه بی نیازه طو توب دعا به
 اشتغال ایدوب دعاسی اجابته یتدی فی الحال برنخل طراوت پیدا قیلوب
 رطب ظاهر اولدی بعض شکلر آتی سحره جل ایدوب حضرت امام
 ایندی بو سحر دکل اما اثر فیض رسول اللهدر (القصه اول شهرزاده لره

منسوب اولان کرامات و ولایت احاطه حصره کمن و بو مختصرده هر قوم
اولمغه قابل اولماز (شعر) حسن وصفیه یوقدر حدوغایت * وفاقیماز اکا
حصر روایت * سوزی ذکر صفی هر انجمندر * دایل حسنی اول پس کیم
حسندر * اما راوی اخبار چکر سوز و حاوی آثار غم اندوز بو طریقله
اول شهرزاده عالمینهک وقایع احوانندن خبر ویرمش و بوسرودله
زمزمه اخبار شهادتندن مسامع اهل روزگار ی توره شکله چون
حضرت شاه اولیا مسند خلافتی آکا تسلیم ایدوب احکام شریعه
نفاذن آکافویض ایتدی و نوبت ریاست امت تدریجله اول پادشاه رفعت
دستگاه ایتدی اول حضرت شرائط تعزیت اداسند نصکره خاص
وعامی جمع ایدوب پایه منبری مقدم شریفله مشرف ایدوب اول قائم مقام
حضرت مصطفی و نائب مناب حضرت مر ترضی لسان بلیغ و زبان فصیح
ایله بر خطبه به آغاز ایدوب و وعظه سند نصکره ندا قلمدیکه ای سکان
سر پرده حکم شریعت وای حضار حظیره تقوی و طهارت بنم این
البشیر بنم این اندیز بنم وارث سلطان تخت رسالت بنم جانشین حاکم ملک
ولایت جد پاکیم سزی دین حقه دعوت ایتدی و والد بزرگوار مدن سزه
سعادت هدایت ایتدی حالا بن دخی سزی انلرک طریقه اهدا قبولرم
و محقق بیلک که بکاقتد انلره اتباعدر و بکا مخالفت انلره امتناعدر (شعر)
بنم وارث علم و حلم رسول * بنم کوهر کنج بطن بتول * بنم جانشین شه اولیا
* بکاقتد ارکا اقتدا * بو حاله مقارن عبد الله بن عباس ایاغه طوروب
ایتدی ای قوم بو مخدوم زاده فرزند رسول اللهدر سزدن اقرار طوع
امامت و اظهار قبول بیعت استر نه دیر سز جیع حضار مجلس فریاد
ایتدیلر که سمعنا و اطعنا قاعده بیعت تمام اولدقد نصکره ابن ملجمی
حاضر ایدوب ایتدی ای بدبخت حضرت علیدن سکانه یمانلق یتشیدی
ابن ملجم ایتدی ای شهرزاده اوله جق اولدی ایددی اگر اجازتک اولور سه
حاکم شامکه مسندکه صاحب دعوادر انک قتلین قبول ایدرم

حضرت امام حسن تطویل کلامه رخصت و یریبوب برضربه اول
 پلیدی هلاک ایلوب بیوردیکه جسد مردارین احراق ایدلر اول
 جانبدن تسلی خاطر ایتد کدنصرکه نظام ملک و ملت و نسق احکام دین
 و دولت اشتهغانده اولوب اندک زمانده او توزیک مجاهد دایره بیعتیه
 کیردیلر و وجهت عساکر نصرت مأثر مسند خلافت رونق تمام
 و یردی (شعر) بولدی خورشید جهان تاب خلافت ارتقا * شعله
 عالم فروزی صالیدی هر جانب شعاع * بو خبردن حاکم شام مترزل اولوب
 آلتش بیک مبارزه متوجه ضبط عراق اولدی و حضرت امام حسن
 دخی قرق بیک مجاهد ایلله کوفه دن چیقوب استقبال طریقیله عبدالرحمن
 دین مخیم خیام نزول اردوی همایون قیلدی اول منزلدن قیس بن سعدی
 ابکی بیک نامدار ایلله طلبه سپاه ظفر پناه ایدوب کندو متعاقب اران اولدی
 مرحله مرحله کیدر کن سابط مداینه یتد کده استراحت طریقیله برنیجه
 کون توقف ایتدی چون شهرزاده اکثر اوقاتده ذکر ایدردیکه بن کندو
 اختیارمله مرتکب خصوصت اولزم و کسنه ایلله سلطنت دنیا ایچون
 منازعه قیلم هوای نهب و غارت ایچون جمع اولان لشکر شهرزاده ک
 توقفتدن کان ایتدیلر که انده محاربه میلی یوقدر بوقیدو بواندیشه عقیده لرین
 فاسد ایدوب موافق ایکن مخالف اولدیلر و اطاله ایادی تغلب ایدوب
 جمیع اثواب و جهازن یغما قیلدیلر حضرت شاهزاده بعض خواصیله
 متوجه مدائن اولوب کیدر کن خزرج بن دحیه اسدی که چوقدن مترصد
 فرصت آزار اولوب کبنده ایدی فرصت بولوب شهرزاده یه برزخ اوروب
 بعض ملازم لر آتی طوقوب پاره پاره قیلدیلر اما حضرت امام اول زخمدن
 غایتده مزجر اولوب مدائنه قصر ایضی نزول اجلال ایلله مشرف
 قیلوب جراحت لر معالجه سنه اشتهغان ایتدیلر (القصه شهرزاده معاونته
 و مطاوعته اعتماد ایتدیکی اهل کوفه ده وفا کور یوب (الصلح خیر)
 مقتضاسنجه حاکم شامله بعض شروط اوزرینه که تقصیلی الیک موجب

ملالدر مصالحه قیاب مدینه متوجه اولدی (روایتدرکه برکون
 علی بن غیر همدانی مدینه ده اول حضرت ایتدی یا بن رسول الله معاویه
 مصالحه سته سندن رضا و یرمک مناسب دکل ایدی جواب و یردیکه ای
 علی برکنجه حکمت خزینه دارزی و میدان ولایت شهسوارلری یزیزه
 معاوم اولان سزه مستورد و بزادراک ایتدیکن اسرار سزادراک کردن
 دوردر هنوز ایکی جانبدن جدال و قتال ایچون مهیا اولان لشکرک و عده
 خوزیزی توقف و تأخیره در و قفسر توجیهلرینه حاکم قضا رضا و یرمن
 و خلعت خونابه خزانه حکمتدن حسین مظلومه و یرلشدر بنم اقدامی
 زمانه رواکورمن عرصه هیجاده حسین ایچون صف قتال مرتب ایدن
 بنم بلاده بنم ایچون زهر نادن جام لبالب مهیا قتلشدر و حسین مظلومه
 عراقده ملازمت مرتضی مقرر اولدقده بکا مدینه ده ملازمت مصطفی
 مقرر قیلمشدر (شعر) فرمانبر مخالفته یوق مجالز * هر حکم کیم
 اولور صمد کار سازدن * التور بنی حجازه مقیم عراق ایکن * اولیکیم سور
 حسینی عراقه حجازدن * فی الواقع هر امر بروفته مخصوص صدر و هر وقت
 بر امره متعلق بی تکلف اکر معاویه تک معاصری حسین اولسیدی
 صلاح زمان مقتضاسنجه مصالحه ایتک مقرر ایدی و اکر یزید ایله امام
 حسن مقابله قیلسیدی مقاتله ایتک نامبرسرایدی و هر برینک مقامی
 از لدن مقدر ایدی (و شواهد النبوه مسطوردر که حضرت ایزد بنی امیه
 ملکن حضرت رسوله عرض ایتدکده حضرت رسول کوردیکه
 اشرار بنی امیه بر برینک عقبنجه منبره چبقارلر بوحالت اول حضرت
 دشوار کلوب متفکر اولدقده تسلیه خاطر ایچون سوره (انا اعطیناک
 البکوثر) و سوره (انا انزلناه) زول ایتدیکه عبارتده اولان الف شهر
 بنی امیه تک ملکته مشعرد و عطای کوثر نعمات عالم بقادن منجبردر غرض
 بوکه ملک دنیای فانی عوضنه آنلره حوض کوثر و یرلشدر (روایتدر که
 امام حسن مصالحه ایتدکدن صکره مدینه مراجمت قبلدقده

ارباب عداوت تحريك سلسله فتنه دن توهم ايدوب اول حضرتك دفع
ورفته اقدام ايدوب بعض فساداهلاني تحريك ايتديلر كه اول حضرتك
بصره ده واقع اولان احباسندن اوتوز سكرنفر مؤمن وموحدى بر بهانه
ايله قتل ايدوب انواع قباحت ظهوره كتورديلر حضرت امام اول حاله
اطلاع بولدقده عبدالله بن عباس ايله متوجه دمشق اولوب رهگذارى
موصله دوشوب سعد موصلى كه امير موصل ايدى تشریف شريف شريفندن
خبردار اولوب استقباله چيقوب بن نهايت اعزاز واحترامله خدمتلقيلوب
شهرزاده بر قاج كون انده استراحت كوروب اندن مسافر اولوب ديار
دمشقه يتد كده والى شام اشراف واكابر اعيان ايله استقباله كلوب كال
اعزازله شهره كتوروب مى اسم خدماتنده مبالغه قيلديلر وحضرت امام
خاطرنده اولان قضيه لى شرح ايدوب مناسب جوابلر آلدى (الفصه
خطه دمشقندن يته موصله مى اجعت قیاده بونوبت سعد منزله نزول
ايتوب حسن نام بر آشناسك منزله قدم باصدي وداعيه قيلديكه بر نيچه
كون موصله طرح اقامت ايدوب استراحت بوله كروه اعدا كه هميشه
مترصد فرصت ايدى اول ميربانك عقیده سنى وعده مال ايله حضرت
امامدن مخرف قيلوب شيشه شيشه زهرلر ارسال ايتديلر كه مطعوماتنده
ومشروباتنده ميسر اولدقجه ممزوج ايدوب ويژه اول بدبخت اوچ نوبت
حضرت امامه زهر ووردى اما بقای مدت حیات مانع تأثیر اولوب اثر تمام
ايتدى اماموجب تغيير مزاج اولوب طبع شريفلرين مكدرايدردى واول
ميربانك احوالنه حضرت امام مطلع ايدى اما اظهار ايدوب انفعال
ايتزدى (شعر) آه كيم دنباده بربار موافق قالمدى * غمكسار ومونس
وغمخوار و عشق قالمدى * وهر نوبتكه شهزاده تكسار مزاج پيدا
قيلوردى دعا بر كاتيله يته صحتنه مبدل اولوردى ميربان عاجز اولوب
صورت حالى اول سلسله فساد محركرينه عرض ايتديكه اوچ نوبت
امامه زهر ووردم اثر قيلمى بونوبت بر شيشه زهر هلاهل ارسال ايتديلر كه

اگر حضرت خضر استمشام رایحه سین قیلسه فتادن امان بولماز واکر
صفحه وجوده صورتن چکسدر نسیم حیات کائناته گذر قیامدی اتفاقا
اول قاصد ارباب مفاسد کلورکن استراحت ایچون برمنزله دوشوب
مست خواب اولدوقده بعض سباع و بهایم آتی هلاک ایدوب بوحاله مقارن
حضرت امامک بر ملازمی کلورکن اول مقتولی کوروب واول شیشه
ونامه یی الوب حضرت امامه کتوردی و حضرت امام مطالعه قیلدوقده
موجب خجالت میربان اولسون دیو پنهان ایتدی امام سعد موصلی
حضرت امامک رنگ مبارکن غضبندن متغیر کورد کده حقیقت مکتوبی
سؤال ایتدیکه حضرت امام مشغول احادیث و تفاسیر اولوب اول
سیرک افشاسنه رغبت قیلردی عاقبت الامر سعد موصلی حضرت
امامک مصلا ی شریفی التندن اول نامه یی بر ترقیه الوب مطالعه
ایتد کده غایته مضطرب اولوب حضرت امامدن اجازه سز
مجلسدن طشه آتی حاضر ایدوب ایتدی ای بدبخت مصطفی ومرتضی
وزهرادن سکا تهعدی واقع اولمشیدی اول بدبخت ایتدی حاشا انلر محض
مکار ملردر سعد ایتدی ای بی دولت پس نه باعث اولدیکه اولادنه قصد
ایدر سین واول نامه وزهری اظهار ایتدی اول بدبخت بی دولت انکار
ایتد کده بیوردیکه ملازم لرا انواع اهانته اول پلیدی هلاک ایتدیلر
اما حضرت امام منکسر و مزجر موصلدن چقبوب مدینه یه تشریف
بیوردی اتفاقا مروان حکم انده ایدی اول بدبخت ظاهرا حضرت امامه
محبت اظهار ایدردی اما باطنده طریق عداوته سلوک ایدوب همیشه
دفعه تدبیرده ایدی بر کون انسونه نام برد لایه ایتدی ای انسونه
جعه بنت اشعث حضرت امام حسنک حرم محترمه بدر و بیلمورمه امام
حسنک متعدد ازواجی اولغین خاطری انک طرفندن جمع دکل فی الواقع
حیفدرکه اول حسن و جمال الیه اوقاتی ضایع کچوب مدت عمرده اقتدار
واختیار بولیه و بن استماع ایشمه که یزید بن معاویه کرائله ذکر ایدردیکه

انك تزويجی بكا انسبدی ای انسونه اگر جعدهك مزاجك امام حسندن
 منحرف ایدوب بومهمی كفايت ایده جك اولسك جمیع مرادك حصوانه
 كقیم انسونه روسیه اول امری قبول ایدوب اندن چیقوب امام حسن
 سرایشه توجه ایتدی اتفاقا حضرت امام اول کون اخوان وانسایله سیره
 چیقمشیدی جعده تنها ایدی وجعده مدینه ده اسمادیمکله معروفه ایدی
 انسونه ملعونه آغاز تکلم قیلوب هر جانب دن مقدمه لر ترتیب ایدوب
 بر تقریبه اظهار مدعا قیلدیكه ای بانوی مكرمه وای خاتون معظمه
 المنه لله دامن کمال جالك غبار نقصدن مبراو جمیع اسباب کالك مهیار
 حالاسنك اول وقت کدر که همیشه سلسله جمعیك منتظم اولوب مجلسك
 عبس و عشریدن خالی اولیه ومطلق نسیم تفرقه کلشن جمعیك
 اطرافنه کدر قیله نه مناسبدر که اوقاتك بر زاهد حباله سنده صرف
 اوله که اکثر اوقات عبادته صرف اولوب گوشه محرابی ابروی مقوسدن
 احسن یله و درجات منبره سلسله زلف معبردن بکرك توجه قیله
 خصوصاکه هرایکی کونده بر محبوبیه میل ایدوب طریقه عقد و طلاقه
 عادت ایشدر و چوق عورتلره الم مفارقتی یتشدر جعده که اول کلماتی
 اشدی و اول گفتار ناصوابه قولاق طودی منافق زاده ایدی آبا
 واجدادی مرتضی تبغیله دنیادن کتمشیدی لاجرم جبلنده اولان عرق
 نفاق متحرک اولوب آبا واجدادینك انتقامك آله متصل مقیم مکمن
 انتظار ایدی بوسوزلردن متأر اولوب وانتقامه فرصت بولوب ایتدی ای
 انسونه طریق تدارك ندر انسونه ایتدی ای خاتون محقق بیلش اولکه
 یزیدن معاویه بو خدمت مقابله سنده سنی متصرف حکم خلافت ایدوب
 مقدم خواتین حرمر اقلور حال تدارك اولدر که امام حسن دفعنه اقدام
 ایده سین جعده ییوفا حضرت امامك قصده مکرین باغلوب وانسونه
 اول منزلدن چیقوب مروانه صورت حالی عرض ایتدکه مروان برمقدار
 زهر ارسال ایدوب جعده اول زهری انکیینه ممزوج ایدوب حضرت

امامه و یردی حضرت امام اول غسل مسموم تناولدن بیحضور اولوب
استغراق ایدوب روضه رسول الله اوزرینه واروب عرض نیاز ایتکله
شفا بولدی اما جمعه یه بدکان اولوب منزله تردد ایتز اولدی برکون
تفقّد احوال طریقهله جمعه نك منزله گذار ایتدکده جمعه ایتدی
یا امام مدینه خرما لغندن بر مقدار رطب کتور مشر رغبت ایتز بوسین
حضرت امام رطبه مائل ایدی بیوردیکه کتور حاضر اولدقده جمعه یه
امر ایتدیکه سندخی مرافقت قبل جمعه مسموم اولیان رطبیدن تناول
قیلوب حضرت امام ملاحظه قیلوب رطب مسمومدن یدی دانه
رطب تناول قیلوب ینه مزاج شریفی متغیر اولوب ایتدی ای اسماء بورطبیدن
مزاجم متغیر اولدی سبی ندر جمعه انواع عذره دفع کان ایدوب حضرت
امام اندن ینه روضه رسول الله که دار الشفاء اهل درددر توجه قیلوب
شفا بولدی برکون اخوان و انساب جمع ایدوب ایتدی ای عزیز بن بو
شهره کلدیکیم زماندن بو گونه نك برکون راحتدن دم اوردم و بر ساعت
استراحت کوردم صلاح اولدر که موصله وارم تبدیل آب و هوادن
تمتع بولم و بودام کدورتدن آزاد اولم پس ابن عباس و بعض
خواصیله متوجه موصل اولوب و اول بقعه مبارکه یه یتوب طرح اقامت
براقدقده آواز و وصول موکب همایون شامه یتوب محروسه دمشقده
براعمی و ارایدیکه دشمن خاندان حیدر کرار ایدی وصول مقدمندن خبردار
اولوب دل پرکینه ایله موصله متوجه اولوب نوك عصاسین زهرله سیراب
ایدوب حضرت امامک ملازمین اختیار ایتدی برکون عصاسین هریره
باصوب تردد ایدرکن اتفاقاً نوك عصاسی حضرت امامک مبارک ایاغنه
ایرشدی اول حالی احساس ایتکله قوت ایدوب اول نوك عصای زهر آلود
ایله حضرت امامک پای مبارکن مجروح قیلدی اول غایبده که حضرت
امام آه ایدوب ایاقدن دوشدی عبدالله ابن عباس و بعض مخلصار
استدیلر که اول بی بصیرته سیاست کوسترهل حضرت امام مانع اولوب

مرافعه سین قیامته بر اقدی (القصه موصله دخی اراحت بولیوب
آزارد مادام چکوب دیرایدی (شعر) دردا که می دم اوردمم راحتند *
قورتلدم اندوه غم و محنتند * هر بقعه ده کیم میل اقامت قیلدم * اول
بقعه مکدر اولدی بر آفتند (القصه اول زنجک معالجه سنه جراحت
کتور دیلر جراحت کورد کده بوزنجک سنائی زهرله سیراب ایتشاردیدی
اون بش کون مقداری تدبیرل ایدوب شهراده اول زنجند نجات بولدی
واول اعما انتقامن آلوب موصلدن چیقوب دمشق کیدر کن ابن عباس
اوزینه حواله اولوب عصا سین الندن آلوب ینه اول عصایله اول ملعونی
هلاک ایتدی (روایتدر که شهراده موصله دخی قرار طوتمیوب ینه مدینه یه
متوجه اولدی اما جمعه نیک سراینه تردد ایتوب کدورتن زیاده قیلغین
بیوسته منظر فرصت ایدی تا که شب جمعه صفر آتیک یگر می طقوزنده
بر مقدار الماس سوده آلوب حضرت امام اولان منزله متوجه اولدی
و خاطر ند مقرر ایدیکه اگر کورسه لر اظهار شوق و تحسیر قیله و اگر
کورسه لر مدعا سین حاصل ایدوب بر می اد اوله منظره اوزینه کلد کده
کوردیکه شهراده مشغول خواب و اطراف و جوانبده اولانرا غافل و بالین
مبارکی اوزینه کلوب کوردیکه صو ایچدیکی کوزه نیک اغزی مختومدر
الماس سوده بی کوزه اوزنده اولان حریر اوزره قیوب تحریک ایتدیکه
حریردن چکوب صوایله ممزوج اولدی و اول بدبخت سرعته لر اجعت
ایدوب منزله کتد کده شهراده بیدار اولوب زینه ایتدی ای همشیره
عزیزه حالا واقعه کده کورد مکه جدم بکا عرض اشد ای ایتدی بر مقدار
صو ویرکه آتش فراقه تسکین ویره می زینب اول کوزه نیک مهنر آچوب
اما ملک الله ویرد کده حضرت امام اول کوزه دن بر جره نوش ایتد کده
الماس سوده اجزای جکردن رشته رابطیه یی قطع ایدوب پاره پاره قیلدی
حضرت امام ایتدی آه بونه شربت ناسازکار ایدیکه دروغه آتش
بر اقدی و بونه جره ناخوشکوار ایدیکه جان و جگر می اقدی هم اول

ساعت حضرت امام حسینی حاضر ایدوب ابتدای ای رادر عزیز (شعر)
 زهر غم روزگار ابتدای بکا * کور بوستی که روزگار ابتدای بکا * هر
 ظلم که ضننه ایدی دورانک * اظهاره کتوردی آشکار ابتدای بکا * مخفی
 ومستور اولیه که حالا جدی واقعه کوردم المین طو توب ریاض
 بهشتی بکا عرض ایدوب بیوردیکه ای فرزند بشارت سکا که دام بلادین
 نجات بولدن و محنت زمانه دن خلاص اولدک یارین بنم حضور منده سین
 بیدار اولد قده بو کوزه دن بر شر بت صوایچدم جگرم دوغراندی کویا که
 زمان رحلتدر حلال ایت حضرت حسین کریان اولوب اول کوزه پی اله
 آلوب استدی که امتحان ایچون نجرع ایده امام حسن النبدن آلدیکه
 بو بنم نصیبدر سگاه پسر اولماز ویره اورد قده اول کوزه صنوب و اول زهر
 دوکلوب اجزای ارضه تأثیردن شاخ شاخ اولوب جوشه کلدی (الفصه
 شهراده ک جگرمبارکی یتش پاره اولوب خلق شریقتدن دوکلدی (شعر)
 سر سبز قیلدی کلبن باغ ولایتی * سیراب زهر ناب قیلوب جور روزگار *
 اول سبز کلبن اوزره پاره پاره دن * قیلدی بهار حادثه بک کل آشکار *
 اولدکه آفتاب زرین قام فلک مینافامده ارتفاع مقام بولدی اول
 حضرتک رنگ مبارکی مرقم اولوب اطرافنده اولان احبادن سؤال
 ابتدیکه رنگم نه کونه در دیدیلر سبزد در حضرت حسینیه باقوب ابتدای
 صدق رسول الله حضار مجلس استفسار مضمون ایتدکده ابتدای جد
 بزرگوارم بر کون بیوردیکه روضه جنانده سیر ایدر کن اهل عالمک بر بر
 مقاملرین بکا عرض ایتدیلر ایکی قصر کوردم بری لعلدن و بری زمر ددنیکه
 شعاعلری آفتاب تابانه طعن ایدردی رضواندن سؤال ایتدم که بو قصرلر
 کیلوه منسوبدر دیدی بری امام حسنک و بری امام حسینکدر دیدم آیا
 اختلاف لونه سبب ندر رضوان خاموش اولوب بن مبالغه قیلد قده جبرائیل
 ابتدای یار سوالله رضوان شرم ایدر بن عرض ایدهیم قصر زمر د کون
 امام حسنه متعلقدر آنکیچونکه وقت وفات زهر ایچوب رنگ زمر د

فامله درگاه کاه و قصر کل رنگ امام حسینه و نسویدر انکچونکه تیغ
آبدارله غرق خون اولوب بهشته توجده قیله (شعر) نم ترشح زهر یله رنگ
قیلیدی عیان * صفای صفحه آینه عذار حسن * مکر که جرعه زهر ایدی
قطره باران * کیم انده ایتدی عیان سبز لاله زار حسن * شواهد النبوه
مستوردر که امام حسن زهرله متغیر اولدوقده حسین سوال ایتدیکه ای
مخدوم کیمه کلک کلور امام حسن ایتدی ای برادر مهر بان بن بلدیکمی
سندخی بلورسین اما غمازلق بزدن صادر اولق مناسب دکل هم صبر اولی
وانسبدر (فصل الخطایده خواجه پارسا دن نقلدر که امام حسنه الی کره
زهر و یردیلر تاثیر ایتدی عاقبت الماس سوده اثر قیلیدی (روایتدر که امام
حسن اول سر نهانی آشکاره ایتوب خفاده جعده ایتدی ای
یار نامهر بان وای بانوی جفاکار ازار رسان نولدیکه حق خدمتم فراموش
قیلوب حرتم طوتمدک و جدم و بابام حرمت رعایت ایتدک حال بن سنک
مرافعه کی دیوان حشره بر اقدم دنباده سنی رسوا ایتکی مناسب کور مردم
وسکا آزار تور مردم اما تپاش اولک نه مراد ایچون بوشغله اقدام ایتدک ایسه
اول مراده دسترس بولرسین وهر نه کام ایچون که بوضلائی قبول ایتدک
ایسه اندن بهر مند اولرسین بومعا تبه د نصکره حضرت حسینی و سائر اولاد
واصحابین حاضر ایدوب تقوی و طهارت و صبت قیلوب ام کلثومه ایتدی
ای همشیره قاسمی ک تور قاسم حاضر اولدوقده اندن طو توب امام
حسینه تسلیم ایدوب ایتدی ای برادر فلان قرنی بو فرزندمه و یره سین
و عهد سی ایرشد کده و بو حال صفر آیتک یکر می طوقوزنجی کیجه سنده ایدی
روایتدر که کیجه نک بر ثانی کچد کده ترکس شهلا سین آچوب امام حسینه
باقوب ایتدی ای حسین بو اولادی س کا طا پشوردم و سنی واجب
الوجود و کله شهادت زبان مبارک نه جاری اولوب دولت بقایه فائز
اولدی (انالله وانا الیه راجعون) (شعر) سر و قدی چن خلد خرامان
اولدی * حور و غلانه رخی شمع شبستان اولدی * جوهر ذاتی اولوب

حبس علایقدن پاك * محرم بار كه رحمت غفران اولدی * كرچدا اول خاطر
 جمعیله سفر قیلدی ولی * دل احباب فراقنده پریشان اولدی * مر دم دیده
 ارباب نظر اشك دو كوب * نم اشكیله كوكل اولری ویران اولدی * جمیع
 اخوان واخوات آغاز تعزیت قیاب اول حضرته تجهیز و تکفین مرتب
 ایتد كد نصكره مقبره بقعده جده بی فاطمه بنت اسد مجاورتده دفن
 ایتدی لر و عمر شریفی اصح اقوالله قرقیدی ییلدر (روایتدر كه مراسم
 تعزیتدن نصكره مروان حکم اندیشه قیلدیكه امام حسین اگر امام حسن
 قاتلن تفحص ایدوب شبشسه زهر و الماس قصه سین معلوم ایده چك
 اولورسه احوال مشكل اولورتدیر ایدوب جمعه یه اعلام ایتدیكه ای غافل
 امام حسین صورت حال كدن خبردار اولوب سنك تدارك كده درو جمعه
 بی سعادت (الخان خائف) مقتضای سنجه فی الحال فرار ایدوب كندی سین
 مروانك منزله راقدی و مروان اول بدبختی ایکی نفر غلام و اوج جاریه ایله
 شاهه ارسال ایتدی و کیفیت حالن حاكم شاهه عرض قیلدی (القصة
 جمعه دیار شاهه ایتد كده و خبر وفات امام حسن شوع بولدقده ولی شام
 پیوردیكه درودیوار شامی سیاه ایدوب تمامی اهل مملكت سیاه پوش اولوب
 اوج کون اوج كجه مراسم تعزیت و شرائط مصیبت ادا قیلر قاعده
 ماتم نصكره جمعه بدبختی حاضر ایدوب کیفیت ماجرا سین سؤال
 ایتد كه جمعه حقیقت ماجرا سین مخفی قیلوب بیانه كتوردی حاكم شام
 متأسف اولوب ایتدی ای بدبخت خدا و مصطفیان شرم ایتد كيكه
 تقد رسول اللهه بوقباحی روا كوره سین بنم او غم صحبته نه لایق سین
 (شعر) ای نهال گلشن عصیان بلاد حاصاك * ظهیر ظلم و ستمد جوهر
 ناقابل * خاندان عفت و عصمت نه لایقدر سكا * مكمن اباسدر دائم
 خیال باطلك * واول بدبخت بوفیلدن پشیمان اولوب اوج کون خورد
 و خوابدن محروم اولوب درایدیكه آیاتونه فعلدر كه بنده صادر اولدی ورقم
 (خسر الدنيا والاخره) ناصیه اعماله چكیدی و نقش (ذلك هو الحسرات

المبین) صحیفهٔ احوال مدینه ظاهر اولدی (شعر) اولدی سیاه نامهٔ اعمالم ای
 دروغ * تغیر بولدی صورت احوالم ای دروغ * بن طائر خضیره کلزار قدس
 ایدم * صندردم اوزالمه پروبالم ای دروغ * اوج کوند نصیره حکم اولدیکه
 الارین و آقارین باغلدوب جزیرهٔ قبله را عدل (روایتدر که جزیرهٔ قربنه
 یتد کده بر طوفان پیدا اولوب اول بدبختی آلوب جزیرهٔ بر اقدی ومن بعد
 اندن اکر کور نمدی (شعر) جهان ایچنده بحر بدر انتقام زمان * همیشه
 یخشی به یخشی ویرر یمانه یمان * فی الواقع حضرت امام حسن شهادتی
 حسین مظلومه نسبت بر مصیبت عظمی و حادثهٔ کبرادر زیر موجب
 استیلای اعدای بد فرجام و سبب انهدام بنای شرع و اسلام اولوب پردهٔ
 بواسات و مدارایی چهرهٔ احوالندن کتوردی و لشکر اعدایی سرحد
 طغیان یتوردی (شعر) زهر اعدادن حسن شهد شهادت ایچمدن *
 بولادی اعدای دین فرصت حسین آزارنه * غمزه هر فتنه کیم پنهان
 ایدردی روزگار * فتنهٔ قبل حسن اولدی سبب اظهارنه ﴿ یدنجی باب ﴾
 حضرت امام حسینک مدینه دن مکه یه توجه ایتدیکن بیان ایدر (بونسختهٔ
 نامی که مساعدت خامهٔ سیه روزگار اشکبار ایلله ظهوره کلور و بونامهٔ
 کرامیکه معاونت کلک سرکشته بیقرار دن تحریر آلور ظفر نامهٔ سلطان
 کربلا حسین بن علی مر تضا در که درده میداننده علم آه جگر سوز چکوب
 هر دم دیدهٔ نمیدد دن قائلر دو کوب جمعیت جیوش بلیات موفوره
 واجتماع عساکر مصائب نامحصوره ایلله تسخیر ممالک الطاف سبحانی
 ایتش و فتح اقالیم عواطف الهی قیلوب سلطنت سریر تقر بده درجهٔ
 کاله یتش (شعر) تعالی الله زهی سلطانکه درگاه فک قدری * مدار دین
 ودولت قبله کاه اهل عالمدر * آکا اولمش مبرس کسب فیض دنیا و عقبی *
 اکا تسخیر ملک صورت معنی مسلمدر * و مصیبت نامهٔ یزید پر جفادر که
 شبستان غفلته تحریرک هوای نفسله چراغ توفیق سعادت انطقا
 بولمش وسیل نبل زخارف دنیا ایلله بنای ایمان و اسلام ویران اولمش (شعر)

زهی نادانکه قدرن بتیابوب توفیق اسلامك * متاع فانی دنیا به ویرمیش
نقدایمانی * توجه حشر دیوانینه قیامش ملاك دنیادن * طرازنامه اعمال
ایدوب مظلومار قان * فی الواقع ابدانیدن مفاقت ایدن ارواحه
مشاهده احوال دنیا ممکن اوسه ونفوس انسانیه انحلال بدند نصکره
امور دنیا به اطلاع بواسطه معلومدر که حضرت حسین وعلی چکدی بی
جفا اردن حاصل ایتدی بی سعادتله زمان زمان محظوظ اولوب ترویج
مزار و تعظیم اولاد و تکثیر مناقب و مدایح ایچون قیامتده دك تمقدار
تمتع الور و یزید بلید ایتدی بی عمل جزاسین کوروب لحظه لحظه تجدد لغت
و تعدد انواع اهانت و تجرع زهر مذمتدن نه بلالاره متألم اولور (شعر) دار
دنیاده بویتر اولاره * اثر جنت و نشان حجیم * محشر اولد قده خود مقرر در
* نعمت باقی و عذاب الیم * حقا که حسین شهیدك ذکر واقعه شهادتی
موجب تجدید کمال اخلاص و اعتقاد اولغین عین عبادتدر و مظلوم
کر بلاتک تکرار وقایع مصیبتی باعث تنبیه اهل غفلت اولدی بی سیددن
کمال سعادتدر (شعر) هر کیم که ذکر واقعه کر بلایله * بر ناتوانك ایل به
چشمینی اشکبار * کلزار عز و جاهنی سر سبز قیامده * اول چشم اشکبار
بترابونهار * اگر چه ذکر واقعه کر بلا تقریر ایدن زبان نوحه سر ابرق
المدن بر شعله جانسوزدر و کیفیت احوال شهیداتحریر ایدن خامه ملالت
فزا کمان کدورتدن بر ناولك دل دوزدر اما اول شعله جانسوز زبانه چکد کده
سپته ارباب محبتدن غیری موقدالتها ببولماز و اول ناولك دل دوز پروازه
کله کده دل اصحاب وفادن غیری نشانه قیماز (شعر) دولای مژگان جگر
قانه که کلدی کر به هنگامی * کل ای اشک روان کیم کندی عیش و عشرت
ایامی * کتور تقریر بر روزگارک صورت حال * که بیلسونلر ندر دنیای دون
پرور سرانجامی * نسخه شواهدده مسطور بلکه جمله عالمده مشهور که
حضرت حسین بن علی مرتضی اوچنجی امامدر ائمه اثنی عشره دن
کنت شریفی ابو عبدالله و لقب مبارکی زکی و شهید و مظلوم و سبط

اولوب سعادت ولادت میبندد هجرت کردنجی یلنده شعبان آیتک بشنجی
 کونده سه شنبه کونی واقع اولش (روایتدر که نهال خلقتلی کلشن
 سعادتده ظهوره کلوب حدیقه فضای وجودی مزین قیلد قدده مرده
 تشریف قدومی حضرت رسوله یتوب اول حضرت اشباق تمامه فاطمه
 حرمسراینه سایه التفات براغوب اسماء بنت عمیشه که قابله ایدی اول
 جوهر قابلی حضرت حضورنه کتورد کده علی ابن ابی طالبه ایتدی یا علی
 یوفرزند سعادتندی و بونطفه ارچندی نه اسمله موسوم ایدرسین مر تزی
 ایتدی یار رسول الله حاشا که بن یومصلحتده حضرتکه تقدیم ایلم صلاح
 سنک صلاحکدر اما خاطرده بو ایدیکه حضرتکزه مشاوره ایدوب
 اسمن یا حرب یا جعفر ایدم حضرت رسول ایتدی بندخی بوتسمیده ده
 واجب الوجوده تقدیم ایتم بوحاله مقارن جبریل امین نزول ایدوب
 سلام و یروب دیدی یار رسول الله بوطقتک دخی اسمنی هارون بی اوغلتک
 اسمنه موافق شبرایله تسمیه ایده سن و شبر لغت یونانیده حسندر پس
 حسب الامر اسم مبارکن حسین ایتدی لر قدر یجله اول حضرتک آفتاب
 رفعتلی کوندن کونه آسمان ولایتده درجه ارتفاع بولوب وهلال
 فطرتلی خورشید رسالتدن اقتباس انوار قبض ایتمکله ماه تمام اولوب
 جامع جمیع فضائل صوری و معنوی اولدی و هر فضیلتده اقتدار تفوق
 و هر معنیده کمال بولدی فی الواقع نه فضیلت بوندن زیاده در که مجموع
 مشاهیر ائمه و اکابر سادات آنک نسلدن اولوب سلسله سیادت اکامر بوط
 اوله و نه مرتبه اندن افزوندر که تجدید تعزیه سندن قیامتده حقیقت حق
 و باطل تمیز بوله الحق نهال خجسته که طینت زهرادن باش چکوب زلال
 جویبار شفقت مر تزی ونسیم التفات مصطفی ایله نشوه و نما بولش اوله
 معلومدر که عاقبت نه یار و پر و بر کوهر که صدف بطن فاطمه ده نهسان
 کمال مر تزی دن ظهور بولوب در بای انساب رسول الله من حاصل اولش
 اوله بقیندر که بازار حقیقتده قیمت بولور (قطعه) کر قلم اولسه قواشجار

و در بار مداد ❖ کلیه تفصیل ایله تحریریه اوصافی انک ❖ کرعد و هم کام دل
بولد بیه قلبدن نوله ❖ جمله یه مفتوحدر ابواب الطافی انک ❖ لاجرم
هر جهتدن ذات شریفی اقتضای کمال ایتدکین و عنصر لطیفی درجه
استعداد کماله یتدکین تمکین بلا و محنتده دخی رتبه کمالن کورک و مقام
شدته دخی علوم ربیه سین ملا حظه قیلک که جمیع انبیا و اولیادن ممتاز
بی معاون و مظاهر یتش ابکی زخم مهلت ایله یکر می بیک ظالم بی دین
آرامنده جدال ایدوب نه فوت انساب و اولاد اکا اضطراب و یروب عجز
و استغاثه یه باعث اولدی و نه تفرقه عیال و جزع اطفال و تکدر احوالی
آنی اضطرابه صالوب عقیده سی تغیر بولدی (روایتدر که اول حضرتک
خبر شهادتی حضرت رسوله جبرائیل کرالتله یتور مشدر و اخبار مصیبت
دفعالتله کتور مشدر اول جمله دندر بو کیم اول مظلومک ولادتدن مقدم
ام الفضل بنت حارث بر کیچه واقعه سنده کوردیکه حضرت رسولک
اعضای شریفندن بر مقدارین کسوب انک کنارنده قودیار اضطرابه
اویقودن بیدار اولوب حضرت رسول خدمته واروب صورت واقعه یی
عرض ایتدکده حضرت بیوردیکه ای ام الفضل فاطمه حالمه در
برخلف صالح ظهور بوله و اول بنم جکر کوشمدر عن قریب متولد اولوب
سن دایه سی اولور سین (روایتدر که ایلم طفولیتده برکون حضرت رسول
اول معصومی کنارنه الوب یوزن یوزینه سوروب شهراده یه تقاضای اراقت
ظاهر اولوب قطراتدن بر شحه حضرت رسولک دامن عصمتیه ایشدی
ام الفضل اول واقعه دن اراغعال پیدا قیالوب اول مظلومی عنقله حضرت
رسولک کنارندن آلدی برنوعله که طبع نازی مزجر اولوب کر بان اولدی
حضرت رسول ابتدای ای ام فضل یتشه جکر کوشه می اغلتدک
مقرر در که بوقطر نک کدورتی اندک صوالیه زائل اولور اما بو معصومک
کدورت خاطرندن خاطر مه بر کدورت یتدیکه در یار ایله زائل اولماز بو حاله
مقارن جبرائیل نزول ایدوب حضرت رسوله ابتدای رسول الله سن

حسینک برقطره آب دیده سی دو کلمه بدین مکرر اولورسین کر بلا ده
اعضا سندن یوز چشمه آچیلوب هر برندن سبیل خون اقدیغن کورسن
حالك نه اوله حضرت رسول متالم اولوب کر یان اولدی (شعر) وه که شاه
کر بلاتک محنت اظهار ایدوب * مائندن کوستر هر یبلده دوران بر بهار
اول بهارک لاله سی خونین جکر در چاک چاک * برق آه ورعدی افغان ابری
چشم اشکبار * اول جله دندر بو که بر کون نوید نشاط عبدالله خالق عالم
خرم واسباب جمعیت عالم فراهم اولمشیدی شهر ادهل اتفاقله حضرت
رسول خدمته مشرف اولوب تضرع له عرض ایلدیلر که ای سید کائنات
اولاد اکابر قریش البسه ملون مجدد ایله مباهاات ایدرلر بزدخی شجره
بوسستان ولایتز نو بهار التفات کدن خلعت مجدد استرز حضرت
بواندیشه ایله متوجه درگاه اله ایکن جبرائیل نزول ایدوب بهشتدن ایکی
حله کافور کون کتورب برین حسنه و برین حسنه نامزد قیلدی
شهر ادهل اول خلعتلری رنگدن ساده کوروب تضرع ایلدیلر که بنم
خلعتز ملون کرک حضرت رسوله جبرائیل ایتدی بوداعبه سهلدر
یار رسول الله بیور صوکتورسونلر بو خلعتلر اوزرینه دو کیم سن یدقر
شکافکله تعصیرایت شاهزاده لر لون اختیار ایتسونلر اول امره شروع
اولندقدده حضرت امام حسن ایتدی بکاخلعت زمرد فام مطلوبدر
حضرت امام حسین ایتدی بکاجامه لاله کون مرغوبدر وفی الحال
استدکلی کی هبسر اولوب خلعتلری کیوب شاد اولدقلرنده جبرائیل
کر یان اولدی حضرت رسول ایتدی ای سرخیل ملائک بنم اولادلرم
نشاطی سنی محزون ایتک بر حکمندن خالی دکل جبرائیل ایتدی ای سید
مکرشب معراجده بهشتده کوردیکک قصرلری اونوتدکی که امام حسنک
قصری زبرجد کون وامام حسینک قصری لعل فام ایدی بو خلعتلر
لونی دخی اول معنایه اشارتدر البته امام حسن زهرا یحیو حین وفات
رنگ مبارکی زمرد فام اولوب وامام حسینک رخسار شریفی خونا به

جگر لاله کون اولور (شعر) ساقی دهرک التفاتی بودر * که حسن
 ساغرینه زهر دوکر * چرخ جلادینک بودرهنزی * که حسین شهید
 تیغ چکر * واول جله دندر بوکه امام طبری تفسیر کبیرنده مسطور ایتشکه
 جله صحابه دن دحیه نام بر پاکبره سیرت کیسه اکثر اوقات تجارت کیدوب
 کلد کده حضرت رسول خدمتته هدیه سز کلردی و تحفه سز اولمازدی
 شهرزاده لر معناد اولغین هرگاه که دحیه حاضر اولوردی هر جانبدن
 آسئین و کریمانه دست اوروب هدیه تفحص ایدرلردی برکون جبرائیل
 دحیه صورتده حضرت رسول ایله مصاحبت ایدرکن شاهزاده لر کلوب
 جبرائیلی دحیه تصور ایدوب بی تکلف کناره چبقوب آسئین و کریمانه ال
 اوردیلر حضرت رسول اول حرکتدن انفعال پیدا قیلوب منع ایتک
 صدندنه ایکن جبرائیل ایتدی یار رسول الله بونلره مانع اولیه سز
 و یو حرکتلرین بکا نسبت ترک ادب ملاحظه قیلیه سز که بن بونلرک
 خدمتکاریم و حقوق وافع اولشدیر که فاطمه تهجد نمازدن صکره متوجه
 خواب اولوب بونلر آغاز کر یه قلندقه حضرت عزندن بکافرمان بتویدر که
 بونلرک که وارلرین دیره دوب کر یه لرینه تسکین و یرم تافاطمه بیدار اولیه
 ومژده (ان فی الجنة نهران ابن لعلی و حسن و حسین) صداسین بونلرک
 سمع مبارک لرینه بن یورمشم و حالا کناره چبقوب آسئین و کریمانه ال
 اورسلر عجب اولماز اما حیرتده یکه بوتجسسدن ندرم ادری حضرت
 رسول ایتدی سنی دحیه تصور ایدرلر و دحیه حاضر اولدقده بر هدیه دن
 حالی اولمازدیلر فی الحال جبرائیل بذاقتدار یله بهشتدن برخوشه انکور
 و برانار کتوروب آنلره و یرد کده تناول تدار کنده ایکن بر سائل آواز
 بتوردیکه ای اهل الیت بکا اول انکور و اناردن نصیب حواله قیلک
 حضرت رسول اکرم فطرتی مقتضا سنجده حصه و یرمک استد کده جبرائیل
 مانع اولدیکه یار رسول الله بوسائل اباسدر میوه بهشت اکحرام ایکن
 حیلله ایله تناول ایتک استر (القصه ابلیس ممنوع اولوب شاهزاده لر میوه

تناول ایتکه اشتغال ایتد که جبرائیل کریان اولوب ایتدی یار رسول الله
 یوایکی شهزاده نیک برین زهرله و برین تیغ قهرله شهید ایدلر و بونلرک
 مصیبتی سکا و وجب رفعت منزلت واقع اوله (شعر) اگر چه داقرب اولادی
 قتلتک خبری * رسول حضرتنه اعظم مصائب ایدی * ولیک فائده اول
 اعظم مصائبدن * اجل منزلت و اشرف مراتب ایدی * اول جمله دندر که
 برکون جبرائیل حضرت رسول خدمتته کلد که امام حسین اول
 حضرت کنارنده اولوب رخسار مبارکندن او پوب نوازش قیلور کن
 جبرائیل ایتدی یار رسول الله بو فرزند سعادتندی سوره بسین حضرت
 رسول ایتدی (نعم اولادنا اکبادنا) اتفاقا امام حسینک کردن
 لطیفنده رشته جانلندن بر اثر ظاهر اولمشیدی جبرائیل آکا باقوب
 منالم و منالم اولوب حضرت رسول ایتدی ای برادر بورشته اثرندن
 سر رشته ملالت طوطدیغکده حکمت ندر جبرائیل ایتدی یار رسول الله
 عن قریب دشت کر بلاده بو مظلومک فرق مبارکن اول رشته اثرندن
 قطع ایدوب آکا جفا لایده لر (شعر) کر بلادشک آواره لر ن باد قیلوب *
 اختر اشک دو کوب کردش کردون اغلر * چرخدن اغله ظالم دیو ای
 غافل کیم * چرخ بو واقعه ده جمله دن افزون اغلر * اول جمله دندر بو که
 برکون جبرائیل حضرت رسول الیه صاحبته ایکن حسین حاضر
 اولوب اول حضرت کنارنده قرار طوتدی جبرائیل ایتدی یار رسول الله عن
 قریب بو فرزند دلبندی قتل ایدلر حضرت رسول ایتدی بو امر قبیح
 کیمدن صادر اوله جبرائیل ایتدی امت یوفالر کدن ظهوره کله و جانب
 کر بلایه اشارت قیلوب و برقبضه خاک آلوب حضرت رسوله و یردیکه
 بو خاک آک مقتلندندر و آنک قانیله رنگین اوله جقدر (شعر) اول لعل پاره
 دردی اگر قیلسیدی کار * فرقینه اورمزیدی زمین سنک کوهسار *
 کر اولسیدی واسطه ماتم حسین * سیلاب اشک اقتمز ایدی چشم چشمه سار
 * شواهد النبوه مسطور در که حسین شهید سینه دن تا کف پا

و حسن تا فرقدن سینه یه دك رسول شبیه ایدی (سنن ترمذیه مذکور در كه
 حضرت رسول بیورمشكه بن حسین دئم و حسین بنندن ایزد تعالی
 سوسین آنكه حسینی سور (روایت در كه ركون حضرت رسول صحابه ايله
 بر كوچیده كبر كن بر جمع اطفال كوروب اول جمع دن بر طفلی طو توب
 نوازش قبلدی سؤال ایتدیلكه یار رسول الله بوالنفا نكه سرافراز اولان
 طفل رشیده نه قریب له و نه فسیله مظهر مریختن واقع اولدی حضرت
 رسول ایتدی بو طفل بر كون حسین له ملاعبه ایدوب خاك قدمن
 كوزلینه سوردی اول كوندنبرو بو طفله محبت بر ایشم واکا و والدینه
 شفیع اولورم (شعر) اثر خدمت حسینی علی * سبب دولت سعادت *
 ره عشقده ترك جان ایتك * موجب رتبه شهادت * شواهد النبوه
 مسطور در كه ركون حضرت حسن و حسین حضرت رسول حضورنده
 مصارع ایدرلیدی و حضرت رسول دیردی با حسن طوت حسینی
 فاطمه حاضر ایدی ایتدی یار رسول الله حسن برادر اکبر در عجبدر كه
 اصغر هوارلق مناسب ایکن اکبره معاونت قیلورسین حضرت
 رسول ایتدی ای فاطمه جبریل امین انك معاونتده در (وعیون الرضاده
 حسین بن علین نقلدر كه ركون جد بزرگوارم خدمتده ایدم و ابی بن
 كعب آمده حاضر ایدی حضرت رسول بیوردیكه (و حیاتك یا ابا عبدالله
 یا زین السموات و الارض) ابی بن كعب ایتدی یار رسول الله آسمان و زمین
 سندن غیری زینت و پرورامی حضرت رسول بیوردیكه ای ابی بن كعب
 اول معبود حقیقونكه بنم روح انك قبضه قدرتده در حسین بن علی
 نكه زبور مریکز کادر آندن زیاده زینت صحائف افلاکدر حقا که اسم
 شریفی ضلع این عرشده مصباح هدا عبارتله یازمشدر (وابن الحصان
 اسناد ای عوایدله نقل ایش حضرت رسول بیورمشكه حسن و حسین
 ایکی کوشواره عرشدرلر و اول زمانكه حضرت عزت بهشته خلعت
 خلقت و یردی خطاب ایتدیكه سن مسکین مساکین اولسك کرک بهشت

زبان حال ایله گفتاره کلدیکه یارب سبب ندر که بنی مسکینه و درویشلره
 مسکن ایدرسین ندا کلدیکه ای بهشت بوسعاده راضی اولماز هسنکه
 ارکانکی حسن و حسین ایله مزین ایدم بهشت اول مژده یه مباحات ایدوب
 ایتدی رضبت رضبت زهی سعادت مندلر که کوشواره عرش وزینت ارکان
 بهشت اولر و بارگاه قریده بومقدار رفعت و منزلت بولر (شعر) آسمان
 قدر و کان لطف و باغ علمدن * ایکی اختر ایکی کوهر ایکی سرو اولمش
 روان * جمله خلق جهانندن بوله بیلر بدل * بو برندن اول برینه غیر عقل
 خرده دان * کنزالغرائبده مسطور در که بر کون بر اعرابی حضرت رسول
 بر آه و بر هدیه کتوردی و حضرت آنی امام حسنه لطف ایتدی و امام
 حسین اندن واقف اولوب حضرت رسول خدمتنه کلوب ایتدی یا جده
 بکادخی بر آه و بره کرک و هیچ بهانه ایله تسلی بولوب کریمه آغاز ایتدی
 حضرت رسول متحیر ایکن کوردیکه صحرادن بر غزاله بچه سین اوکنه
 قاتوب تمجیل ایله کلور حضرت رسول الله حضورینه یتد کده زبان
 فصیحله ایتدی یا رسول الله ایزد تعالی بکا کرامت ایله ایکی بچه عنایت
 قیلشیدی برین صیاد طوئوب بری بنله قالمشیدی رضاعنه عشق اول ایکن
 ندا کلدیکه ای غزاله بر فرزندک حضرت امام حسنه واصل اولدی و حالا
 حسین مظلوم حضرت رسولدن آه و بره طلب قیلوب کریمه به آغاز ایتدی
 توقف ایتوب بو فرزندک دخی الک خدمتنه یتور و بو غبار کدورتی انک
 کوکلندن کتور یوخسه سبل اشکی بنای عرشه تزلزل صالور و اثر ملالتی
 ملائکه پی پیتاب و طاقت قبولر حضرت رسول اول خبردن مسرور
 اولوب آه و بره پی امام حسین و یروب خاطرین تسلی ایتدی ای عزیز
 ملائکه آسمان و وحوش ارض روا کور مدبلر که بر قطره اشکی روان اوله
 آیا انلر که رخسارن غرقه خوناب ایتدیلر نه جواب ویرلر (شعر) ای اهل
 کین ولی و نبی بوسه کاهنی * خوناب ناب غرقه سی ایتک روا میدر *
 قطع تعلق ایلک اول رسولدن * بزامت دینلره شرط وفا میدر * امام

نجم الدین اول حضرتك حسن سیرتندن كتورمشكه (الكاظمین الفیظ
والعافین عن الناس واللّه یحب المحسنین) مضمونی اكا مخصوص
ونسویدر زیرا بركون اشراف قریشله برمأده اوزره حاضر ایکن برملوك
خدمتکاری برظرف ملو مجلسه كتورر كن الیری دتره یوب اول طعام کرم
شهرزادهك فرق مبارکنه دوکلده خدمت امام تأذیله خدمتکاره
باقده خدمتکار توهم ایدوب زیاننه بوجاری اولدیكد (الکاظمین الغیظ)
حضرت امام تبسم ایدوب ایتدی کظم غیظ ایتدم خدمتکار ایتدی
(والعافین عن الناس) حضرت امام ایتدی عفو قیلدم خدمتکار
ایتدی (والله یحب المحسنین) حضرت امام ایتدی سنی مالیدن آزاد
ایتدم ومعیشتك کندی ذمه لازم قیلدم حضار مجلس بوواقعهیه متخیر
اولوب انصاف ایتدیلر (خواجۀ پارسا فصل الخطابیه همین بومقدار
کتورمشكه حضرت رسولك عضو مبارکی اولان جکر کوشهله بونعت
یترکه) انما یرید الله لیذهب عنکم الرجس اهل البیت ویطهرکم تطهیرا
آنلرک شانددر (شعر) مدح حسین ووصف حسن قبایسهلر طلب *
ختم کلام ایدوب قیلهلم مختصر سوزی * اول ایکی برکزیده دور زمانه در *
ایکی جهان پناهی جهانك ایکی کوزی * مصابیح القلوبده مسطور در که
جبرائیل بهشتدن برانار و برسیب و بر به کتوروب حسنه و حسینه و یردی
حضرت رسول ایتدی ای جکر کوشهلم بوموهری والد ووالده کن
حضورنه ایلتوب اتفاقله تناول قیلك اماهر برندن برمقدار ذخیره ایدك
(روایتدر که اول قاعده اوزرینه هر کون تناول ایدوب برمقدارین ذخیره
ایتدکده ینهدرست اولوردی فاطمه دنیادن کتدکده آنار غائب اولوب
مرتضی دار عقبایه انتقال ایتدکده به دخی معدوم اولدی اما سبب حضرت
حسین ایله قالوب دشت کر بلاده آنکله قطع عطش قیلاوردی واول
حضرت شهید اولدقده اول دخی غائب اولدی اما زین العابدیندن
نقلدر که اخلاصله حضرت حسینك تربت زیارت قیلن اول سبب

رایحه سین استشم ایدر (شعر) ای خوش اول درگاه عرش آسای عالی
 قدر کم * خاك پاكندن مشام جان آلود بوی بهشت * حبذا اول مرقد
 اشرف كه خاك پاكينك * تشنه جلاب و صلیدر لب جوی بهشت *

چون اوصاف نه اول پادشاهك نهایت یوقدر وانك محامد و سقایی چوقدر
 و بو مختصر دن غرض ایراد کیفیت احوال كر بلاد در تطویل كلامدن
 احتراز اولنوب مقصود و مطلوبه رجوع ایتك اولی در چن ارای حدائق
 حزن و ملال و باغ پیرای ریاض انقلاب و اختلال بو رنگه غرس
 نهال اظهار حال ایتش و بو هوا ایله جو بار تخریر زلال روایت یورتمشكه
 چون معاویه بن ابی سفیان مسند حكومت كده درجه استقلال بولدی
 و مخالفین و منازعه سز ریاست ملكه مستولی اولدی استقامت ملك
 و استقامت حكم ایچون استعفا قبلدیکه یزیدی ایلم حیاطه ولی عهد
 ایدوب سر بر سلطنته نصب ایده و اول ظالمی نائب مناب ایدوب دنیادن
 کیده پس تدریجله ترتیب مقدمات ایدوب و اطراف و جوانبه مكاتب
 و مراسل ارسال ایدوب جمیع اکابر شام و عراق بیعت الدی ربقه
 بیعتدن خارج همان اعزّه حجاز قالدی و بو مصیحت ایچون کندی بالذات
 اول دیاره کندی و انارک دخی اکثرن هر نوچه له ممکن ايسه راضی ابتدی
 اما درت کیمسه بو صورتده امتناع ایدوب دائرة بیعتیه کیرمدیلر و یزیدك
 خلافتنه قطعا رضا و یرمدیلر بری حسین بن علی و بری عبدالرحمن
 ابن ابی بکر و بری عبدالله بن عمر و بری عبدالله بن زبیر و خصوصده
 نه اظهار ملایمت و نه ایثار ملاطفت انلره مفید اولدی و نه آثار تهدید و احتراز
 غلظت فائده قیلدی رفقای اربعه بیم ابرامدن اتفاقله مکه معظمه دن
 مدینه منوره به انتقال ایلدیلر و بقیعه بطحادن خطه یثربه نقل مکان
 طریقله محمل عزیمت یورتدیلر و الی شام انده دخی واروب انواع جدوجهد
 ایدوب چاره قیلدی و بو واقعه ك هیچ تدبیرله اصلاحن ایده بلدی
 (القصة بو صورت مستمرایدی اول زمانه دك كه كندی دنیادن کیدوب یزید

مقام و منزلی مقرر اولدی و زید علیه السلام مسند ایالتده قرار
بولدی (شعر) ظلم تخمین اگدی ملیکه دور روزگار * جوور سمن قیلدی
دوران ستمگر آشکار * رایت اقبالی قیلدی یزیدک سر باند * چکدی
آل مصطفی قصدینه تیغ آبدار * بو خطادن تابد حکم بی یارب انفعال *
بو جفادن روز حشر اولمازی یارب شرمسار * اول ستمکار بد کردارک
اعیان بیدوائی وارکان بدحشتی برکون جمع اولوب بو پیاده تزویری بساط
شطنج فساده یور تدیلر وانی یوفته یه تحریص ابتدایر که اگر استدامت
سلطنت واستقامت حکومت مرادک ایسه اناک زمانده بیعت کدن
تخلف ایدنلری بیعت کتور واکر کلزل ایسه غبار کدور تلرین نوجهله
اولورسه مرآت ملکدن کتور که نظام ملک اختلاف عقاید قبول ایتمز
و مخالفت بوستاننده نهال تمتع بمنز اول مدبر بونصیحتی آنلردن قبول
ایدوب مدینه حاکیمه برنامه یازدردی بومضمونه که استحقاقله یروزینک
خلیفه سی اولان واستقلاله مسند خلافتده توفیق امارت اسلام
بولان معاویه بن ابوسفیان دار دنیا دن انتقال ایدوب حالانوبت
اجرای حکومت بکایتش مدبر و حاکم دیوان قضا متصدی حل وعقد
نظام عالم بنی ایشدر هر آینه لازمه در که جهور خواص وعوام وجع
اکابر و اصاغر نوع بنی آدم بنی امام مفترض الطاعه و خلیفه
واجب الطاعه بیلوب مطیع اولوب ربه انقیاد مدن رقبه اطاعت
چکمدیلر و کلزار اطاعتمده موهبت دامت بتوره چک نهال مخالفت دیکیلر
ایمدی سنکه والی مدینه اولان ولید بن عتبہ سین کرکدر که اول دیارده
اولان اعظم و اشرف ائدن خصوصاً پدر بزرگوارم زمانده بیعتمدن متمرد
اوللردن بیعتم اله سین واکر قبول ایتمز لسه قتل ایدوب باشلرن شاهه
کوندروب انتقامه امیدوار اوله سین چون ولید بن عتبہ بومضمونه
اطلاع بولدی متحیر اولوب ایتدی یارب نه مشکل قضیه واقع اولدی اگر
مضمونه مخالفت ایتسم دنیا ده ضرر کورمک مقرر در واکر مطاوعت

قیلسم حرف آخرت عذاب اکبر در اتفاقا اول زمانده مروان بن حکم
مدینه ده ساکن ایدی حاضر ایدوب بوصورته مطاع ایتد کده اول مفسد
ایتدی اگر آتش فتنه شراره ایکن انطفا بولسه مروایاه حدت اشتعال
بولد قد نصکره اول شراره نک دفعه تدبیر مشکل اولور وسبل بلانک
ابتدای تحریکده ره گذاری طو تلمسه تدربحله تزیاد بولوب تدارکی الدن عمان
اختیاری آنور (شعر) عاقل اولدر کیم قضای امره فرصت وارایکن *
حسن انجامن اسیر دام تأخیر ایتیه * هر ایشک تدبیر انجامنده اهمال ایتوب
* کند وزن مجروح تیغ زلّه تقصیر ایتیه * حال مناسب اولدر که اول درت
کیسه بی احضار ایدوب بیعت عرض ایده سین اگر قبول ایتز لسه انلره
حاکم حکمین یوروده سین ولید بن عتبہ آنلرک احضارن مرواد ایدوب
اخبار ایتد کده امام حسین ایله عبدالله بن زبیر برآزاده بولوب عبدالله
ایتدی یا حسین ولیدک بزله ند مصطفی واراوله امام حسین ایتدی او یله
اکا بر مکد والی شام فوت اولوبدر وشمع حیاتی شبستان حکومتده انطفا
بولوبدر زیرا بوکیجه واقعه کوردم منبری نکونسار اولمش واساس
شوکتی بوزلمش وحالا بوخبر ولیده یتوب شوع بولدن بزدن بزیدک بیعتن
آلق استرو بزی تدبیرله دائره بیعتد صالقی استر عبدالله ایتدی یا ابن رسول الله
بوله اولورسه صلاح ندر حسین ایتدی بزدن نه مناسب بر فاسقک
بیعتد کیرمک وخلافتده رضا ویرمک حقا که بوهی سر اولیه جقدر و بومعنی
صورت بولید جقدر (شعر) حاش لله کیم ملک فرمان بر شیطان اوله *
اهل عصمت تابع آوده عصیان اوله * قنده جائزدر بوکیم ویران اولوب
بنیاد شرع * اهل ایمان اولین مؤمنلره سلطان اوله * بوسوزده ایکن
ولیدک آدمی تکرار احضار لینه نأ کید ایتد کده حسین بن علی
صورت غضب کوستروب ایتدی بونه تعجیلدر هیچ کیسه کلمه ده بن
خود کلورم ولید منسلی اولسون قاصد معاودت قیلوب واقعه بی عرض
ایتد کده مروان ایتدی ای ولید حسین کلبه جکدر ولید ایتدی ای مروان

حسین بن علی کذاب و غدار دکل چون کلورم دیدی البتہ کلور (شعر) کل
 بوستان وفادر حسین * در درج صدق و صفادر حسین * جگر کوشه
 حضرت فاطمه * سرور دل مصطفادر حسین * ولید بن عتبہ بر مؤمن
 باک اعتقادیدی اهل بیتک طریق امانت لرنده ثابت قدم و محبت لرنده
 صاحب سدادیدی (شعر) محب خاندانک خاطر پاکنده کین اولماز * هوای
 نفسدن بنیاد ایمانی خال بولاز (القصہ حسین بن علی کندی منزله کلوب
 ملازماندن بر نیچه مسلح کیمده بیورد بکه بنه دار الامارہ کک
 و طشرده حاضر اوک اگر بکا قصدایتسلر ممکن اولدقده معاونت قبلک
 اول سلطان سر رامات و اول شیر پیشه شجاعت حضرت رسول اللہک
 ردای مبارک لریں بوینده صاروب و عصای شریف لریں انه آلوب ولیدک
 منزله متوجدا لوب سراینه کیرد کده ولیدله مروان شہزادہ تعظیم
 ایتد کدن صکره صورت احوالی عرض ایتدیلر اول حضرت بیورد بکه
 بو بر قبضه مختصر و امر محقر دکل انک کبی بر معتبر کیمسه خلیفه
 اولوب بنم کبی بر معروف کیمسه کبر لو بیعت ایتک مناسب کورلماز یارین
 بر جمع عالم ایدک و بو حکایتی اظهار ایدک اول مجتهدہ ہرنه صلاح ایتسه
 اصلاح اولنه ولید ایتدی یا حسین صلاح بودر مروان ابتدی یا ولید
 حسینک حبسنه حکم ایت بو منزلدن خروجنه رضا و یرمه کہ آنی بردخی
 الہ کتور مک دشوار اولور و آنک مجاورت و مقاومته قدرت اولوب
 بو مصیحت تعویق بولور بو تکلمی استماعندن حضرت امامہ غضب
 مستولی اولوب ایتدی یا بن الزرقا کیم اکا قادر در کہ بنی حبس ایدہ حقا کہ
 بکا نسبت سقاہت قبلہ نک فایله یربوزین کلکون ایدرم پس ولیدہ
 یوز طوب ایتدی ای ولید بز اهل بیت رسالت و خاندان نبوت بز
 مقامین محل تردد ملائک مقربدر و ہمیشہ ناول دعا من هدف اجابته یتک
 مجربدر یزید کہ خیار و فاسق و فاجر و ظالم و اهل فساد در بیعت ایتک
 بزدن نہ لایقدر حضرت امامک تکلمن غایت صلاح بتدہ استماع ایدوب

ملازم آل حر بله دخول ایتک تدارکنده ایکن حضرت امام چیه قوب
 کند و سراینه روان اولدی مروان ایتدی ای ولید حسینی حبس ایتدک
 خطا قیلدک ولید ایتدی ای مروان حاشا که بن حسینه قصد ایدیم حقا که اگر
 شرفدن غریبه دیک بکوشر طله ویرسد لر رضا ویریم واکا جفا روا کوریم
 زیرا روز محشر مصطفی ومرتضی زهراء از مردن خجالت چکمک دشوار
 اولور والبتہ بوکون اهل بیتہ جفا قیلان قیامتده شرمسار اولور (شعر)
 خون آل مصطفی دوکر مسلمانم دین * قصد اهل بیت قیلان اهل ایمانم دین *
 عادت ایتیز کندویه محمد بغضی * روز محشر طالب توفیق غفرانم دین *
 بو حاله مقارن بر مکتوب محمد یزید پلیددن ولیدہ ایرشدی بو مضمونله که
 ای اعظم اعیان حشمت واکرم ارکان رفعت اولان مدینه حاکی ولید بن
 عتبہ شمول مرحمت و عموم مکرمت اختصاصند نصکره بویه معلوم
 ایدہ سنکه بوندن اقدام بیعت اشراف حجاز خصوصند مکتوب ناصر غویم
 و نامه نام قبول ارسال اولمشیدی اصلا آثاری ظاهر اولدیغنه سبب ندر
 معلوم اولدی ایمنی کر کدر که بیعتی لازم اولنردن شمدی یه دیک بیعت
 آنندی ایسه فهو المراد واکر هنوز مقام تأخیر و توقفده ایسه تأخیر و توقف
 ایتوب کال دقتله اقدام ایدوب بهر حال بو امری سرانجام ایدہ سین و فی
 الواقع کوره سین اول درت کیسه قمر ایدوب بیعتہ کرمک مقرر اولدقدہ
 و عصیانلری اطاعتدن ثبوت بولدقدہ عبدالله بن زبیر و عبدالله بن عمر
 و عبدالرحمن بن ابی بکره چندان ملتفت اولیه سین زیر اقدہ اولسه ل بنم
 غضبم آنلره ملحق اولور و هربری نرایه سلوک ایتدی ایسه بندن جزای
 عمان بو اور اما حسین بن علی دفعنی لازم یلوب و قتل ایدوب باشن کسوب
 بوجانبه ارسال ایدہ سنکه اول آفتاب اوج شجاعت و سپهر ولایتده
 درخشاں اولدقجه بنم اختر ناقبالم احتراقده در و دولت دنیا آتک ملازمتہ
 مراجعت بولدقجه بکا نسبت دائره نفاقده در ولید بن عتبہ اول
 مکتوبک مضمونه اطلاع بولدقدہ ایتدی حقا که اگر یزید پلید بکا جمیع

سلطنت ویرسد حسین بن علی قتلند رضا و یریم و زخارف دنیا ایچون
 آل محمدك ناحق ره قاتنه کیریم (شعر) حاشا که ملک دنیا ایچون ترک دین
 ایدم * آل رسولی کسته شمشیر کین ایدم * حاشا که جاه و دولت بی اعتبار
 ایچون * شاد ایلوب یزیدی حسینی حنین ایدم * پس اول حکمك
 صورتی تحریر ایدوب بر محرمه حضرت حسینده ارسال و عرض ایتدی که
 ای نور دیده زهراوای سرور سینه مصطفی و مرتضی حاشا که سنك کی
 پادشاهه بنم کی کدادن ترك ادب صادر اوله و مرأه ضمیر شیر کر آدن
 کدورت بوله (شعر) چیقسون اول کوز که سکا ایلده قهر یله نگاه *
 یانسون اول دلکه سنك بغض که در منزلگاه * سنسن اول آل که سنك
 صدق له طوتمز انکک * یتمسون کانه هر کی که سکادر بدخواه * اما و هم
 آندنر که حاکم شام بندن بر اهل مال اکلوب بود یاره بر ظالم کیمده ارسال
 ایلده و تدارک احوال ایچون فرصت فوت اولوب اختیار الدن بکده (شعر)
 شاه اولان فتنه بدخواهدن اولماز غافل * شیر اولان حیله رو باهدن اولماز
 غافل * سالک راه خرد حزم طریقن کوزر * ره گذارنده اولان چاهدن اولماز
 غافل * حضرت امام بو حاله واقف اولد قده و بوضوئه اطلاع بولد قده
 محقق ییلبیکه ناظم کارگاه قضا صحت اخبار کر بلا ایچون ترتیب مقدمات
 ایتکده در و پرده خفاده مستور اولان اسرار حکمت تهیه اسبابله
 ظهوره یتکده در لاجرم قوس قضادن اتلان ناول قدر بر نشانیه حواله
 اولسه سپر تدبیر و صوانه مانع اولماز و کلشن تقدیرده ریاحین اموره نسیم
 وعده مرور ایتسه آچلمده توقف قیماز حضرت امام اول کون اول
 کیجه یدک تفکر و تحیرله صبر ایدوب کیجه کیم دیده سلطنت روز نورانی
 کوکبه استیلا ی شب ظلماتی به بدل اولدی و صورت حال روزگار
 انقلاب حوادثن تغیر بولدی اول شمع شبستان ولایت و چراغ دودمان
 امامت حضرت رسول اللهک مرقد مبارکی اوزرینه واروب کر یان کر یان
 تراشه یوز سوروب و نهایت تعظیم و تکریم برله سلام و یردی (شعر) السلام

ای آستانک رشک فردوس برین * خاک روب در کهک مژگان چشم حور
 عین * السلام ای خادم درگاه قدرک جبرئیل * مدحتک قرآن و مداحتک
 اله العالمین * یا رسول الله بنم کام دل زهرا حسین * یوز سوروب درگاه که
 کلام دل افکار و حزن * اول بنم کیم امتک حفظی امر ایتدک بکا * اول
 بنم کیم کنج اسرار ه بنی ایتدک امین * امت ظالم بکا اظهار یداد ایتدیلر *
 بیکسم بیچاره ام سن سین بکا انجق معین * تمامی شب تا صبح تضرع لر
 قیلوب عبادت لر ایتدی بر نوعله که صدای تسبیح و تهلیل آسمانه یتدی
 (القصه اول کون دخی کیجه یه دک زیارت ایدوب ایکنجی کیجه ده کمال
 حیرت نرکس شهلا سین مستغرق خواب ایدوب و تفکرله چشم حقیقت
 بنی بر زمان اوبقویه واروب واقعه سنده کوردیکه حضرت رسول جمیع
 ارواح مقدسه ایله حاضر اولوب اول سید مظلومی باغرنه باصوب دیدی
 ای جگر کوشه مظلوم وای امام زاده معصوم بنم شفاعت ایدوار اولر
 و مسلمان دیو دعوی باطل قبلر سنی دشت کر بلا ده تشنه و کر بان شهید
 ایدرل و اول عرصه بلا ده سنک و اولادیک قانندن جو یبارل یوریدرل
 (شعر) کلدی اولدم کیم سنک قانکله رنکین اوله خاک * ایده لر ظلمه سن
 مظلومی ظالم لر هلاک * کلدی اولدم کیم سنی بیدر دل قتل ایدلر * اوله سین
 ملحق بکا زار و حزن و دردناک * اما حاشا که انلره بنم شفاعتم نصب اوله
 و رعایتدن اول طائفه طاغیده بهره بوله ای حسین مر ترضی و زهرا و حسن
 محبتی منتظر دیدارک و حور و غلمان نکران ماه رخسار کدر و قنقدر که
 شربت و صلاک مر هم داغ فراق و پرتو جلالک شمع شبستان اشتیاق
 ایده سین حسین ایتدی یا جداه حالا که ملاقات مبر اولوبدر و طالب
 مظلوم بن بولوبدر نوله دنیا به مر اجعت قیاسم و بردخی اول دام بلایه
 کرتار اولسم (شعر) ملول اولدم جهان بیوفادن * طوتلدی کوکلم
 اول محنت سرادن * نوله قطع ایتسک اندن ارتباطم * کوتورسک اول
 کذر کهدن بساطم * دعا قیاسک که لطف حضرت حق * بکا کوستریمه

دنیای مطلق * حضرت رسول ایتدی ای حسین درجه شهادت مستلزم
رجوع دنیادر حالاسکا دنیایه مراجعت ایتک اولیدراشای تکلمده امام
حسین کوردیکه حضرت رسولک کلکونی زعفرانی اولمقددر
و کسوی معتبرلین کرد کدورت طومقددر مضطرب اولوب سؤال
ایتدیکه بونه علامتدر حضرت رسول ایتدی ای نور دیده زهراوای
برکزیده آل عبا بوغبار میدان بلا یعنی اثرستخیر خاك کر بلاد بوغبار
کدورتدر که مرأه چیت کدن کر بلاده صورت سروری نهان
ایدر و بو کرد مختدر که مصیبتک اعلامی ایچون اول بادیه دن آسمانه کیدر
حضرت حسین اضطرراله بیدار اولوب گاه وعده دیدار ایله خرم و کاه تنکر
مفارقت اولاد و عیال ایله پرغم منزل شریفنه یتوب مدینه اقامتدن کول
کتوروب سفر مکه عزیمت مصمم قیلدی اما انده دخی قرار طومتوب
کر بلایه متوجه اولدیغن کندیویه مقرر قیلدی پس طریق وداعله
حضرت امام حسن مرقد منوری اوزرینه کیدوب سلام و یروب ایتدی
(شعر) الوداع ای سروکار ارامت الوداع * الوداع ای شمع نرم استقامت
الوداع * الوداع ای زهر نأثیر یله رنگ سبز قام * الوداع ای سبزه باغ ولایت
الوداع * اندن دخی نقل مکان قیلوب سروقامتک شمع مزار زهر ایلدی
اول روضه مبارکده کلبن دردندن کونه کون کلر آچلدی هر زمان
برنوحه ایله آغاز و هر دم برسر و دله دمساز اولوب دیردی السلام ای صدف
کوهر حیاتم وای معادن کوهر ذاتم التفات ایتکه وداعه کلشم و و آخر
زیارتدر (روایتدر که روضه مبارکدن برآواز کلدیکه وعلیک السلام
ای فرزند ارجندم وای نطفه سعادتمندم برمدتدر که تشنه زلال وصال
و مشتاق آفتاب جام جهاد ایتکه عن قریب پرده حجابی تیغ اعدا ایله چاک
و مرأه ذاتک غبار کدورتدن صیقل سنان ایله پالک ایده سین حضرت امام
اندن دخی نقل مکان ایدوب تکرار مرقد رسول الله اوزرینه کلوب تجدید
زیارت ایدوب وداع ایتد کدنصکره منزله کلوب تهیبه اسباب سفر قیلوب

شب جمعه شعبان آیتك در دنجی كونده دولت شهادت ابدی ایله ساعت
 سعاد اختیار ایدوب امر ایتدیکه حجاب بارگاه رفعت و سرا پرده عز و اقبال
 و شادروان عظمت و اجلال این خاك یثربدن کتوروب بدرقه هدایت
 خطه حجازه روان اوله لر و رایت نصرت ولوای نزهت لاین مدینه
 میداندن مکه جانبزه متحرک قبله لر (شعر) یوکلندی بارخانه چکلندی
 قطارلر * افلا که چیقدی روی زمیندن غبارلر * آثار نعل سم سمند
 سپاهدن * نقش مجره قیلدی میان رهگذارلر * تمامی اعیان و اشراف
 مدینه بمنزل مشایعه طریقله همراه اولوب مراجمت قلوب حضرت
 امام کندی خواص همایونی ایله متوجه اولدی اما منزل بمنزل قطع راه
 ایتدیکه منازلده و مراجلده اکثر اوقات گاه حضرت موساك فرعوندن
 قاجوب خونخوار بیابانده حیران قالدیغن روایت قیلوردی و گاه حضرت
 ابراهیم نمروددن فرار ایدوب هولناک بادیله رده سرگردان اولدیغن
 حکایت ایدردی و بیورردیکه علامه قرب واجب الوجود تجرع
 هلاهل محنت و بلاد و نشانئه قبول درگاه معبود تحمل مصائب رنج
 و عنادر (شعر) جورا غیاره صبرایلمن * بولمازا اهلیت تقرب یار * سر بسر
 خاردر کل اطراف * سنکدر اهل معدینه حصار * اثنای طریقده
 برکون عبدالله بن مطیع که محب خاندان ایدی و مکه دن کلوب مدینه
 جانبزه روان ایدی و اول حضرتك ملاقات شریفه مشرف اولوب
 و دولت ملازمتلرندن سعادت عظمی کسب قیلوب اظهار ثنا قیلدی
 بومضمونه که (شعر) مر حبا ای نور رویکدن منور کائنات * جوهر
 ذات شریفك جامع حسن صفات * مر حبا ای وارث علم رسول هاشمی *
 مقتدای اهل ایمان هادی راه نجات * و حضرت امامك مضمون مقالات
 و قراین حالاترندن شمه مافی الضمیرلرین معلوم ایدوب طریق ادب برله
 عرض ایتدیکه ای برگزیده آفاق وای سید علی الاطلاق اگر چه جمیع وقایع
 احوال ضمیر منیر گره روشندر و بزندن حضرتکزه نسبت اظهار نصیحت

ترك ادب اولديغى محقق ومعيندر اما اقتضای حسن صداقت وكال
 مخالفت تكليف جرأت تكلم قبلورياين رسول الله مكه معظمه يه تشریف
 بيورد قدہ يولور مكه اعيان كوفه مكاتب ومي اصل ارسال ايديوب حضرت نكره
 تكليف حضورايدرلر زهار اول كلمات كذبہ اعتماد ايتمه سزومكه دن كوفه
 جانبہ كتمہ سز اول بيوفارده اويله كه بن كوردم وفا امكاني يوقدر واول
 كروهك صلاح دن فسادلى چوقدر يقيناييله كه اكر مكه ده طرح اقامت
 راغوب تمكين قبلسكر واول بقعه شريفده توطن ايتمه راغب اولسكن
 اهل مكه سزدن غيرى اختيار ايتزلر وسزنده اولد چقه غيرك حكمن آده
 يوترملر حضرت آنك كلاتمه تصديق ويروب وداع قبلوب روان اولدى
 ميورله منازل وميراحل قطع ايديوب امارات مكه وعلامات بطحاعيان
 اولد قدہ اشراف واعزه مكه خبردار اولوب طريق استقبال ايله بابوس
 شريفندن كسب سعادت قبلوب اول حضرتي كال تعظيم ونهايت
 تمكريمه شهره كتورد كده زبان كننكره بنای كعبه بوسرودله مترنم ولسان
 زمزمه زمزم بواد ايله متكلم اولدى شعر (شعر) مي حبا اي مسند آرای
 سريعر عزوجاه * مي حبا اي شاه قدس ملاك روحاني سپاه * مي حبا اي عرصه
 ايمانه احكامك روان * مي حبا اي حوزة اسلامه اقبالك پناه * قبله كاه
 كعبه ديدار شريف كدر سنك * كرچه خاك كعبه در اهل جهانه قبله كاه *
 حضرت امام سعادت واقبال ايله نزول ايديوب متمكن اولد قدہ اشراف
 حجاز كروه كروه خدمت شريفلرينه كلوب مبارك باد منزل قبلوب اوقات
 خجسته اول حضرتہ اقتدای نماز ايدرلردى وآندن بيعت آلوب كيدرلردى
 (روايتدر كه يزيد پليد قبلندن والي مكه اولان سعد بن عاص اكابر حجازك
 حضرت امامه مي اجعتن كورد كده توهيم قبلوب مكه دن مدينه يه فرار
 وكيفيت احوالى اول نابكاره عرض قيلدى (القصة بوخبر جيع بلاد
 وبقاعه منلشر اولوب خصوصاً كوفه ده شايع اولدى واشتهار بولديكه
 حضرت حسين يزيدك بيعتندن امتناع ايديوب مدينه دن مكه يه تشریف

یورب اعوان وانصار جمع ایتکده در کوفه دن هوادارل سلیمان مر د
خزاعی حجره سنه جمع اولوب بوصلاحی کوردیلر که طریق معاونت
ومظاهرت مسالوک ایدوب حضرت امامه عرض صداقت قیلر وانک
رکاب همایونده درجات دنیا و آخرت بوله لراکا رواشراف کوفه دن یتش
نفر معتمد کیمدر مثل مسهب ابی رفاعه بن سداد وحیب بن مظاہر
ومحمد بن اشعث شریح قاضی حضورنده قسم یاد ایدوب اتفاق ایتدیلر که
خاندان نبوت و ولایت طریق مودتده مال و جانلرین دریغ ایتدیلر وحسین
ابن علیدن غیرک حکمن کوفه ده یورتمیلر وحضرت امامه برمکتوب املا
ایتدیلر و مضمونه که المنته الله رایض توفیق هدایت وقائد تأیید سعادت
عنان توسن اعتقادمری طریق ضلالتدن منحرف قیلوب شاهراه نجاته
منعطف قیلش وچهره آملرهمفتاح اقبال ابواب مودت خاندان ولایت
مفتوح ایدوب ضمیرمزه محبت اهل بیت صالمش همواره اکا طالب
ویوسسته اکا راغب که صحیفه امر خلافتدن ازاله نقش خلاف ایتکده
وجریده حکم امامتدن رفع رجس مخالفت قیلقدنه کمال اقدام ونهايت
اهتمام اظهار ایدو زاما امامزومه قندامن یوقدر حالابویله استماع اولاندیکه
اشداعدای دین واصل اضداد خاندان سیدالمرسلین یزید بن معاویه
عدم استحقاقله استدعای جلوس مسند خلافت قیلوب اول آفتاب
اوج ولایت وشاهباز آشیانه رسالتی یعتنه تکلیف ایتش واول حضرت
دخی امتناع ایدوب آثار مخالفت پرده خفاده ایکن درجه ظهوره یتش
ایمدی اول سروجو بیار کرامت وشکوفه نو بهار سعادتدن متوقع ومترقب
اولدر که طریق عنایت والتفات مسلوک اولوب بوجانبه لوای نصرت
تحریریک بولوب بومخلصه لرینی قدوم سعادت لزومبله مشرف قیلر
وبوبنده لری کندویه احباء صادق واداء موافق یلر (شعر) وقتدر کیم
سبره زار خشک سال فرقتی * رشحه لطفیله سیراب ایدو برنو بهار *
وقتدر کیم برنو خورشید عالمابدن * زمهره احبابه پرنور اوله چشم انتظار *

اگر بوسه‌دات مبسر اولسد و بودعاجابت بولسه کوفه‌یه قدم با صدقه
 یزید قبلندن حاکم اولان نعمان بشیر یکه بر پیر ضعیف در شهر دن اخراج
 ایتمن مقرر در مجمله مقاومت اعدا ایچون هر نه اسباب مقصود ایسه بو کون
 کوفه ده مبسر در نامه تمام اولدوقده عبدالله مسمع همدانی و عبدالله بکری به
 تسلیم ایدوب ارسال ایتدیلر جواب کلدین متعاقبا بو مضمونه برنامه دخی
 بشیر بن نمیر و عبدالرحمن بن عبدالله روانه قیلدیلر آنلرک عقبنجه خان بن
 هانی و سحی بن عبدالله خشعی و آنلرک عقبنجه شیب بن ربیع و عروقه بن
 قدس و عمر بن حجاج و سعید بن عبدالله روانه اولوب (الفصه متواتر
 بو مضمونه یوز بکرمی کتابت کوندروب اظهار کمال صداقت ایتدکده
 حضرت امام اهل کوفه نک مکاتب متواترین کندویه حجت یلوب و نیت
 اجرای حق ضمیر منیر لنده رسوخ تمام بولوب ترویج اموردین ایچون دیار
 کوفه‌یه عزیمت مصمم قیلدی اگرچه اول دیارده مبتلای بلیات اولدیغن
 محقق یلاردی امام مقرر قیلدی که کندودن مقدم مسلم عقبی اول دیاره
 روانه قیله و کندی دخی متعاقبا متوجه اوله پس اکا برواشراف کوفه‌یه
 برنامه تحریر ایتدی بو مضمونه که حد یحدا اول مبدع اشیا و مخترع
 ماسوایه که نوع انسانی توفیق عقل و اختیار له سائر مخلوقاتدن ممتاز ایتمش
 و سیاس بقیاس اول مصور اشکال کارخانه دنیا و مدبر احوال دار
 القرار عقبا یه که جمیع نوع انساندن فرقه انبیاء توفیق تفوق و یروب
 شرف امتیاز ایله سرفراز ایتمش و درود نامعدود و صلوات نامحدود اول
 سرور کائناته که فرقه انبیا دن جوهر استعدادی اشرف و اعلی درو تحیات
 بی غایت و تسلیمات بی نهایت اول فرقه احبابه و زمره اصحابه که قبول
 صحبت صدر رسالت بولوب اکا طاعتلری جمیع عملدن اولدر اما بعد
 بوناه نامی و مکتوب کرامیکه متضمن کمال نصیحت و متکفل وصول
 سعادت در بندنکه حسین بن علی مرتضای سزه که اعزه و اشراف کوفه سز
 ای فرقه احبابی صادق الاعتقاد و ای زمره اودای خالص الوداد مکاتب

مخالصت مکتوب بگز که طریق اتحاد و جادۀ اعتقاد دین تبلیغ اولنشدیدی
 واصل اولوب مضمونه که محض اظهار اخلاص طوبیت و کمال بیان
 صفای نیت ایدی اطلاع حاصل اولدوقده استدعا کنه اجابت لازم کلوب
 اول جانبۀ عنایتی تصمیم اولوب حالاً مسلم عقیل که اعقل اشرف
 بنی هاشم وارشد جمیع اکابر و اعظامدر کند و قیلدن اول جانبۀ ارسال
 ایتدم کر کدر که مقدم شریفن مغتنم بلوب طریق مرافقت و موافقتند
 دقیقه در بیغایتیه سز و بونوعله اعزاز و اکرام ایلده سز که آثار شکر ی ظاهر
 اوله و جانب شریف کردن تسلی خاطر بوله بقین که بنم تحریک لوی رفعت اول
 جانبۀ آنک نسیم اخبار حصول مرعانه مشروط در ورشته اهتر از رایت
 همایونم اول دیاره آنک سلسله اعلام حسن رضا سنه مر بوطدر (شعر) ای
 کورن لر آتی تشریفمدن اولک نا امید * کیم بهار عالم آراد رکل سیراب من
 ای کورن آتی بکا امیدوار اولسک نوله * صبحدر اول صادق خورشید
 عالمتاب من * مکتوب شریف شرف اتمام بولدوقده حضرت مسلم عقیله
 تسلیم ایدوب بیوردیکه ای بنم مهالک شدیده اعظم اعوانم و مضایق
 کر بنده اقرب اخوانم محل مرافقت و زمان موافقتدر بوجانبندن امت
 محمد اوزریمه حجت براغوب اظهار حق ایتکه که رغیب ایدر لر نه عذرله اهمال
 ایتک اولور و بر جانبندن اعدای دین اتفاق ایدوب هلا کنه قصد ایتشملر
 مقاومت ایتک اولمزسه فرار ایدوب قنده کتمک اولور (شعر) طوفان فتنه
 قوی دی کلک غرق اولدن * رخصت صلاح چچکیم بر کناره یه * اولدوقده
 حسن و عقله تدبیره احتمال * دل شیشه سنی اورمیه لم سنک خار یه * حالا
 بر نیچه مؤمن کسنه لر مکاتب ارسال ایدوب بزی دعوت ایتشملر تغافل
 ایتک اولمز و تعلل ایتکه ناره استیلا یعد و انطفا بولمز صلاح اولدر که
 سن بندن مقدم اول دیاره واروب تفحص ایده سن فی الواقع افعال لرینی
 اقوال لرینه موافق کورر سن اعلام ایده سن بن دخی توجه ایدم مسلم عقیل
 حضرت امامک حکم شریفنه انقیاد ایدوب هم اول کون متوجه اولدی

هنوز بمنزل قطع ایتمدن مسلك جانب یمیندن برصیاد حقیقه کلوب
النده برصدی اولوب فی الحال ذبح ایتمدی مسلم اول قضیه بی کندویه
مبارک کورمیوب معاودت ایدوب حضرت امامه ایتمدی بنم کوفیه
کتیم صلاح دکل زیرابویوانده بوحاله صتا شدم حضرت امام ایتمدی ای
مسلم رضای طریق حق مخاطره در قبول ایدن سالک اولور وهر کوهر
مقصود کرداب بلادده در غواص اولان انی آلورا کر قوه واهمدك غالب
ایسه برغیری کسنه تعیین ایدلم مسلم کوردیکه حضرت امامك رضای
آلك کتمسندیه درزیاده مبالغه ایتمیوب عرض عذر ایتمدیکه یا امام بنم و همم
خوف موتدن دکل اما آندندر که من بعد دیدار شریفك کورمیوب
محروم قالم و دوات ملازمه کندن بی نصیب اولوب غربته اولم (شعر)
ای جهانك مطاع خورشید اقبالم بنم * کون یوز کندندر مبارک متصل
قالم بنم * دولت ذوق وصال کندر بنی خوشحال ایدن * بیلزم سندن جدا
دوشسم نولور حالم بنم * حضرت امام دخی بوحاله کریان اولوب طور دی
(شعر) ای کوکل آه ایله کیم آه ایلک هتکاء بدر * ای کوزم قان اغله کیم قان
اغلق ایاء بدر * آیریلور بندن بو کون حالم بریشان ایلوب * اولیکه
کوزنوری کوکل مطلوبی جان آرا میدر (القصه) مسلم عقیل دیدۀ کریان
ودل بر پانه وداع ایدوب مکهدن چیقوب مدینه توجّه قیلدی حضرت
امام تهیئه اسباب سفر امرنه مشغول اولدی (روایتدر که سبب عداوت
حسین مظاهوم مخالفت صوری و معنویدر اما مخالفت معنوی ابکی
وجهله در بری اولیکه آغاز خلقت موجودات و بدایت ایجاد مکنوناتده
جیع جواهر نفوس انسانیه بردفعه ده مخلوق اولوب تدر یجله تنکنای
قوه دن فضای فعله توجّه ایتشلم و مضمون حدیث (الارواح جنود
مجنده) مقتضا سنجده ننگ تناکر و تعارف طومشلم لاجرم سابقه ارتباط
بواوب اوجمه عده بر برینه قریب اولان ارواح عالم اشباحده بر برین
بولدقه آرا زنده سلسله الفت سابق متحرک اولور و بعد اولنلر بر برین

وورد کده آرالنده نفرت ازلی البته اثر مخالفت صالور هر آینه بو
 اقتضادندر اول مخالفتکه عبدالشمس اولادی هاشم وامبداراسنده ایدی
 واول عداونکه عبدالمطاب و حرب اراسنده ایدی واول نزاعکه حضرت
 رسول الله و ابوسفیان اراسنده ایدی واول کدورت که علی و معاویه
 اراسنده ایدی واول فتنه که حضرت حسین ایله یزید پلبداراسنده ایدی
 و مخالفت معنویه نك بروجهی دخی اولدر که ذات نك واجب الوجود
 مصدر صفات جلالیده و جالبه اولوب اقتضای ظهورایتد کده اختلاف
 مظاهر لازم کلوب استعداد نفوس انسانیه استحقاق قهر و لطف ایچون
 حکمت مقتضاسنجه ایکی قسم اولش بری مستجمع جمیع فضائل اولوب
 واول ارواح انبیاء و اولیا و صلحا و اقیاب بری مستجمع جمیع رذائل اولوب واول
 ارواح کفار و فجار و ظلمه و فسقه و اشرار و اشقیادر لاجرم بوا یکی گروه
 همیشه مخالفت اوزره اولوب حضرت حسین بن علی فرقه اولیندن و یزید
 پلبد زمره آخریندن واقع اولش و مخالفت صوریدخی هر جاتبدن ایکی
 وجهله در اما حضرت حسینک یزیده اظهار خصومت قبلد یغنگ ایکی
 وجهی وار بری اولکه چون امر خلافت تصدی اجرای احکام شرعیه
 و تکفل تققدامور عریفه درو یزید که خیار و فاسق و فاجر اولوب اصلا ارتکاب
 مناهیدن اجتناب ایتمزدی و رعایت ناموس شریعت طریقن طوتمزدی لاجرم
 غیرت امامت و مسند خلافتی انکله الوده روا کورهدی و آنک خلافتنه
 رضا و یرمدی و بروجهی دخی اولدر که حضرت امام حسن ملاحظه
 اقتضای زمان ایدوب منازعه منده تأخیر ایتمکین بعض کسنه اول تأخیری
 صلح صورتی کوروب معاویه ده رایحه استعداد خلافت استشمام ایدرکن
 اگر حضرت حسین دخی یزیدک بیعتن قبول ایتمزدی بنی امیه نك دعوی
 خلافتلرینه تصدیق واقع اولوب قطعاً شک قالمزدی لاجرم حسین
 بن علی نقد حیاتن صرف ایدوب اول سرهنانی ظهوره کتوردی و بنی امیه نك
 بطلان دعوالرین درجه وضوحه یتوردی و یزیدک دخی اظهار عداوت

قیلد یغنگ ایکی وجهی وار بری اولنکه مسند حکومتمده قرار ایتد کده
 حضرت حسینی بیعتنه تکلیف ایدوب حضرت امام امتناع ایتدی
 و بوجهی اولنکه عبدالله زبیرک برجهله عورتی اولوب زبیرک اواز
 حسن و جمالن استماع ایدوب عاشق اولمشیدی و انواع حبله لرله اول
 عورتله عبدالله زبیرک اراسنه مفارقت صالوب طلاق الدیروب تزویجنه
 فرصت بولمشدی (القصه ابو موسی اشعری بی ارسال ایدوب اول عورته
 طالب اولدقده و ابو موسی بومصلحت ایچون توجه قیلدقده حضرت
 حسینه ملاقی اوایوب حضرت حسین ایتدی ای ابو موسی توجهک نه
 جانبه در جواب ویردی که یا ابن رسول الله مطلقه ابن زبیری بزیدن معاویه
 مطالب قیلنمه عزم ایتشم حضرت حسین ایتدی ای ابو موسی اگر اول
 مستوره زبیرک عقدندن امتناع ایدر سه بنم ایچون طلب قیل ابو موسی
 حسینه دخی و کالتک قبول ایدوب روانه اولدقده عبدالله بن عمر دخی
 کوروب بو طریقله سفارش قیلدی (القصه ابو موسی اوچ شخصک
 و کیلی اولوب اول خانوک حرم سراینه یتد کده خاتون انواع اعزاز
 و احترام ایتد کدن صکره ایتدی ای ابو موسی بو بنده خانه یه تشریف
 بیوردیغ کدن غرض نه اوله ابو موسی ایتدی ای مخدره زمان وای مستوره
 دوران سنک کی نازینه کنج عزالت و گوشه وحدت بکلیوب او تور مق
 مناسب کورغن بعض کمنه لر علاقه تزویجنه طالب اولمشلر در اگر خصت
 و ارایسه عرض ایدیم اول مستوره ایتدی ای ابو موسی اهل سعادت
 صلاحندن تجاوز مورث شقاوتدر خصوص صاستک صلاح کدنکه متضمن
 کمال سعادتدر ابو موسی ایتدی و صالکه طالب و تزویجکه راغب اولنلرک
 بری زبیر بن معاویه و بری حسین بن علی و بری عبدالله بن عمر و بری بنم
 خاتون ایتدی ای ابو موسی بن رنوجوانم و سن بر پیر کمن سال سنکله
 خود بنم مناسبیم بو قدر سن بو غرضدن فراغت قبل و بی غرض
 بیان ایتکه اول اوچ شخصدن قنغیسی بکالنسب و الیقدر ابو موسی ایتدی

اگر حکومت مرادك ايسه يزیدی قبول ایت و اگر حسن صورت
استرسك عبدالله بن عمر اتصالتنه رغبت قیل و اگر سعادت آخرت
تمناقی اورسك حسین بن علینك دامن اتصالن الدن براقه خاتون ایتدی
حکومت امر زائلدن و حسن صورت فنایه قابلدن خاطر م نجات آخرت
و مصاحبت زهرا یه مألدن پس بو وجهله اقرار الوب ابو موسی اول خاتونی
حسین ایچون عقد ایتدی و بو خبر مدینه یه یتد کده محمدر سلسله عداوت
اصلی اولدی (شعر) چرخ هر فتنه کیم استرقبله عالمده عیان * اسهل
وجهله اسبابنه انجام ویرر * صالوب اول فتنه بناسنك اساسن اول *
روزگار ایله اکا صورت اتمام ویرر * سکرنجی باب مسلم عقبلاک شهادتک بیان
ایدن * روایتدر که اول آفتاب ظلمت سوز آسمان رسالت و اول ماهتاب
عالم افروز سپهر سعادت یعنی (یجاهدون فی سبیل الله) طریقتک مقتداسی
(وجاهد الکفار) معرکه سنک صاحب اواسی (شعر) شاه ایوان رسالت
ماه کردون وفا * معدن احسان و رأفت منبع صدق وصفنا * خازن کنج
شریعت مظهر اسرار دین * سرو کلزار نبوت در درج اصطفا *
پیور مشکه (ان العبد اذا سبقت له منزله لم یبلغها بعمله ابتلاه الله فی جسده
اوفی ماله اوفی ولده ثم صبره علی ذلك حتی ینال منزله الی سبقت له) یعنی
بر بنده قابل سابقه فطرده استعداد فطری ایله بدرجه اعلی و بر مرتبه
قصوایه قابل اولسه که اول مرتبه بی اعمال صالحه و افعال ستوده ایله
حاصل ایتک ممکن اولیه لاجرم واجب الوجود اول بنده بی بلا لایله امتحان
ایدوب یا امر اض جسمانیه یه مبتلا قیلر یا فوت اموال ایله اضطرابه صالریاموت
اولاد ایله پریشان قیلر و اول مصیبتلرده اکا صبر و یروب اول صبرله
مستعد ادراک مرتبه مقدر قیلر (شعر) کرتمنا قیلسک ای عارف بلادن
استه کیم * هر بلا ضمنده بیک احسان مقرر در سکا * ایتک اولمز بی بلا
ادرالکیل هر مراد * کر بلا چکسک مراد دل هبسر در سکا * فی الواقع چون
دنیا بادیه فنادر و جمیع احوالی بی بقادر دنیده بلا چکن دنیدان چقد قدده

خلاص اولدیغن ادراك ایتسه شکر ایتیمی وراحتده اولان ترك دنیا
 قیلدقه فوت اولان راحت نأسفك عذابی اكا یتمی حسین منصور
 عارفدن مشهوردرکه برکون مناجاتده دیردی الهی حقیقتك حقیقون
 خزانه بلیاتك ابوانی مفتوح ایدوب هر نه بلا وارا یسه بکاروزی ایت و بی
 جمیع بالارده امتحان قبل اگر طریق محبتده عنان ارادت می ذره جه منحرف
 کورسك بنی سلسله اصدقان اخراج ایدوب مردود ایله حقا که اگر
 مقرض ریاضت برله ذره ذره اعضای وجودی قطع ایتسه لقطه کمال
 ارادت نقصان اولیه و صورت صداقم تغیر بولیه (شعر) عاشق اولدر کیم
 جفا تیغدن اکراه ایتیه * ذره ذره قیاسلر اعضا سی آه ایتیه * قان
 ایچه صبر ایلیه هر دم فغان وآه ایدوب * درد عشق یاردن اغباری آگاه
 ایتیه * روح الارواح دن نقلدر که برکون بر عزیزر بیمار درویشك
 عیادت نه واروب وآنی انواع بلیانه گرفتار کوروب تسلیمه طریقه ایتدی
 ای درویش عاشق معشوقك جفا لینه صبر ایتسه دعوای محبتده صادق
 دکل درویش ایتدی ای عزیز غلط ديدك عاشق معشوقك بلار دن ذوق
 بولسه عاشق دکل (شعر) عاشق اولدر کیم بلا ذوقنی ادراك ایلیه *
 عشق دردی دبدم کوکلن فرحناك ایلیه * ای عارف اهل محبت بلا یه
 صبر ایتسه کله سائر خلق دن ممتاز اولورلر وارباب وفا جفا یه تحمل قیلغله حریم
 وصاله طریق محرمیت بولورلر (شعر) دعوای محبت ایتك آسان اولز *
 جمع اولز اگر کوکلن پریشان اولز * عاشق غم اودینه یا نسه شمع صفت *
 مقبول حریم وصل جانان اولز * عبدالله مبارک روایت ایتسه که برکون
 عزیمت کعبه قیلوب صحرا ده تنه یوررکن بر طفل کوردن که شمع
 رخسار کدن آفتاب تابان نور آلودی و کسوی مشکباری آفتابه سایه
 صالوردی متحیر اولوب دیدم (شعر) خضر در بو طفل یا الیاس یا آب
 حیات * کیم بودر تنه بولور آتی کورن غمدن نجات * استقبال ایدوب
 سلام ویردم جواب ویردی دیدم کیمسن دیدی حق بنده سی دیدم قدن

کلورسن دیدی حقندن کلورم دیم قنده کیدرسن دیدی حقه کیدرم
 دیم بو صحراده نه طلب ایدرسن دیدی حق رضاسن دیم توشه راهک
 ندر دیدی توادردیم بوبادیه خونخواره تنهانیچه تردد ایدرسن دیدی
 زیارته متوجه اولدیغ بدن غافل اولمز دیم ای مخدوم زاده اگرچه
 صورتده طفل سن اما عنیده کامل کور بنورسن ایاقنی قبیله دانسن دیدی
 ای ابن مبارک بز صورتده کوی محبت بلا کشاری یزوکوشه محنت مشوشلری یز
 یعنی مظلوملرو مهموملرز کاه اسنلای اعدادن خاطر پر یشانمز مضطر
 وکاه وادی غر بده هر آت مرادمن مکدر اما حقیقته سلاطین قرب
 وقبول و سکن سرادقات مقام وصول یزدندر کرمت هنکامه محشر
 و یزدندر افاضه انتفاع زلال کوثر (شعر) یز بقامل کینک استغلاله سلطانی یز
 * معنی ایله باقی یز صورتده کرچه فانی یز * بونی دیوب نظرمدن غائب
 اولدی و خاطر مفرقتدن غایته کدورت بولدی طواف کعبه
 و سیر اولدقده کوردیم که اول طفل بر مجمعه مسائل حرام و حلال
 نقل ایدر حقیقت سؤل ایتدکده دیدیلر بو آدم آل عبا ونور دیده مصطفی
 و هر تضادر بودر مقتدای ار باب یقین یعنی علی بن الحسین زین
 العابدین پس خدمت شریفله مشرف اولوبالن او پوب عذرله ایتدم
 یا ابن رسول الله نه کم قبول مصائب و رفعت مر ایتدن شرح ایتدیکز
 صریح و صحیح در فی الواقع بلا نشانه قرب و قبول اولسیدی احبایه
 نصیب اولردی و محنت اقتضای کمال قیلسیدی ار باب طاعت اختصاص
 بولردی (شعر) قابل فیض بلا شایسته در کاه اولور * هیچ شک یوق کیم
 بلا مخصوص اهل الله اولور * بو شرطله که بلا نشانه قرب الهی
 و موجب حصول سعادت نامتناهیدر کمال قرب و قبول حضرت رسول
 اولاد و اتباعنه حصر اولمشدر و نهایت علو منزلت آنلرده اختتام
 بولمشدر یز از مره نوع بنی آدم دن بلکه جله مخلوقات اهل عالم دن هیچ
 آفریده آنلرجه بلایه صبر ایتمش و هیچ فرده آنلرجه اثار بلا ایتمش اول

جمله دندر مسلم عقیل و اولادك کیفیت شهادتاری و وقایع اندوه
مختلری انجمن آرای مجالس محنت و غم * و چهره خراش عرابس ماتم
بوسرودله نوحه بنباد ایتش و بنوحه ایله شهیدلر ماعنی طوتمش که مسلم
عقیل حضرت امامی وداع ایدوب مکدن مدینه کلدکده کثرت
مخالفتدن احتراز ایدوب کیجه ایله شهره کیروب حضرت رسولک مرقد
مبارکدین زیارت ایدوب وداع ایتدی و اول مزار شر یقندن کئدمه نزلده
کئندی (القصة) فرار ایتوب ایکی نورس اوغلی واری ایدی بری محمدنام
سکر باشنده لطافت حسنه برخوردارید عالمنا بوری ابراهیم نام ایدی
باشنده طراوت رخسارله برلاله سیراب آنلری همراه ایدوب و باقی اطفال
و عیاله وداع ایدوب هم اول کیجه کوفه عزمنه روان اولدی (شعر) آه برق
آسایله برابر آتش بار ایدی * رهگذاری اشك آلتدن قوکلزار ایدی *
رهبری کوزباشی کوس رحلتی صوت فغان * توشه سی غم همدمی داغ دل
افکار ایدی * چشمی پر خون اشکی کلکون کوکلی محزون قدی خم *
غصه دن هر کون پریشان هر کیجه بیمار ایدی * بو طریقه قلع قطع طریق
ایدوب منازلده و مراحله انواع مکاره و اصناف شدائد کوروب گاه ظلمات
دود آله علامه منازل ایدوب عاجز و سرگردان اولغله و گاه سیلاب
سروشک رهگذران طوقوب متحیر قالمغله برمدن نصکره کوفه یه یتوب دار
مختار دیمکله معروف بر منزلت نزل ایتدی اشراف و اعیان کوفه قدومندن
خبردار اولوب گروه گروه کلوب اظهار شوق ایدرلر ایدی و طریق مطاوعت
کوستوب بیعت آلوب کیدرلر ایدی (القصة) جزوی زمانده اون سکزیبک
مبارزنامی دائره بیعت کیروب دست ارادت دامن تولا سنه محکم ایتدیلر
مسلم عقیل اول طائفه کمرآت عملارنده صورت اخلاص مشاهده
قیلوب خاطر جمعه حضرت امامه آنلرک اطاعت و انقیادلرین اعلام ایدوب
حضور شریفدن استدعا قیلدی نعمان بشیر که کوفه ده یزید جانبدار حاکم
ایدی مسلمک کلوب حسین ایچون خلقدن بیعت آلدیغن معلوم

ابتد کده اهل کوفه بیرون کون جامع کوفه به جمع ایدوب کنندو بالذات منبره
چاقوب ند اقبالیکه ای اهل کوفه بومعلوم اولدیکه سزمسلم عقبلی کتوروب
انازفساد ایتش سزم بوحرت مناسب دکل یزیدحاکم قهار و ملاک جباردر
بواحواله اطلاع ولدقده سزم سیاست لازم کاور و غضب متوجه اولور
کور دیکه مجرد تهدید ایل اولفته تسکین بواز و نصیحتله اصلا حیدر اولوز
یزیدک کوفه ده اولان مخاصری مثل عبدالله بن مسلم باهلی و عمار بن ولید
و عمر بن سعد یزیده صورت انفاقله واقعه یی عرض ایتدیلر بومضمونه که
شهباز شکار انداز نشین عز و علا حسین بن علی مرتضی فتح ممالک
هواسیله آشیانه سندن پرواز ایدوب ابتدای عز مننده شهپر نصرت سایه سن
دیار کوفه به راقش و اول سرچشمه طوفان جلادتدن بر جو بیار بلا
جانب عراقه آتشد ر اگر وقتیه بوا مره تدارک اولمز سه و وقتیه بودرده
دوا بولمز سه مرور ایل سر رشته تدبیر امور الدن کیدر و بود یارک تمامی
اشراف و اعیانی اکا توجه ایدر اگر کوفه به احتیاجک واریسه بروالی
صاحب سیاست ارسال ایت یزید پلید بواخبار ملالت آثاره اطلاع
بولدقده و بوضورت احواله مطلع اولدقده توهم زوال نعمت دل بیقرار یتک
قرارین آلوب و خوف ازاله دولت اول بی ثباتی اضطرابه صالوب دقت تمامه
ملکک نظامنه متوجه اولدی وهم اول ساعت تهمت تقصیر یله ولید
ابن عتبہ بی مدینه ایالتدن عزل ایدوب یرینه ابن الاشدرقی نصب ایتدی
و کوفه خصوصنده اعظم اعیان بیدولت و اقدام ارکان ناحشمی اولان
سرحون نام وزیر یله مشاوره قبلدقده سرحون ایتدی ای خلیفه
اگر مرادک بوفساد رفع اولق و بونائره فتنه انطفا بولق ایسه نعمان
بشیر که بر پیر حقیردر کوفه دن عزل ایدوب یرینه بصره حاکی اولان
عبیدالله زیادی نصب ایتکه اول امر امارتده نادر و دفع هر فساد قادردر
(شعر) خار دیوار ریاض ملک و ملت حفظ یچون * نوک تبغ ابدارحاکم خونریز
اولور * حکم مفدار نجه حا مکده سیاست هم کرک * نبشده کم افراطی هر فکاک

فساد انکیر اولور * یزید سر حوک صلاح بن قبول ایوب عیبدالله زیاده
بر نامه یازدردی بو مضمونله که حالیا السنه احواء صادق واقفواہ اوداء
مشفقہدن بومستقاد اولندیکه حسن بن علی بنم کبی خلیفه زمانک
بعیتدن انحراف ایوب اطراف وجوانیه نامہلر کوندروب خلقی کندویه
دعوت ایتکده در خصوصاً بصرہ اهلنه و کوفہ خلقنه اندن نوازشنامہلر
کلوب انلردن اکامکاتب و مراسل کتیکده در ائمدی سنکه عیبدالله زیاد سن
مثال واجب الامثال واردا اولدقده و مکتوب و مضمونی وضوح بواقدقه
کر کدر که بواصری نفس بصرہده تفحص ایوب بوقتیہ باعث اولنبری
بولدیروب دفع و رفع ایتد کدنصر کره کندو جانبکدن بر مہمد کسنہدی
بصرہده نائب ایوب بالذات کوفہ دیارنه توجه قیله سن و اول دیارک
دخی ابالت و حکومتن کندیکه مقرر بیله سن وضبط وربطندہ مجد اوله سن
و بنش اولکم بنم خوان التفاتمدن نوالہ احسانہ اولوقت استحقاق بولور سن
و خزائنہ مرحمتدن تشریف استحضانہ اولدم مستحق اولور سن که معمار
فراسنک سنک حراستدن اطراف عراقہ بر حصار مستحکم چکوب و رد
اعدا ره گذارنه سنک ریزہ تدبیر و تدارک دو کوب فرصت ویرمیه سنکه
حسین بن علیک من بعد نسیم تصوری اول کلزاره کدار ایدہ و اول بقعه
اهلندن اکامتوا ترسل و رسائل کیدہ و آتدہ اولان محب و محلصلر بن
بولدیروب دفع و رفع ایوب عنایتہ امیدوار اوله سن یزیدک مکتوبی عیبدالله
زیاده ایرشد کده اتفاقاً ہم اولزمانده حضرت حسن بنک سلمان نام
برملوکی اولوب مکتوبلر کتوروب بعض کسندلری طریق حقہ ارشاد
ایتمک اشتهالندہ ایدی عیبدالله زیاد واقف اولوب و بعض مسلمانلری
دخی انکله متهم قیلوب قتل ایتد کدنصر کره یرتہ قزنداشن تعیین ایوب
کوفہ جانبہ روان اولدی و کمال اهتمامله عراقی حفظنه توجہ قیلبدی بعض
تواریخده بومسطور در که اول مفسد کوفہ قرینہ بتد کده توقف ایتدی
تا کیجہ دن ابکی ساعت اولدی پس تغییر صورت قیلوب باشنه بر عمامہ

مسکین صاروب و هاشمیلر کی طیلسان بر اقوب نقابله روانه اولدی
 اشرف واعیان کوفه دن مترصد قدوم حضرت امام اولوب انتظار
 چکملر اول وضع و وفارله آتی حسین بن علی تصور قیلوب استقبال ایدوب
 رکاب همایونه وز سوروب دیرلردی (شعر) المنه لله که مراد اولدی مبرسر *
 شاد ایلدی عاشق لرینی و صلاه دلیر * تبدیل اولوب روز و صلاه شب هجران
 * خورشید چیتوب ایلدی آفاقی منور * و اوکنه دوشوب نهایت تعظیم
 و تکریمله دارالاماره یه یتدکده نعمان بشیر و هم ایدوب دارالاماره
 دروازه سن بغلوب اوزرینه چیتوب آواز یتوردیکه ای نطفه رسول الله
 بوفته یه باعث اولمه و تصور قیلمه که بوملکی زید سنک تصرفنده قیوب
 تعال قیلنه روا بر زحمته ارتکاب ایتک که قرب زمانده ضایع اوله (شعر)
 عاقل اولدر که ایتدیکي عاک * فکر ایده ابتداده انجامن * اودکل کیم
 تأمل ایلدیوب * کوره غفلت ایله ایامن * حال اصلاح اولدر که بوکیجه رغیر
 منزلده آرام طوتوب استراحت قبله سن صباح اولدقده نه کیم صلاح
 ایسه عمل اولنه اهل کوفه نعمان بشیره طعن ایدوب تهدید ایدرلر ایدی
 ای بدبخت بو حسین بن علی مر تضاونقد بر کزیده مصطفادر دارالاماره یه
 دخولدن منع ایتمه و طریق مخالفت و معاندت طوته مسلم عقیل اول
 جمعه ایدی حقیقت حالی معلوم ایدوب ندا قیلدیکه ای قوم بوشخص
 حسین بن علی دکل مفتونی اولمک حیلله سنه اعتماد قیلک عبیدالله زیاده
 هجوم عامدن احتراز ایدوب چهره ناپاکدن نقاب الوب کندیسک اظهار
 ایتدکده نعمان بشیر اندن واقف اولوب دروازه قصری آچوب عبیدالله
 زیاد قصره کوروب سائر اهل کوفه نومید اولوب متفرق اولدیلر و گروه گروه
 کندی و منزل لرینه توجه قیلدیلر صبحدم که صدای کوس نوبت سلاطین
 ظالم پیشه دیده سکان سرا پرده راحتدن خواب غفلت الدی وزمن مه فساد
 صبحی کش دماغ ارباب لهوه دغدغه تردد فساد صالیدی عبیدالله زیاد
 استقلال ایله مسند حکومته قرار طوتوب واعیان و اشرف کوفه یه توقیع

حکومت و ایالتی را بر از ایدوب گاه مواعید اشفاق و الطافله جبار کسر
 قلوب اولدی و گاه وعید و تهدید ایله انلری سیاستدن خبردار قیلدی مسلم
 عقیل بو حالتدن خبردار اولدقدن خاطر شریفنه و هم مستولی اولوب دار
 مختاردن چیقوب هانی بن عروه منزله کلوب ایتدی ای هانی بن بوملکده
 غریبم و سندن غیر یه اعتماد ایتم و حالا بو احوالک سر انجاسی
 معلوم اولنده ک بکا سنک منزله اولق مناسبدر هانی بن عروه مباها نلر
 قیلوب اول حضرته کندو سراینده مناسب منزل تعیین ایدوب و اول
 شرفدن افسر عز و اعتباری آسمانه یتدی هم اول دائرة بیعتنده اولان
 مخلصلر ملازمتمده تردد ایدرلر دی و خدمتمه کلوب کیدرلر دی اما عبید
 الله زیاد اول مدبر پرفساد شام و سحر مسک تجسس و تفحصنده اولوب
 برکون مفضل نام ملوکنه ایتدی ای مفضل مسک بوش-مهرده اولوب
 حسین ایچون خلقدن بیعت الدیغن تحقیق ایتمشم اما بلزم قنده در
 اگر تجسس ایدوب معلوم ایده جک اولسک سنی مالمدن آزاد اینرم
 بلکه انواع الطافله دخی بر مراد ایدرم مفضل بیدولت اول خدمتی
 قبول ایدوب تجسس ایدرکن برکون جامع کوفه ده برپا کبره صورت
 مؤمن کوروب خاطر نده جزم ایتدی که بومسک متعلقانندن اوله جقدر
 حضورنه کلوب ایتدی ای مؤمن پالک سیرت بن معتقد حسینم و بیک ایچه
 نذر ایتمشم و کتور مشم که مسلم و یرم اما بلزم که قنده در بر لطف ایت آنی
 بن فقیه کوستر (شعر) کردنم کرم ایت سلسله قیدی کوتور * النفات
 ایله بنی منزل مقصوده یتور * اول مؤمن ایتدی ای عزیز و بجه خلق
 اراستنه نه بلدک که بن شیعه حسینم مفضل ایتدی حسن خصالتک
 و لطف افعالتک شهادت و یردی اول مؤمن ساده دل غافل آنک قولنه
 تصدیق و یروب ایتدی ای عارف غلط ایتدک بن اول طائفه دغم و بکام مسلم
 عوسجه دیرلر (شعر) ای بسا صدق کیم ضرر یتورر * قاله محنت و
 بلا کتورر (القصه مسلم بن عوسجه اول ملعونی الوب مسلم عقیلک

خدمته کتوردی وهادی توفیق اولوب منزل مقصوده ی‌توردی مفضل
مسلم دیدارنه مباحات قلوب الی او یوب نذرن ملازم‌لرینه تسلیم
ایدوب مصحف کتوروب قسم یادایتدی بیعت الوب اندن چقدقده
عبیدالله زیادی اول احوال دن واقف ایتدی عبیدالله زیاد اول واقعه‌یه
مطلع اولدقده فی الحال مجمع عام ایدوب اول مجمعه اسمای خارجه دن
ومحمد اشعث دن هانی بن عرومه ک احوال ن استفسار ایدوب ایتدی اول قنده
درکه کورنمز دیدیلر یا میر یحضور در ابن زیاد ایتدی اول یحضور د کل اما
ایشتم برمانعی وار نه قدر مانعی واریسه برآز زمان مجلسه کلک اولمزی
هانی بن عرومه خبر کوندروب عبیدالله زیادک شوقن اظهار ایدوب
حضورن لازم ایتدیلر هانی بن عرومه عزیمت ملاقات ایدوب منزلدن
چیقوب قصر اماره یه یتدکده اصحابه ایتدی ای عزیزلر بو کون
بو قصر دن بنم کوکله بروهم مستولی اولدی عجب بو کون بو قصر دن بکا
برضرر ایرشمیه اصحاب واحباب اکا تسلی و یروب ایتدیلر خاطرک تسلی
ایت نوله جقدر هانی بن عرومه قضایه رضایروب و دائرة تسلیم ونفویضه
کیروب مجلسه قدم باصوب سلام ویردکده ابن زیاد نک سلامن کنایه ایله
الوب اکا صورت غضب کوسردی هانی ایتدی ای امیر نه واقع اولدی
ابن زیاد ایتدی نه واقع بوندن زیاده اوله که مسلم عقیلی مقرکده پنهان
ایدوب زمان زمان خلقی بیعتده تکلیف قیلوب ملک احوال ن پریشان ایدرسن
هانی انکار ایتدی عبیدالله مفضلی حاضر ایدوب اکا انفعال ویردی
هانی کوردیکه انکاره مجال یوق معترف اولوب عذرله ایتدی ای امیر
حقا که انی بن اختیارله منزله کتورمدم کندو اسنبیلای شوکت کن دن
متوهم اولغین بنم منزله پناه کتوروب بکا دخی انک معتمدن حیا مانع
اولدی ایمدی چون بنم منزله انک اولدیغنه رضای شریفکن یوقدر
مراجعت ایتدکده اخراج ایدهیم عبیدالله ایتدی هیهات سن مسلمی بکا
کتوروب تسلیم ایتمینجه کمت ممکن د کل هانی ایتدی بو هر کز مبرس اولز که

بن مسلمی سکا تسلیم ایدم عید اللهه غضب مستولی اولوب انك حبسنه
امر ایتدی اسمای خارجه فریاده کلدی که ای غدار نابکار وای بدعهد
جفاکار بز بودردندی بو عهدله و بو شرطه مجلسکه کستور مدك حلالونه
عالمدر عید الله زیادك غضبی زیاده اولوب اسمای خارجه یه ایدالز ایتدروب
پیوردیکه هانی بن عروهك بدن ضعیفن عربان ایتدیلر و بشبوز تازیانه
اوروب عقابه چکدیلر وهانی بن عروه سکسان طقوز یاشنده بر پیرایدی
صحبث رسول الله ايله مشرف اولمش معتمد صاحب توقیر ایدی حضار
مجلس استشفاع ایدوب انی ایندیردیلر یوزینه دوشد کده رحته
واصل اولدی (شعر) قیلدی جلا دفلک خوزیرلک بنیادنی * ایتدی
ظاهر دور ظالم عادت معتادینی * باغبان دهر آچوب خون جگر
سرچشمه سن * قاله سیراب قیلدی گلشن یدادینی * بو خبره سلم عقیله
ایرشد کده اول حضرت اوغلن شریح قاضی اوینه کوندروب کندو
استعداد حربله مهیا اولوب دائره بیعتنده اولان یکجهتلر ندا ایتدردیکه
ای طریق مساعدتده می دانیم دینی سعادت مندلر وای میدان مجاهدتده
سر بازلق دعواسن قیلن سر بلندلر (بسم الله) بو کون اظهار عقیدت
کونیدروبودم اثبات جلالت دهیدر (روایتدر که فی الحال بکرمی بیک
مقداری سپاه خونخوار و مبارز خنجر کنار استعداد رزمه مسلم حضورنده
قصر اماره بد متوجه اولدیلر و اول قصر رفیع البنیانی نکین خام کی احاطه
قیلدیلر عید الله زیاد اول حاله واقف اولوب کندو قصر ایچنده قلوب سائر
عسکره محمد کثیری سر کرده ایدوب رخصت مقاتله و محاربه و یردی ایکی
جانبدن نیران محاربه اشتعال بولوب وهنگامه رزم کرم اولدی (مشوی)
افسر رایت اولدی کردون سای * چغدنی چرخ برینه ناله نای * کوس
فریادی اولدی عالم کبر * مرده موت و یردی صوت نفیر * قوم یوبرده
نعل رخس دفين * عرصه محشر اولدی روی زمین * بس که طراغه
چرخ کچر رفتار * خلقك آب حیاتك ایتدی نثار * ایچوب اجرای خلك آب

حیات * دیر بلوب اولدی قابل حرکات * یرو زندن قو بوب سهاماند *
 ایلدی میل آسمان بلند * ظلمات ابتدی رزمکاهی غبار * روز رزم
 اولدی کردن شب تار * اول شب تاره شمع رزم افروز * اولدی نوک سنان
 عالم سوز * اول معرکه رشور و مهلکه پرفتور و نوباوه کلزار بنی خلیل
 یعنی اشجع صنادید عرب مسلم بن عقیل سمند کوه تمکین برق سبرایله
 جبرانه کلوب برانده افعی رمح خونخوار و برانده های تیغ صاعقه
 کردار آلوب هر چله ده بر چله یه زهر فنا ایچ ردی * و هر نرده بر کروهک
 طبور ارواحن آشیان بدن اوچور ردی (شوی) دوزدی که عین و که
 یساره * صالوردی لرزه خصم بقراره * دما دم رزم بازار ایدوب تبر *
 دو کردی قان چالردی تیغ خونریز * اورردی حیدر کراردن دم * آنک
 رزمنده بر زال ایدی رستم * عبیدالله زیاد که قصردن معرکه به نظاره
 قبلوردی و مسلم عقباک کیفیت شجاعتن بیلوردی کندی لشکر مغلوب
 و مسلم لشکر غالب کوروب حضورنده اولار رؤسای کوفه به حکم
 ابتدیکه اهل کومه یه تهدید ایدلر پس کثیر بن شهاب محمد بن اشعث و شمر
 ذی الجوشن کی بد بختلر ندا بتوردیلر که ای اهل کوفه بودم شامدن کلن
 لشکر یحساب بوجانبه توجه ایتشلردر بلکه حوالی شهره یتشلردر وقتدر که
 جمیع اهل و غیا لکن اسیر اوله و جله مال و نه مال لکن نقصان غارت بوله کند و کره
 رحم ایدیکر و فرصت وارابکن هر بریکر بوجانبه کیدیکر (شعر) رعد
 و برقله بو صحرا یه توجه قیش * مرک بارانی یا غدر مغه بر تیره صحاب *
 قویک ای غزدرلر سبل کذر کا هندن * کتمدن صویه فراغت اوی مانند
 حباب * اهل کوفه که ذاتلرنده ثبات اعتقاد یو غبدی بو حکایتدن متوهم
 اولوب گروه گروه عنیمده توجه قبلدیلر و پوینی کی جمع ایکن نبات النعش
 کی متفرق اولدیلر (القصد) آفتاب غروب اولنده ک یگر می بیک مبارزدن
 اوتوز نفر قالدی و آنلر دخی مسلم نمازه مشغول اولدوقده کیدوب مسلم
 تنها قالوب متخیر اولدی جسمی آت حر بدن آزرده و حال اندوه غر بدن

افسرده اضطراره شهر دن چقمق قصده تردد ایدر کن سعید بن احنف
 اول حضرته اوغرایوب ایتدی ای سید احتیاط ایله که ابواب شهر و سرهنکار
 تعین اولوب سنک قصد کده درل مسلم ایتدی مصلحت ندر سعید ایتدی
 بنگله کل مسلم متابعت قیلوب سعید مسلمی محمد کثیر منزله کتوروب اعلام
 ایتد کده محمد کثیر چیقوب منت تمامله اعزاز واحترامله مسلم عقبلی اوده
 پنهان ایتدی اول کجه کدوب صبحدم که معمار سرای آفرینش قصر
 لاچورد فامی زرا دود ایتدی و خنجر شعاع خورشید ایله شمس تانلر
 شمعنک قطع رشتنه حیاته و عده بندی (شعر) برده ستری نسیم صبح
 بر باد ایلدی * فتنه بی بیدار اید بیدادی بنیاد ایلدی * عبیدالله زیاد
 غم زلدن و جاسوسلردن اول احوالی معلوم ایدوب محمد کثیری مجاسه
 کتوروب ایتدی ای محمد کثیر سنک منزله کده در مسلمی کتوروم سنک سکا
 سیاست ایدرم محمد کثیر صاحب شوکت کسینه ایدی کثرت قبائلنه اعتماد
 ایدوب جواب و یردیکه ای ابن زیاد بن هانی بن عروه کبلم که بکا حکمک
 جاری اوله بوسوزده ایکن صدای نای رزمی و خروش کوس حربی عالمه
 عوغا بر اقدی عبیدالله زیاد ایتدی بونه غوغادر دیدیلر ای امیر محمد کثیرک
 اقوامی مسلح اولوب اون بیک نفر مقداری مبارز قصر امارهیه متوجه
 اولدیلر و جدال وقتاله عزیمت قیلدیلر عبیدالله زیاد اول فتنه دن توهم
 ایدوب محمد کثیرک اوغلن یاننده محافظه قیلوب کندویه رخصت و یردیکه
 چیقوب قومه تسکین و یره محمد کثیر قصر دن چیقوب قومه تسکین
 و یروب منزله کلد کده سلیمان خراعی و مختار بن ابوعبیده و رفاعه بن غارب
 حاضر اولوب ایتدیلر ای عزیز اتفاقله جهدایت که یارن اوغلنکی بوظالم
 قیلدن قورترهلم و مسلمی آلوب کندی قبیله مزه کدوب بر عظیم لشکر
 جمع ایدوب حسین بن علی ملازمته و رالم محمد کثیر اقوا ایله بو مصلحتده
 قرار طوتمش ایکن اتفاقا جانب شامدن عامر بن طفیل که عبیدالله زیادک
 معاوننه مقرر اولوب کلوردی اول زمانه اون بیک مبارزله بتوب عبیدالله

زیاد اول شد مکر قوت به مغرور اولوب محمد کثیرك احضار نه امر ایتدی
محمد کثیر دخی اوتوز بیک نفر مقداری اشکر قومندن حاضر ایدوب قصر
اماره متوجه اولدی اما اشکرین طشره دن قیلوب کندوتنها قصره کیروب
عبدالله زیاده ملاقات ایتدی عبدالله زیاده ایتدی ای محمد کثیر مسلم عقیلی
سوره بسین یا کندو جانکی محمد کثیر ایتدی ای ابن زیاد مسلك جانی الله
حفظنده در و بنم جانم اوتوز بیک مبارز حصارنده در عید الله زیاده آنک
بوسوزندن غضبناک اولوب بردواتله اوروب نسخه سرنوشت تقدیر اولان
جبین مبارکن مجروح ایتدی محمد کثیر دخی بی محابا تیغ آبدار چکوب
عید الله زیاده حواله قیلد قدده اعیان کوفه ارایه کیروب برنوبت حائل
اولدیلر ایکنجی کره تیغ حواله قیلد قدده عید الله زیاده فرار ایدوب ملازم لردن
برن هلاک ایتد کده عید الله زیاده دخی ملازم لری اول پیر ناتوانی اورتایه
آوب چوق مقاتله دنصکر شهید ایتدیلر رحمة الله علیه (شعر) ای خوش
اولیکیم نقد جان زننده اهما ل ایتدی * رخت بختن قیده لک و مالی
پامال ایتدی * حق یولنده طوتمدی خار تعلق دامن * پای بنده لک
اولوب اندیشه مال ایتدی * محمد کثیرك اوغلی اول حالی کوروب دلبران
حر بلر قیلوب باباسنک انتقام آلد قد نصکره برنامر دك سنان زهره
شکافیه شهادت بولدی (شعر) اول نهال نورسی صندردی دوران ای
دریغ * قیلدی اول کنجی فلاك خلك ایچره پنهان ای دریغ * لمعه رخساری
خورشید جهان افرو زایکن * ایلدی پنهان سحاب کرد حرمان ای دریغ *
بو حاله مقارن عید الله زیاده امر ایتدی که قصرک قموسن آچوب لشکری
طشره حیقوب محمد کثیرك لشکر یله جنک ایدلر اول دلاورلر دخی تقصیر
ایتموب صبحدن شامه دك عسکر کوفه ایللر اشکر شام برجدال ایتدیلر که
دیدلر روزگار آنک کبی کارزار کورمش دکل (شعر) فتنه دریاسی نه موج
اوردی طغیان ایلدی * امن ملکن غرقه سیلاب طوفان ایلدی * نوبهار
فتنه دن آچلدی آفت کلبری * سبل خون هر یان علم سرون خرامان

ایلدی * صفحه تصویرینک هر گوشه نقاش اجل * صورت بیجانی زیب
 اوح میدان ایلدی * عرصه هیجاده دوشد کجده مبارز کشته سی * باد پانعلی
 خدحقر ایتدی پنهان ایلدی * قو بدی برغوغا کزخی ناولک یداد تیغ *
 چوققاری اول رزم عزمنندن پشیمان ایلدی * (آخر الامر عبیدالله
 زیاد ایتدی بوقومک جدالی محمد کثیر ایچوندر باشن قلمه دن طشره
 آنک کوروب تسلی بولسونلر محمد کثیرک و اوغلنک دخی باشلرین قصردن
 طشره براقده اهل کوفه کوروب نوبه داولوب پریشان حال گروه گروه
 متفرق اولغه باشلدیلر کجه اولدوده اول اشکر کثیردن دیار قالمدی مختار
 ابوعبید کوردیکه عنان اختیار الدن کتیدی اقوامیله قبیله بنی سعده
 یوز طوتدی و سلیمان سرد خراعی اشکری مغلوب اولدیغن ییلدی اولدخی
 ربیکا عزیمت قیلدی چون مسلم عقیل محمد کثیرک شهادتن و اشکرینک
 متفرق اولدیغن معلوم ایتدی ملول و محزون اولوب دیردی (شعر)
 ای فلک برکون بنم رأیمله دوران ایتدک * درد چوق و یردک ولی بردده
 درمان ایتدک * هیچ منزله بنم محصلرم جمع اولدی * کمرانکیر ایلله اول
 جمعی پریشان ایتدک (القصه مکدر و مضطرب منزلندن چتوب شهردن
 چقمغه یوز طوتدی کبرکن یواده محکم بن طفیلک عسکر نه صتاشدی
 اندن مراجعت قیلوب برغیری بکاتوجه ایتد کده محله دار ریعمده خالد
 بن زیاد اشکرینه اوغرادای کوردیکه هر نه یکا توجه قیاسه اشکر در ناچار
 دلیرانه جماعت قلبه اوروب چیقدی اما بر محله یه دوشدیکه اول محله نک
 شهردن چقمغه یولی یوغبدی و اول محله ده منافقلر چوق ایدی ربدیخت
 آنی اول هیبت و صلابتله کوروب مسلم اولدیغن ییلوب فی الحال عبیدالله
 زیاده اعلام ایتدی عبیدالله زیاد نعمان حاجی الی مبارزله آنک
 قبضنه روان ایتدی اما مسلم کیدرک کوردیکه یول چقمز مراجعت
 قلدوده کوردیکه نعمان حاجیک قوللاری کلور ناچار آتسندن اینوب
 رخراب مسجد پناه کتوردی نعمان حاجب مسلمک مر کب بولوب

کند و سندن اثر بولوب عید اللهه کلوب خبر و یردی عید الله تمامی
 شهره منادیلر براغوب حکم ایتدیکه هر کیمک اونده مسلم عقیل چیقاق
 اولورسه سیاسته مستحق اولور و هر کیم بولوب کتور رسته بدن جیع
 مرادن بولور اما مسلم عقیل فقیر اول مسجد و یرانده اول کون قرار
 طوتوب شب ظلماتیکه زال زمانه شمع جهان افروز آفتاب عالمیابی
 شبستان مغریده نظردن نهان ایتدی و دامن کردونی غریبلر و بیخانمانلر
 دود آهی طوتدی مسلم سرکردان اول مسجد و یرانه دن چبقوب طریق
 نجات اسلوب هر طرفه تردد ایدرکن بر صالحه عورتک منزله یتوب
 تسکین حرارتی ایچون بر شربت صو طلب ایتدی اول عورت
 صو کتوروب و یرد کند نصرکه ایتدی ای عزیز بوشهر بر غوغا و شهر
 اولشدر و بوملاکت حالا فتنه ایله طولشدر بنم عزلم او کندن کیت که
 بکا موجب تهمت اولمیه سین مسلم ایتدی ای صالحه بن غرییم کسینه
 بیلمنم اما خاندان نبوت و ولایتدم ممکن اولزمی که بکا منزله بر پناه
 و یره سین و بنی حفظ ایدوب بر ثوابه کیره سین عورت ایتدی سکا کیم دیرلر
 مسلم ایتدی بن مسلم عقیل اول عورت مسلمه ایدی رحم ایدوبالن او پدی
 و یاغنه دوشوب حرام سراینده منزل تعیین ایدوب خدمته قیام ایتدی
 مسلم عقیل اگر چه انده قرار ایتشیدی اما خاطر شریفی جیع جوانیدن
 متفرق ایدی کاه حسین بن علی خیالنده ایدیکه آیا اول مظلومک
 بو ظالم لرله احوالی نیه منجر اوله * و کاه اولادی اندیشه سنده ایدیکه
 آیا بو غربتده انارک رعایتلرین کیم قبله * و کاه کند و فکرنده ایدیکه آیا بنم
 کیفیت حال نه صورت بوله * بو تفکر لرله کاهی دل پر آتشدن آه حسرت
 چکردی و کاه دیده نمیده دن اشک ندامت دو کردی (روایتدر که
 اول عورت صالحه نک راوغلی و ارایدی نابکار بد کردار اول دخی انعام
 واحسان والفتات ایدیله مسلم مطالبنده ایکن مطلوبی مپسر اولوبوب
 تعینک منزله کلد کده اناسن خوشحال کوروب سبین سؤال ایتد کده

اول صالحه ایتدی ای فرزند سعادتمند دولت وعقی بزّه توجدا یدوب مسلم
عقیل بزم بنده خاتمه پناه کتور مشدر ان شاء الله تعالی قیامت کونی انک
سعادت سراسی بزم پناه من اولوق مقرر در * اول بد بخت هیچ جواب
ویرمبوب صباحه دك تحمل ایدوب علی الصباح که حدود ششعه
خورشید مفتاح ابواب تردد اولدی وانکیز فتنه وفساد ایچون غماز
اولان سلاطین ظالم پیشه قرینه رخصت بولدی اول ملعون عبیدالله
زیاده صورت حالی بیلدیروب عبیدالله زیاد عمر بن حارثه امر ایتدی که محمد
اشعث ایله اوچیز آدم تعیین ایت مسلم عقیلی طووب کتورسونلر وانک
کدورتک مرآت ملکدن کوتورسونلر محمد اشعث اوچیز مبارزله اول
عورتک عفت خانه سین محاصره قیلوب مسلم نمازده ایکن صدای سم
ستور استماع ایدوب یزندن طوروب سلاحن مر تب ایدوب طشره چقد قدده
اول گروه مخالف مسلمه حمله قیلدیلر واول اختر برج نبوت آفتاب عالم تاب
کبی نهایتغ آتشبارله جولان ایدوب هر طرفه عزم اینسه ستاره وار
پریشان ایتکله اوچیز مبارزک اکثرین هلاک ایدوب تنه سن هراسان
ایتدی محمد اشعث ابن زیاده پیغام ایتدی که بکا مدد کوندرا بن زیاد ایتدی
ای نامرد اوچیز آدم ایله برآدمه حریف اولمق نه دون همتدر طوط
کتور یوخسه بو خدمته غیری تعیین ایدرم محمد اشعث کوردیکه محاربه ایله
فرصت بولمز و سیرغ قاف شجاعت ضرب دستله صید اولمز حيله ایله
ایتدی ای مسلم بوجدلدن نه حاصل اولور بیلور سن که جمیع لشکر شامه
سن تنها حریف اولمز سن باری سلاحک راقوب کندیبکی بکا تسلیم ایله
سنی انوب عبیداللهدن سنکچون امان اسنیم مسلم ایتدی ای نامرد دین سنک
امیر کدن امان استمزم بیلورمکه غدار و بی رحمدر (القصة انک حمله سن
قبول ایتوب مبارزت میدانده جلا دنده تقصیر ایتدی لشکر اول حالی
کوروب بعضی ریوزنده انکله جدال قیلوب و بعضی طاملره حیه قوب ژاله
وار اول کلبن باغ دولته طاشلر یاغدیروب لاله وار اعضاسنی پاره پاره واندانی

چاك چاك ايدوب باران كې اوقلردوكله كېدن كېن جسمى بر غنچه پېكان
اولدى (القصه اول شاهباز اوج سعادت كثر سهام اعدادن بال
و پر پيدا قلوب جانب فردوس برينه پرواز قيلمده ايكن واول معدن
جوهر شهادت ك خزانة جسم شريفى تبغ مخالفدن روزنلر آچوب نقدروح
لطيفي نثار مرثده شهادت اولقمده ايكن ناكاه بر حرامزاده بر طاشله جبين
مباركلر بن مجروح ايدوب محاسن شريفلرينه فان روان اولدى اول زخك
زحى اوزكه زخملره اضافله اولوب مسلمى غايتده مست ايتدى اندن صكره
بكر بن حمرانك ديوار سربينه پرتو آفتاب عصر كې تكيه قيايدى بكر
ابن حمران بدبخت اوندن چيقوب بر تبغى دريغ اوروب لب مباركن غنچه
دهانندن بك كل كې جدا قيلمى مسلم دخی اول حرامزاده بي برضربه
هلاك ايدوب ينه ديواره تكيه قيلمى و كندهويه مشغول اولدى
اما غايتده عطش مستولى اولغين بر شر بت صو التماس ايتدى اول
قوم بي رحم اصلا التفات ايتيوب آخر الامر بر عورت رحم ايدوب
بر قدح صواول چشمه حياه صوندى مسلم اول صوبى ايجمك تدار كننده
ايكن لب مبارك كندن قدح ديدنه عشقاف كې پر خون اولدى اشك حسرت
كې آنى دوكل لازم كلدى اول عورت بردخی قدحى دولدروب
ويرد كده اول دخی قائله طولوب اوچنجى نوبته غلبه عطشدن مبارك
ديشلى كوهر كې درج دهانندن قدح ايچنه دوكلدى مسلم صودن
ال يويوب بيلديكه بو مرثده شربت شهادت دريس بر حرامزاده غافل ايكن
كلوب برضرب نيزه ايله اول سرافرازي كيرو يانندن يوزى اوزره براقدى
وهر طرفدن هجوم ايدوب اول شير پيشه شجاعى طوئيلر وقيدقلى
عهد و پمانى اونئديلر (شعر) طونلدى آفتاب اوج دولت * زمانه تيره
وتار اولسونى * آيقدن دوشدى سروكلشن دين * انكچون ديددخونبار
اولسونى (القصه مسلم عقيلي مقيد ايدوب عبيدالله زياد حضورنه
كتورديلر اول حرامزاده ايتدى اى مسلم نيچون امام زمانه خروج ايتك

مسلم ایتدی ای ظالم بدبخت امام زمان حسین بن علی درو بن انک فرمانیه
 بوشهره کلمشم المثلله برامامک خدمته اقدام ایشم که طریق رضاستنده
 اولسم شهیدم واکر اولدرسم غازی یم ای ابن مرجانه بلورمه که بنی قتل
 ایدرسن زیرانی رحسن حالا سندن برالتاسم وار برکسنه تعیین ایت قبیله
 قریشدن برقاج وصبتم وار ادا قیله یم عبیدالله زیاد اول التامی قبول ایدوب
 عمر بن سعه امر ایتدی که وصیتن استماع ایده مسلم ایتدی ای عرسکا اوچ
 وصبتم وار بری بو که بوشهرده یدی یوز درم دینم وار و بنم آتم نعمان
 حاجده در آلوب دینی ادا قیله سن ایکنجی وصبتم اولدرکه بنی قتل
 ایتد کد نصره جسمی دفن ایتدی ره سن اوچنجی وصبتم اولدرکه بکاو واقع
 اولان احوالی یازوب حضرت امام حسینیه ارسال ایدوب تنبیه ایده سنکه
 بوجانبه متوجه اولیه وصبت تمام اولد قد نصره عبیدالله زیاد ایتدی
 کیمدرکه مسلم عقیلی چقبروب قتل ایده بکر بن حران ایتدی یا امیر بونم
 ایشمدر زیرا بو بنم بو کون اتامی قتل ایدوبدر پس مسملک الندن طوتوب
 طشره چبقردی و مسلم مکیه قارشو صلوات کتوروب اوتوردی و توجه
 جانب حسینیه قلوب اظهار نیاز ایلدی که السلام علیک یا ابن رسول الله بنم
 حالم بودر آیاسنک حاتم ندرم ادم بو ایدیکه ملازمته کده نقد جان نثار ایدم
 المثلله که میسر اولدی و بو خصوصده قیلدیغیم عذارجه اجابت بولدی
 و زبان حال ایله بو ایاتی انشا قیلدی (شعر) بقعه بطحایه بر اطفای یلوب
 واری صبا * قیل حسین حال زار مدن خبردارای صبا * کور بنی کوکلده
 یوزیک درد دل او ستمده تیغ * نیجه کیم کوردک اکا شرح ایله زهرا ی صبا *
 جهد قبل منع ایله اول مظلومی میل کوفه دن * اوپ ایاغن چز کتوب
 باشنه یلوار ای صبا * بن خود اولدم مبتلای محنت اعدای دین *
 اولسون بو محنته اولهم کرفتارای صبا * پس واجب الوجوده جدو ثنا
 واهل کوفه یه نفرین و ناسزا دیوب کلمه شهادت عرض ایدوب منتظر
 اولدقده بکر ابن حران استدی که اکاشمشیر حواله قیله اتاری تیره یوب

الندن تیغ دوشدی عبیدالله آندن خبردار اولوب سبب سؤال ایتدکده
ایتدی ای امیر قتلنه مباشرت ایتدکده مقابله برمهیب کسنه کلوب
پرمن دیشایوب نأسف ایدردی بن آندن وهم ایتدم عبیدالله زیاد تبسم
ایدوب ایتدی ای ابن حران هنوزدخی جاهل سن چون خلاف عادت
برعمل ایتک استرسن دهشت سکا غالب اولور پس برغیری کسنه
امر ایتدی اولدخی کلدکده اول شخصی کوروب زهره سی چاک اولدی
آخر الامر شام اهلندن برنامر دکلوب اول مظلومی شهید ایتدی (شعر)
آه کیم رایت اسلام نیکو نسا اولدی * کون باتوب دیده احبابه جهان
نار اولدی * کهر قبض شهادت اله کیمز آسان * نقد جان و یردی اکا کیم که
خریدار اولدی (روایتدر که عبیدالله زیاد مسلم عقیلک وهانی بن عروه نک
جسدلرین قناره لره عبرت ایچون آصدیروب باشلرن شامه کوندروب
یزیده واقع اولان صورت حالی عرض ایتدی یزید علیه السلام اطلاع
بولدقده بشارت لرایدوب اول عز بزرک باشلرین دروازه دمشقه اصدردی
(شعر) فرحدن کلر آچلدی ریاض شامه اولدم کیم * دوکلدی هر طرف
طو پراغنه مظلوم لرتقانی * سرخونین آصلدی هر طرف دورازه شامه *
بزندى تکمه لعلیه اول شهرک کریبانی (آند نصکره عبیدالله زیاده برنامه
ارسال ایتدی که آفرین سکا واقدامکه واهتمامکه حقا که جمیع افعالك بکا
مرضی ومستحسندر ایتدی بویه استماع اولدی که حسین بن علی حجازدن
چیقوب مزیمت عراق ایتش بوصورت واقع اولدقده کمال احتیاط و نهایت
احترازله جمیع طرق وشوارعی مضبوط ایدوب ابواب قتمه بی مسدود
ایتکه جهدایده سن وهرنه وجهله اولورسه دفع ورفعن کندینه لازم
بيله سن عبیدالله زیاد یزیدک مواعید و احسانه متضمن مکتوبی کلدکده
غایتده حوشحال اولدی وحسب فرمان حضرت حسینک دفع ورفعه
مقدمه لر ترتیب ایتکه شروع قیلدی (روایتدر که عبیدالله زیاد مسلم
عقیل امرین سرانجام ایدوب فارغ اولدقده غمازل اول ملعونه اغماز ایدوب

دیدلر که مسلك بوشهرده ایکی اوغلی وار اول بدبخت ندا ایتدر دیکه
 مسلك اولای قنده اولسدر طوتوب کتورمین سیاسته مستحق اولور
 شرح قاضی اول تهدیددن توهم ایدوب تدارك احوال ایتک ایچون اول
 معصوملری طوتوب حضورنه کتورد کده اختیار سز کر یان اولوب فغانه
 باشلدی شاهزاده لر اول حالنه متخیر اولوب سبب سؤال ایتد کده ایتدی
 ای معصوم و مظلوملر (شعر) بلا سیلی ثبات وصبر بنیادن خراب ایتدی *
 ستم رقی محبت اهلنک بغرك کباب ایتدی * بر اقصدی قضا بو کشوره بر
 درج بر کوهر * زمانه صندروب اول درجی قصدد رناب ایتدی * شهرزاده لر
 بو کتبه دن مسلك شهادتن تحقیق ایدوب اتفاقله بر زمان ناله و افغان
 ایتدیلر بر زمانه نصکره دست تضرعله شرح قاضنک دامنن طوتوبلر که
 ای مخدوم (شعر) آغاز عمر و موسم عیش و نشاط ایکن * چرخ
 ستمو ایتدی بزی مبتلای بیم * احوال منزولور نیده لم قنده وار لم * هم طفل
 وهم غریب وهم آواره هم یتیم * قاضی ایتدی ای مظلوملر عبیدالله
 زیادسزك طلبکنده درو بن بودیارده محبت اهل بیتله مشهورم اگر
 احتیاط ایتسم معذورم اولیه که دشمنلر برفساده فرصت بوله لر و تغلب
 و تسلطله سزی بدن آلهر حالا بو صلاحی کورمشم که سزی مدینه جاننده
 روان ایدم هر آینه اول شهرزاده له تسلی و یروب و بر مقدار سیم وزر همراه
 ایدوب اسد نام اوغلنه ایتدی ای فرزند عزیز ایشتم که دروازه عراقده
 بر کاروان جمع اولوب استدعای سفر مدینه قیلوب بو کون روان اولور
 بو ایکی درد زنجیری التوب کاروانده بر امین کس نه یه تسلیم ایت که مدینه یه
 ایرشد کده اقر باسندن بر یسنه تسلیم ایدلر اسد اول مخدوم زاده لر التوب
 روان اولدی اما کیچه هنوز قراکو اولوب بونلر ایرشجه کاروان روان
 اولشدی اما اثرلی کور نوردی اسد ایتدی ای شهرزاده لر بکاصباحه دك
 بونده اولق موجب تهمتدر سز یورویک بو کاروانه یتک اسد مر اجعت
 قیلوب شهرزاده لر غریب و مضطرب قالب کاروان آرد نجه سراسیمه

کیدر کن آرایه حائل دوشوب اثر کاروان نظر زدن غائب اولدی شهراده ل
 متحیر اولوب هر طرفه تردد ایدر کن ناکاه عساره صا تشدیلر عسار
 بیلدیلر که آنلر مسلم اوغلن لریدر فی الحال طوقوب عبیدالله زیاد حضورنه
 اتدیلر عبیدالله زیاد آنلری زندانه کوندروب یزید پلیده بر نامه یازدی که
 مسلمک ایکی نور سیده اوغلن طوتم بری یدی یاشنده و بری سکر یاشنده
 وحالا حبسده درل نیجه امر اولور سه عمل اولاند (روایتدر که) زندانبان
 مشکور نام بر مؤمن پاک اعتقاد ایدی اول شهراده لره بر نیجه کون اعزاز
 واحترام ایدوب بر کون ایتدی ای شهراده ل روا کورمز که بر ضرر سزه
 واقع اوله پس نصف الیلده آنلری زنداندن چیه قروب و شهر دن طشره
 التوب یول کک و ستردی و پر ماغندن خاتمی چیه قارب آنلره و یردی
 و سه فارس قبلدیکه بویوله کیدک قادسیه نام ملکه بترسز بنم قرنداشم
 آنده حاکمدر بو خاتمی نشانه طریقه له اکاویروب دیککه سزی مدینه یه
 واصل ایده زندانبان مراجعت ایدوب اول شهراده ل روان اولد قده چون
 مقرر در که تقدیره تدارک و تدبیر تغییر و رمز و حاکم محکمه فضا احکامنه
 تغیر روا کورمز اول شهراده ل جانب عینه کتلو ایکن قضای عنان
 عز یمتلرین جانب یساره مدعطف قیلوب مقصد طریقن بتوردیلر و اول
 کیجه صبحه دیک پر کار وار چر کنبوب صبح اولد قده کندولرین اولکی مقامده
 کوردیلر متوهم اولوب بر باغه کیروب بر صو اوزرنده قرار طو تدیلر اول
 حالنه مقارن شهر دن بر حبشی جاریه چیه قوب آنلری کوروب و جمال
 با کالارینه حیران اولوب ایتدی آیا سزه کیلر دیرل شهراده ل آه دردناک
 چکوب ایتدیلر بز غریبلر ز و یتیم لر ز جاریه صور دیکه کیمک اوغلن لر یسز
 شهراده ل نوحه و فغان ایتدکده جاریه فراسه تله فهم ایدوب ایتدی
 ای عزیزلر اولیه معلوم اولور که سز مسلم اولادی سز شهراده ل ایتدیلر نعم
 بز اول محنت زده لر ز جاریه ایتدی ای مخدوم زاده ل هیچ و هم ایتکمز بنم
 بر صالحه مخدومدم وار بغایت مؤمنه و محبه خانداندر کلک سزی آنک

حضور بنده التوب انی خوشحال ایدم (القصه) شهرزاده لری جاریه
 رهنمون اولوب اول صالحه خاتون حضور بنده بتورد کده اول صالحه
 خبردار اولوب اعزاز واحترام الیه آنلری برمناسب برده پنهان ایتدی
 اما عیدالله زیاد آنلرک فرارندن واقف اولوب مشکور زندانبانی
 حاضر ایدوب سؤال ایتدی که مسک اولادنی نندک مشکور ایتدی آنلری
 آزاد قیلم عیدالله ایتدی بدن وهم ایتدی مشکور ایتدی ای غدار
 ستمکار ایزد جبارک وهمی سنک وهمکدن زیاده در طوطیلم که مسلم مباشرت
 کارزاره قادر بر مبارز ایدی انی وهمکدن قتل ایتدی بویکی معصومه نه
 وجهله قصدا یتیم سن عیدالله ایتدی سکا سیاست اتک لازم کلدی
 مشکور ایتدی بیک جانم اولسه آنلره فدا اولسون پس جلاده بیوردیکه
 انی عقابنه چکه اول یوز تازیانه اوروب اندنصر کده قتل ایدم اون تازیانه
 آورد قده مشکور ایتدی (بسم الله الرحمن الرحيم) اون تازیانه دخی
 آورد قده ایتدی یارب بکا غفران نصیب قیل اون تازیانه دخی آورد قده
 یارب بکا اهل بیت محبتی ایچون سیاست ایدرل اون تازیانه دخی آورد قده
 یارب بنی اهل بیته ملحق ایت اندنصر کده برآه چکوب خوش اولدی یوز
 تازیانه تمام اولد قده برقطره صواستدی عیدالله ایتدی صو ویرمک
 برقطره صو ویرموب اول مظلومک قتلنه امر اولمشکن عمر بن حارث
 شفاعت ایدوب قورروب منزله لند کده رجته واصل اولدی اما مسک
 مخدومزاده لری اول صالحه ن منزله یوز بیک غصه الیه اویقوبه
 کتد کده اول عورتک حارث نام رجفت بدبختی اولوب ناگاه کلدی غایتده
 تعبناک عورت کبفت حالی سؤال ایتد کده ایتدی ای عورت
 بوکون صباح امیر کوفه مسلم اوغلنلرین بولمغه منادی ایتدردی بدبختی
 انعام والتفات استدعا سیله اول طلبده ایدم آتم سقط اولدی انلردن اثر
 بولدم عورت ایتدی ای همسر مهربان سنک اهل بیتله نه عداوتک وار اول
 نامرد ایتدی موجب تعب عیدالله انعام واحسانیدر عورت ایتدی

نامرد اولكه زخارف دنيا ايچون برنيچه مظلومي ظالمير الله تسليم ايد
 (القصه) بومناقشه ايله اويقويه وارديلر نصف اليلده محمد كدا كبردر
 ابراهيمي اوياروب ايتدي اي رادر كوزك آيچ ياتمق محلي دكل حالا پدر
 نر كواري كوردم وقعه ده حضرت مصطفى وميرتضي وحسن محبت ايله
 بهشت ايچنده سير ايدرلر حضرت رسالت بزدن يكباقوب بابامزه ايتدي
 اي مسلم نيشه بومظلوملري ظالمير آراسنده بيكس وغريب براقديك بابامزه
 ايتدي يارسلو الله عن قريب خدمت شريفه كده مشرف اولورلر ابراهيم
 ايتدي اي محمد بندي بو واقعه دي كوردم بوني ديوب اول ايكي كل دسته باغ
 اطافت ونهال نورس گلزار ملاحت بنفشه وار برينك بويندهال براقوب
 هاي هيله اختيار سز اغلر ايكن حارث بدبخت اول ناله دن بيدار اولوب
 في الحال چراغله اوزرلر ينه واروب كورديكه ايكي طفل برين قوچوب
 اغلشورلر حارث ايتدي سزه كم ديرلر شهرزاده ل اول ملعون دوست صانوب
 ديديلر بزم مسلم عقبيل اولاد بيز اول حرامزاده بر يكانن مر كينك
 غصه سيله و بر يكانن ردنك اندوهيله يحضور ايدى هر برينه برنيچه
 طنجه اوروب كل رخسارلر ين آزرده قياوب كسوى مباركلري كه حبل
 المتين عروة الوثقى ايدى بر برينه باغليوب اوزرلر ينه حجره قپوسن مسدود
 ايدوب طشره چقدريكه صباح اولدوقده آنلري قتل ايدده اول عورت
 با كبره نهاده رنيچه تشفع ايدوب الن اوپدى واياغنه دوشدى فائده
 قيلمى صبحدم كه جلاد فلاك دشنه شعاع خورشيدله اطفال كو اكب
 دفعنه اقدام ايتدي ونسيم دم سرد صبح كا زدن شمعلر و چراغلر
 هلا كنه وعده ايتدى اول نابكار روسياه تيغ بيدريغ الووب و اول
 شهرزاده لى او كنه صالوب كنار فرانه روان اولدى وسياستلرينه اقدام
 ايتد كده عورتى و اوغلى و بر قولى عقبنيچه كيدوب شفاعت قيلمق
 غضبي زياده اولوب قونه حكم ايتديكه تيفله بونلري هلاك ايله قول
 ايتدى اي خواجه بومعصوملري قتل ايتكده الم وارمن اول بدبختك

غضبى زياده اولوب اندهكى شمشيرن قوله حواله قيلدى قول ايتدى اى
خواجه چون بنى اولدررسن باري بندي قانمى الماش اولم ديوار حارث ملعونه
چله قيلدى عاقبت حارث غالب اولوب قواك برقوان دو شمردى اوغلى
اول حالى كوروب ايتدى اى بابا قول بنم قرداشم كييدرنيشه بوجغاي
اكاروا كوردك حارث ايتدى اول جزاسنه يتدى سن بوتيجي آلوب بونلرى
قتل ايت يوخسه سنى دخی هلاك ايدرم اوغلى ايتدى هر كزين بواصره
ارتسكاب ايتكي روا كورمزم وسنك دخی اقدامكه رض اويرمزم واول عورت
دخی الحاح ايدرديكه اى حارث بومعصوملره قيمه باري بونلرى عبيد الله
تسليم ايت نيلرسه اول ايلسون حارث ايتدى بو جاعتك كوفده
هوادارلى چوقدر شايد كه شهره كيرد كده هجوم ايدوب آله و بنم سعيم
ضايغ اوله آخرا امر كنندو تيغ چكوب اول معصوملره متوجه اولدقده
شاهزاده لر اغلشوب تضرع ايتديلر كه بزم بيكسليكمنه رحم ايت اكر
مرادك مال دنيا ايسه بزم كسورلى مزي قرقوب بزي مملوك شاهه سنده
صانوب بهامزى تصرف قيله سن حارث او تضرعلره التفات ايتيوب
قتلارينه جازم اولدقده اول عورته اوغلى منعنه اقدام ايتديلر حارث
كورديكه عورته اوغلان وجوديله انلرى قتل ايتك ممكن دكل اندهكى
نبيغ بيدريغ ايله اوغلانى تخويف طريقيله حواله قياوب هلاك ايتدى
عورت كورديكه اوغلان هلاك ايتدى بي اختيارا كا متوجه اولدقده
عورته دخی برزخم مهالك اوروب مجملانلر منعندن فارغ اولوب
شهرزاده لر متوجه اولدى شهرزاده لر كورديلر كه ابواب نجات جميع جهتن
مسدود اولوب و بناء تدبير و تدارك خلل بولوب قضايرضا و يرمكن غيري
چاره قالمى حارث ايتديلر بزم مهلت و ير كه وضو قياوب ايكي ركعت نماز
ايدم حارث ايتدى والله كه و ير مزم شهرزاده لر ايتديلر اول واجب الوجود
حقيقونكه حالا سمن ذكر ايتدك اولقدر امان و ير كه اكاسجده ايدوب نيازمن
عرض ايدم حارث بي دين امان ممكن دكل ديدلر اى ظالم بونه عداوتدر

آخر الامر امید نجاتی قطع ایدوب اول بدبخت ملعوندن هر بری اول بنی
 قتل ایله دیوتقدیم شهادت توقع ایدرلردی القصة اول حرامزاده اول
 محمدك سرمباركن بدنندن جدا قیلوب جسد شریفن فراهه برافدی
 اندنصكره ابراهيم باشن كسوب تن پاكن قزنداشی محمدك جسدبنه ملحق
 ایتدی حقاكه اول ستمدن زمین زمان تیره و تار اولدی زمزمه ملائكدن
 خروش غلغله سكان تحت اثر اید ایشدی و آتش طغیان الم دل ارباب
 محنت کبی سینه مهر و ماهد دوشدی (شعر) درد اكه بزگناه ولایتده بی سبب
 * صندردی ایکی شمع منیری فنا بلی * واحسرتا كه باغ سعادتده بیکته *
 صندردی ایکی نخل لطیفی جفا الی (القصة حارث بدبخت علیه السلامه
 اول شهزاد لری بیکناه قتل ایدوب جسدلرین فراهه صالوب باشلرین
 عبیدالله زیاده الدكده عبیدالله زیاده ایتدی ای حارث بونلر ندر اول
 ملعون ایتدی مسلم اوغللرینك باشلریدر ابن زیاده اول کل رخسار لره
 و اول کسوی مشکبار لره نظر ایتدكده اختیار سز ابر بهار کبی اشکبار
 اولوب و باوجود كه غلظت طبع لره رحم قیلوب ایتدی ای ستمكندل
 بو طفلاری نبشه قتل ایتدك حارث ایتدی سنك التفاتك امید لره عبیدالله
 زیاده ایتدی ای ملعون بن یزیده نامه یاز مشمكه بونلر جسدده درلر نیچون
 بكا کتور مدك دیدی وهم ایتدم كه هجوم عام المدن الوب بن سنك التفاتكندن
 محروم قالم عبیدالله زیاده اطرافنه نظر قیلوب مجلسده مقاتل نام برکسنه
 حاضر ایدیکه ناصیه سنده محبت خاندان نبوت ظاهر ایدی و ابن زیاد انك
 عقیده سنده پاکك علامتن بیلوردی اما پسندیده ندیم اولمغین تعرض
 ایتوب تغافل ایدردی اشارت قیلدیکه ای مقاتل بو بدبختی انده ایلتمكه
 بو طفلاری شهید ایتشدن جزاسنه يتور و باشلرین دخی ممکن ايسه بدنلرینه
 الحاق ایت مقاتل شاد اولوب اول ملعونی محکم باغلیوب و باشلری الوب
 روان اولدی و خلق کوفه اول باشلره نظاره قیلوب اول حاله اطلاع بولدخه
 اول ملعونی سکسار ایدوب اذا قبلورلردی (القصة اول منزله ایتدكده

مقابل کوردیکه بر قواله راوغلان دخی مقتول اولوب بر عورت دخی
 مجروح دوشو بدر مقابل عورتدن حقیقت حالی سؤال ایتدکده عورت
 ایندی ای عزیز بن بو بد بختک مکه وحه سیم و بو اوغلان اوغلیدر و و قول
 قولیدر و بزاقاقله بومظلوملرک قتلنه مانع اولدیغمر جهتدن بزه
 بوسه استلری جائز کوردی المثلله اولدخی جزاسنه ایردی مقابل اول
 ملعونی قتل ایتکه هر کبندن ایندکده واول شهیدلرک قانی
 کوردکده فریاده **ک**لوب ناله و فغانلر قیالوب باشلری صویه بر اقدقده
 (روایتدرکه اول باشلر صویه دوشدکده اول جسدلر صودن چقبوب
 هر باش کتدو جسدنه ملحق اولوب اول ایکی معصوملر بر برین قوچقبوب
 صویه باتیلر مقابل اول حالنه بر دم حیرت ایدوب یوردیکه اول ملعونک
 اول اللرین و یا قتلرین کسوب و کوزلن چقبوب ائدن باشن کسوب
 صویه بر اقدید و صوانی قبول ایتوب طشره بر اقدقده (روایتدرکه
 برده دفن ایتدیلر یر دخی انی قبول ایتوب طشره بر اقدقده آخر الامر
 خارو خاشاک جمع ایدوب اول پلبیدی یاقدیلر و اول مجاهدتده شهید اولان
 قولک و اوغلانک جسدلرین دفن ایدوب احباء اهل بیت شهزاده ل عراسنه
 مشغول اولدیلر (شهر) اول ایکی کوهر خزانه دین ❖ اول ایکی سرو
 چوبسار یقین ❖ طو تدیلر معدن بقاده مقام ❖ قیلدیلر جانب بهشته
 خرام ❖ نظر خلقدن اولوب مستور ❖ اولدیلر در کشاوره حور ❖ یارب
 انلره وفاسنده ❖ اول ولی زاده ل عراسنده ❖ کیمکه بر قطره آب چشم
 دوکر ❖ کیمکه بر آه دردناک چکر ❖ واصل اجر یحساب ایله ❖ عمن قابل
 ثواب ایله (طغوزنجی باب حضرت امام حسینک مکه دن کر بلایه توجن
 بیان ایدر) حقا که حرقت حکایت رشکایت واقعه کر بلا بر آتش جکر
 سوزدر اکر بر ذره شعله سنک شرحن کلک شعاع خورشیدله محرر کارگاه
 قضا صفحه روی زمینه تحریر ایتسه حرارتدن اجزای زمین جوشه کلوب
 بخاری تنور آسمانده حمل و حوتی بریان ایدر و حرقت روایت ملالت غایت

شهادت برزهر هلاهل جانکداز و غم اندوز در که صرصر رعدله سحاب
صاعقه بار بر قطره سنک وصفن کردونه تقریر اینسه حرارتله طارم چارمده
مسحج مجردک زلال حیانتدن حلاوت کیدر (شعر) سهل صائمک کر بلا
غوغاسن ای اهل خرد * عرصه بیداد و میدان بلاد در کر بلا * صور سدل
کیم قمنی منزل در مصائب مجمعی * اون ویرر قصر فلاك کیم کر بلاد در کر بلا
* هما نا که حدیقه طینت آدم مثبت نهال خلافت اولدقده وقامت
استعداد بشریت خلعت (ولقد کرنا) ایله زینت بولدقده ملائکهک
(النجمل فیهم ان یفسد فیها) کناه سندن غرضلری فساد واقعه کر بلا ایدی و
مضمون (انی اعلم ما لا تعلمون) اشارتندن مراد اول مصیبتدن مستفاد اولان
درجه کمال حسین بن علی مرتضای ایدی فی الواقع واقعه کر بلادن زیاده
فساد ممکن اولمز و بلادن حاصل اولان مرتبه مرتبه شاه کر بلادن اعلا
مرتبه صورت احتمال بولمز (شعر) کر بلا ی کر بلا هم اول شاه قدرن آرتوب *
خلقدن ممتاز اکاویردی علواققدار * کر بلا هم اول شه مصومدن رفت
بولوب * خلقه اولمش قدرله منظور عین اعتبار * فضای غم افزای
کر بلا بر کلزارد در که اب و هوای سراب و عمومله نشوونما بولن سرور وانی
کر دیاد بلاد * وسیلاب اشک حسرتله پرورده اولان کلبن کلرک فشان
خارجفادر (شعر) چشمه نسبت دم بدم با کیره طینت کوزین * اشکبار ایلر
ملال ذکر خاک کر بلا * اغدا رسه کر بلا طیرانی درد اهلن نوله *
بومقرر در که دائم کوز یشارد در توتبا * روایتدر که حسین بن علی متولد
اولدقده حضرت عزتدن جبریله امر اولدیکه نزول ایدوب هم ولادت
تهنیه سن ویره وهم شهادت تعزیه سین یوره جبریل امین نزول ایتد کده
حسین مظلوم حضرت رسولک کارنده ایدی اول حضرت تهنیت
یتورد کدنص ~~کره~~ اظهار تعزیت قیلدی حضرت رسول ایتدی
ای برادر سبب تهنیت معلومدر و سیهله تعزیت ندر جبرائیل ایتدی
بارسول الله بومظلومی سند نصکره کر بلا ده تیغ جفا یله ظالم شهید ایدمل

حضرت رسول اول حاتمه کریان اولوب حضرت مر قضا حاضر ایدی
 سبب صور دقده اول حضرت اختیار سن اظهار صورت حال ایتد کده
 حضرت مر قضا دخی کریان اولوب منزله متوجه اولد قده حضرت
 فاطمه یه اول حالی ظاهر ایتدی فاطمه کریان کریان حضرت رسول
 خدمته کلوب دیدی ای مخدوم علی الاطلاق بونه خبردر که علی
 حضرت نکردن نقل ایدر حضرت رسول ایتدی ای فاطمه بوقعه ناکلی
 جبرائیلدر فاطمه ایتدی یار رسول الله بوصورت نه وقت ظهوره کلور
 حضرت رسول ایتدی بدن وسندن وعابدن وحسند نصکره فاطمه
 ایتدی یار رسول الله مصیبتیم زیاده اولدی آیا بومصیبت واقع اولد قده بنم
 مظلوم ایچون کیم غزا ایدر (روایتد که) او حاتمه ها تقدن ندا کلدیکه
 ای خاتون قیامت آخر زمان اهلندن خاندان رسالت محصلاری هر یلده
 بوما تمی تازه ایدرلر وقیامتدک بورسمی دنیاده یوریدرلر (روایتدر که) شاه
 کر بلا متولد اولد قده جبریل امین تهنیه ایچون حضرت رسول
 خدمته کلور کن یولده بفرشته یه راست کلدی فطرس نام شکسته بال
 و پریشان خال مقیم ذروه عزت ایکن مبتلای دام ذلت اولش وسبله سن
 سؤال ایتد کده قطرس ایتدی ای جبرائیل بنم خدمتمده اهدال اولوب
 آتش قهر الهی پرو بالم یاقوب بنی بو حاله براقدی آیا بوقعه ناکلی
 چاره سی ممکن اولور می جبرائیل ایتدی بن حضرت رسول خدمته
 کتلویم بمله کل اوله که شفاعته مظهر واقع اوله سین قطرس وجبرائیل
 اتفاق ایله حضرت رسول خدمته کلوب عرض حال ایتد کده حضرت
 حسین مظلوم حضرت خواجه کنارنده ایدی اول حضرت بیوردیکه
 ای قطرس کند بنی بنم حسینمه بتور و اعضای مجروحکی کف بای شریفته
 سور قطرس حسب فرمان عمل ایدوب اول ملا بسه برکاتیه مغفور اولوب
 و پروبال پیدا قلوب معبودنه عودت ایدوب عبادته مشغول اولدی
 و حضرت حسین بن علی شریبت شهادت ایچد کده واقف اولوب اجزای

احسان استدعا سیه له مناجات ایتدیکه یارب نوایدی بکا امر اولیدیکه
خدمتمده اولان یتش بیک فرشته ایله حسینک معاونه حاضر اولیدم
حضرت عزندن ندا کلدیکه ای قطرس اکر اول دولت مپسر اولدیسه
حالا مقرر ایتدم که خدمتکده اولان فرشته لر ایله **ک**ربلایه
واروب اول مظلومک مزاری اوزره قیامتهدک تعزیت طوتوب
اغلیوب قطرات اشک روانک ثوابن انده تعزیت طوتلره نذر ایدهن
(شعر) کل ای رسم وفادن دم اورن اشک روان کوستر * مجرد قوله قانع
اوله اثبات ایت نشان کوستر * دل پر خون سوزانک مثال غنچه لاله *
ملامت خنجر یله چاک قیل داغ نهان کوستر * علم افزا مزهر که مصائب
کر بلا * وانجمن ساز ما مکهده اثار نوائب شهدا * رایت روایت بو طرزه
تحریرک ویرمش و سرورود حکایتی بو قانوله اظهاره کتورممش که
چون اعیان و اشرف کوفدک صورت صداقت لری مسلم عقیل
تصدیق یله حضرت امامه معلوم اولدی و جاده مصادقده ثابت قدم
اولد قلری اول مخبر صادق اعلام یله وضوح بولدی حضرت امام اسباب
سفر مهیا قیلوب مستعد مسافرت اولد قدده و احبا و اصداقا هر طرفدن
خدمت شریفته کلوب هر نقدر که منع ایتدیلر مفید اولدی و هر نیچه که
الحاح قیلدیلر فائده قیلدی بر کون بر کیچه عبدالله بن عباس ملاقات
شریفنه مشرف اولوب نهایت تعظیم و تکریم نصکره ادب طریق یله
ایتدی (شعر) ای ضمیر انورک آینه کیتی نما * آفتاب طلعتک مصباح
انوار هدا * عز مکه نصرت مقارن رأیکه حکمت قرین * امری که تابع فلاح
فرمانکه قائل قضا * یا امام زمان لطف ایدوب کوفه عزیمتن ترک ایله
و مکه دن چقمه **ک**که اتاک علی ابن ابی طالب اول دیاره توجه قیلد قدده
کرفتار دام بلیات اولدی و قرن داشک حسن محبتا اول ملک اهلندن تفرقه
خاطر بولدی حضرت امام ایتدی ای عبیدالله ظاهر اسمان لر مکتو بلر
ارسال ایدوب حضور عی استدعا قیلدیلر و التماسه نصرتمه متکفل اولدیلر

مکنند که بوصورته اجرای امور حق صورت بوله و ترویج شریعت
 مہر اولہ عبداللہ ایتدی ای مخدوم زادہ هنوز کوفہ یہ یزید تصرفندہ در
 اگر آنک ناہن اخراج ایدوب شہری مسئلہ تسلیم ایدر لایسہ اول جانبہ
 کتک مناسبہ بدر واکر قضیہ منعکس اولسہ واشکر یزید ایلہ مقاومت
 لازم کلسہ مکنند کہ اول جانبہ بدین صورت نصرت ظہورہ کلسہ
 و حضرت تکرہ آمدن اضطراب متوجہ اولہ حسین ایتدی ای عبداللہ
 بوکیچہ بو خصوصہ برنامہ ایدوب یارین سکا جواب ویرہیم عبداللہ بن
 عباس منزلتہ مراجمت قیلد قندہ حضرت امام کلام اللہدن استخارہ
 طریقیہ متوقع نصیحت اولد قندہ بو آیت کریمہ فائدہ کلدیکہ (کل نفس
 ذائقۃ الموت و اما تو فون اجور کم یوم القیمۃ) حضرت امام ایتدی (صدق
 اللہ العظیم و صدق رسولہ الکریم) فال مصحف شہادتہ خصوصہ
 حضرت رسولک واقعہ کوردیکہم کلماتہ موافق کلدی و مطابق واقع
 اولدی لاجرم قلم تقدیر ایلہ تحریر اولنان قضیہ البتہ تغیر بولمز و احکام قضا
 اقتضای تمسب قیلد قندہ چارہ ایلہ ممنوع اولمز اینکنجی کون عبداللہ بن
 عباس حاضر اولوب ایتدی یا ابن رسول اللہ نہ تدبیرہ قرار ویردیکہ و کوفہ
 عزیمتدن نہ مصلحت کوردیکہ حضرت امام ایتدی ای عبداللہ عزیمت
 سفر متصمم و بنای نیت مسافرت محکم در زیر محقق بیلمور مکہ یزید بندن
 تغافل قیلز و دفع و رفع تدبیرندن غافل اولمز رضا و رمن مکہ خالک شریف
 کعبہ قبلہ عالم ایکن سیماہ اہل ضلالت پایمالی اولوب کسر حرمت بولمغہ
 بن سبب واقع اولمز و روا کور رمن مکہ ارض مبارک بطحا محترم و مکرم ایکن
 دامن پاکن الودہ خون خلقی پریشان قبلہ صلاح اولدر کہ بوسلسلہ
 فتنہ بی برغیری دیارہ چکم و بوتخم تفرقہ بی برغیری مزربہ دوکم (شعر)
 قندہ کیم ایلسم مقام بکا * فتنہ ہمدم بلا ملازمدر * حرم کعبہ بی بلالہ
 مبتلا ایلک نہ لازمدر عبداللہ ایتدی ای مخدوم زادہ البتہ مائل سفر سن
 باری بمن جانبہ توجہ قیل کہ مملکت واسع و عرصہ عریض اولوب

حصون و قلاعی بحد و بشمار در و قبیلہ ہمدان تمام محب خاندان احد
 مختار در یقین کہ اول دیار سن واروب قرار طو قد قد اطراف و جوانب دن
 مختاصل و مجاہد لر جمع اولورل و سکا معاونت قبولرل حضرت حسین
 ایتدی ای عبداللہ سنک کال شفقت کی کند و خصوصہ محقق یلورم
 و کلامک محض نصیحت اولدیغنه معترف اولورم اما ہمارہ قاید قضا ازمام
 ارادتمی جانب عراقہ چکمہ کردہ در نہانخانہ حکمت سرنہ تمک اولر وارادہ
 تقدیر دن تجاوز ایتک اولر من بعد بو خصوصہ مبالغہ قیلہ و مانع
 اولمہ کہ بزہ عیان اولان اسرار سزہ نہادر نہ کہ حکمت خرق سفینہ
 موسایہ مخفی و خضرہ عیاندر و بن اول کسنہ مک وارث علیم کہ کرانہ
 منبر اوزرہ بیور مشدر کہ (اوتیت علم المناہیا و البلیا) و دخی بیور مشدر کہ
 (سلونی عمادون العرش) ای عبداللہ اسرار حکمت بزہ مخفی اولر و فیض
 عصمت بزہ آلودہ غفلت قیلر عبداللہ عباس ایتدی یا امام بکا دخی
 خدمت شریف کردہ اولوق مقصود ایدی اما حالا رایض قضا عنان
 عزیمتی مدینہ جانبہ منعطف قیلش امیدوارم کہ حضرت بکر کوفہ یہ
 وارد قدہ شرف ملازمت ہوسر اولہ اما بلزمکہ ایام ہمارہ فیکدہ بنی روزگار
 نہ بلالہ گرفتار قیلہ (شعر) اغلہ ای کوز کیم تن بیمار جانن ایریلور * جانلہ
 جسم رفیق اولمشیدی آندن ایریلور * نالہ قبل ای دل کہ طوطی
 شکر ستاندن چیقوب * بلبل زار بلا کش بو ستاندن ایریلور * روایتدر کہ
 عبداللہ عباس دن صکرہ محمد حنیفہ و عبداللہ عمر و عبداللہ زبیر خدمت
 شریف کردہ کلوب انواع عقدا مالہ نصیحت قیلدیلر سودمند اولدی وفائدہ
 قیلدی ایتدیلر یا امام بو اصرارہ سبب ندر حضرت حسین ایتدی ای
 قوم حقا کہ بو کیچہ واقعمہ کوردم حضرت رسول بیوردیکہ
 ای حسین کوفہ عزیمتدہ تأخیر و تامل ایتدہ سین وطریق تقصیر
 و نکاسل طوقیمہ سین کہ حضرت سلطان سریر کبریا سنی اول بقعہ دہ
 آلودہ خاک و خون کورمک استر و ملائکہ یہ کال صبرک عرض ایدوب

مرتبۀ اطاعتك كوسترمك استر توقف بو خدمته خطادر وتعل ناروا
اصحاب واحباب اول كلماتي استماع ايتد كده ايتديلر (انالله واناليه راجعون
اي شهرزاده چون نهايت عزتك معلوم اولدى و غايت مسافرتك وضوح
بولدى بو اطفال و عيالى نه اميدايله ديار غربته صالورسن و نه وسيله ايله
سر كردان قيلورسين حسين ايتدى اي عزيزل اهل بيتم احوالن دخی
حضرت رسوله عرض ايتدم ببورديكه انلری دخی واجب الوجود ظالم
انده اسير و عاجز كورمك استر و انلره دخی اول بلايه مقابل جزايتورمك
استر) القصه اصحاب واحبابله وداع ايدوب تهيه اسباب سفر قلوب اول
ساطان سرير كر بلا و شهنشاه مسند عز و علا جميع اتباع و اشباعن جمع
ايدوب و مخدرات بحره عصمت و جواهر اصدا ف طهارتيچون مشكين
موى ناقدر اوزره مناسب هو دجلر و عماريلر مرتب ايتديروب صبحدم كه
شاه انجمن سپهر انجم حاشيه سبز هزار سپهر لا جور دفا مه خيمه زرين طناب
دكدى و فراش صبح صادق روزنه شبستان ظلمه پرده زرينكار چكدى علم
عزيمت ولوای قتح و نصرت فالديروب و صدای كوس رحلت و صدمه
نغير ارتحال الله جرس واقبه زرينكار كون آسمانى دولديروب اتفاقا هم اول
كونكه مسلي شهيد ايتملردى مكه دن چيقوب متوجه عراق اولدى
(شعر) كسب شهادت ايتمكه غربت ديارنه * اولدى روانه قافله
عز و احشام * اشراف اهل بيت سفر اختيار ايدوب * سببار اولدى
اختر كردون دين تمام * اول سرور دين و نقد سيد المرسلين اهل مكه ايله
وداع ايدوب روان اولد قده عروق اراضى مكه يه لرزه دوشوب خواص
و عوام حجاز بعض مر افقيچون و بعض متابعتيچون متحرك اولوب برزله
قويديكه نظاره سى عيوني تيره و ناملی عقولى خيره قبلدى و ام
مفارق شدن خلقه بر كويه غالب اولديكه اول كويه دن ابر بهار منفعل
اولدى (شعر) خانه كعبه اوردى كو كسنه طاش * چاه زمزم افتدى
كوزدن ياش * خاك پاك خطيره بطحا * ذره ذره تب سمند صبا * اول

شهنشاهه اولدیله همراه * چقدی چرخ برینه کرد سپاه * تمامی اعبان
 و اشراف کعبه و خواص و عوام مکه بمنزله اول شهریار عالیقدر
 و سلطان کامکارک ملازم رکاب همایونی اولوب و طریق ملازمتی رعایت
 قیلدیله رقه شاد روان رفعت زینت روی زمین اولد قده واردوی همایون
 سه عادتله نزوله اجازت بولد قده حضرت امام برفضای فرخنده
 برکسی نصب ایستد یروب اوزرینه چیقوب حد و ثنایی محتوی و شکر
 سپاسی مشتمل بر خطبه باغ ادا سندنصکره ندا قیلدیله ای معشر
 اصحاب کرامی و ای حضاره مجلس سامی بن سیاح بادیه پیمای صحرای
 مصیبتیم بن مسافر بیابان نورد بادیه محنتیم بن سیاره آسمان غربتم بن سالک
 طریق شهادتم خاطر فاترمه اندیشه لذات دنیا کگذار یتز و ضمیر
 پرتشویرمه خیال تصرف ملک عالم یتز صحیفه صحبتیم نقش حیلہ دن
 معرا و جریده القم طراز خدعه دن مبرادر هیچ بنده یی اقتای فوائد
 دنیوی وعده سبیلہ مقید ایتزم و هیچ فقیرک اعتلای مراتب و مناصب
 مرثده سبله دامن تعلقن طوعتمز تحت اوای رفعتمه سایه سلطنت صوری
 تمنا قبلن سر رشته ارتباطی سلسله القتمدن قطع ایتسون و نوهارشو کتمده
 ریاحین تعلمات مجازی یه طالب اولان ترك القتم طونسون (شعر) بن
 بلا دریاسنه غرق اولغه بصدم قدم * کرمسون کرداب وش چورمده
 هرجانی سون * بن بقادیرنده منزل طوتمغه عزم ایلدم * طورمسون یا نمده
 ملک وقصر و ایوان سون * بونصیحتکدنصکره شمع شبستان حرم
 سرای عصمت اولوب صباحه دك سوز و کدازله اوقات کچوردی
 علی الصباح که تیغ شمشیر خسر و خاور رابطه نوردن ظلمات سلسله سن
 قطع قبلدی و سپاه روم و حبش بری برندن ایرلدی اول منزلدن واردوی
 همایون ارتحال قیلوب و احباب حقیقی و مجازی بری برندن ایریلوب اولکه
 رشته ارتباط تعلقات دنیایه محکم ایدی و داع ایدوب مکه یه مراجعت
 قبلدی و اولکه طریق وفاده راستخدم و ثبات قدم ایدی مرا فقده یکجهت

اولدی (روایتدر که ایکنجی منزله حضرت سلطان کر بلا برنامه تحریر
ایدوب عامه بنو هاشم و کافه بنو عبدالمطلبه ارسال ایتدی بومضمونه که
ای سلسله انساب رسول الله منتظم اولان جواهر اصداف سعادت
وای شرف قرب مصطفی یوان زواهر حدایق سیادت کنجینه اقبال بی
انتقاله طریق تشرف بولشم کمال مروتم اقتضای صلاهی عام ایدر ومأده
نعمت بیزواله مهمان اولشم حسن سیرتم تقاضای اخبار و اعلام ایدر
ایمدی متهمی مکتوب شریفم اخبار توجهم اعلام ایتد کده وبشیر رساله
لطیفم سزه یتد کده هر کیم استعجاله کلدی بوکنجینه دن بهره بولوب
بومأده دن نصب آلدی وهر کیم توقف قبلدی محروم قالدی والسلام
مکتوبی ارسال ایدوب بارخانه لر یوکلنوب روان اولدی برنجیه منزل
قطع اونند قدده انشای طریقه صباح نام بر منزله فرزدق شاعر که
عراق دن کلوب حجازه کیدردی اول حضرتک پابوس شریف لایله مشرف
اولوب اظهار دعا و ثنا قبلدی بو طریقه که (شعر) السلام ای نقش
نعل مرکب محراب دین * حلقه فزاک رخشک رشته * حبلمتین *
طرح اردوی همایونک طراز مهد ملک * نقش چتر بارگاهک زینت
روی زمین * حضرت امام اندن احوال عراقی سؤال ایتد کده ایتدی
یا ابن رسول الله اهل کوفه ک افعالترین اقوالترین مخالف کوردم
حضرت امام الک سوزینه تصدیق ایدوب اول منزلدن دخی روان اولوب
بطن الرمه دیمکله معروف منزلی مخیم خیام اردوی همایون ایدوب اول
منزلدن اهل کوفه یه قبس ابن مشهرله برنامه ارسال ایتدی بومضمونه که
اکابر واعیان عراق واعظم واشراف کوفه دن طریق مودتمده قدیم الوداد
وجاده اطاعتمده سلیم الاعتقاد اولان صنادید عظام وفرقه معارف کرام
شرائف تسلیمات عنایت انجم واطائف تحیات سعادت اختتامه
اختصاص تام بولد قد نصکره معلوم ایدر که عمراده جلیل القدر بیعدیل
مسلم بن عقیل که وکیل معتمد ورسول معتقدمدر بوجانبه ارسال رسائل

ایدوب مضمونده سزك صورت اخلاص و اعتقاد كزی عرض ایتمکین
 سلسله توجهم اول جانبہ متحرك اولوب و عقاب رایت رفعت و اجلال اول
 عرصه هوا سیله بال و پر آچوب متوجه اولشم و اهتنامه عزیمت قیلشم
 امبددر که حضرت عزت توفیق اتصال مہسر قیلہ و بونامہ بطن الرمدن
 سزہ ابعاث اولندی نامعلوم اولہ (روایتدر کہ) حضرت امام مکہدن
 چقبوب متوجه کوفہ اولدقده یزیدک آتدہ اولان اعوان و انصارندن
 عبیداللہ زیادہ مکاتب ارسال اولنوب خبریتشدی و عبیداللہ زیاد
 جمیع شوارع و منازل معتمد کسمنہ لیتہ تابشوروب مصون و مضبوط
 ایتشدی قہس بن مشہر کہ حضرت امامک مکتوب شریفن کوفہ
 اعیانہ یتورمک قصدنہ استعجالہ کیدردی قادسیہ ملکینہ یتدکدہ
 اتفاقا اول مقامک حفظنہ مأمور اولان حصین ابن نمیر معلوم ایدوب
 اول مظلومی طوقوب عبیداللہ زیادہ ارسال ایتدکدہ عبیداللہ زیاد
 اول بی کٹاہی شہید ایتدی اما حضرت امام منازل و مراحل
 قطع ایدوب کلور کن درودنام منزله یتدکدہ کوردیلر برخیمہ قورلش
 و بر سرارپدہ اورولش حقیقت حالی سؤل ایتدکدہ دیدیلر زہیر ابن
 قہس نجفی مکہدن کلوب ملکینہ کیدر حضرت امام بر خدمتکار
 ارسال ایدوب آنک احضارن مراد ایتدی حضورنہ کلدکدہ ایتدی
 ای زہیر بزکھر رضای حق تمناسندہ دریای بلا غواصلری یز نھنک
 نائبہدن احتراز ایتمین بزہ ہمعنان اولور و بز جوھر قرب ایزد تولاسندہ
 صحرای ثبات و صبر سیاحلری یز هجوم ہجوم حادثہدن اجتناب ایتمین
 رفاقتنہ رغبت قبلور آياسندہ اول ہمت اولہمی کہ میدان محبتدہ
 مرکب مجاہدت یوکردوب ہمعنان اولہ سین و شمشیر شجاعت
 چکوب مرافقت قیلہ سین زہیر اول نو بہار توفیقدن کل کی خندان
 اولوب دیدی یا امام زمان بر مدترکہ بوسعادتہ منتظر ایدم المنۃ للہ کہ
 مہسر اولدی و حسن طالع حصول مر ائمہ معاونت قیلدی (شعر) کلدی

اول دم که قیله م جانی جانانه فدا * ایلم عرض محبت قیلم اظهار وفا * هم
 اول ساعت منزله معاودت قیلوب اصحاب و اتباعنه ایتدی ای قوم
 بن غرقه کرداب محبت اولدم وجانب عقبایه توجه قیلدم بلایه محکم
 اولوب فنیاه رضاوین بنه اولسون وکلسون و مقبدراحت اولوب آرزوی
 فراغت قیلن مفارقت قیلسون و منکوحه سنه ایتدی ای یار عزیز
 بن نقد جان صرف ایتمک شهادت بازارنه توجه ایتمش سن بنم مالمند حقه کی
 آلوب بدن مفارقت اختیارایت و برروایت دخی بودر که اول عورت طلاق
 آلوب قرداشی ایله کوفه یه کتدی و برروایت دخی بودر که دیدیکه ای
 زهیر سن حسین ملازمتن اختیارایتد کسه بن دخی خاتون قیامت خدمت
 اختیار ایتدم اتفاقله کر بلایه کلدیلر چون حضرت امام شقوق نام منزله
 نزول ایتدی کوفه دن رکنه کلوب خبر و یردیکه مسلم عقبی وهانی
 ابن عرویه شهید ایتدیلر و باشلرین شامه کوندردیلر حضرت امام ایتدی
 (انالله وانا الیه راجعون) روایتدر که مسلم عقباک اون اوچ باشنده برقری
 اولوب حرم سرای عصمتده مصاحبت مخدراتله مشرف ایدی و حضرت
 امام اکا غایتده احترام ایدردی مسلم خبر شهادتی استماع اولندقد
 حضرت امام حرم سرایه کلوب اول قری کوروب اول کونده زیاده التفات
 ایتدی اول صالحه فراستله متوهم اولوب ایتدی یا حسین مکر مسلم شهید
 اولو بدرکه بکا یتیم لر عایتن ایدرسین حضرت امام تحمل یتیمو کرین
 اولوب ایتدی ای صالحه مسلم کتدیه بن انک یریندیم اول فقیره مسلم
 شهادتی تحقیق ایتد کده بنیاد نوحه قیلوب و باقی اولادی نالان اولوب
 ماتن طوئیلر (روایتدر که) بوخبر شایع اولوب ثبوت بولدقد بعض
 رفقا حضرت امامه قسملر و یروب مبالغه قیلدیلر که یا امام کندیگره
 و بواسطه عیاله جفاروا کوروب کوفه جائنده کتک و بوتله کده دن
 احتراز اید ککه معرکه غلبظدر حضرت امام تأمل ایدوب بر زمان سکوت
 اختیار ایتد کده مسلم اولادی هجوم ایدوب ایتدیلر یا امام اهل کوفه دن

مسلم قاتن المینجه بنه مراجعت ممکن دکل هیچ کس نه کتزیسه باری
 بز کیدرز یا انتقام الورز و یا کسب شهادت ایدرز (شعر) ذلتله لذتی اولرز
 حیاتک دوستلر * نقد جان صرف ایلبوب دنیاده کالمق کرک * عجزله
 درنمک عدودن سهاردر همت طوتوب * یاشهید اولمق کرک یا انتقام المق
 کرک * حسین مظلوم آنلرده اول همتی کوروب اصحابنه ایتدی (لاخیر
 فی العیش بعده ولاء) یعنی یونلرد نصکره حیاتدن لذت کورمک اولرز کوفه
 عزمنه یکجهت اولوب اول منزلدن کوچوب ماله منزلنه نزول ایتدکده
 عمر بن سعدن برمکتوب وارد اولدی بو مضمونده که ای حسین اهل
 کوفه اقرارلرینی انکار ایدوب مسلم عقیلی شهید ایتدی لر و مسلم حین
 شهادتده بکا وصبت ایتشدی که بو احوالی سکا اعلام ایدم کرکده بو
 اخباری معلوم ایتدکده حذر اوزره اوله سن و کوفه عزیمتک ترکن قبله سن
 بو خبر شهراده نک اردوی همایوننده انشار و اشتهار بولدقده اطراف
 وجوانیدن طمع دوات دنیا ایچون جمع اوللر گروه گروه پریشان اولدیلر
 و میدان وفاده ثابته قدم اوللر قالدیلر اول منزلدن دخی رحلت ایدوب
 بنی المقاتله کلدکده بر سر ایدره کوردیلر قورلمش حقیقتن سؤال ایتدکده
 دیدیلر عبدالله بن حر کدر و حضرت امام ابن حجاجی که آنک قبیله سندن
 ایدی مطالبته ارسال ایتدی اجابت قیلوب حضرت امام بالذات آنک
 منزلته تشریف چوروب اکتاکلیف رفاقت قیلدی عبدالله بن حر ایتدی
 یا امام یزیدک لشکری چوقدر و سندن خدمتکده اوللر شرمه قلیل اولوب
 انلرکه تاب مقاومتلری یوقدر ظن غالب اولدرکه مغلوب اولورلر
 و مجرد بئله رخنه آفت مسدود اولز التماس ایدر مکه بنی معاف ایده سن
 و بنم بر آتم و بر قلیجیم وار که تیرلکده مانندلری یوقدر بیشکش طریقله
 بندن قبول ایده سین * حضرت امام بن آت و قلیج ایچون کلدیم دیوب
 مایوس اولوب آندن مراجعت قیلدی (روایتدرکه واقعه
 کربلا د نصکره بر کیمجه واقعه سنده کوردیکه محشر قائم اولمش و ندا ایدرلر که

حضرت امام حسین علیه السلام شهادت بولدر کلوب بحساب جنته کیرسونلر
 واول سست رأی وکم تدبیر تأسیر چکردی اما فائده قتلردی (شعر) زهی
 نادانکه شاه ملک ایمان * اکا عرض ایده تشریف شهادت * توهم
 ایایوب تیغ بلادن * اوزرندن ایلیه سلب سعادت (نقلدر که) بومزله
 حضرت امام زینب کبری اوزرینه مبارک باشن قویوب او یقویه کتمش
 ایکن ناکاه اضطرار به او یاوب دیده نمنا کنندن کوهراشک روان اولدی
 امکنوم ایتدی یا حسین سبب کربیه ندر حضرت امام ایتدی حالا
 واقعده جدی کوردم کریان اولوب بکا دیدبکه ای حسین وعده
 مواصلت قریب اولدی امکنوم دخی کریان اولوب وعلی اکبر ایتدی
 یا امام لشکر اعدا ایله مقاتله واقع اولدیغی تقدیرجه حق زنده در و بزحق ایله
 یوخسه انلر جاننده می حضرت امام ایتدی حق زنده در و بزحق ایله
 علی اکبر ایتدی پس هر جفا متصور اولسه غم دکل (الفصه) اولمزلدن
 دخی انتقال ایدوب قطعه طاهره دیدکلری منزله نزول ایتد کده شاهزاده جمیع
 لشکر جمع ایدوب ترتیب مقدمات انصایح و مواعظ ایتد کد نصرکه
 مسلم عقابت شهادتن واهل کوفه کد خیاالتن شایع ایدوب ندا قبلدیکه
 ای قوم آینه دوران برغیری صورت کوسردی و نهال تدبیر مقصود
 مخالف برویدی و محقق اولدیکه اصل کوفه نقض عهد ایدوب مسلمی
 شهید ایتشار و لشکر یزید جدال و قتال ایچون اطراف و جوانبری
 طوتمش و بن یلور که اقتضای شهادت بکار خست نصرت و یرمز و غیرت
 شجاعت مراجعت ایتک جائز کورمز هر آینه بکا بودریای بلایه غوطه
 ایتک لازمدر واسه تعداد رتبه قدردم بوسیلاب فتنه گردانسه عازم
 و جازمدر اما سزه عموما رخصتدر که ابواب نجات مسدود اولمدین
 کندیکری فضای سلامته چکوب بوتفرقه دن امین اوله سز و رایش فتنه
 زمان عنان اختیار کری الدن آمدن برجانسه کیدوب بودغده دن
 قورتله سز * ز پراروا کورمز که بنم وجودم خیر محض ایکن سزه نسبت

موجب ضرر واقع اوله و مرآت صورت حال کن بنم رهگذار مدن غبار
 کدورت بوله (روایتدر که) اول جامعندن اول وقتندك خاطرند هتوز
 مظنه انتفاع دنیوی اولنلر قطع علاقه قیلدیلر و دعوائی ثبات محبت
 قیلنلر رضایی قضایه و یروب فریاد و فغانه کلدیلر که ای هادی طریق
 مستقیم وای مقتدای صراط قویم بز دوات ملازمه کده سالک راه
 هدایت ایکن زه امتحانله بادیه نأسف طریقن کوسترمه و بردم سعادت
 شهادتن نومید اولدیغمیزی روا کورمه (شعر) بز بلادن انجنوب
 بیداددن وهم ایتمز * نقد جان صرف جانان ایلین عاشقنلر * عشق
 میدانده بیداد و بلادن دونموب * راسترو سالکرن ثابتقدم صادقنلر *
 فی الواقع اول زمانده سعادت و شقاوت بر برندن امتیاز بولدی و سعید
 و شقی احوالی بوا امتحانله معلوم اولدی اول طائفه که عمر و مالی
 و اولاد و ملک دنیایه مقید اولوب ترک ایدیتلیدی و کسب سعادت ابدی
 قیلیدی و اول گروه که اسباب مستعار دنیوین کجوب سعادت شهادت
 اختیار ایتدی منزل مقصوده یتدی یقیندر بو که قسام قضایه باخری صنه
 اجرت و یرمز * و هیچ مذهبه ایکی همشیره بر نکاحه کیرمز (القصه)
 حضرت امام منزل منزل قطع راه ایدرک بنی سکون قبیله سنه یتد کده
 بنی عکرمه دن بر شخصه اوغرایوب آدن کوفه احوالن سؤال ایتد کده
 ایتدی ای امام عبیدالله زیاد سنک قصه دیکره هر جائه لشکر روان ایدوب
 تفحص کده و تجسس کده درل صلاح اولدر که مرا جعت قبیله سن حقا که
 توجهک تبغ ابدار و سنان خونخواردر و مخالفک غایتده جفا پیشه
 و ستمکاردر اول نهنگ در یای ولایت و شیر پیشه سیادت اول خبردن توهم
 قیلوب بلکه شوق شهادت حدت زیاد ایدوب روان اولدی اماراه دارل
 و جاسوسلر حضرت امامک بنی سکون قبیله سنه یتوب آدن دخی رحلت
 ایدوب وحدت عزیمتن کوروب عبیدالله زیاد خبر و یردیلر اول مدبر بحر بن
 بزید ریاحی ه امی ایتدیکه بیک مسلح نامر دایله استقبال قیلوب حضرت

حسینی قنده کورسه نوجهله اولورسه غیرجانک توجهندن منع ایدوب
 کوفیه کتوره حربن یزید اول لشکر ایله بادیه پنا و صحرا نورد اولوب
 منزل منزل حضرت حسینی مطالبت ایدوب و تردد قیلوب سداب دیمکله
 معروف منزله یتوب اومنزله آرام طوتوب منتظر ایکن حضرت امام
 منزلندن کیجه ایله کوچوب بدرقه اختر اشک غم اندوز و مشغله آه جگر
 سوزله صباحه دک قطع راه ایدوب (شعر) صبح کیم خلقی خازن حکمت
 سر نهاندن ایلدی اگاه * چرخ ظالم نهاد و کافر کیش * قیلدی بختانه
 سنی آشگاه) اول پادشاه بت شکن و اول سلطان آتشخانه فیکن و اول
 شاهباز دشمن شکار علوی نشین غایت استعجالدن اختیار نزول ایتوب
 آفتاب وار رایت رفعتی آسمانه چکوب و سحاب مزکان در افشاندن زمان
 زمان رهکناره باران رحمت دوکوب یورردی اول زمانه دک که اجرای
 زمین ارتفاع خورشیددن کسب حرارت قیلوب و باران سموم و سراب
 حدت هوادن رواج رونق بولوب رفعت آفتاب زواله متوجه اولدی
 و هیئت روزگار فرط حرارتدن تغیر بولدی (شعر) غایت حدت و یروب
 سوهان نقش ربکه * دهر جلادی هوا تیغی خونریز ایلدی *
 صفحه صحرا ده صورت کوسروب صودن سراب * تشنه طبعه ده تعطش
 آتش تیز ایلدی * و دبدبه تعظیم و تبجیل و زمزمه تسبیح و تهلیل ایله
 طلیعه سپاه ظفر پناه منزل سداب یتوب حربن یزید یا حینک لشکرینه
 ملحق اولدیلر و حرك لشکریدخی بر صحرا ده دوشوب هریری کند و سایه
 مرکبده قرار طوم شکن صلابت عسا کر ظفر مأثر دن اهترازه دوشوب
 صحره شوب هر کبلرینه بنوب صف چکوب مقابله کلدیلر تحقیق حال
 ایتک ایچون سلطان کر بلادن اول لشکرک سپه سالاری احضار نه فرمان
 صادر اولدوقده حربن یزید یا حی احتراز و اجتناب ایتوب ملازم رکاب
 همایون اولوب عر ضحال ایتدی بور سمله که (شعر) ای سجد در کھک
 سرمایه دنیا و دین * شمشه یوان قدرک حلبه عرش پرین * خادم خلوت

سرای طاعتك ذكر مدام (هذه جنات عدن فادخلوها خالدين) یا امیر
 المؤمنین اسلام سندر درست * یا امیر الشریع سنسن رهبر اهل یقین *
 یتسون مقصودنه هر کیم سکا ایلر سه قصد * کور مسون راحت یوزن
 هر کیم سکا با غلر سه کین * حضرت امام آک اسم و رسمن سؤال ایتد کده
 ایتدی یا امام بنم حربن یزید ریاحی حضرت امام ایتدی یا حر (النام علینا یعنی
 معاونته می کلش سن یا محاربه می حر ایتدی یا امام عبید الله زیاد طر فندن
 مأمور مکده ملازمتده اولم کوفه دن سکا غیری جانبه کتمکه تمکین و یریم
 حضرت امام ایتدی (لاحول ولا قوة الا بالله) ای حر حالا نماز و قیام و سن
 جماعت کله و یز جاعتزله نماز ایده لم اندنصکره قنده کتملو ایسه کیده لم
 حر ایتدی یا ابی رسول الله سن امام زمانسین امامت ایت اقتدا ایده لم
 (شعر) سکا استرم کیم قلم اقتدا * بودر عالم ایچره همان یتیم * که بیلدم
 سنی مقتدا ایلم * قبول ایلر حق بنم طاعت * حضرت امام اکا (احسن الله
 الیک) دیوب انفاقله نماز قیلد قدنصکره حضرت امام خطیبانه شمشیر
 آبدارنه تکیه قیلوب حمد و ثنای مشتمل و درود و دعای محتوی بر خطبه
 باغ ادا قیلد قدنصکره اهل کوفه بی مخاطب ایدوب و وعظه خطبه سن
 بو کلماته مزین قیلدیکه ای محمد امتی (جعل الله التوفیق رفیقکم) اگرچه
 بنم رقبه اقتدارم یزیدک رقبه انقیاده کیرمک مناسب کور ایلوب آک
 اطاعت نامه قبولندن انحراف ایتدیکم درجه وضوحه یتشددی و مکده
 قرار و اقامت و یروب اول بقعه شریفه ک توفی بنی غیر دیاردن مستغنی
 ایتشیدی سز که اهل کوفه سز متواتر نامه لارسال ایدوب و آثاره و دت
 و محبت عرض ایلوب امام و مقتدا من یو قدر دیو بنم احضاری لازم
 ایتدیکن ایتدی اگر حالا اول قرار اوزره ایسه کزین بکال لازم اولان امره اقدام
 ایتدم سز دخی لازم اولان مصلحتی سرانجام ایدک واکر عزیمت ملک
 سعادتده خار صحرای تعلق دامن همتکز طو توب پشیمان اولدیکن زایسه
 خار ره کذارم اولک کلدیکم کی مراجعت قیلیم زیرا بن بودیاره کلدی

جدال و قتال ایچون کندور ایمله اختیار ایتیمیشم و راضی دیککه سبب
سنگ دماء اولم حر ایتدی ای حسین بن علی بنم نامه لدن خیرم یوقدر
حضرت حسین ایتدی سنگ یوغیسه لشکر کده خبری اولان چوقدر پس
بیور دیکه اول نامه لری بعض حاضر اولنره کوستروب انفعال و یردیلر
(شعر) ای خوش اولدمکه نامه اعمال * غافل و واقف کنه ایلر * محک
امتحان اولوب ظاهر * نقد مغشوشی روسباه ایلر * بوحاله مقارن جانب
کوفه دن الی نامرد استعجال ایله کلوب عبیدالله زیاددن حره برنامه
کتوردیلر مضمونی بوکه ای حره نه مترلده که امام حسین علیه السلام اوله سن
و ملاقات قیله سن کر کدر که اکاموکل و مسلط اولوب بوجایه کتوره سن
حر اول مکتوبی مطالعه ایتد کده حضرت امامه کوستروب ایتدی ای نقد
رسول هاشمی ملاحظه قیله که سنگ خصوص کده عبیدالله زیادک تقدیر
اهتمامی وار و بن حیرته یکه آیانه تدبیر قلم اگر سنی معاف ایتسم عبیدالله
زیاددن وهم ایلرم و اگر سکا قصد ایلسم معبودمدن خوف ایلرم اما
الله خوفی عبیدالله زیاد و همینه غالبدر قلم اولسون اول پنجه نامه بار ککه
سن کی پنجه آفتاب شعاعه شمشیر آتشبار چکوب ظلمات عصبانله کیندی
روزگارن سیاه ایده و عدم اولسون اول ناجوانمردک منزلی که سن کی کامل
وجوده زخارف دنیا ایچون قصد ایدوب وسوسه شیطانله کیندو احوال
تباه ایده حقا که بوجانبه کده یولده هیچ نسیم بندن یکا گذار ایتدیکه
بکا بشارت بهشت پرین یتورمدی و هیچ خار و خارایه اوغرا مادمکه بکا زبان
حاله مرده شهادت و یرمدی و بن حیرته یم که آیانه عمل جراسیدرین
خود مقاتله آل رسول ایله مأمورم اما امیدر که مقاتله هر اقلقه مبدل
اوله و حق دولت متابعتکرده بکا سعادت شهادت مبسر قیله حالا
بنله مخالف اولمغین صلاح بودر که مطهرات حجرات عصمت بهانه سبله
سزک اردوی همایونکیز بزم عسکر شرارت اثر یمردن برمی تبه مباعدت
اختیار ایدوب نزول ایده و ظلمات شب مستولی اولدقده ارتحال ایدوب

نه جانبه مراد کنایه روان اولك صباح اولدوقده بن لشکری خلاف سمتہ
چکوب صحرا ده بر زمان تردد ایدوب بولدم دیومر اجعت قیله یم
و بوم صبتدن اوله که نجات بولیم حضرت حسین اسرار حکمت
اظہار یچون اول صلاحی مناسب کورب نزول ایتدکده بر مقدار آنلردن
بعید اولغله آنلر خواب غفلتده ایکن نصف لیله اردوی همایون
کوچوروب جانب مکہ معظمه یه روان اولدی غالباً اول کیجه عروس
عالم شهدا ایچون تعزیت استعداده اولوب کسوی مشکبارنده
رخسارن نهان ایتشدی وشهیدلر و مظلوملر اضطرابن کوروب دود آه
زمین دامن آسمانی طوطشدی (القصة) رطبت مهیب جانستان ایدیکه
بادیه دشتده حضرت خضر خردسرگردان ایدی نه ماه وستاره دن نشان
پیدا ونه صبح و آفتابدن اثر هویدا آنک کبی ظلمتده اول مظلوملر عنان
اختیاری قائد قضایه تسلیم ایدوب تمام کیجه جدوجهدله قطع منازل
قیلوب صبح اولدوقده مرکب شہسوار میدان شہادت بر هولنک متراده
توقف ایدوب اندن ایلرو کیمکه تقدیردن رخصت بولمادی و حضرت امام
اول سوار اولدیخی اسبه هر نه قدر تازیانه اوروب تحریک ایتدی
قائده قیلمادی و حضرت امام ایتدی ای منازل و مر ایلدن خبردار اولنلر
بیاورمسن بونه منزلدر دیدیلر بوزمینہ ارض ماریه دیرلر حضرت امام ایتدی
شاید دخی رغیری اسمی وارا اوله دیدیلر بر اسمبدخی کر بلاددر حضرت امام
ایتدی الله اکبر هذا ارض کرب و بلا (شعر) بودر اول منزلکه طیر اغنه قانین
قامنر * بونده در زیر امکان جسم سرگردانر * علی اکبر متالم اولوب ایتدی
ای پدر بزرگوار بونه فال نامبار کدر حسین ایتدی ای نور دیده حضرت علی
مر تضا ایله عزیمت حرب صفین ایتدکده و بومنر له یتمدکده حضرت مرتضا
دلدادن ایوب امام حسنک دیزی اوزرینه مبارک باشن قویوب او بقویه
کتشیکن ناکاه بیدار اولوب آه چکدی امام حسن سبین سؤال ایتدکده
اول حضرت ایتدی شمدی واقعه کده کوردمکه بوسحرا کرداب خون

اولش و بنم حسینم اول کردابه دوشوب متحیر قالمش تقدیر که استغاثه
ایدر کسینه فریاد نه یتیم پس بکا متوجه اولوب ایتدی یا حسین بو بادی ده
سکاه واقعه الویرسه نه دیر سین دیدم یا شاه مردان صبر ایدرم و صبر ایله اجر
استرمکه (انما یوفی الصابرون اجرهم بغير حساب) پس شاهزاده ییوردیکه
حجاب بارگاه رفعت اول منزلی مخیم خیام اردوی همایون ایدله فرمان
واجب الانعان مقتضاسنجه اول پادشاه عالم پناهک سرار پرده رفعتلری
صحرای کر بلایه اورادی و اول سلطان ملائک سپاه و حشمت دستکاهک
بارگاه سعادتلری میدان بلاده قورادی (شعر) سایه صالیدی قبّه
کردونه چتر عرش سای * یتدی سطح خاکه قدرندن کمال ارتفاع *
کر بلا کردون ایدی چتر شهید کر بلا * خیمه خورشید ایدی اطناب اکازین
شعاع * چون حضرت امامک جمیع افعالی مظاهر اسرار حکمت
و مطالع انوار قدرتر حر بن یزید ریاحی لشکرندن انحراف ایدوب مکه
جانبه توجه ایتمش ایکن ناکاه اختیار کر بلا جانبه دوشدیکه توهمدن
و تحیردن دکل ایدی بلکه بو غرض منظور ایدیکه عزیمت میدان بلا و توجه
دشت کر بلا کندونک محض شجاعتمندن بلمنیوب رقیق اولان ایمان
دولته وارکان حشمت معلوم اوله که دائره تدبیر و تصرفدن خارج بر محرک
سلسله ارادت و بدرقه طریق مشیت وار که انک امر یله در هر نه واقع او اور
(نقاد که) حضرت امام سمند باد پای بادیه پیما سندن نزول ایدوب خاک
کر بلایه قدم بصدوقده اول خاک شریف حیا سندن صراروب آدن بر
غبار چیقوب کبوسوی معتبرلین مغیر ایتدی ام کلثوم آتی کوروب ایتدی
ای عزیزم بر عجب حالت ملاحظه قیلدم و بر غریب عارضه کوردم
و بادیه طراغندن کوکله بروهم مستولی اولدی حضرت امام اکاتسلی
و یروب شهره بانویه ایتدی ای یار دلنواز ای همدم و همراه بنی بوموضعه
اعضای مجروحله آغشته خاک و خون کورد کده و صیتم بودر که زینهار
صدای نوحه ایله باعث تزیید سرور اعدا اولیه سن و کبوسوی مشکین

پريشان ايدوب گلستان جالك تماشاگاه اهل شهادت قيله سن (شعر)
 قيلولوب كبسو پريشان خاطر ن جمع ايمه بدخواهك * سرود آهله درد دل
 اظهار ايمه اشرا ره * آچوب خورشيد عارض قيله روشن چشم
 بد بيني * كريمان چاك ايدوب جنت قوسين آچه كفاره * تمامي اهل بت
 بو خبر دن كريان و بريان اولوب ديده نماكله ايتد بلر ايشاه زاده عالميه بونه
 اخبار جان كداز و جكر سوز و كلام الم انجام و غم اندوز در * حضرت
 شاه زاده مقدمات نصايح و مواعظله تسلي و پرديكه اي جواهر معدن
 رسالت واي رياحين روضه ولايت چون اراده تقدير رباني بود در صبر دن
 غيري نه چاره (شعر) صورت كيفيت اشيا چكن رسام صنع * كارگاه
 صنعتن موقوف تدبير ايلز * وادي تدبير سر كر دانيدر عالم ولي * حيله
 تدبير سلب حكيم تقدير ايلز (القصه حضرت امام اول باديه خونخوار
 و صحراي ملالت آثار ده قرار طوئوب متمكن اولد قده سليمان سر در خراي
 سر نامه ايدوب اشراف عراقه بر نامه يازوب قيس اعرابيله ارسال
 ايتدي بو مضمونه كه اي غائبانه اظهار صداقت قياوب عرض اشتياق
 ايدن معتقدلر واي مخلصانه عبوديت نامدلر ارسال ايدن مجاهدلر سرك
 مكاتب و مراسله كنك سطور خطوطي سلاسل جذب ارادتمنر واقع اولوب
 بوجاييه توجه قيلولوب حال داشت كر بلا كه بطن بلاد و عراق عرب در مخيم
 خيام نزول اردوي همايون اولدي و سهيل اقبال ججاسي مطلع من بو
 قضايه بر توسعادت صالدي ايمدي كر كدر كه قيله يغكر عهده وفا قيلولوب
 وسعادت مقدم شريف مني مغتنم يلوب مضمون مثال واجب الامتثال
 اطلاع بولد قده نقد جان نثار ايتكه در كاد فلك اشتباه منزه كه قبله اقبال
 و منهج آمالدر توقف سز توجه قيله سز وسعادت عقبا دولت دن يادن
 اولي اولديغن محقق بيله سز حقا كدو بشارت سزه اهداي طريق هدايتدر
 تصورايتك كه استدعاي مظاهرت و معاونتدر زيرا سلطنت عالم فاني
 اكا دكر كمنت ايله تحصيل ايددلر و ذات ايله راغوب كيددلر (شعر) بگ

توفیق ایلہ بن قطع تعلق قیامش * چکمن منت اولوب مائل سریر و افسرہ *
 چون بکام تصود فتح عالم تجرید در * عالمی طومقدہ کون محتاج اولور می
 لشکرہ * قیس اعرابی حضرت امامک نامہ سن کوفہ الیہ التوب سلیمان
 خراعی یہ وروب جواب الحق قصد نذر و ان اولدقدہ کوفہ یہ یتدن عبیداللہ
 زیادک طایعہ لشکر اول نامرادی مرادہ یتدن طوتوب حضورنہ
 التذیلر قیس اعرابی عبیداللہ زیادہ مقابل اولدقدہ نامہ بی پاره ایدی عبید
 اللہ زیاد ایتدی نیچون نامہ بی پاره لک قیس ایتدی دوست سری دشمندن
 مخفی کرک عبیداللہ زیاد ایتدی ای قیس اگر بنم سببستمدن نجات
 بولاق ایسترایسک ایکی ایشدن برین اختیار ایت یا نامہ اولان اسمعلی
 اظہار ایلہ یا منبرہ چیقوب حسینہ واتباعنہ ناسزادیوب بکاو زیدہ ستایش
 قبل * قیس ایتدی ای ابن زیاد اظہار نامہ خود ممکن دل کل * اما قضیہ
 منبر احتمال پذیرد ریب و رک خلق جمع اولسون سلسلہ جمعیت منتظم
 اولدقدہ قیس اعرابی منبرہ چیقوب زبان فصیحلہ واجب الوجودہ حد
 و ثنا و حضرت رسولہ درود بی منتها اداقلدقدنصرکرہ ندا قیلدی بکہ ای
 اهل کوفہ بن رسول حسینم وکشم کہ تشریف شریقتدن سری خبر
 دار ایدم و مضمون نامہ بی آغازدن انجاء لک شرح قیلدی ویزیدہ و ابن
 زیادہ لغت و نفرین اوقیوب و حسین واتباعنہ ستایشلر قیلوب خواص
 و عوامہ غریو و غلغلہ صالیدی عبیداللہ زیاد اول واقعہ دن غضبناک
 اولوب هنوز منبرہ ایکن اول مظلومی شهید ایتدردی رجہ اللہ علیہ
 (شعر) نہ ساعتدر کہ کلزار بلادن برکل آچلن * نہ دمدر کیم فلک
 بر مبتلا بغریبی قان قلن * چون عبیداللہ زیاد حسین بن علیک کر بلایہ
 کلدیکندن واقف اولوب اول حضرتہ برنامہ ارسال ایتدی بو مضمونلہ کہ
 ای حسین بکا یزید نامہ لار سال ایدوب اعلام ایدوبدر کہ حسین بن علی
 اول جانبہ کلدکدہ بنم بیعتی اندن آلمنجه قرار طومقدسین واکر قبول
 ایترسد قتلندہ تمل ایتبہ سین ایتدی سکا نصیحت ایدرم کندیکہ ترجم

ایدوب بزیدک بیعتن قبول ایت واکر قبول ایتزایسک اسباب محاربه
 مهیا قیل * حضرت حسین اول نامه نک مضمونه مطلع اولدوقده لندن
 براقیدی وچهره مباری غضبندن کثاری اولوب بیوردیکه زهی بدبخت
 قوم که رضای خانی غضب خالقه اختیار ایدوب امتی یزدیدکری
 بیغمبرک اولادن هلاک ایتمکه رضاسین استرل (شعر) کورنه جاهلدر
 عدو کیم دعوی اسلام ایدوب * دولت دنیا ایچون آل رسولی ایلر هلاک *
 کورنه غافلدر اکاتباع اولان بدبخت کیم * خلقی خوشنود ایلوب ایلر
 خدایی خشم نک * قاصد عید الله زیاد ایتدی یا حسین ندر یورسالیه
 جواب حضرت امام ایتدی (ماله عندی جواب لقد حقت علیه کلمه
 العذاب) قاصد عید الله زیاده مراجعت قلوب حسین بن عاینک
 جواب ویره یوب نامه بی براقیدیغنی اول مدبره خبر ویردکده اول بدبخت
 غضبناک اولوب اهل مجلسه یوز طر توب ایتدی ای اکابر شام واعظم
 کوفه کیمدر که سزندن مقصدی حرب حسین اولوب هر مملکت معظم که
 عراقدن مراد ایدنسه اکا ورم هیچ کسنه جواب ویره دی بو کلمه بی
 کرانله تکرار ایدوب کسنه دن جواب آله میوب عاقبت عمر بن سعد و قاصه
 ایتدی ای اشجاع بنی قریش بزم تدر که ملک ری تمناسنده سین و دیار
 طبرستان استعاضنده سین ایتدی ملک ری و دیار طبرستان حکومت
 سکا ویردم فی الحال منشور ایالت توقیع اختتامه یتوب تسلیم اولدوقده
 برخلمت فاختره دخی کبیروب و برجنب یرق رفتار دخی ملازم لینه
 تسلیم ایتدردی بوانعام واحساند نصکره ایتدی ای نقد سعد و قاصاتاک
 اکا بر صحابه دن اولوب شجاعتمده مشهور و معروف ایدی وحالا یزیدک
 تحت لوای حکومتنده اگرچه معتبر سرافرازلر چوقدر اما سندن
 اشجع و اقدم مبارز یوقدر بنم صلاحیم بودر که سن سپهسالار لشکر اولوب
 حسین بن علی اوزرینه لشکر چکوب آندن یزیدک بیعتن آله سین واکر
 قبول ایتزسه آنک واتباعنک باشلرین کسوب بوجانبه کوندروب

بو خدعتی کند و که موجب ازدیاد رفعت و باعث تزیید منزلت بیله سن عمر
 ابن سعد ایتدی ای عبدالله بویرامی عظیم و شغل و هیئت تفکرو امل سن
 شروع ایتک اولمز بکامهلت ویر منزلدمی اجعت قیلوب اولاد و اتباعمه
 مشورت ایدوب نه مصیحتد قرار ویر یلور ایسد کلوب عرض ایدمه یمرخصت
 حاصل ایدوب کبدیکی خلعتله مرکب جنبیده بنوب طبرستان وری
 دوشورن اننه آلوب منزله کلد کده اولاد و اتباعی آتی اوزینتله کوروب
 ایتدی یلور انعام و التفاته نسبب واقع اولدی اوله ابن سعد ایدی بوگون
 عبیدالله زیاده درای التفاتی عوجه کلوب و نسیم عاطفتی متحرک اولوب
 بنی بوانعام واحسانله سرافراز ایدوب سرعسکر ایتدی بوشرطله که
 حسین بن علی مرتضی الیه حرب ایدوب یاداره بیعتمه کتورم و یادرجه
 شهادته ی تورم اولو اوغلی ایتدی هیبهات هیبهات ای غافل بونه خیال غلط
 ونه اندیشه باطل ونه سودای بیهوده وسعی بیخا صلدنر آیلر بیهسنگه
 اول جکر کوشده زهرا و نور دیده مصطفی و سرور سینه علی مرتضادر
 و سنک اتاک سعد و قاص نقد جانی آنلرک یوانده صرف ایتدی و حلاسن
 آنک قصده لشکر چکمک استرسن و سن کندو الکله اوچ مکتوب
 یازوب ارسال ایدوب آتی بودیاره دعوت ایتدک حالا غدرله قان دوکت
 استرسن حقا که مسلمانی بوامره ارتکاب ایتد و دعوی اسلام ایدندن
 بو عمل ظهوره یتمز (شعر) آت اولور طون یرتلورری ملکی ایلر انقال * لیک
 تاحشر قالور باقی و بال خون آل * بلکه بونکبتلک اثری قیامتدک
 اولاد و اتباعکه دخی سرایت ایتک مقررر زیرا مصیبت اعظم
 و خیانت ا کبردر عمر بن سعد آنک سوزندن منزجر اولوب یوزد و ندروب
 کوچک اوغاندن نصیحت استد کده اول روسیاه حرامزاده ایتدی ای بابا
 اگرچه قرنداشم دیدیکی سوزلرک صحیح اولدیغی ظاهر در اما امر غائب
 اولوب عبیدالله زیاده ایتدیکی انعام و احسان حاضر درو هیچ عاقل نقدی
 نسنه یو رمن و غائبی حاضر دن اولی کورمر عمر بن سعد آنک صلاحین قبول

ایدوب و اول رایه قرار و یروب عبیدالله زیادك مجلسنه كلوب اظهار
رضا قیلد قده عبیدالله زیاد خوشحال اولوب آفرینلر اوقوبوب فی الحال
بش یک مبارز خونخوار همراه ایدوب کر بلایه روان ایتدی (روایتدرکه
عمر بن سعد تهیه اسباب ایدوب متوجه اولمده ایکن حزنه بن مغیره که
خواهر زاده سی ایدی اول مدبرك عزیمتن کوروب ایتدی ای بدبخت ازل
وایدونه خیال فاسد و فکر ناصائبدر آیا اینزد جبار واحد مختار و حیدر کراره
رجوعك اولرمی و عرصات قیامت یاد که کلزمی ابن سعد ایتدی ای عزیز
بن دخی بلورم که بواندیشه ناصائبدر اما ذوق حکومت ری و طبرستان
جمع تصوراته غالبدر حزنه ایتدی حقا که حکومت تمامی عالم اکادکزر که
دیناده بدنام اوله سن و آخرته عقوبتن بوله سن عمر بن سعد بنوصیحتدن
برمقدار متأثر اولوب فسخ عزیمته عزم قیامش ایکن ینه حب جاه و سودای
ریاست دیده بصیرتن اعنی قیلوب ضلالتده یکجهت اولوب اول سرعسکر
سپاه شیطین و سپه سالار ارباب کبرو کین انخس اوقاته وارذل ساعته
وستاره نخس کی برج منقلب کوفه دن طلوع ایدوب دشت کر بلایه پرتو
نخوست برافندی (شعر) آلدی تشویش قدومی راحت اهلندن فراغ *
اوردی اوضاع خیامی سینه صحرا یه داغ * ویتدیکی ساعته توقف
ایتموب بی ادبانه حضرت حسینه بر مکتوب ارسال ایتدی بو مضمونه که
ای حسین بودیاره کلدی که کدن غرضك ندر حضرت امام جواب یازدی که
بنم حضورمه سبب سزك نامه ریکن و اظهار اشتیاقکن واقع اولدی حقا که
بن بوجانبه سزك صلاحکن ایچون متوجه اولدمکه مضیق ضلالتدن
فضای نجاته رهنماق ایدم حالا که جوهر استعداد کرده اثر قبول هدایت
اولوب مسلم عقبه اول جفاری روا کوردی که کن معلوم اولدی بنتم بودر که
دارالملک حجاز مراجعت قلم اگر مانع اولیاسن عمر سعد بن تصور ایدر دی که
حسین بن علی محض اجل وقتال ایچون بودیاره کلیو بدر بوجوابه خوشحال
اولوب ایتدی شاید صلح ایلر رفع فساد مکن اوله و حسین بن علی کند و دیارنه

مراجعت قلوب بوفتنه تسکین بوله * پس واقع اولان سؤال وجوابی
عبیداللهه عرض ایتدی اول مدبر جواب یازدی که ای سپهسالار کوفه
یزیدکی بیعتن حسبته عرض ایت اگر قبول ایترسه بکا اعلام ایدوب مترصد
فرمان اول ابن سعد اول نامه مضمونندن محقق بلدی که عبیدالله صلحه
راضی اولماز اوناءه بی حضرت امام حضورنه ارسال ایدوب حضرت
امام اول مضموندن ابا و امتناع صورتن کوسه تردکده و کیفیت حال
عبیدالله زیاده عرض اولند قدده اول مدبر غضبناک اولوب حصین بن غیر
و شیب بن ربیع و شمردنی الجوشنی اون یک مفسدایله ارسال ایدوب امر
ایتدی که حسبنی آب فراتدن منع ایدوب بیعت ایدنه دکن صوویره یله
ابن سعد اول امره اطاعت ایدوب عمر بن حجاجی بشیوز نامردله رود فرات
ضبطنه تعیین ایدوب زلال فراتی اول دریای فضیلتدن منقطع ایتدیله
بوصورت محرم آتیک یدنجی کونده واقع اولدی وهن اول کون حضرت
امامک اشکرده تعطش پیدا اولوب وغصون شجره نبوت و ریاحین
روضه رسالت قحط آبدن پرمرده وحدت عطشدن افسرده اولغین
عباس بن علی اللی نفر سوار و پیاده مبارز زایلله فراهه متوجه اولوب
عمر بن حجاج ایله محاربه ایدوب غالب دوشوب کفایت مقداری
صوکت ووروب لشکرگاهه یوردیلر ایکنجی کیجه ده حضرت امام ابن سعد
اعلام ایتدی که اگر صلاح ایسه بر زمان ملاقات ایدلم ابن سعد اول
صلاحی قبول ایدوب بعضی ملازم لایله لشکردن چیقوب و حضرت امام
دخی عباس و علی اکبر ایله اکامقالبه ایتدی ای ابن سعد آتاک ابن ابی وقاص
دن سکا وصیت بومیدر که آل ابوسفیانه تابع اولوب ساقی سلسبیل و کوثر
اولادنه آب روانی مسدود ایدوب تسکین حرارتلرین زلال شمشیر آبداره
حواله قیله سین و فخره و فسقه ملازمتن خاندان نبوت تولاسندن اولی
بیله سین ای ابن سعد زخارف دنیا یه اعتبار اولمز و عروس بیوفای زمانه
کیسه یه وفا قیلر حقا که سکا اظهار ایتدی کم نصایح ذمتمده مودوع اولان

لوازم امر معروف ونهی منکر در یو خسه سنک معاونت ومظاهرتکدن
 مستغنی اولدیغ مقرر در (شعر) بز بلا میدانه وقف ایتمش جان نقدینی *
 خواه سندن غیری بوهیدانه کلسون خواه سن * بونه لایقدر سکا کیم
 بونجه اهل ظلمدن * اوله سن قتال اولادرسل الله سن * عمر بن سعد
 ایتدی یا ابنی رسول الله جمیع بیوردیغک حق وصدقدر اما وهمم
 اندر که مباشرت امر قتال اولسم عبید الله زیاد عنادله کوفه ده اولان
 مقام ومنزل می خراب ایده حضرت امام ایتدی عمارت دنیا نه اعتبار آخرتده
 سنک مقامکه متکفل اوله یم و دنیا ده دخی سربا کدن یک منزل مدینه ده
 سنکچون مقرر قیله یم عمر بن سعد ایتدی بنم کوفه ده ضیاع وعقارم چوقدر
 تصرفدن چبقر حضرت امام ایتدی بنم حجاز ده ضیاع وعقارم وار
 آنلری سکا ویره یم عمر سعدک بهانه سی منقطع اولوب خوش اولدی حضرت
 امام کوردیکه قابل نصیحت دکل دیدی ای ظالم بونه عد او تدربو علمده
 تصوراتی تدبیکک می ادیکه یتیمه جکسن فی الواقع او یله اولدی اندک زمانده
 مختار ابن ابو عبید چیتوب اول مدبری و اوغلنی سیاسته بتوردی
 ونحو ستلرین ریوزندن کتوردی (شعر) ظالمی صمنه کم مراده یتر * ظلم
 بنیادی استوار اولماز * بهر مند ایلر فساد اهلن * مکرونقشینه اعتبار اولن
 (روایتدر که شاهزاده اندن مایوس اولوب منزله می اجعت ایتد کده بریر
 ابن حصین همدانی که افضل زهاد عصر ایدی حضرت امامک اجازت یله
 نصیحت ایچون اول کبراهک لشکرینه کیدوب اجازت سن مجلسنه کیروب
 سلام ویره یوب اوتوردی ابن سعد اول حالتدن متعجب اولوب ایتدی ای
 عزیز نه مانع اولدیکه سلام ویرمدک بریر ایتدی سلام مسلمانلره مخصوصدر
 ابی سعد ایتدی مکربن مسلمان دکل بریر ایتدی حدیث مصطفویدر
 بیورر (المسلم من سلم المسلمون من یده ولسانه) وسن حضرت رسول
 اولادینی آب فراتندن منع ایدوب داعیه قیلش سین که حرب ایدوب قتل
 ایده سین بوتقدیر ایلله اسلامکه حکم اولنور می ابن سعد ایتدی بن دخی

بلورمکه اولاد رسول ایله حرب ایدن مستحق عذاب الیم و مستعد عقاب
 جمع اولور اما نيك حـ كومتري و طبرستان ایده بلزم بریر اول
 بد بخندن نو مید اولوب مجاسندن چیقوب کتدی (شعر) هر بخرد
 که فسق و فساد ایله طویدی خو * اولماز حدیث اهل خرد کار کاراکا *
 ذاتده هر شقی که زحل کی نحسدر * ییک مشتری سعادت ایتماز کاراکا *
 (روایتدر که شمر ذی الجوشن شقی اول احواله واقف اولدوقده فی الحال
 کوفیه روان اولوب عبیدالله زیاده عرض ایتدی که حسبته عمر بن سعد
 اراستنه اختلاط اولوب کیچدر مجالست ایدر لر بلزمکه نه تدارکده درلر
 عبیدالله زیاده اول خبردن غضبی طغیان ایدوب عمر بن سعد بهر نامه یازدی
 بومضمنه که بن سنی محارب ایچون کوندردم مصاحبت ایچون دکل
 بلورمکه سن بواصر خطیرک عهده سندن چقمز سن طبرستان وری
 منشورن شمر ذی الجوشن یدنه تسلیم ایت عمر بن سعد پلید اول نامه ددن
 متأثر اولوب اول جفاکار و بد کردارک آتش فسادی عبیدالله زیاده
 دم سرددن زبانه چکوب و محاربه و مقاتله یه یکجهت اولوب ورده محاربا
 و بواساتی ارادن کوتردی (روایتدر که محرم آنک سکر نجی کونده
 لشکر اسلامده آثار تعطش ظاهر اولوب اول چشمه حیاتده عرض
 اولدوقده اول حضرت اشارت ایتدی که بموضعی حفر ایتدیلر بر چشمه
 زلال چیقوب جمیع لشکر سیراب اولدوقدنصکره ینه پنهان اولدی
 و بو خبردخی عبیدالله زیاده ایریشوب اول ظالم تهدید ایله عمر بن سعدده اعلام
 ایتدی که استماع اولور که حسبته بادیده حفر بار ایتکه فراغت رخصتن
 و یرمیش سن بوقضیه نامه قولدر کر کردر که احوالنه مضایقه و یروب
 تمکین راحت و یرمیه سین هم اول ساعت محمد اشعثی درت ییک مبارزله
 آنک عقبجه قیس ابن احصی ایکی ییک ناهرد ایله واکامه تعاقب حجاج
 بن حرزی ییک مبارزله ارسال ایدوب اون آتی ییک مبارز جمع اولدیلر
 اول هجومی کوروب حبیب بن مظاهر ایتدی یا ابن رسول الله قبیله *

بنی اسد بو قریده در اگر اجازت اولورسه واروب انلری طریق هدایتہ
 ارشاد ایتک اولورز یرا که اول طائفه ده مرتبه شهادت طالبی اولنلر چوقدر
 اما بومر که دن خبرلری یوقدر (القصة) شرف اجازت حاصل ایدوب اول
 قبیله یه واروب ندا قیلدیکه ای سعادت شهادتہ مشتافی اولنلر وای دولت
 باقی استدعا قیلنلر بو کون اظهار جلالت دمیدر (شعر) شهباز آشیان
 ولایت هلاکنه * صحرای کر بلاده هجوم ایلش غراب * شیرش کارگاه
 غزادن هجوم ایدوب * عذب فرات شه دنی منع ایلش کلاب (روایتد که
 اول طائفه دن طقسان نفر شجاع و نامدار و مبارز کینه کذار ابن البشیری
 کندیلرینه سردار و سرخیل ایدوب مکمل و مسلح حبیب مظاهر ایلہ
 حضرت امام حضورنه متوجه اولدیلر عمر بن سعد اول احوالی معلوم
 ایدوب ازرق بن شامی بی درت یک نامرد ایلہ یوللر محافظتہ ارسال
 ایتشدی فرات کنارنده بر بیرند ملحق اولدیلر اما اول مجاهدلر دخی آنلردن
 دوغوب بنیاد جدال و قتال ایدوب اول مسلمانلرک بعضیسی شهید
 و بعضیسی مهربوب جانب کر بلایه یول بویوب کندو قبیله لرینه مراجعت
 قیلدیلر و حبیب مظاهر مأیوس و محروم حضرت امامه ملحق اولوب
 صورت احوالی عرض ایتدی عیب الله زیاد اول حاله دخی مطاع اولوب
 عمر بن سعده غضب آمیز بر مکتوبدخی ارسال ایتدیکه ایشتمکه حسبته
 مهلت و یرمش سن قبایله نامدلر کوندروب لشکر جمع ایتدیکه حقا که نامه
 یتدیکه ابتدای حریده آنک امرن سرانجام ایتدیکک اولسک سکا و جمع
 حضور کده اولانلره سیاستم طوقور حین وصول نامه اگر چه آخر روز
 اولوب غروب آفتابه قریب ایسه ده صباحه دک صبر ایتوب سیاستدن
 احتراز ایده سز عمر بن سعد جمیع لشکرین مرتب ایدوب متوجه حرب
 اولدیلر (شعر) مهجه رایت اولدی کردون سای * عرشه چقدی صدای
 ناله نای * صف چکوب لشکر مخالف دین * لوح خط غم اولدی روی
 زمین * آخر روز کرد لشکر شام * صفحه آفتابه صالیدی ظلام * اتفاقا

اول کون محرم اینک طقوزنجی کونیدی و حضرت امام اول وقت مسند
 آسایشده ایدی ناله نای ونوحه نفیردن بیدار اولوب عباسه امر ایشدیکه
 آنلره مقابل طوروب حقیقت حالی معلوم ایده عباس علی یکریمی مبارزله
 آنلره مقابل اولوب بونلره حرب ایچون کلدن کالین معلوم قیلوب حضرت
 امامه خبریتورد کده حضرت امام بیوردیکه ای عباس بوجاعتدن
 بویکجه مهلت استیوب دوندر یکن زیرابو کیجه جمعه کیجه سیدر و انتهاء
 ایام عمر مندر مر اسم طاعت و عبادت اشتغال ایدلم صباح اولدقده هر نه
 صلاح ایشه عمل اولنه حضرت عباس اول لشکره مقابل طوروب ندا
 قیلدیکه ای مسلمانلر جکر گوشه رسول الله سزدن بویکجه مهلت استر عمر
 ملعون امرای لشکر ایله مشورت قیلوب مهلتی صلاح کور محبوب دیدیلر
 سزه امان یوقدر عباس علی ایدی ای بیرجهر بونه ظلم صریحدر که نقد
 رسول الله بر کیجه مهلت و یرده سز وای بد بخیلر بونه امر قیجدر که جمع
 عمر یکرده حق رضاسنه کیره سز حقا که اگر شه سوار میدان ولایتدن
 سبقت حربه رخصت آسیدم و سلطان سریر امامتدن تقدیم رزمه
 اجازت بولسیدم زبان تیغیله جوابگری و یرردم (القصه لشکر اول
 مکالمه دن حیا قیلوب محاربه امر نده تعلل ایدوب بالضروره رؤسای لشکره
 دخی مراجعت لازم کلوب قضیه حرب اول کیجه موقوف اولدی اما
 حضرت امام جمیع اصحاب و احباب و اتباعن جمع ایدوب بیوردیکه اردوی
 همایونک بر طرفندن حربه رهگذار آچوب باقی اطرافنه خندق محفور
 ایدوب خار و خشک ایله طولدر و ب اود اوره لر که ابطال معرکه جدال
 وقتال مشغول ایکن مخدرات سراق عصمت مخالفلردن متحصن اولیلر
 و اول آتش شعله سی زبانه چکد کده ماناک بن عروه که اشد اعداء دین
 و اهل نفاق ایدی مر کبته بنوب جولان قیابوب نعره ایدردیکه ای حسین
 آتش دوزخدن مقدم کشدیکي آتش دنبایه یا قدک حضرت امام ایدی
 (کذبت یا عدو الله) کمان ایدر بسن که بن دوزخه کیروب سن اهل بهشت

اوله سن مسلم عوسجده ایتدی یا ابن رسول الله اجازتک اولسه برخدنک زهره
 شکافله بوملعونه دوزخی کوسترمک اولور حسین ایتدی ای مسلم استم که
 ابتدای حرب بنم اشکرمدن اوله اما تماشا قیل که بوملعون قهر الهی به
 نیجه گرفتار اولور پس اول سائک راه حقیقت یوزون درگاه بی نیازه
 طوتوب ایتدی (اللهم جره الی النار) یعنی الهی بوملعون سلسله عقوبتله
 آتش سوزانه چک فی الحال (دعوة المظلوم مستجابة) مقتضای نیجه اول
 ملعونک مرکبی آتی اختیار سز آلوب حضرت امامک لشکر نه متوجه اولوب
 خندقه یتد کده النهار نارهدن رم قیلوب اول ملعونی آتش سوزانه
 براقیدی اول حالتله ایکی لشکر تماشا قیلدیلر حضرت امام سجده شکر
 ایدوب دعایه مشغول اولوب دیردیکه * یارب ذریبت اهل بیت رسولم وینیم
 و مظلوم بتولم سن دادمی بوظالمردن آله سن * اشعث کوفی نعره
 اوروب دیدیکه ای حسین سکایغمبرک نه نسبتی وار که آذن لاف ایدرسن
 حسین ایتدی یارب ابن اشعث نسیم قطع ایدر استرمکه بو کون جزاسین
 ویره سین هنوز دعایم اولمدین اول ملعونک باطن ناپاکنده بر تقاضا ظاهر
 اولوب مر کبندن یه اندیکه تدارک احوال ایده عورتنه بر عقب نبش
 اوروب نجات اوسننه مکشوف العوره دوشوب جانی جهنمه تاپشوردی
 هم اول زمانده جعده فراقی مقابله کلوب آواز یتوردیکه ای حسین زلال
 فرانکه دریاصفت تموجده در حقا که سکا و تابعکه آدن بر قطره صو
 ویرلر تاتشه لب هلاک اوله سن حضرت حسین کریان اولوب دعا قیلدیکه
 (اللهم امته عطشان) فی الحال اول ملعونک مرکبی بی واسطه رم قیلوب آتی
 یه براقوب اول ملعون پیاده هر جانب دیو کوروب العطش العطش دیردی
 وهر نقدر صودر لر دی ایچه بلایوب خشک لب جانی جهنمه تاپشوردی
 و لشکر یزید اول کرامتلی کوررلر ایدی اما فائده قیلز ایدی و آینه
 اعتقاد لرندن بوصیقلارله ژنک کدورتلی آچلردی (شعر) پاک ایتمکه ارباب
 خطا صفحه فلین * اظهار کرامت قیلوب اهل نظر اما * ظالمه اظهار

کرامت اوتایتز * قیلزل فرعونی منوریدیضای * بو کرامتلرد نصکره
حضرت سلطان کر بلا جبع اخوان و انساب و اولادنی جبع ایدوب
برکری نصب قبولوب اوزریند جبعوب برخطبه آغاز ایتدی بو مضمونله که
شرایف سیماس بی قیاس اول متکبری نیازه که مضمون کتابه ایوان بارگاه
نقربنی اسرار محنت و مصیبت یاندر (شعر) اول نسق بخش امور کارگاه
صنع کیم * شهد لطفی محنت آمیز و بلا انکیزدر * جویبار کاشن احسانی
تبع ابدار * سبز کزار قری خنجر خور یزدر * ولطائف جدید اول
معشوق عاشق کدازه که حلیه سرارده حرم قرب و قبولی محرم لر
و قریبلر قاندر (شعر) زهی سلطان مستغنی که جام التفاتدن *
نصب اهل تسلیم و توکل زهر قاندر * کمال التفاتی غایت قهرنده
مضردر * جفا سندن تفرقیان لطیفه قاندر * و درود نامه معدود اول
اشرف کائنات که مشتمل احتمالی مصائب پایه قدرن درجه معراج
یتورمش و تجرع زهر بلا طبع سلیم مستقیمه نشاند توفیق تقرب و برمش
(شعر) اول شه معصومه اندوه اولیم بلا * کیم دیاردرد تعمیرده صرف
ایتمش حیات * صالمش ویرانه دنیا به ظل اعتقاد * آچمش جمعیت
اسباه چشم التفات * شرایط حد و ثنادر نصکره بیوردیکه ای دایره
متبعتمه و حوزة انسابمده اولان وفادارلر جراکم الله خیرا سزندن
خوشنودم طریق رافقتمه تقصیر ایتدیکر و دایره متبعتمه طریق مخالفت
طوتمدیکر حالا ایستیم که نایره محنتدن سزه شرارت مضرت ایره و صرصر
مصیبتدن کلزار جمعیتکره خزان تفرقه کیره * و بنم بو کیمجه بو جفا
پیشلردن دهات استبدیکمدن غرض حلاوه حیامدن اسبقای تمتع
ایتمک دکل بلکه مقصودم بودر که چون شاهد توفیق شهادت پرده خفاده
ایکن عرض جمال ایتدی و نهال حیات مستعارم لرلر یز اولمعه وعده
یتدی (شعر) کلدی اولدم که فنا پرده سنی چاک قلم * بزم وحدتده بقا لذتن
ادراک قلم * ویلورمکه بو طائفه نک مقصودلری بنم و بکا ظفر

بولدقدنصکره سزه التفات ایتزل صلاح اولدرکه بوکیجه فرصت
 وارایکن گروه گروه اطراف وجوانیه پریشان اوله سز و غرقه طوفان بیداد
 اولدن نجات بوله سز (شعر) چقمندن دست تصرفدن عنان اختیار ✽
 فکر ایدوب محتمده تدبیر نجات ایتک کرک ✽ حادثات دهر دن غافل کرکز
 آدمی ✽ صورت حالیه هر کم التفات ایتک کرک ✽ بوکلمات جان کدازی
 ایشته کده آل و اتباع و اشیاعندن فریاد و فغان فلک دواره چیقوب
 اتفاقله ایتدیلر ای خازن کنجینه اسرار حکمت وای کاشف رموز ولایت
 حاشا که خالک پایکه نقد جان نثار اولدن دولت ملازمه تکیدن مفارقت
 ممکن اوله و عیدکاه بلاده خلعت کلرک شهادت دکیمن بومهر که دن
 چمقق صورت احتمال بوله (شعر) بزابتدای خلعت وغاز عردن ✽
 نذر نشارک ایلشوز نقد جانمز ✽ ممکن دکل ملازمه تکیدن مفارقت ✽
 تا صفحه وجودده واردر نشانمز ✽ حضرت امام آنلری طریق وفاده
 ثابتقدم کوروب مسلم عقیل اولادنه ایتدی ای عزیزل بز کوفه خلعتک
 مواعید کاذبلرینه اعتماد ایدوب مسلم عقیلی اول دیاره ارسال ایتدک
 واول مفسدر طریق مخالفت طوتوب اول مظلومی شهید ایتدیلر حالا
 صلاح اولدرکه سز والدیه کزی آلوب بنی طی قبیله سینه واروب آندن
 متوجه مدینه اوله سز که خاندانکز منهدم و مهدم اولیه اولاد مسلم
 بوکلمات جان کدازی استماع ایتدکده خروشه کلوب ایتدیلر حاشا که
 خدمه تکیدن مبادعت اختیار ایدهوز یا ابن رسول الله التماسمن بودرکه
 بابامز وقرنداشلریمن مقدمه لشکر شهید اولدیغی کبی بزه دخی بوسعادت
 شهادت مبرس اوله (شعر) چون بقا ملکه منده در جمعیت اهل وفا ✽
 روی دل اول مقصد اعلایه دوندرمک کرک ✽ نپلز حیران و سرگردان
 قالوب همت ✽ طوتوب داردن بادن عنان عقبایه دوندرمک کرک ✽ حضرت
 امام آنله دخی دعا قیابو جمع اصحابیه رخصت و یردیکه واروب
 طاعت و عبادته اشتغال ایدمل ✽ وکندی دخی سعادت سراینه متوجه

اولوب عبادته مشغول اولدی (اوننجی باب حضرت امام حسینک لشکر
 یزیدایله محاربه سن یی ایدر) واولدخی ایکی فصلدر فصل اول شهادت
 حر و بعض شهادر چون متفق علیه ارباب عقول و معتقد اصحاب قبول
 اولدر که عدل امور متوسطه منساوی الطرفین دن عبارتدر و جور افراط
 و تفریطدن برکنیتدر لاجرم طریق عدلدن هر عدوله ایکی جور ملازم
 اولوب بوسیدن قلت و کثرت جور لازم کلکین اکثر خلق جهان
 ارباب فتنه و فساد اولوب اقل اهل زمان اصحاب صلاح و سداد اولوب در
 (شعر) امور مرتبه عدلدر توسط حال * عدول موجب افراط و باعث
 تفریط * سبب بودر که اولوب عدل جور مغلوبی * همیشه فتنه دن اولز
 بری بساط بسیط * و هر آینه سلطان طبیعت مستخدم اصناف جور
 اولغین و شهریار عقل اقتباس انوار ظهور عدل قتلغین پیوسته بری
 برینه منازعدر و منازعه لری جمعیت اسباب نظام و انتظامه مانعدر
 (شعر) طبیعت طلب ذوق و طربدر * طریق عقل قانون ادبدر * طبیعتدر
 مزید رفعت و جاه * مراد عقل ترکنا سوئی الله * الهی پرتو عنایتکن
 اعانت استدعا قیانور اولدمکه سلطان طبیعت دیار بندنه سپاه ذریت
 جمع ایدوب اسلحه مناهمی و ملاهی مرتب قیلوب شهریار عقلاک لشکر
 صدق صلاحین متفرق ایدوب مغلوب قیله و اثر هر چتکن معاونت
 التماس اوانور اول ساعت که ملک تنده اسدیلای هجوم لشکر هوادن ملک
 روح مضطرب و تحیر اوله ته که تغلب و طغیان لشکر یزید بر جفادن شهید
 بادیه کر بلا و هجوم هموم اعدادن حسین بن علی مرتضایه اولدی
 (شعر) صورت تحریره کمر اولسه دریار مداد * شرح بیداد بلاد رزمگاه
 کر بلا * کر بلا ده حصرا اولوب عالمده هر محنت که وار * بند قیلمشدر طریق
 صبر شاه کر بلا * راوی روایات جکر سوز و نامل حکایات غم اندوز بو طریقله
 ترتیب صفوف معرکه یه نظام ویریش و بو طرزله سلسله روایاتی تحریرکه
 کتورمش که چون شب عاشورا حضرت سلطان کر بلا لشکر اعدادن تتهیم

شرائط عبادت و تقدیم مراسم عذرا صاحب طاعت ایچون مهلت طالب
 قیلوب و اول استدعا اجابت یوب اندیشهٔ حردن فی الجملة فارغ اولوب
 توابع و لواحقیه عبادتیه اشتغال ایتدی و صباحه دكذکور و انان زمره
 تکبیر و تهلیل صوامع ملکوتیه بتدی اول کیجه سکان سرادق علوی
 متغیر الاحوال اولوب و عمال عوالم سفلی حیرت و دهشته قالوب فلک
 شرمسار ایدیکه آیا بونه عمل یحلم و نه تدبیر ناصواب ایدی * وزمین
 مضطرب و بی قرار ایدی که آیا بونه بیداد بی حساب ایدی و ستاره تدبیر
 و تأثیردن عاجز اولمش بلکه دیدهٔ بیدار آچوب متحیر قالمش عروس عالم
 لباس ماتم کیوب و خوانین حرمسرای عصمت ایچون ماتمه ایدی
 و خسرو انجم ماتمکه ظلماته کیر و ب شهدا ایچون غم و المده ایدی (شعر)
 آسمان آچش-یدی ابواب ملال * اختراق باله یتشدی و بال * فوت اولوب
 سر رشتهٔ تدبیر کار * مضطرب قالمش دی دور روزگار * منفعل دوران
 مخالف دوردن * منزجر عالم مشوش طوردن * اگرچه مسیحا دامن
 خورشیدی طو قوب طلوع ندن منع ایدردی که اشعهٔ انواری شهید
 کر بلایه سهام بلا اولیه و کردون سحر ابوابن مسدود ایتشدی که
 صبح کاذب دم سردندن شاه کر بلانک شمع حیاتق انطفأ بوایه
 اما اقتضای اقبال شهادت سرعت دورانه استعجال ایدوب طلیعه
 صبح صادق جانب مشرق دن هویدا اولدی (روایتدر که اولدم آسمان دن
 برندا کلدی که (یا خلیل الله ادرکنی) و اول صدادن ام کلثوم مضطرب
 اولوب تعجیل ایله حضرت امامک منزله کلوب ایتدی ای برادر عزیز بو
 صدادن واقف اولدکی حسین ایتدی بلی واقف اولدم و حال حضرت
 رسول علیه السلامی واقعه کوردم اول حضرت بکامزده شهادت و یروب
 پیوردی ای حسین سوا کن عالم بالا وزمرهٔ ملأ اعلا ارواح مقدسه
 انبیا ایله استقبال روح شریفک قیلوب انتظار کده درل جهدا یتکه بو کیجه
 حضور مزده افطار ایدمه سین و بو حاله مقارین برفرشته کوردم انده

شیشه دیدم یار رسول الله بوفرشته ندر واندۀ بوشیشه ندر یوردیکدای
 حسین بوفرشته مأموردر که ظالم رسنک فائک دوکدکده بوشیشه ایچنه
 طولد یروب آسمانه الله (القصد ام کلثوم اول حالته کریان اولوب حضرت
 حسین ایتدی ای مظلومه اهل یتیمی حاضر ایله که هنگام وداع در (شعر)
 الوداع ای دوستلر کم کلدی هنگام سفر * عرش پرواز ید مرغ روحم آچدی
 بال و پر * یوسف مصر قبولم چکمر اولدم حبس تن * ایلدم زندان تنک
 دهر دن قطع نظر * نیجه اهل مال ایلیم ملک بقا عز منده کیم * شام عمرم
 ایلدی اظهار آثار سحر * مضطر بدر شوق تشریفده شاه اولیا *
 منتظر در لذت دیدارمه خیر البشر (القصد مخدرات سرارده طهارت
 وریاحین ریاض ولایت حاضر اولوب حضرت امام انلری بر بر بغره
 باصوب وداع ایدوب دیدیکه ای مظلوملر آیا بوباده غربتده بو ظالملر
 ایچنده احوالکن نوله و سرائحجام و عاقبتکن نه صورت بوله (شعر) دردا که
 رهگذار حوادثن اوغزدی * سیداد کردبانه شمع جالکنز * ای معدن
 طهارت و عصمت کهرلی * یارب نوله خالک مرانده حالکنز * بر طرفدن
 شهر بانو کریبان تحملی چاک ایدوب دیدیکه ای بیچاره لر غمخواری
 وای شکسته لر عمکساری بوشهر ادهلری بییم قویوب کیم عهده سنده
 براغوب کیدرسن و بوانتلی کیم تسلیم ایدرسن (شعر) هیچ کیم یارب
 بکامانند محزون اولسون * صورت حالی حوادثن دکر کون اولسون *
 بریکاننده غربت بریکاهجران دوست * نیجه دل پراضطراب و دیده
 برخون اولسون * و بر طرفدن ام کلثوم ناخن اندوهیله رخساره
 کلکون پاره پاره ایدوب نوحه لریلوردیکه ای چراغ خاندان رسالت وای
 شمع شبستان امامت علی مرتضی متوجه روضه رضوان اولدقه آتش
 فراقنه موجب تسکین اولان حسن مجتبا ایدی * اول حضرت انتقال
 ایتدکده سننک سایه عاطفتک بزه مأمّن رضا ایدی * ایاسند نصکره
 محرمز کیم اوله و خاطریمز کیم کله تسلی بوله (شعر) بو مصیبت غفلت

موتیله آساندر بکا * کیم قیلور کردون کردان جانمی تمدن جدا * بوم مصیبت
اندن افزوندر نامل ایلسک * کیم بنی سندن جدا ایلر سنی بندن جدا *
کاهی بوسرودله نوحه بنیاد ایدردی و که بواد الیه مترنم اولوب نیرایدی
(شعر) چرخ ظالم عاقبت ملکن خراب ایلر دریغ * امری ناعقبول و فکر
ناصواب ایلر دریغ * ظلمت هجرانله تاریک ایدوب عالمیری * ابر پیدادی
نقاب آفتاب ایلر دریغ * بوم مصیبتده ایکن اثر صبح پیدا اولوب حضرت
امام آفتاب وار حر مسراندن چیقوب متوجه صحرا اولوب تیمم قبول
جماعتله نمازه مشغول اولدی (روایتدر که اوراد نماز اختتامه یتدین
وحضرت امام دعاء نمازی تمام ایتدین معصیت سرمستلرندن صدای
جوش و خروش قبد افلاک چیقوب و پیسه بدعت بهایمندن صدمات
اصوات نامالایم کوش کردونی کر قیلوب ناله نای رزمی و صدای کوس حربی
دبارلزه صلاهی حرب اوروب ظالم لر عرصه کر بلا یه علم لر یورتدیلر و سپاه
ضلالت فوج فوج سوار و پیاده متوجه میدان اولوب غبار تیره دن
آیینه روی زهینی مکرر ایتدیلر عمر بن سعد سفینه کندونی تعبد صف
سپاه ایدوب میمنه نامیمونی عمر بن حجاجه مسلم ایدوب بوسره نامیسوری
شمرنی الجوشنه نامر د قیلوب کندی قلب سپاهله قلب سپاه اولدی (شعر)
زهی بدبخت کیم کسب شقاوت اختیار ایتدی * اوزن دنیا ایچون بدنام
روی روزگار ایتدی * زهی مدبر که مغلوبی اولوب عالمده شیطانت * فساد
ایتدیکه انسانی ملکدن شرمسار ایتدی * و بر جانبدن دخی میدان
مجاهدت جان سپارلری و عرصه شهادت وفادارلری اول جوش
و خروشدن متنبه اولوب بلکه بزم بلاده اول ترانه لردن ذوقلر بولوب برینه
نعره مستانه و خروش مر دانه الیه کینتلر و یروب اول سلطان فلاک آستانک
آستانه کلیدیلر ورخصت میدان بولوب تسبیح و تهلیله عرصه کارزاره
متوجه اولدیلر و حضرت امام دخی کثرت سپاه اعدادن متوهم
اولوب و قلت احیادن تغیر بولوب فرق مبارکن عمامه رسول الله

ایله مزین و بدن لطیفن دراعه رسالت بله مرتب قیلوب و حضرت
رسولک ذوالجناح نام مرکب رکاب همایونته چکوب و شمشیر ظفر مأثرن
حائل ایدوب جولان ایدرک صف سپاهه کلدی و سپاه ظفر پناهه ترتیب
و یروب میمنه میمنه زهر بن مجلی یه سپارش ایدوب مبرسه مبروری
حبیب بن مظاهره مقرر قیلوب رایت فتح آیتی عباس بن علی مرتضایه
ناپشور و روب کندی بالنات ایمان کی مؤمنلرک قلبنده قرار طوتوب
شهادت منظر اولدی اول کون عروس خلوت سرای افق مآئکده دنیا به
خرائیده روی پریشان موی چقدی و پیر سپهر خیده قامت طریق
تعزیت طوتوب دامن لباس نبلکونه چاکلر راقدی و ابکار انجم تاب
نظاره مصائب خواتین حرم سرای نبوت کتوره میوب پرده حجاب کبردی
ونسیم سحر شهدا ایچون دمام آه سرد چکوب مراج کائناته کدورت
بیوردی و رضوان ریاض جئانه زینت و یردیکه روح شهدای کر بلا مهمان
اولور و حور ایدیه اشباق آچوب مترصد اولدیکه نور دیده زهراکلور
(شعر) چقدی کون تاسپنه کردونه اوردی تازه داغ * برق اندوه دل اولاد
خیر المرسلین * صبح بر تو صالیدی ناعظموه لرحال کوروب * غصه دزد بیمار
اولوب زرد اولدی رخسار زمین (روایتدر که ایکی جانب بدن صفوف
محاربه مرتب اولدقده و کیفیت حق و باطل و کفر و ایمان امتیاز بولدقده
حضرت ساطعان کر بلا صف سپاهندن چیقوب اول بی سعادت لره مقابل
طوروب صلابت و صولنه بوییتی انشا قیلدی (شعر عربی) انان نبی الطهر
من آل هاشم * کفانی بهذا مفخری حین افخر * یعنی بن فرزند رسول
خدایم * و نطقه سرور انبیایم * افتخار ایتد کده بکابو فخر کفایت ایدر
و بهاهات قیلدقده بکابو فخر بتر ای قوم بیرحم باشمده کی عمامه و بلند کی
تیغ و اکند کی دراعه و رکابمده کی مرکب حضرت رسول الله کدر
و بن و ارث علم رسول و نور دیده بتولم هرگز کذب و کذافه اقدام ایتمشم
و مطلق طریق مخالفت خدا و رسول طوتمشم مدینه ده مجاور روضه

رسول الله ایکن بکاتمکین و یرمدیکز و مکده معتکف زاویه قناعت
اولدیغمی روا کورمدیکز حقا که بکامکاتب و مرسل ارسال ایدوب
اوزریمه حجتلر راغوب بودیاره بنی سز کتوردیکز بوفتهنی تحریک
سلاسل اسبابله سز بومقامه بیوردیکز ای عمر بن سعد وای عمر بن حجاج
وای شہت بن ربیعہ بونہ غدارلقدر وای سنان ابن انس وای شمر ذی
الجوشن بونہ مکارلقدر (شعر) مکر بنیادی استواراولمز * حبلہ آثاری
پایداراولمز * اول جماعت انفاقہ انکارایتدیلر حضرت امام مکتوبلرن
حاضر ایدوب انلره حجت تمام ایتدکدنصکره اول مکتوبلری اوده یاقدردی
عاقبت عمر بن سعد مقابله کلوب ای حسین بو حکایتلر نتیجہ ویرمز
یا یزیدک بیعت قبول ایتک کرکسن یارک حیات ایتک بوسوزی دیوب
برناوکلدوز النہ آلوب ایتدی ای اهل کوفہ کواہ اولک وعبیدالله زیاد
حضورنده شہادت ویرک کہ ابتدای حرب حسین بندن اولدی واول ناوی
جانب حسینہ روان قیلدی حضرت حسین محاسن شریفن النہ آلوب
ایتدی ای قوم غضب ربانی یهوده اول زمان اشتداد بولدیکه (عزیر
ابن الله) دیدیلر وقهر الهی نصاری قومنده اول کون نازل اولدیکه (مسیح
ابن الله دیدیلر) وخط سبجانی حالاسزه مقرر اولدیکه قصد آل رسول
ایتدیکز حقا که سزک بدنگر ده کی هر سمر و بر خنجر ایدار اولسه (واصبر
وما صبرک الا بالله) دا تره سندن انحراف ایتمز و هر فردکن قصدیمه
راشکر کینه کرار اولسه (ان الله یحب الصابرین) مرتبه سنک ترکن
ظومزم (روایتدر که لشکر یزید ابن سعدک اقدام کورد کده اکا اقتدا
قیلوب حضرت امامه بر مرتبه ده تیر باران ایتدیلر که بر عقابدن چشمه
آفتاب طوندی وزخم بیکان آبداردن روی زمین مثابہ غریبال اولدی
حضرت امام اول هجومدن صف سپاهه مراجعت قیلوب اصحاب
واحبابنه ایتدی ای وفادارل و جان سپارل رزمه مستعد اولک و تهیئه
اسباب سفر قبلاک که دم خوریز و هنکام رستخیزدر * و عمر بن سعدک یاک

بیگانی بوخبر پیامند کلدی وقاصدنا وک بو بیغامله وارد اولدی و بو واقعه
صبح جمعه عاشور محرم هجرت الشمس ایکنجی بیانده وقوع بولدی و لشکر
مخالف بر روایتده اونیدی یک نفر و بر روایتده اوتوز یک نفر اما اصح
روایتده یکرمی یک مبارز اولوب و لشکر امام بر قواله سسکسان نفر
و بر قواله یتش ایکی نفر اولوب اوتوز ایکی آتلوایدی و باقی پیاده ایدی
واکثر رساننده اجماله شرح ایتشله اما مولانا حسین واعظ علیه الرحه
فی الجماله طریق تفصیل طوتمش راوی اخبار ملالت آثار بو طرزله اتمام
روایت و یرمش و ناقل گفتار کدورت آثار بو طرزله گفتار زینت تقیم
یتورمشکه چون صفوف لشکر مرتب اولدی حر بن یزید رباعی عمر بن
سعدک حضورینه کلوب ایتدی یا بن سعد البته حسنه محاربه ایتک
مقرر میدر ابن سعد ایتدی بلی مقرر در بومر کرده فائز دو کلبور و یاشار
کسب اور حر ایتدی رسول الله قیامت کونی نه جواب و یررسین عمر
ابن سعد جواب و یرمیوب حر کند و لشکرینه مراجعت قیلوب هیبت
وصلانندن لونی متغیر اولوب و قلبی متحیر قالوب بقرار ایدی قزنداشی
اندن سؤال ایتدیکه ای بهلوان عرب هرگز هیچ بر مر کرده سندن بو
ترزل ملاحظه اولغیوب مع قلت اعدا بونه تغیر در که سندن ظاهر اولدی
حر ایتدی ای برادر بکا اعدادن توهم بو قدر اما بهشت و دوزخ اراستده
متحیر قالشم و حق و باطل امتیازنده حیران اولشم بو تکلمده ایکن
اختیار سز بر نعره اوردیکه المنة لله مکمن غیبیدن شعله نور هدایت
ظاهر اولوب بنی طریق ضلالتدن صراط مستقیمه براقیدی (شعر) لله
الحمد که صاحب عرفان اولدم * قابل مرتبه صحت ایمان اولدم * عمل باطل
ایمش آل محمد بغضی * اعتراف ایلدم اول جرعه پشیمان اولدم * پس
سمند باد پایه جولان و یروب کند و لشکرندن چیقوب لشکر حسنه ملحق
اولوب مر کبندن اینوب رکاب همایونه یوز سوروب ایتدی (شعر) ای
چراغ طلعتک شمع شبستان سرور * کرد خاک رهگذارک توتای چشم

حور ✽ یا امیر المؤمنین عصیانه اقدام ایلدم ✽ بلدم کیم بویله طغیان ایده
ار باب غرور ✽ یا شفیع المذنبین عذر کاهم قبل قبول ✽ کورمه جائز بنیه
امیده حرماندن فتور ✽ بو طریقه چوق نیازلر ایدوب تضرع ایتدیکه
امیر المؤمنین آیامعذرت قبول ایدرمی اوله حضرت امام ایتدی ای حر
درگاه لطف واحسان اهل اعتذاره همیشه مفتوحدر و کاهمه معترف
اولان دائمای شاد و ممدو حدر (وهوالذی یقبل التوبه عن عباده) چون
مصعب بن یزید قرنداشتن کوردیکه آخرتی دنیا او زینه اختیار ایتدی
و عذر کاهمی درجه قبوله ایتدی اول دخی حضرت امامک سعادت
ملازمته مشرف اولدی و صورت اخلاص عرض قیلدی (القصه) حر
بن یزید ریاحی مکافات افعال ایچون حضرت امامدن اجازت حرب
استدکده حضرت امام ایتدی ای حر سن هنوز بزدن استشمام رایحه
راحت ایتدن زحمته دوشمک مناسب دکلدر صبرایت ابتدای حرب
غیردن اولسون حر ایتدی یا امام نه که ابتدای مخاصمت بدن اولدی
استرمکه آغاز اظهار محبت دخی بدن اوله (القصه) تضرعه رخصت
اولوب میدانه کیردی و بونظمه اسم و رسمن ظهوره کتوردی (شعر)
بنم اول حرب بن یزید ریاحی ✽ که ازلدن محب آل عبا یم ✽ شکر لله کمال صدق
وصفادن ✽ قابل خدمت ولی خدایم ✽ تیغ خونریزه زمان شجاعت ✽
دشمن دون نابکاره بلایم ✽ ابن سعد یخرد حر بن یزیدی میدانده کوزوب
اندانه توهمدن لرزه دوشوب مخصوص لرندن صفوان نام بر مبارزه ایتدی
یوری وار حره نصیحت قیل مال واسبابله فریب ویرا کر قبول ایتسه سیاسته
یتور صفوان صف سپاهدن چقبوب سمندباد رفتار جهولان و یروب حره
مقابل اولدوقده ایتدی ای حر صاحب عقل و صاحب رأی اولق کرک
عجب که نعمت دنیادن انحراف ایدوب ذلت اختیار ایتدک حر ایتدی
ای نادان عزت عالمده خدمت آل رسولده در زهی سفیه سه روز کار که
نعمت فانی ایچون ترک دولت باقی ایده الحق اگر ایمان وار سه نفی نعمات

روضه رضوان ندر * واکر ایمان یوغبسه دعوای ایمان ندر (شعر)
 قابل فیض رموز حکمت اواز هرکشی * هرکیمک فعلی نقیض قوالیده
 مذموم اولور * پرده تشبیک در بو ظلمت قید حیات * پرده رفیع اولد قده
 حال هرکسک معلوم اولور * صفوان کوردیکه حر قابل نصیحت دکل
 غضبناک اولوب سینه بی کینه سینه نیره جانستان حواله قیلدی حر وفادار
 بر تیغله نیره سن ردایدوب بر ضرب ایله مر کبیدن نکونسار ایدوب بر ایله
 یقیدیکه نوره آفرین ایکی لشکر دن آسمانه چقدی (روایتدر که صفوانک
 اوچ قرنداشی و ارایدی طلب انتقام طریقله متعاقب بر بر میدان کلوب
 حر اندن شربت فنا ایچدی * و حراول مبارزلی هلاک ایتد کد نصرکه
 حضرت امامک عز حضور شر یقرب کلوب ایتدی یا امام زمان بندن
 حشود اولد کی حضرت امام ایتدی (نعم انت حر کما سمعتک امک) حراول
 بشارتله ینه میدان مر اجعت قیلوب کرم مبارزت ایدر کن بر حر مزاده
 مر کب سق ایدوب پیاده قالدی اول مخلص وفادار عدم مر کب ایله
 لشکر اعدادن اظهار عجز ایتوب وعنان عزیمت دوندروب محاربه
 ایتد کد نصرکه شاه زاده کورد کده بر مر کب تازی نژاد ارسال ایتدی
 حراول مر کبه بنوب جولان ایدوب هر طرفه متوجه اولد قده گروه گروه
 مخالفلری پراکنده ایتدی ای اثناده هاتقدن ندا کدیکه ای حر درنده که
 حور و غلمان منتظر دیدار کدر حر اول صدادن مسرور اولوب جانب
 حضرت حسین توجّه قیلوب ایتدی یا امام جدک خدمت متوجه اولورم
 پیغامک ندر حضرت امام حسین اول خبردن کریان اولوب ایتدی ای حر
 بز دخی متعاقب کلمه کده یز (القصة) اول شیر بیشه شجاعت ونهنک
 دریای جلالت سد سپاه اعدای بد نهاد رخنه اوروب و جمعیت
 مخالفه تفرقه یز توروب نیرهمی شکست اولوب تیغ آبدارله متوجه قلب
 سپاه اولدی قلب سپاهی دل عشاق کی چاک ایدوب کدوسن
 عماره یوردی علمی نکونسار ایتد کده ایکن شمر ذی الجوشن بد بخت

لشکر نه نمره اوروب دیدی ای نامر دل بر مبارزدن عاجز اولق ندر لشکر
هر جانبدن غلو قیاب اول نامرادی اورتایه الوب ناکاه قسور بن کانه
برزخم مهلك اوروب حردخی اکا برزخم اوروب ایکسی دخی مر کبلرندن
جدا اولوب حر نمره اوردیکه یا ابن رسول الله ادرکنی حضرت امام
بی اختیار میدان کوروب حری اول ظالم ملک اراسندن آلوب لشکرینه
یتوردی و مر کبندن اینوب باشنی دزی اوزرینه آلوب آستین مبارکیله
رخسارندن خاک و خونی پاک ایدوب دعا قیلورکن حر ذی سعادت
آنک رایحه جان بخشندن حیات استعاره قیلوب رخسار مبارکند دیده
اشتیاق آچوب تبسم قیلوب ایتدی یا امام المسلمین بدن راضی اولدکی
امام ایتدی سندن راضی اولدم الله دخی سندن راضی اولسون
حروفدار بو بشارت ایله فی الحال نقد جانن نثار ایتدی رحمة الله علیه
رحمة واسعة (شعر) عشق میداننده جان و یرمک دکل عارای کوکل *
جان و یروب مقصوده یت کر همتمک وارای کوکل * عشق بازارینه
صالمشدر سعادت کوهرن * نقد جانن و یرمین اولماز خبریدارای کوکل *
نقلدرکه بو بیت حضرت امامک حر ایچون دیدیکی مر ثبه دندر (شعر)
فتعم الحر حر ابن ریاحی * صبور عند مختلف الرماحی * چون حرك
قرنداشی حرك شهادته اطلاع بولدی اولدخی رخصت آلوب میدانده
کیروب اظهار کمال شجاعتمدن صکره شهادت بولوب قرنداشته ملحق
اولدی (روایتدرکه حرك علی نام راوغلی واریدیکه غایت شجاع و جکر دار
ایدی بواحوالی ملاحظه قبلدقده عروه نام بقول ایله اتلرینه صو و یرمک
بهانه سیه لشکر کردن چیقوب حضرت امامک خدمتیه مشرف
اولوب اظهار اسم و رسم ایلدیلر و اجازت حرب استدیلر ابتدای حال
علی ابن حر میدانده کیروب جدال و قتال اینوب سعادت شهادت
حاصل ایتدی رحمة الله علیه (شعر) ای خوش اول نطفه پاکیزه کیم
اول * اولبه ناقص و نادان و سفیه * قبله اظهار هنر کسبن ایدوب *

معنی الوالد سرایه * اندنصکره عروه و فادار خواجهری و فاسندن
 سر بازلق ایلر رتبه حریت کسب ایتکه میدانه کیردی اولدخی مراسم
 شجاعت ادا قبول شهید اولدی رحمة الله علیه (شعر) خوش آنلر کیم
 قبول فیض شهادت کسینی * خلقدن توفیق اقباله ممتاز اولدیلر *
 قبلدیلر جمعیت دنیا عبقا اختیار * فیض ایدوب حاصل بولوب رفعت
 سرافراز اولدیلر * سپه سالار میدان تکلم بو طرز ایلر عرصه بیانه سباه
 عبارت چکمش وصف آرای معرکه سخن بورنکه تیغ زبان چکوب
 مردم دیده قان دوکش که حربن یزید اوغلیله و قرنداشله بزم بلاد جام
 سعادتدن شربت شهادت ایچد کدنصکره سلطان سر بر عرو علا حضرت
 حسین بن علی مرتضی صف سپاه ظفر پناهدن چیتوب لشکر اعدایه
 مقابل طوروب بردخی قاعده حجتی تازه ایدوب ندا قبول دیدیکه ای اهل
 اسلام و ایمان دیو دعوی قبللر وای معترف شهادت اولوب معتقد
 ایمان اوللر بن نبیره احمد مختارم بن نقد صاحب ذوانفقارم تصویر ایتکه که
 کثرت سپاه کزدن احترازم اوله و یا شدت عداوت کزدن ثبات تمکینم
 تزلزل بوله حقا که شمشیر آبدارمه مدبر کارگاه حکمتدن رخصت
 اواسه ظلمات سواد سپاه کزه شمشیر آفتاب عالم تابد و سنان صاعقه
 بارم که محرک سلسله شهادتدن اجازت بولسه بنای فساد و عناد کزه نبش
 اختلال و انقلابد اگر چه محقق بیلورم که طینت ناپاک کزده استعداد
 قبول نصیحت اولدیغن و رسوخ نبت فساد جبلت کزده موعظه ایلر تغیر
 بولدیغن اما اتمام حجت طریقه بلبه سزه نصیحت تکرار ایدرم ای طائفه
 طاعیه بودیاره حرب ایچون کلمشم و بن غوغایه کندی رأیله مرتکب
 اولماشم و هنوز ارمزده آتش فساد اشتعال بولمدين و صورت مقتله
 و محابه ظاهر اولمدين یا بکامانع اولت ینه مدینه مه مراجعت ایدیم
 و یا طریقمی مسدود ایتک یزید ایلر منظره قتلغده شاه کیدیم * جواب
 ویردیلر که ای حسین سکا بوتلمکدن نجات ممکن دکل زیر اشامد کنسک

فصاحت اسالہ بزیدہ فریب و یوب خلاص اولدقدہ سرمایہ فساد
 اولورسن واکر مدینہ یہ مراجعت قیلسک اسباب فتنہ مہیا قیلوب ہرنہ
 تقدیر ایلہ بزی بردخی ہذا بہ صالورسن حضرت امام ایتدی باری عذب
 فراتیکہ جملہ مخلوقاتہ مباحدر شجرہ کلزار عصمت و طہارتدن قطع ایتک
 دیدیلر ای حسین اسدیلای تعط شدن اتباع و انسایکہ ضعف بدن یتسہ
 وقفط آب نہال شو کتکری پڑمردہ ایتسہ بومقرر در کہ صوات شجاعت آل
 ہاشمہ خاروخاشاک کوفہ وشام مقاومت قیلغہ قادراولز * و حیاتندن
 قطع امبد ایدن کروہلہ محاربہ فائدہ قیلز حضرت امام کوردیکہ هیچ
 وجہلہ امر صلاح صورت بولز و هیچ تدبیرلہ مصالحت ممکن اولماز
 دیدی ای قوم چون محاربہ مقرر در باری انصاف ایدوب طریق حربدن
 عدول ایتک اولماز دیدی پس برر برر مباحدر حرب اولک کہ مرددن نامرد
 امتیاز بولہ بوشمرطی قبول ایدوب لشکر بزیددن سام نامرملعون مبدانہ کبروب
 نعرہ ہل من مبارز ایدوب حضرت امام لشکر یتہ مقابل طور دی بوجانبدن
 زہیر بن حسان سلطان کر بلادن رخصت الوب ابر بہار کی جوشان
 و خروشان صاعقہ شمشیر آبدار و باران خندک خونخوار ایلہ عرصہ
 خاکدانی خصم قابیلہ لالہ زار ایتک کہ مبدانہ چقدی وجلوہ نسیم سمد
 صاعقہ مانند ایلہ صف اعدایہ اوراق اشجار کی لرزہ لرزہ اقدی مراسم طریق
 جدودرود نصرکہ اظہار راسم و رسم ایدوب ایتدی ای فرقہ فجار و نابکار
 وای فسقہ غدار (شعر) بنم صاحب تیغ و کرز و کند * زہیر بن حسان پل
 ارجند * بنم چاکر خاندان رسول * مکن بندہ نور چشم بتول * اگر کوہ
 قافیلہ قیلسم مصاف * مصافدہ عاجز اولور کوہ قاف * سام بدبخت
 اولنیک بختی کوروب اغاز نصیحت قیلدیکہ ای شہسوار دیوان مبارزت
 وای نامدار میدان محاربت بونہ تدبیر نامتاسددر ورأی ناصا تبدر کہ ترک
 مال و اہل و عیال قیلوب بولسکر مغلوبہ داخل اولمش سین و کمال
 ذاتی نہایت عزتہ اختیار قیلش سین زہیر ایتدی ای نامرد دولت باقی

ملازمت خاندان نبوت در عزت دائمی متابعت دودمان ولایت بدر
 (شعر) نه اعتبار سرور سریر دنیا به * که وار کوکب حکم نموده احتمال
 افول * خوش اولکه ایل به کردون طالعنده طلوغ * ستاره شرف مهر
 خاندان رسول * سام بدبخت استدیکه تطویل کلام ایده زهیر مهات
 ویرموب آتی برضرب ایل دوزخه کوندروب دخی پهلوان استد کده اهل
 عراق و شام اول نامدار کوه مندن هر اسان اولوب هیچ بر پهلوانا افتداری
 اولدیکه میدان شجاعتده رخس همته جولان ویره واکما مقابل طوره عر
 ابن سعد اول حالی کوروب لشکر نه سیاست کوزیله باقوب ایتدی ای نامرد
 بونه حبت سز لکدر که سزدن صاد را ولور * نصر این کعب نخعی که
 رؤسای عرب اتی یک مبارزه بر بطور زردی میدانه کیروب زهیره مقابل
 طوروب مباحاتر قلوب لاف و کذا فلر ایله نعر دل اوردی وزهیره اولدخی
 آغاز نصیحت قبلدیکه ای شجاع بکانه وای مبارز مر دانه نیچون ترک عناد
 ایدوب کز سین که عبدالله زیادتدن دولت دنیا بوله سین و صاحب
 رفعت اولوب اقران و امثال ایچنده سر افراز اوله سین * زهیر ایتدی
 ای بدبخت بن بوسنان ولایتدن اجتنای ریاحین مراده دست رس بولشم
 وکل دسته رسالتدن استشمام رایحه راحتیه موفق اولشم بکا یزیدک
 خارزار خدمتده نشوونما بولن نهال ندامت ککرکز که اوراقی ظل
 ضلالت کو ستره و میوه سی طعم طغیان ویره (شعر) بن مقیم روضه لطف
 وریاض راقم * خار صحرای ضلالتدن خبر ویرمک بکا * نور رحمتدن
 منور در چراغ دولت * دود نیران ندامتدن خبر ویرمک بکا * نصر
 ابن کعب اول اندیشه ده ایدیکه کلمات ایله آتی مشغول ایدوب حیلله ایله
 بر حیف ایده زهیر اول معاندن اکاه اولوب تمکین ویرموب برضربله آتی
 دخی هلاک ایدوب اندنصر که صالح بن کعب کلوب آنک شمشیر آبدارندن
 شربت فنا ایچدی (القصة) بو طریق ایله اول مؤمن متقی چوق مبارزل
 قتل ایدوب هیچ بر مبارزه اقدام مقابله کور موب مقدمه لشکر ده

اولان پباد لوصفوفنه متوجه اولوب انلری دخی متفرق ایدوب ینه
مبدانه مراجعت قیلوب مبارز طلب ایتد کده ابن سعد حجر الاحجار بیکه
معمد صف سپاه ایدی عتاب ایتد بیکه ای سپه سالار شام سندن غیر ی
مبارز بو پهلوانه مقابل طوره بیلز حجر الاحجار ایتدی ای امیر پهلوان
برائش سوز اندر خار و خاشاک آنکله مقابل اولق خارج دائره امکلدر
مکر حيله ايله اوچیوز مبارز کین ایدلروبن آنک ايله مقابله ایدوب کین کاه
طرفنه عزیمت قیلوب اول بنم قصدمه کلوب بکایتد کده اول لشکر
چقبوب هر بکادن تیر باران ایدوب اکا نصرت بوله لروبو حيله ايله اکا
غالب اولدر (شعر) شجاعت رسمنی صانعک که انجیق خون فشانلقدرد *
سپاهیلر ایچنده حيله هم پهلوانلقدرد * ابن سعد بومصلحتنه راضی اولوب
اوچیوز مبارز کینه مقرر قیلوب حجر الاحجار زهیر بن حسانه مقابل
طوروب ملایمت طریقيله ایتدی ای کریده عرب وای شهسوار عالی نسب
بن محاربه ایچون کلمشم نصیحت ایچون کلمشم حیفدر که سنانک کبی
نامدار صاحب عز و اقتدار ایکن قابل عجز و انکسار اوله حسین بن علی
حالا مغلوبدر و سعادت دنیا یزیده نسو بدرد مقتضای همت بلند اولدر که
حاضیض ذلندن اوج رفعتنه رغبت قیله سین و ترک اهانت قیلوب طالب
علومنزالت اوله سن زهیر ایتدی ای مدبر عزابندی عالمده ملازم ملازمه آل
مصطفیادر و انلردن غیره خدمت عین معصیت و محض خطادر (شعر)
هر نه دولت و ارایسه دنباده اولز بیخمال * دولت آل نبدر لایزال لم یزل
(القصه) زهیر بن حسان حيله قیلد قدده حجر الاحجار هزیمت ایدوب زهیر
متعاقب روانه اولوب اول کینکاهده ایرشد کده اوچیوز نامرد خوارچ چقبوب
اول شهسواری ارایه آلوب تیر باران ایتدیلر اما اول فرشته آسمان رحمت
هجوم شیطاندن ملاحظه قیلوب ذوق دولت شهادتله شوق افزون
اولوب و کثرت خار و خاشاکدن ناره شجاعتی حدت اشتعال بولوب تموج
دریای همتی اول غایتیه یتد بیکه حضرت حسین تشنه بدن یکا خون

اعدادن جو بیارل یورتدی آخر الامر اثناء معرکه ده ازدحام هجوم عام
اولوب شبت بن ربیع فرصت بولوب اول شهر باره بزخم مهلاک آوردی
اولدخی شبت بن ربیع حله قیلدقدہ اول بدبختی هزیمت ایدوب اول
شیریشہ شجاعت اول حالله دخی الی مبارزہلاک ایدوب عاقبت جریان
خونابه جراحندن اثرضعف حاصل ایدوب حضرت امام آنک حائندن
خبردار اولوب اون نفر ملازم ارسال ایدوب اول ازدهایی مورچدر
ازدحامندن نکاره چکوب حضرت امام حضورنه کتوردیلر اعضای
شیرینده طقسان زخمی اولوب هر بندن چشمه خون روان اولوب اماشکر
سعادت شهادت قیلغه هر زخمی بردهان ایدی (شعر) تیغ دشمن نامه در
مضمونی پیغام اجل * متصل کلمه در تدبیر هجران ایتمکه * آجندی روزنلر
بدن قصرینه پیکان بلا * جان چیقوب نظاره رخسار جانان ایتمکه *
حضرت امام می کبندن اینوب سعادت لوباشنی دیزی اوزرینه آلدقدہ رایحه
جان بخشندن حیات مجدد بولوب کل رخساره ترکس کبی دیدہ حیران
آچوب زبان حالله بوتکلمله کویا اولدی (شعر) بحمد الله ره عشقه
جان نقدین نارا ایتدم * و یروب جان خاک درگاهکده کسب اعتبار ایتدم *
حضرت امام ایتدی ای طائر روضه شهادت رازدل اظهار ایدوب
بر تکلم ابت زهیر ایتدی ای حسین بنم ایچون برجام شربت مہیا اولوبدر
صبرایت که ایچد کد نصکر تکلم ایدیم حضرت امام اصحابه واحبابه
ایتدی بو شربت شربت بهشتدر که زهیره عرض ایشلر (شعر) دیمک که
تبع عدودن شهیده یتز فیض * زلال روضه رضواندر آب تیغ عدو *
زالال خنجر بدخواهی سهل صائمک کیم * حرارت دل احبابی رفع ایدر
اولصو * بوتکلم اثناسنده اول طائر بلند پروازک مرغ روحی نسیم بقایه
پرواز قیلدی رحمة الله علیه (شعر) آفرین اول سعادت اهلنه کیم * ره جانانه
جان نثار ایتدی * قیلدی میل عالم فانی * دولت باقی اختیار ایتدی
روایتدر که زهیر بن حسان سعادت شهادت بولدقد نصکره رؤسای لشکر

یزید قتلی عسکری تفحص ایند کده کوردیلر که زهیر بن حسان قتالنده
 مجروحدن غیری مقتول اولن یوز نفر دن زیاده ایدی بو واقعه دن زهره لری
 چاک اولوب ایتدیلر هیهات هیهات بو کروهله بره مقاتله ایتمک ممکن اولن
 و صرفه قیلن ابطال عسکر برغایتده هراسان اولدیلر که هیچ کس نه ده
 رغبت میدان قالمدی اما حضرت امامک عسکر همایونی اگرچه
 صورتده شرمه قلبه ایدی امام عنیده هریری بریک کانه بی نظیر
 و فرید بعدیل ایدیکه انفاقله اسلحه تقوی و طهارت مرتب ایدوب لشکر
 شیاطینه ملائک و اراضطراب و اهتر از صالمش لرایدی زیراتملقات دنیا الیه
 مطلق ارتباط لری قالمیوب شهادته مهیا اولمش لرایدی (شعر) ترک دنیا
 ایلین اندیشه قتل موتدن * قید جمعیت چکن پیدرده اول دشوار
 اولور * عرصه ملک بقا سین قیلن عارفله * تنگنای دهر زندان دار دنیا
 دار اولور * ابن سعد لشکرک اضطرابن کورد کده توهم ایدوب نظر
 سیاستله بقدرده صف لشکرده عبیدالله زیادک ابکی مملوئی حاضر ایدی
 بری سالم دیمکله معروف و بری یسار دیمکله موصوف انفاقله آهنگ
 میدان ایتدیلر حضرت امام لشکرندن بریرله حبیب بن مظاهره غیرت
 شجاعت غالب اولوب رخصت میدان طلب ایند کده حضرت امام
 رخصت ویر محبوب عبدالله بن عمر کلجی رکاب همایونته یوز سه وروب
 اجازت میدان ایستد کده حضرت امام پیورد بکه ای عبدالله می دانه
 اولکله بویکی حرازمده قتل سنک الیکده مقرر در عبدالله صاعقه
 شمشیر آبدارله ابروار خروشان و غران پیاده متوجه عرصه میدان اولوب
 دیردی (شعر) بو عرصه بلاد بنم اول پیاده کیم * عزمده قبل بندعدودن
 کیدر ثبات * رخ شاه دین رکابنه سورمش پیاده کیم * لجم عجبمی خصم
 دغل بازی اینسه مات * یسار بدبخت اول وفاداره نیره حواله قیلوب
 عبدالله آنک نیره سین رد ایدوب برتغ اوروب مر کبن ایقندن براغوب
 پیاده اولد قده فرصت بولوب تدارک قتلنده ایکن سالم لعین حله قبلدی

اول مبارز وفادار قطعا و مطلقا اندیشه قیلوب اول یساری هلاک ایدوب
عقبچه سالمی دخی برضربه دوزخه کوندروب عبد الله زیادك قولری
اول حالی کوروب اتفاقله هجوم ایدوب تصور دن زیاده جدال و قتال
ایتد کد نصرکه اول مظلومی شهید ایتدیلر رحمة الله علیه اند نصرکه
بریر بن حصص همدانی که ازهد زهاد دوران واورع عباد زمان ایدی
وهرگز دست تعلق دامن تجردنه یتامش ایدی * وضمیر منیرنه مطلق
اندیشه ملک و مال خطور ایتامش ایدی متوجه حرب اولوب اول
لشکر بی امان ایله قتال ایدوب دیردی ای بادیه غفلت سرگردانلری وای
صحرای ضلالت مست و حیرانلری (شعر) جان فدای کر بلا قیلدم بلادن
دوغرم * اهل تسلیم بلای کر بلادن دوغرم * ترك سردر مدعا میدان
عشق ایچره بکا * کدسه باشم دوغرم بومد عادن دوغرم * هر طرف
جولان ایدوب مبارزله فنا صالمغدن لشکر اعدا عاجز اولوب عاقبت
یزیدن معقله کینتلر و یروب آنک قنانه حر یص ایدوب اول ملعون میدان
کیروب بریره مقابله طور دقدقه بنیاد تعرض ایتدیکه ای بریر اهل ضلالت
سن امام زمانه خروج ایتش سین بریر ایتدی ای ظالم سنکله مباحله
ایدلم که اهل بطلانه بلا نازل اولسون اول ملعون قبول ایدوب ایکی
طرفدن دعایه اشتغال اولوب دیدیلر الهی حق غالب و باطلی مغلوب
قیل بوسوزه قرار و یروب یزیدن معقل بریره شمشیر حواله قیلوب مضرت
یتوره بیلوب بریر تیغ صاعقه کر دارن محک تجربه حق و باطل قیلوب
اول نامردی برضربه هلاک ایدوب عاقبت بحتری نام برید بختک ضربتله
درجه شهادت بواندی رحمة الله علیه رحمة واسعة (نور الامم دن
نقادر که بحترینک ابن عمی عبدالله بن جابر بحتریه ایتدی ای بد بخت
جاهل بوکون برزاهدی شهید ایتدک که عرصه عالمده بی نظیر ایدی اول
بیدوات پشیمان اولوب لشکر دن چیقوب متحیر کیدر کن هول غالب
اولوب هلاک اولدی (شعر) کرجه شمشیر ستم ظاهرده الحاق

نیز اولور * تیغ حق ظاهرده و باطنده هم خونریز اولور * اندنصرکه
و هب کلپی که ماه رخساری شمع شبستان حسن جمال و سرو قاتی نهال
بوستان حسن اعتدال ایدیکه هنوز غایده عنبرین کلبن رخسارینه سایه
صالحه شدی * و نسیرین عذارنه بنفشه خطی مقارن اولمشدی
اتفاقا هم اول زمانده توفیق ترویجی واقع اولوب اول ماه طلعت زهره
جینله اتصال ایتشدی و غایتده اکانکران ایدی قری نام والده سی
اولوب اکا الحاح ایتدیکه ای فرزند سعادت مند (شعر) وقتدر کیم قبله
مقصودینی هر کس حاصل * وقتدر کیم اوله مطلوبنه هر کس واصل *
بوکون خازن کنجینه کرم دشت کربلا ده خوان فیض شهادت آچوب
صلای عام ایش سعی ایدوب اندن نصیب الحق کرک ورز کارایله انتظارن
چکدیکم سعادت حصونه وعده یشش تعلل ایتدوب بهره مند اولوق کرک
صلاح اولدر که شاه کربلا یه بوکون نقد جان نثار ایدوب بنم رضامی
و بلکه حق رضاسنینه آتک رضا سنده حاصل قبله سین و بر زمان زحمت
چکوب مرتبه سعادت باقیه یه واصل اوله سین و هب کلپی ایتدی ای مادر
مهربان نصیحتی قبول ایتدم اما خاطر م جانب عروسه مائلدر مهلت
ویرکه انکله وداع ایدیم زیر بندن بهره کور، یوب غریب و بیگس قالور
اول صالحه ایتدی ای فرزند دلبند نساطه سی نقص عقاله
معروف طائفه در اولیه که عزیمتکه مانع اولوب شوقی غالب
اولوب سنی بوسه دادن محروم ایده و هب ایتدی ای والده محبت حسین
ابن علی اول غایتده محکم در کوکبده که شیوه عروس رعنا بلکه
فسون زال مکاره دنیا ایله خلل پذیر اوله (القصه) و هب عروسه
ملاقات ایدوب وداع قیلوب مبداءه کیردی و بورجری اغاز ایتدی (شعر)
امیری حسین و نعم الامیر * لهامة کالسراج المنیر * و غلبه اعدادن توهم
ایتموب بنیاد قتال ایدوب اول ملعون اردن جمع کثیر هلاک ایدوب
والده سی حضورینه کلوب ایتدی ای نهال میوه حیاتم بنن راضی

اولدکی اول عقیقه ایتدی ای جکر کوشدهم راضی اولدم اما اتمام
 نعمت درجه شهادت در وهب قبول ایدوبینه مرا جعت میدان قیابوب
 محکم ابن طفیلکه اشهر ابطال ایدی قتل ایدوب عاقبت هجوم لشکرله
 شهید اولوب بی سعادتلر ائک سعادتلو باشن کسوب حضرت امام
 اشکرندن یکباراقدیله اول صالحه اوغلی باشن آلوب عروسی
 حضورنه کتوب یوزن یوزینه سوروب فغانلر ایدوب عاقبة الامر صبر
 ایدوب قضایه رضاویردیله (شعر) دهر دون هر لحظه بنورس کلی بر باد
 ایدر * بلبل بیچاره حسرتلر چکوب فریاد ایدر * اندنصکره عمر بن خالد
 میدانه کیروب چوق منافقاری درکات جهنمه کوندروب صوکنده جنت
 اعلایه متوجه اولدی رحمة الله علیه اندنصکره خالد بن عمر میدانه
 کیردی (من اشبه اباه فاظم) مقتضاسنجه والد بزکوارینک انتقامن
 آلوب اکا ملحق اولدی رحمة الله علیه اندنصکره سعد بن حنظله میدانه
 کیروب ثواب سهامله مرتکب رجوم شباطین اولوب وناره سهامله
 خرمن عمر اعدایه آتش فنا صالوب متوجه دار البقا اولدی رحمة الله
 علیه اندنصکره عمر بن عبدالله رحمی میدانه کیروب نهنگ وار جولانله
 دریای کارزاری متوج قلوب غرقه کرداب وصال اولدی رحمة الله
 علیه اندنصکره وقاص بن مالک صاعقه ابر بهار رزم اولوب
 امطار سهام تیز رفتار ایله منافقارک خرمن جعبتن سیلاب فنایه
 و یروب برنامرک ضربله شهادت بولدی رحمة الله علیه اندنصکره
 شریح بن عبید آفتاب عرصه میدان اولوب شعشعه تیغ آتشبارله
 چوق ظالمک ظلمات کدورتی صفحه عالمدن رفع ایدوب عاقبت افق
 شهادته اختفا بولدی رحمة الله علیه اندنصکره مسلم آذربایجانی ساقی بزم
 رزم اولوب نعره مستانه ایله کتبد کردونه صدال براغوب چوق بیخبرلری
 جام فنادن سرمست ایتدی کاه شمشیر آتشبارله مقاتله و کاه تبر تبر رفتارله
 محاربه قیلورکن کثرت جراحتدن ضعیف اولوب مر کبندن دوشدی

حضرت امام وحبیب مظاهر اوزرینه کلوب آنی معرکه دن چبقاروب
صف سپاهه یتوردکده هنوز حیاتندن برهق وارایدی حضرت
امام ایتدی ای مسلم اهل بهشته سلام یتورکه بندخی متعاقب
کلهکده یم مسلم کوز آچوب تبسم قلوب بو مضمونه کویا اولدی (شعر)
ای خوش اول ساعت که جان صرف ره جانان اوله * کوسروب
عاشق وفا معشوقه قربان اوله * حبیب مظاهر ایتدی ای مسلم
اگر بلسیدم سندن نصره قالدیغمی التماس وصیت ایدردم مسلم ایتدی
ای حبیب وصیت بودرکه حضرت امامه جانک فدا قبله سن و آنک
خدمتین سعادت دنیا و آخرت بیله سن بوتکلمده ایکن روحی آهنت روضه
رضوان ایتدی رحمة الله علیه آند نصره آنک نقد پای و خلف صالحی
میدانه کبروب پدر بزرگوارنک انتقامن آلوب برشتی ضربتله بنمکه بقایه
انتقال ایتدی رحمة الله علیه (شعر) خوش اول عارفکه بلدی ملک
دنیاک سرانجامن * حیاتندن تمتع بولیوب ایچدی اجل جائن *
آند نصره هلال بن رافع استدعای میدان ایدوب رخصت استدی
اتفاقا نوکد خدا ایدی حضرت امام ایتدی ای هلال روا کورمکه مقید
علاقه اتصالک شراب وصالکدن تمتع کورمدن تجرع زهر فراقکده هلاک
اوله هلال ایتدی ای نقد رسول الله حالا هیچ بر شربت بکاشهد
شهادتدن انفع و آکا جلاب تحملدن انصب ملاحظه اولمز (القصة)
نهایت الحاح ایله اجازت آلوب میدانه کیردی واول برکندار ایدیکه
هنکلم رزم سهام ناولک دلدوزنه شعاع خورشید کی سپهر اطباق
آسمانه حجاب اولمز پیکان اجل کردارنه تأثیر کواکب کی سپرد یرله
اندیشه چاره قیلردی ابتدای حربده قیس شامی مقابل کلوب هدف
ناولک دادوزی اولوب وچوقلر آنک کی پیکان ابدارندن جراحنلر بولوب
تقابلنه مبارزکنر اولدی (شعر) رنگین کن الینه الان دمدده کل رخک *
زخم خدشکی ایله زمین لاله زار اولور * چاک اولسه سینه لر نوله دورنده

لاله وار * قوس قزح علامه فصل بہار اولور (روایتدر کہ اول
سرافرازک ترکشندہ یتش ناوی اولوب ہر بر بلہ برنامہ دخارجی مقتول
ایدوب عاقبت زور بازوی هجوم اعدایہ ناول وار روح پرقوی کاخانہ
بدندن پروازیاض ایتدی رحمة اللہ علیہ (شعر) ہر دم بلایان متحرک
قیلور فلک * ہر لحظہ برہالی آیقدن سالور فلک * آند نصکرہ عبدالرحمن
ابن عبداللہ یزنی میدانہ کیروب لشکر یزید بدخواہہ جزار و یروب بکرمی
سکر مبارز قتل ایدوب خون اعدادن جو بیارل یورتدی اول جو بیارل
اوزرہ باشلردن حبابلر روان ایتدی (شعر) برکارزار قیلدیکہ دوران
روزگار * عالمہ کورمشدی آنک کبی کارزار * لشکر مخالف بیکان بیکان
اول بیکانہ روزگارک محاربہ سہمہ قادر اولیوب خلاف قاعدہ معہود
اوزرینہ هجوم ایدوب اکثری مقتول اولدقد نصکرہ اول مظلومی شہید
ایتد بلر رحمة اللہ علیہ (شعر) رجت اکاکدرہ محبتدہ و یردی جان * آندیشہ
تعلل و تأخیر قیلدی * دشمن تغلبندن ایدوب وہم و احتراز * کسب
رضای دوستدہ تقصیر قیلدی * آند نصکرہ یحیی بن مسلم مازنی میدانہ
کیروب خلعت کا کون خونابہ ایلہ بزم سرور بقایہ توجہ قیلدی رحمة اللہ
علیہ رحمة واسعہ آند نصکرہ عبدالرحمن بن عروہ میدانہ کیروب جمعیت
اعدایہ تفرق دلر براغوب رجت رحمانہ واصل اولدی رحمة اللہ علیہ
آند نصکرہ مالک بن انس میدانہ کیروب چوق مخالفلری مالک دوزخہ
تسلیم ایدوب مالک ملک بہشت اولدی رحمة اللہ علیہ آند نصکرہ عمر بن
مطاع فرمان جہانمطاع مقتضاسنجہ میدانہ کیروب اہل عصیانہ
اجرای احکام شرع ایدوب مقرب درگاہ قرب اولدی رحمة اللہ علیہ
(شعر) کون یوجلدیکہ اولوب کریمت غوغا فرون * چقدی دشت
کر بلادن دامن کردونہ خون * مجملہا ہرجانبندن خازن جنت ضیافتخانہ
بہشتہ جواہر اصدا ف الطافلہ زینت و یروب و خوان عموم مکارمدہ انواع
نعم مہیا قیلوب صلا ی ضیافت یتور مکین ارواح شہدا بر بر لباس

خونابه شهادت ولأی اشك حیرت برله مزین اولوب خاروخاشاك اعدایی
یولارندن پاك ایدوب اوچمه متوجه اولمده ایدی ورجانب بدن مالك
نیران آتش جحیمه خاشاك ابدان فجارله حدت اشتعال وروب وغلایان
قبر و قطرائی جوشه صالوب و افای و عقاربین غدا ایچون حاضر ایدوب
نفوس اشرا ره تعین منازل ایتکین فجره شام و فسقه کوفه کروه کروه
بخار سواد کرد میدان بلادن سواد الوجه حاصل ایدوب هر بری کشدو
مقدار نجه منزله وصول بولمده ایدی (شعر) بومقرر در که درگاه مقرب
محرمی * سایر زهت سرای روضه رضوان اولور * بو محقق در که
سلطان تهر تابعی * ساکن زندان و محنت خانه نیران اولور (روایت در که
دریای تحیر کر بلا تلاطمده ایکن ناکاه جانب یمین معر کردن بر شهسوار
مهیب سایه صلابت میدانه براقدیکه جلوه سمند برقی رفتاری لمحیه بصردن
اسرع وحدت سنان صاعقه کرداری دشمنه اجلدن اقطع ایدی لشکر
کوفهیه مقابل طوروب نعره ایدردیکه بنم هاشم بن عتبّه وقاص ای کروه
ضلالت پیدشه وای فرقه فجور اندیشه بنای ایمانکزه نه خلل واقع اولبد
واساس اسلامکن نه قصور بولبد ~~که~~ ارتکاب امر ناصواب ایتشسز
وطریق مخالفت خدا و رسول طومشسز عمر بن سعد عمراده سنی
استعداد حر بله میدانه کوردکده غایده مضطرب اولدی زیرا کمال
شجاعتمدن خبردار ایدی اکابر سپاهه یوز طوتوب آنک مصافقه مبارز
طلب ایتدکده سمران بن مقاتل که حاکم حلب ایدی هم اول ~~که~~ کون
بیک مبارزله کر بلایه گلش ایدی اجازت ایله میدانه کیروب هاشمه مقابل
طوردی و آغاز نصیحت ایتدیکه ای امیرزاده عرب عماردک سپهسالار
کوفه و شامدر سکا نه مناسبکه کفران نعمت قبله سن و مقهور و مغلوب بلرایله
مقهور و مغلوب اوله سن هاشم ایتدی ای بدبخت نعمت باقی دولت
فانیدن اولبد و اهل حق اگرچه مغلوب صورتدر اما غالب معنادر
(شعر) اولسه بینا دیده ادراک عرفان اهله * حاصل هر فعل و نفع

هر عمل معاومدر * دیمه هامان حشمیه یکدی هارون فقرله * آنی
 کورکیم شمدی کیم مدوح کیم مذمومدر * سمان بدبخت هاشمی
 قابل نصیحت کورموب آکا تیغ ابدار حواله قیلدوقده هاشم آنک
 طعنه سن رد ایدوب برضربه رشتنه حیاتی قطع ایتدی اما نعمان
 بن مقاتل قرداشی انتقامن المغه ملازمته اولان بیک مبارزله
 هجوم ایدوب هاشمی اورنهیه الیدلر حضرت امام کوردیکه
 اول نامراده کثرت اعدادن خطر متوجه اولدی رحم ایدوب فضل
 ابن علی مرتضایی طقوز مجاهد ایلله معاونته ارسال ایتدی اول
 حاله عربن سعد واقف اولوب ایکی بیک نامر دتیین ایتدیکه هاشم ایلله
 اول مجاهدلرک اراسنه حائل اولوب ملحق اولغه فرصت وریه لر
 (القصة) اول اون مجاهد اول ایکی بیک معاندلر ایلله قتال ایدوب آتش
 تیغ برق کدازدن بازار مقاتله کرم اولدی رغایتده که حرارتندن مرغ
 خنجر گذار سیلاب وار متحمل اولوب قطره شبنم کی بیلوفر آسمان اوزره
 تزلزل بولدی و دریای حرب برمر تبه ده توج قیلدیکه دامن لباس مشکین
 زحل نمناک اولوب عرصه آسمانه رنگ صالیدی (شعر) غبار سپاه اولدی
 رنبره میغ * آکا برق و باران اولوب تیرو تیغ * صدای نفیر ایتدی کردونی
 کر * نم خون قیلوب صفحه ماهی تر * بولوب رخنه لر چدن قصر تن *
 روان ایتدی جانلروداع بدن * آنک کی معرکه ده فضل بن علی مرتضا
 تجدید مر اسم رزم مرتضا قیلوب تیغ ذوالفقار کردارله هر حمله ده رجله بی
 هلاک ایدوب مردانه کارزار ایدر کن اول ایکی بیک نامر د تیر باران
 ایدوب مر کین سقط قیلوب پیاده اولدوقده دخی چوق حر بلر
 ایتد کدنصر که اول آفتاب اوج سعادت حجاب ابر بلایه کیروب سرد فتر
 شهدای اهل بیت اولدی رحمة الله علیه (شعر) ای خوش
 اول کیم رزم مبدانده هاتقدن آکا * یتدی هنکام تزلزل مرده
 فتح قریب * خوان احسان اوزره اولدی مستحق فیض عام * هم غزادن

بهره بولدی هم شهادت نصیب * لشکر یزید اول اون نفر مظلومی
 شهید ایتد کند نصکره نعمان مقابل معاونند متوجه اولوب هاشم
 بیچاره به هجوم ایتدیار جوامرد هاشم اول اوچ بیت نامر ادایله محاربه
 ایتدکه ایکن ناکاه نعمان مقاتله مقابل واقع اولوب برضربه اول ملعونی
 هلاک ایدوب علمن دخی نیکونسار ایتدی عاقبة الامر انای حربه کثرت
 جراحتدن و شدت حرارتدن مضطرب اولوب اکاضه غالب اولدقده
 بر بدبخت ضرر بتله شربت شهادت نوش ایتدی رحمة الله علیه
 (شعر) صراف چرخ رشته فیض شهادته * هر لحظه دانه دانه چکر در
 شاهوار * اول درلری علاقه طرف عنار ایدوب * آرتر جمال شاهد
 بیدار روزگار * اند نصکره حبیب بن مظاهر متوجه میدان اولدی اما بریر
 کهن سال صاحب کمال پاکیزه خصال حبیده فعال ایدی که آثار تقوی
 ناصیه احوالده پیدا و علامات علم و حیا صورت اعمالنده هویدا
 ایدی و اکثر اوقات عمرنی محمد مصطفی و علی مرتضای لازمند صرف
 قیلمشدی و هر کیچه بر نوبت کلام الهی ختم ایتک معنادی اولمشدی
 حضرت حسین ایتدی ای پیر پرهیز کار سن حضرت رسولدن یادگار سن
 وسنده شدت ضمه قوت محاربه یوقدر هر نکب مشقت حرب اوله
 حبیب ایتدی ای نور دیده زهرا توفیق طول عمر بکا بوسعادت ایچون
 مہسر اولمشدر حالا که فرصت دوشدی اکسباب مطلوبده تأخیر ایتک
 روادکل (شعر) چون اهل جهان کشته لری یاد ایدهلر * تحسین ایدهلر
 روحلین شاد ایدهلر * جان نقدینی صرف قیلمدیغمدن غرضم * اولدر که
 بنی داخل تعداد ایدهلر (القصة) اجازت آلوب میدانه کیروب بو مضمونه
 بر جز انشا ایتدی (شعر) بنم حبیب مظاهر محب آل رسول * کینه
 معتقد خاندان زوج بتول * حسنه نقد روان استرم نثار قلم * زهی
 سعادت اکر اولسه خدمتم مقبول * اول پیر ضعیف ذوق شهادت
 بشارتیله قوت تمام بولوب مورچده تحیف ایکن ازدهای دمان و پشه

ضعیف ایکن شیر زبان اولوب عرصه هیجاده کرد باد کی هر طرف جولانده
 گروه گروه خار و خاشاک ریو زدن کو ترردی و سیلاب مانند هر تو جهنده
 صفوف اعدایه رخنه لر باغوب خلل لری تورردی (القصد) چهره نورانی
 و محاسن کافور فامله تیغ آتشبار چکوب صبح صادق کی شام اهلنه فنا
 برافنده ایکن بنی تمیمن بر بد بخت ضریله آیفدن دوشدی نعره اوررد بکه
 یا امام مدد حضرت امام آنک نعره سندن متأثر اولوب بالذات بحر بلایه
 غوطه اوروب اوزرینه سابه می حث برافنده رایحه التفاتدن حیات
 مجدد کسب ایدوب ز بان حال ایله بویتی انشاد قیلدی (شعر) شکر الله کرچه
 نسرین اولدی ریحانم بنم * دیر مدین مقصد کلن بو بوسه تاندن چقمدم *
 حاصل ایتدم دولت جاوید طول عمر دن * وار مدین جانانه جان و جهان دن
 چقمدم * حضرت امام اول مظلومه بشارت جنان و یوب اول مظلوم
 روضه جنان بشارتله جان و یردی رحمة الله علیه (شعر) نسرینه رنک
 لاله یوب خون دیده دن * ارتوردی باغ جسته پیرایه سرور * کافور فام
 ناره چکوب دانه دانه لعل * قیلدی دم معافه زیب عذار حور
 (روایتدر که اول سرورک سربار کن بر سرکش قطع ایدوب یاننده
 صقلیوب واقعه کر بلاد نصرکه مکه میه می اجعت قیلوب می کبک بویننه
 آصوب شهره کیروب مباحات ایدر کن حبیب بن مظاهره اوغانه
 اوغرایوب بو کیمک باشیدر دیو سوال ایتدکده اول یخبرتفاخر قیلوب
 ایتدی بو حبیب بن مظاهره باشیدر اول خلف قابل اول مخالفی برضربه
 قتل ایدوب حبیب بن مظاهره سربار کن بر بقعه ده دفن ایتدی و حالا
 رأس الحبيب دیمکله معروف بر مزار مقرر در (شعر) تن پاک شهدای ستره
 بتر رده خون * نوله کر اولسه دم فن کیفندن آبرو * شفق آمیز کنشدر
 سرخونین شهید * نوله یردن بره کر کئسه بدنن آبرو * آند نصرکه حره بن
 حریر که معق ابی ذر غفاری ایدی پیاده میدان کبروب شب مشکفام کی
 اعدانک روز کارک سیاه ایتدی و دود آه عشاق کی آندن مخالفه چوق

اثرل یتدی عاقبت هجوم اعدایه اول مردم دیده دیده مردمدن نهان
اولدی رحمة الله علیه اندنصکره یزیدن مهاجر جعفری میدان کوروب
نیچه خوار جگ زهره سنی چاک ایتد کدنصکره شهید اولدی رحمة الله علیه
اندنصکره انس بن معقل متوجه حرب اولوب مخالف لک جمعیت
بی ثباتلرن پریشان ایدوب نیچه سبندر چاک ایدوب سعادت شهادته
قرین اولدی رحمة الله علیه اندنصکره شارب معتق عباس بن شبت زره
وسپردن استغنا قیلوب بدن عربالیه میدان کیردی دیدیلر که بونه
بی پروا قدر جواب ویردیکه ای یخنبرلر (شعر) سپر طوغم بلاییکانلرینه
کچشم جانن * چومن دریاه غرق اولدم نه باکم وار باراندن * عاقبت
نیرباران اعدایه نیچه لری قتل ایتد کدنصکره شهید اولدی رحمة الله علیه
اندنصکره جعفری مؤذن لشکر امام ایدی اجازت آلوب میدان کیردی
وزمره تکبیر و تهلیل آسمانه یتوردی و دفعه دفعه وکروه کروه مخالفلری
هلاک ایدوب عاقبت شهید اولدی رحمة الله علیه اندنصکره سیف بن
حارث و مالک بن عتبه اتفاقه اجازت آلوب میدان کیردیلر و اول نفاق
اهلنه بلار یتوروب نیچه مخالفلری مالک نیرانه ارسال ایدوب عاقبت
هجوم اعدایه بوظایف سرادن نزهتگاه بقایه یوز اوردیلر رحمة الله علیهما
اندنصکره فارس غلام دولت پابوسله مشرف اولوب عرض نیاز ایتدی
(شعر) ای حریم در که قدر کده خادم صبح و شام * شام برهنندی کنیرک صبح
بر روی غلام * یا امام زمان فیض شهادت خوان عموم احسان آچوب
هر کس نه مقدار نیچه بهر مند اولمده در و خازن کنجینه غرق ایتدی ابواب
ایدوب استعداد نیچه هر کس نصب المقده در بنده دخی بوسعادت
مطلوبدر حضرت امام ایتدی ای فارس سن امام زین العابدینه منسوب سن
استه و حضرت امام زین العابدین اول ایامده بیمار ایدی
تیه مشرف اولوب اجازت استد کده ایتدی ای فارس
د ایتدم حالا شروع محاربه سنک اراد نیکه متعلقدر فارس

داخل سلسله^۱ احرار اولوب مردانه ميدانه کيروب وصف اعدايه مقابل
 طوروب بومضمونه برجزانشا قيلدی (شعر) فارس اول ترك خنجر
 گذار * که همراه بغمدرآينه دار * بکخدمت خاندان رسول * بترايه
 رفعت و اقتدار * سعادت رفيقم اولوب قيامم * حسين علي خدمت
 اختيار * وکاه تبخ آتش بار وکاه نيزه اژدرها کرردار وکاه ناوک
 خونخوارله لشکر بدخواهه فنال براغوب عاقبت نوبت تجرع جام شهادت
 اکادخی يتوب روح پرفتوحی هاتقدن صدای (فادخلی فی عبادي
 وادخلی جنتی) استماع ايدوب متوجه روضه رضوان اولدی رحمة الله
 عليه اندنصرکه حفظله بن سعد ميدانه کيروب انواع مواظله و نصايحه
 اول کراهمری تهديد ايدوب مقبد کور محبوب مباشر قتال اولدی واکثر
 اهل ضلالتدن عرصه ميدانی خالی ايدوب شهادت بولدی رحمة الله عليه
 اندنصرکه يزيد بن زياد شعیبي ميدانه کيروب ناوک دلدوز اعدا قصر
 بدنلرن کثرت جراحتدن قفس قلوب عاقبت طائر روحی صغیر (ارجعی
 الی ربک راضية مرضية) استماع ايدوب مضيق بدنن پرواز ايتدی رحمة
 الله عليه اندنصرکه سعد بن عبدالله که محمد بن الحنفیه اقر باسندن ایدی
 ميدانه کيروب مقابلنه کلن مخالفلری سیلاب فنايه و يروب عاقبت (کل شیء
 هالک الا وجهه) مقتضاسنجدر روزنامه حیاتنی راقم اجل رقم (کل من عليها
 فان) ايله مزین قلوب نسخته حیاتنه خطا نقصای مدت چکدی رحمة الله
 عليه اندنصرکه جباوه بن حارث مقصد امر میدان اولوب اظهار کمان
 جلادت و اثبات منتهای شجاعت قباوب کردادباد پايندن مرآت جمعیت
 اعدايه ژک تفرقه براغوب عاقبت ژک حیات مستعاری مرآت ذاتندن
 صقبل تبخ بدخواهله مرتفع اولدی رحمة الله عليه اندنصرکه عمر بن
 جباوه حارث عرصه ميدانی جلووه گاه سمندهشت قلوب عاقبت متوجه
 زهت سرای سرور بقا اولدی رحمة الله عليه اندنصرکه اون بش مجاهد
 نامدار و شجاع خنجر گذار اتفاقله ميدانه کيروب لشکر اعدايه مقابل

طور و عرصه روزگاری صدمات کرد و ریله و غلغله کارزار یله ملا و قیلوب
 دشمنی بیحد و بیشمار درکات سیه ارسال قیلد قد نصکره درجات جسته
 انتقال ایتدیلر رحمة الله علیهم اجمعین اند نصکره محمد بن مقداد و عبدالله
 ابن دجانه میدانه کیروب متعهد رزم اولوب آتش قتال ایله خرمن خاشاک
 جمعیت بدخواهه فنا صالوب عاقبت مخالفان هجوم ایتدین حضرت امام
 لشکرند سعد غلام که مولای علی ابن ابی طالب ایدی و قیس بن ربیع
 و شبت بن سوید و عمر بن قرط و مسلم و حاد آنلرک جایته متوجه اولوب
 و اولیدی اختر سیاره آسمان شجاعت مخالفلرک گروه گروه رسته حیاتلرن
 قطع ایتد کد نصکره و عده شهادت یتد کده بر برینه متعاقب بهشت
 هشت بابه متوجه اولدیلر رحمة الله علیهم اجمعین (شعر) کیمدر اولیکیم
 عرصه دنیا یه کلدی کمدی * کیمدر اولیکیم قصر عمرین چرخ ویران
 ایتدی (القصة) آفتاب عرصه ربع آسمانی قطع ایدنه دک حضرت
 امامک متعلقات منسوب اتندن الی اوچ فرزانه شربت شهادت ایچوب
 حضرت امام حسین ایله حضرت زین العابدین دن غیری اون طقوز
 نفر دلاور عرصه انتظار شهادتده قالمشدی امدار جه آفتاب ارتفاع
 بولدق حرارت روز اشداد بولوب برغایته یتشدیکه حرکات صرصر
 عموم منابه شمشیر آبدار و مد شعاع آفتاب مشابه سهام برق
 آثار ایدی (شعر) کره نار ایدی خطیره خاک * اخکره نقل اختر افلاک *
 موج اوروب لحظه لحظه بحر سراب * تشنه یه آرتور ردی حسرت آب *
 فتنه آتشکهی اولوب میدان * شعله شمشیر ایدی شرر پیکان * آتش
 اورمشدی عالمه خورشید * عالم اولمشدی سایه دن نومهید * حضرت امام
 چون لشکر اعدانک کال غلظتن و عدم مروتن ملاحظه قیلدی
 و اکثر اصحاب مقتول کوروب و کتندونک و تهنه احبابنک دخی سرانجاملری
 نه اوله جفن محقق بیلدی و اهل بیتک حدت هوادن و فوت احبادن
 و تسلط اعدادن توهم و تحسرو عالم چکد کلرینه مطلع اولدی آدرد آلود

چکوب دیده نمیده دن اشك حسرت دوکوب زبان حائله بو ترنمی کویا
 اولوب دیدی (شعر) ندرای چرخ اشرازی عز یز اشراقی خوارایمک *
 خلاف اهان سرفراز اهل صدقی خاکسار ایمک * ندر قلیاق مقدم
 صادقدن کاذبن صبحک * نجو مک نحسنی سعدندن اعلا اعتبارایمک *
 سر بر رصفای صبحه اور مق شهله آتش * سرای تیکنای شامی پر نقش
 ونیکارایمک * شرارت جلوه کاهن رفعت قدر یله کردون سای * ولایت
 خاندانن ظلم الیله تار مارایمک * یزیدی کامران مستغرق دریای جبهیت *
 حسینی تشنه لب بدعهد لر ظلیله زارایمک * اگر چه اسبیلائی شد اند ضمیر
 منبر لینه بر مقدار تأثیر ایتدی واستعلای نوابدن خاطر عاطر لینه
 فی الجملة بر کدورت یتدی اماینه نسیم توفیق تحمل جانب رضای
 الهییدن حدیقه حسن اخلاقنه کذار ایدوب سیره آمان قطرات باران
 بشارت ارتفاع قدر الیه سیراب ایدوب و آفتاب تأیید توکل فلک فیض
 نامتاهیدن عالم عز و اختصاصنه طلوع ایدوب قضای صورت احوالن
 شهشه نور نوید اعتلای شانیه منور قیلوب سروس غیدن بوسه رودله
 ملهم اولدیکه (شعر) ای نهال نار پرورد ریاض هاشمی * نازنین
 طبعک بلا کورد کده مهموم ایله * بو بلا ضمنده در فیض کمال قرب
 حق * بو بلا طعن ایدوب اول قدری مذموم ایله * اطراف وجوانبده
 اولان اخوان و انسای تسلیمه طریقه ایله ایتدیلر ای همای اوج سعادت
 و شاهباز آشیانده ولایت نه سعادت بوندن افزون اوله که وعده ملاقات
 ارواح مقدسه انبیا قریب اولوب طالب مطلوبه واصل اولمغه فرصت
 بوله (شعر) هم نشین لر قیلدیلر عزم دیار قرب حق * اول وفا اهلینه
 اهمال ایتوب یمک کرک * ایمک اولر تیغ رشک سبقت احبابه صبر * تیغ
 اعدا بله رفع تیغ رشک ایمک کرک * حضرت امام انلری طریق وفاده ثابت
 قدم کوزوب دعا قیلوب منسلی اولدقده اهل بیت زمره سندن عبدالله
 ابن مسلم عقیل اجازت میدان است دعا قیلوب ایتدی ای نور چشم رسالت

اجازت شریفه متوجه روضه رضوان اولوب سلامی مسلمه ایلمتک
تدارکنده همت در بغایتیه دیو الحاح تمام ایله رخصت حاصل ایدوب
میدانه کیروب جولانلر ایتدیکه نعل باد پایندن غبار صلابت فلك ثامنه
یتدی اول جانبدن عمر بن سعد رؤسای لشکره تنبیه طریقه ایتدی
ای مبارزلر احتیاط تمام ایدککه بو جماعت خواص بنی هاشمندر
حقا که اگر می کبلرنده جوع و عطشیدن آثار ضعف و بدنلرنده تاب
حرارت و جزع اطفالندن اضطرابلری اولسیدی هر بر فردنن بزم کی یوز
لشکر عاجز اولوردی اما سره معاون اولان شمشیر شعله آفتاب و مظاهرت
قیان ناولک دلدوز حرکات سموم جگر تابدر پس اعیان لشکر دن قدامه
ابن قرائه متوجه اولوب ایتدی ای قدامه سن اشجع روزگار سین بو پهلوان
بنی هاشمه مقابل طوروب شریبی دفع ایت قدامه بی دولت عبدالله
صاحب سعاده مقابل طوروب عبدالله حله ایتدکده فرار ایدوب
حیله ایله بر نیچه نوبت تردد ایتدکده آخر عبدالله تشنه لیکن سست
اولدقده بر کوشه ده قرار طوتوب نیره سین اندن بر اقدقده اول حرمراده
قرصت بولوب اکا بر نیره حواله قیلدی عبدالله آک نیره سین اندن آلوب
بوضربه قتل ایدوب آک مر کبه سوار اولوب کندو مر کبن قوائه
صالوب متوجه حرب اولدی لشکر مخالف اول حرکتدن متوهم اولوب
مقابله سنده تاخیر ایتدکین تنه اقالوب کندو سن لشکر اعدایه اوروب ابن
سعدک تحت الواسنده صالح بن مصری بی قتل ایدوب ینه میدانه مراجعت
قیلدقده بر شقی لعین بدبخت مر کبن سقط ایدوب پیاده قالوب و کثرت
جراحتدن نهایت ضعف بولوب مقضل بن مر احم لعینک ضریله
اول خلاصه خاندان شهید اولدی رحمه الله علیه (شعر) دریغ
ودرد که خورشید آسمان کمال * جفای چرخدن اوج شرفده
کوردی و بال * جهان نظاره حسنیه خرم اولمش ایکن * یوردی جام
اجل نوش ایدوب جهان ملال * آندن صکره جعفر بن عقیل میدانه

کبروب بومضموئله برجز آغاز ایتدیکه (شعر) بنم کدقد عقیلم کین غلام
 حسین * حقیر بقمه بیکای مخالف کبـین * سرور عالم فانی دکل
 مراد بکا * همان محبت اولاد سید الثقلین * مدعا سنجه مخالف قری
 قتل ایتد کدنصکره آنک دخی سفینه حباتن تلاطم دریای فتنه کرداب
 فنیاه براقدی رحمة الله علیه اندنصکره عبدالرحمن بن عقیل مر کب
 اجتماعی عرصه جهاده سکرند یروب میدان کبروب کمال شجاعت
 کوسـ یروب عاقبت عبدالله بن عروه ضربله سعادت شهادت بولدی
 رحمة الله علیه (شعر) فلک ظلمر اشکار ایلدی * زمانه مخالف مدار
 ایلدی * جفا اهلنی خرم وشادمان * وفا اهلنی خوار وزار ایلدی *
 اولاد عقیل محرم سر پرده شهادت اولد قدنصکره نوبت شهادت
 اولاد جعفر طباره دوشوب محمد بن عبدالله حضرت امامک پابوس
 شریفله مشرف اولوب ایتدی ای سیرغ قاف قرب الهی وای شاعباز
 آشیانه فیض نامتناهی اجازت التفات ایت که میدانه کبروب بو کافر
 نهاد بدسـ یرت و ملحد اعتقاد زشت صورت خارجلردن مؤمنـ لک
 انتقامن آلوب ثواب حاصل ایدم (الفصه) اجازت آلوب میدانه
 کبروب بومضموئله برجز آغاز ایتدیکه (شعر) لله الحمد زمان غم و محنت
 کتیدی * ایچمه که جام شهادت بکا نوبت یتدی * دین طریقـ ند
 شهید اولمق ایدی کام دلم * و یردی کام دلمی دهر بیکار حم ایتدی * منقار
 بیکان ابدارله دانه دانه اهل غرور واستیکباری صحیفه روی زمیندن
 کوروب و باران زلال بیرو تیغله سکان سواحل غفلت و راحت فراغت لرین
 سیلاب فنیاه و یروب عاقبت شهید اولدی رحمة الله علیه اندنصکره محمد بن
 صوف بن عبدالله قرنداشن مقتول کوروب عرق اخوت متحرک اولوب
 بی اختیار اجازتسز میدان کبروب قرنداشی قاتلن قتل ایدوب حضرت
 امامک خدمته مراجعت قیلوب اغاز معذرت قیلدیکه ای ثمره نهال
 فتوت وای واسطه ایجاد فطرت فراق برادر باعث ترک ادب واقع اولوب

اجازت می‌دانه کبردم حالا التماس اجازت ایدرمکه بقیه حیاتمی صرف ره
 محبت قبل حضرت امام آکا دعا قبول رخصت و پرد کده متوجه میدان
 اولوب زلال شمشیر ابدارله کلزار مصافی س- یراب ایدوب عاقبت متوجه
 دارالقرار اولدی رحمة الله علیه آند نصکره عون بن عوف میدانه کبروب
 خارجیلر جانی مالک نیرانه تسلیم ایتد کد نصکره کندودخی متوجه دار
 القرار اولدی رحمة الله علیه (شعر) در یغا که بر برغروب ایتدیلر * سراسر
 نجوم س- پهر وفا * کس- تن اقبال کلبیلری * صنبوب اولدی سر بسر
 خارجقا * اولاد جمع طیار و فاتند نصکره نوبت شهادت حضرت امام
 حسن اولادینه یتوب عبدالله بن حسن که اکبر اولاد حسن محبت ایلدی
 عم بزرگوارندن اجازت آلوب میدانه کبروب کروه کروه مفسد لری
 س- بلاب فایه ویرردی تا یوز سگسان مبارزه دک هلاک ایتدی میدانه
 مبارز رغبت ایتز اولدی عاقبت الامر خارجیلر بوصلاحی کوردیلر که
 یونلر ایله مصاف ایتکدن ایسه تحمل ایدوب مصاف ایتک اولیدر
 زیر ایز که تحمل ایتد کجه آنلره حرارت عطش مس- تولی اولوب هلاک اولورلر
 یوندیر توهمه بهانه ایدوب توقف ایتد کده عبد اللهک دریای شجاعتی
 جوشه کلوب بی اختیار کندوسن قلب س- پاهه اورب بالذات عمر بن سعد
 لعینه حله قیلدی اول بد بخت ملعون مقاومت کتوره- یوب فرار
 اختیار ایتد کده عبدالله بعض مبارزلی قتل ایدوبینه میدانه
 مراجعت ایتدی بختری بن عمر شامی عمر بن سعد ایتدی ای امیر
 دعوای ریاست س- پاه ایدر کن بر مبارزن فرار ایتک نه مئاس- بدر
 عمر بن سعد امین ایتدی ای بختری بن سر عسکر بنم هلاکم جمیع
 لشکر هلاکدر ودخی جان شیریندر عوضی اولزوفی الواقع اکر سنده
 زیاده شجاعت واریسه امتحان ایتک اولور بختری عمر بن سعدک سوزندن
 غیرت ایدوب بش- بوز مبارزه عبداللهه مقابل طوردی حضرت
 امام لشکرندن دخی محمد بن انس و اسعد بن دوجانه و فیروزان مولای

حسین عبد اللهك معاونند روان اولوب جله دن مقدم فیروزان بختری به
مقابل طوروب محاربه به اشغال ایستدیلر ایشای کارزارده عبدالله
بن حسن مجتبا اول مجاهدله اتفاقله جله قیلدقده اول بشوز نامرد
درت پهلوانه حربف اوله بملوب مغلوب اولوب تفرقه بولدیلر اول
مجاهدله کندول بن قلب سپاهه اوردقده عمر بن سعد شبت ربیعیه دخی
بشوز مبارز همراه ایدوب آنلرک معاوننده ارسال ایستدی (القصة) بیک
مبارز درت پهلوان شهسوار ایله حرب ایدوب ینه حربف اوله بملوب
مغلوب اولوب منهزم اولدقده عمر بن سعد دن نقلدر که دیمش بن فیروزان
غلامدن اول کون رشجاعت ملاحظه قیلد مکه وصفی احاطه تقریره
کیرمز حقا که اکر هول عطش عنان عزیمت طوتمسیدی تمامی سپاه اکا
حریف اوله بملدی (روایتدر که یوز اوتوز مبارزی رمحه و یوز
یکرمی بیدی مبارزی بقله هلاک ایتشیدی اما کثرت زخدن سست اولوب
حضرت امام خدمته مراجعت ایتک استد که عثمان بن مفضل
اول مظلومه برضرب اوروب مر کبندن براقدی امام هنوز اول مدبر لایله
پیاده جدال ایدردی اسعد اول حاله واقف اولدقده جله قیلوب آئی
چقرمق تدارکنده ایکن بختری غافل برضرب اوروب النبدن نیرنسن
براقدردی ازرق بن هاشم اول مظلومی شهید ایتدی رحمه الله علیه اما
عبدالله بن حسن مجتبا شبت بن ربیعیه ایله جدال ایدوب شبت بن ربیعیه
بدبخت اونیدی زخم اول مظلومه اوروب هر زخندن بر چشمه خونابه
روان ایدی اول زخلدن مضطرب اولوب شبت بن ربیعیه ک صف
سپاهن چاک ایدوب اسعد و فیروزان معرکه سنه کلوب کوردیکه اسعد
شهید اولش و فیروزان مجروح و پیاده خالک مذلته دوشمش بختری ک صف
سپاهن متفرق ایدوب فیروانی الوب اصحابنه کتور مکده ایکن مر کبی
کثرت زخدن بی طاقت اولوب حرکتدن فالوب ناچار پیاده اولدی عون
علی اول حاله واقف اولدقده عبد الله برجنبت یتوروب عبد الله اول

مر کبه بنوب فیروزانله پیاده کلور کن حقه واصل اولدی رحمة الله علیه
 اما عبدالله بن حسن مجتبا فیروزان مفارقتدن غایتده منالم اولوب
 دست توکل حبل المتین حسبی اللهی استوار قیلوب و حصن (وما
 توفیقی الا بالله) ده متحصن اولوب آهنگ میدان ایتدی اما توهم شمشیر
 آبداری اول غایتیه یتدیکه آفتاب شعله تیغدن محالفلرک مرغ روحلری
 خفاش وار هر اسان اولوب مقابله کلز اولدی و پرتو ما عتاب طلعتنه اول
 مصر و علردن مقابله ممکن اولردی عمر بن سعد مهالغه تمامله یوسف بن
 احباری انک میدانه ارسالدوب یوسف بن احبار اول شهرزاده شهسوارک
 التدن شربت فنا تجرع قیلدی واکا متعاقب طارق بن عبدالله هم اول
 شربتدن نصیب الدی اکا متعاقب بدرک پلید کلوب هم اول ساگردن
 متجرع اولدی آخر الامر شهرزاده نک وه هم تیغی ابواب توابه توجه اعدای
 مسدود ایدوب بالضروری کندوی اول اشکر بیکرانه اوروب اون ابکی
 مبارز دخی یقوب حضرت امام خدمتده مراجعت قیلوب نعره
 اوردیکه ای عم بزرگوار (العطش العطش) حضرت امام بیوردیکه ای
 نوردیده وای سید بزرگوار صبرایله که دمبدم زلال کوژدن روح روانک
 سیراب اولور عبدالله بن حسن مجتبا اول بشارت ایله یتنه میدانه کیروب
 بنو بت عمر بن سعد بشیک بدبختی انک قتالنه مقرر قیلوب اول شیر پیشه
 ولایتی اورتایه الوب هر جانبدن هجوم ایتدیلر لاجرم کثرت جراحتدن
 اعضای شری غرق خون اولوب و بنای وجودی زخاردن رخنه لر بولوب
 حضرت عباس بن علی و عون بن علی اول بشیک نامر دلره حمله قیلوب
 عبدالله بنی انک اراسندن الوب کتورر کن مهال بن ظهیر اول شاه
 عالمپناهه برضرب اوروب شهید ایتدی رحمة الله علیه عباس بن علی صاعقه
 مثال اول پلید کرا هک خرمن عمرنه آتش راغوب هلاک ایتدی حره بن
 مهال که آنک نطفه نامقبولی ایدی عباسه حمله قیلوب عون بن علی آنک
 شرن عباسدن دفع ایدوب انفاقله عبدالله بنی کتوروب اهل بیتک

حضور نه کتوردیلار مطهرات اهل بیت حجره طهارت سیلاب اشکله
اعضای شریفن خاك و خوندن پاك ایدوب عزاسنه مشغول اولدیلار
(انالله وانا الیه راجعون) (شعر) آه کیم دوران لعل قصر بنی ویران ایلدی
اهل ابدی اسیر دام حرمان ایلدی * یاد بیداد خزان کلزار عصمت کلارین
* کوس تروپ آفت آچلمقدن پشیمان ایلدی * نسخنه اسلامدن شیرازه
آچدی روزگار * عرصه عالمده اوراقن پریشان ایلدی * حضرت قاسم
ابن حسن مجتبا که سپهر صبا حنده بر آفتاب عالمتاب و بوسه تان لطافتده
بر لاله نورسته سیراب ایدی عبدالله بن حسن مجتبانک اول حالت
ملاحظنه قیلد قدده فضای عالم نرکس شهلا سینه تار اوایوب دل بیقرار
ونهایت غیر تنیدن پراضطراب اولغین سلطان کر بلانک رکاب همایونه
یوز سوروب ایتدی ای عم بزرگوار وای خداوند عالمقدار رخصت ویرکه
بوجا جرزدن انتقام المغه مبدانه کبرم و زبان سنان و سنان زبان ایل اهل
ضلالنک جوان ویرم اول شهریار کامکارک عزیمت ملاحظه قیلد قدده
بر طرفدن خواتین حرم سرای نبوت دامن اقتدارنه دست نظلم اوروب
فریاده کلدیلر که ای کلدسته نو بهار فضیلت سندن رایحه حسن حسن
مجتبا کاور فراق که تحمل اولمن و بر طرفدن حضرت امام حسین
طریق توجهن مسدود ایدوب ایتدی که ای شمس ایوان سیادت برادر
بزرگوار منک ذکر سنکه احبا اولور سکا بدل بولمنز (شعر) دوی درد
فراق حسن بکا سنسن * سنک توجه که خاطر م رضا و رمز * کورر
عدو ستمن کیکه بوصافه کیرر * مروت سکا مطلق ستم روا کورمنز
(روایتدر که شهرزاده قاسم هیچ وجهله رخصت دیدان بولایوب
غایتده متألم اولغین خاطر شریفنه ایتدی که حضرت امام حسن عالم فانیدن
رحلت ایتد کده بر تعویذ بازوب بازوی مبارکنه بغلیوب وصیت ایتدیدی که
ای قاسم کال ملالت بولد قدده بو تعویذی آچوب اوقیوب
مضمونیه عمل ایده سین کال اندوهی مستلزم مطالعه تعویذ اولوب

اول تعویذی بر خلوت رده اچوب اوقیوب کوردی یازلشکه ای قاسم
 سکا و صبتیم بودر که حضرت حسین دشت کر بلا ده بلایه گرفتار اولد قده
 زینهار اکانقد جان نثار ایتمکده تقصیر ایتمه سن و هیچ بهانه ایله
 طریق تعلل طوتمیه سن (شعر) بودر ای نطفه پاکیزه وصبت سکا کیم *
 نقد جان صرف قیلوب کسب سعادت قیله سین * لذت عمر سنی قیلبه
 غافل حقدن * کندوی قابل اقبال شهادت بیله سین * شهراده قاسم اول
 تعویذی حضرت حسین کوسرتوب اجازت میدان استد کده حضرت
 امام ایتدی ای نور دیده وای سید برگزیده اول حضرتک بکادخی پروصبتی
 اولش بدر اما و فاسانه دوران مساعد اولدی وانجامنه فلک معاونت
 قیلبدی پس قاسمک ان طوتوب حرم سرای عصمته کوروب عون علی بی
 وعباس علی بی حاضر ایدوب خوانین حرم سرایه امر ایتدی که قاسمک
 نامزدی اولان شهراده عروسانه زینت و یروب کتوردیلر حضرت
 حسین اول صالحه ک الی قاسم اننه و یروب ایتدی ای راحت دل
 حضرت امام حسن وصبتی مقتضای سنجده بواماننی سکا تسلیم ایتدم عروس
 نامراد شهراده قاسمه تسلیم اولند قده حضرت امام اول حرم سران
 چقبوب متوجه میدان اولدی قاسم بن امام حسن اول غنچه علونیک چن
 رخسارینه حیران اولوب متفکر ایکن لشکر مخالفدن صدای (هل من
 مبارز) سمع مبارکنه ایرشدی بی اختیار ترک خلوت قیلوب عزیمت
 میدان ایتک تدارکنده ایکن مطهرات خاندان عصمت دست تضرعی
 دامن پاکنه اوروب تضرع ایتدیلر که ای شمع شبستان سعادت وای غنچه
 کلبن سیادت بواماننی کیمه تسلیم ایدوب کیدر سین قاسم مظلوم آب دیده
 روان ایدوب ایتدی ای ریاحین گلزار عصمت وای نجوم سپهر عفت غلبه
 لشکر دشمن امام حسین مقابلدن نه روا که بن سروره مائل اولم واسئیلای
 اعدا لشکر اسلامه حاصلدر نه مناسبکه بن ساکن خلوت سرای عشرت
 اولوب تغافل قلم بنم وعده تزویج قیامته دوشدی معذور طونک

(شعر) زمانه بکل ایتدی سروه پیوند * ولی سرو اولمدی برله خرسند *
 ارایه صالدی فرقت احتراقن * اکا کوس تردی اول سروک فراقن * فلک
 هر رشته به چکدی ایکی در * کسوب اول رشته بی تیغ تغیر * بر اقدی
 بر بدن در لری دور * قضا بوا مره در کویا که مأمور * عروس ناصراد
 پرده حجاب به برق آه حسرتله آتش اوروب فغان ایتدیکه ای مخدوم زاده
 قیامت کونی سکا نه مقامده طالب اولمیم و نه علامتله سنی بولهیم قاسم
 ایتدی ای کل ناشکفته وای کوهر ناسفته بنی عرصه قیامتده خدمت
 اجداد مده جاءه چاک و دیده نمناکله بولقی اولور پس عروسه وداع
 ایدوب متوجه میدان اولدی اهل یتدن غریو و غلغله قبه افلا که
 چیقوب حضرت امام کوردیکه قاسم متوجه درجه شهادتدر کل کی
 کر یبانی چاک ایدوب لباسنه کفن ترتیب وروب کندو تیغن بلیته بغلیوب
 میدانه کوندردی قاسم میدانه کیروب جولان ایدوب بومضموئه بر رجز
 آغاز ایتدی (شعر) بنم کل چمن صدق قاسم بن حسن * که تقدجانی قلم
 نذر خاکبای حسین * مقیم کوی وفایم مسافر ره حق * مطیع امر حسن
 طالب رضای حسین * لشکر اعدایه حمله قلوب و مقابلنه کمان
 حرامزاده لری هلاک ایدوب دریای سپاهه غوطه اوردی وقت سپاهده
 عمر بن سعدنه مقابل طور دی وصلابت صوتله نعره اوروب ندا ایتوردیکه
 ای جفاکار تیره روز کار بونجه مؤمنلری شهید ایتدک وقت اولمدیمی که
 استغفار ایدوب بو عملدن پشیمان اوله سین عمر بن سعد ایتدی ای بزرگ
 زاده وقت اولمدیمیکه سزدخی بو طغیان ترک ایده سنز و یزیدک بیعتن
 قبول ایده سنز قاسم ایتدی ای شقی طغیان بودر که آب فراقی جمع
 مخلوقاته مباح ایکن اولاد رسوله دریغ ایدرسنز آباعطش صحرای قیامت
 خاطریکه یقزمی وعد و وعید کلام منزل دل سنکینکزه اثر ایتزمی عمر بن
 سعد اول کلانی استماع ایتدکده ملزم اولوب لشکر نه یوز طوقوب ایتدی ای
 مبارزلر بوشه سوار یکانه و شجاع فرزانه قاسم بن حسن مجتبادر که شوه

شجاعت اکا ارثله یتشدر و آیین رزم اکا آبا واجداددن انتقال ایتشدر
روز رزم خنجر آبداره محبوبلر ناولک مژگانندن زیاده میل ایدر و هنکام
حرب نیره اژدهانموداره صمغر قاتلندن فزون توجه قیلور (شعر) بودر
اول تقدحیدر کرار * که چکوب تیغ ایدنده قصد قتال * رشکدن خنجر بی
طاشه چار * لاله برق آفتاب مثال * طائر تیر تیر پروازی * میل صید
ایسه آچوب پروبال * اکا ایلر هوای وصل طوتوب * مرغ روح مخالف
استقبال * حقا که اهل آسمان وزمین بر بر محاربه سنه قدرت بولملر
وابطال مشرق و مغرب یکان یکان دفعه قادر اولملر صلاح اولدر که
جمیع اشکر اتفاقله اکا متوجه اولوب تمکین جدال و یرم - وب کثرت تیغ
وتیر و نیر ایلر هر طرف اعضا سن مجروح ایدوب و صدمات آواز کوس
ونای و نفیره هر جانبدن مرغ روحی سراسمه قیله سن شاید که بوتدیرله
اکا غالب اوله سن قاسم مظلوم بواقعه دن یخنجر ایکن اول گروه جفاکار
پیاده و سوار نیره و ناولک سیلاب وار اول سرو بلند اقتداره متوجه
اولوب ارایه آلوب بنیاد جدال و تیر باران ایتدیلر قاسم بن حسن اول غلودن
اندیشه قیلوب بر حله ایلر اول جمعی پریشان ایتدی عمر بن سعد ازرق
شامی یه که سه سالار شام ایدی تیغ طعنه اوروب ایتدی ای پهلوان شام
سن منظور انظار عواطف یزدن بولک کی هنکامه ایچون نه مانعدر که
چقبوب بومبارزک فتنه سن رفع ایتمه سین ازرق شامی تکبر طریقه
ایتدی ای ابن سعد بنی جماعت عرب بیک مبارزه مقابل طور لره مناسبکه
بر طقه مقابل طوروب ناموسمه شکست و یرم عمر بن سعد ایتدی ای نادان
بونیره حضرت مصطفی و مر تضادر بونقد حسن مجتبادر حقا که
اکر اثر تعطشدن طبع نازی منزجر اولوب انحراف مزاج بولس ایدی
ونهاال نازورد طبیعتی تشنه لکدن پزمرده اولس ایدی بوسپاهله مصاف
ایک اکا عار ایدی ازرق ایتدی چون مبالغه قیلور سن درت او غلوم
وار هر بری بر نادره روز کاردر برینه امر ایدیم آتی طوتوب کتور سن پس

اول بدبخت کراه اکبر اولادنه کثبت و یروب میدانہ روان ایتد کده
 اول حرمزاده زینت تمامله قاسمه مقابل طوروب حمله ایتد کده قاسم
 آن طعن ردایدوب ملعونی برضریله مر کبندن یقوب کا کلندن طوتوب
 بر زمان انده کز دیروب اعضاسنی صندیروب مبارز استد کده اینکنجی
 اوغلی میدانہ کیروب شهزاده الندن هلاک اولوب اوچنجی اوغلی
 دخی میدانہ کیروب اول شاهباز آشیان شجاعت ضریله آنله ملحق
 اولدی دردنجی اوغلی میدانہ کیرد کده اول شهسوار میدان مهابت آتی
 دخی برضریله دوزخه کوندردی ازرق لعین غضبناک اولوب صلابت
 تمامله میدانہ کیرد کده شهزاده یه زبان دازاق ایدوب ناسزال دیدی
 شهزاده ایتدی ای ازرق بواضطراب اوغلانلرک فرافندن ایسه بودردک
 درمانی المدهدر بوجانبدن حضرت امام ازرق ملعونی میدانده کوروب
 اضطراب پیدا قیلدی زیر اول حرمزاده شجاعتده شهره دوران ایدی
 شهزاده هم نور سبده وهم تشنه جگر تعبناک دست نیازی درگاه بی نیازه
 آچوب دمایه مشغول اولدی (القصة) ازرق بدبخت قاسم صاحب سعاده
 حمله رقیلوب و شهزاده انک حمله لرین ردایدوب عامهله جدال ارالنده
 اشتداد بولوب عاقبت نسیم نصرت شهزاده جانبدن متحرک اولوب اول
 ظالم دفعه فرصت بولوب بر تیغله مر کبندن براغوب باشن کسوب
 مر کبن جنبیت قیلوب حضرت امام حضورنه مراجعت قیلدی وزبان
 حاله بوترمی کویا اولدی (شعر) ای رکاب رخس اقبالک هلال اوج
 ذین * نقش نعل مر کبک محراب ارباب یقین * اقتدای شرع در فرمانکه
 اولق مطیع * اصل ایماندر سنی بملک امیر المؤمنین * یا امیر المؤمنین
 نیران تعطش شبستان وجودمه احتراقی تزلزل برافندهدر و نأثره قحط
 آب جائه قصه ایدوب جکر یاقدهدر هر نیجه که ساقی دوراندن
 تسکین حرارت قیلغه بر قطره صواسه ترتم تسکین حرارتی گاه کوزمدن
 آقن سیلاب اشک روانه حواله قیلوب و گاه زنجیردن روان اولان چشمه

چشمه قانه اشارت اینر ❖ وگاه زلال تیغ اعدایه رجوع ایدر آبونه
 حکمتدر (شهر) شاهد ذوق و طرب رخسارینه ای چرخ دون ❖ بی توقف
 رده قوت و فنا چکمک ندر ❖ برایچم صوو و یرمدن تشنه جگر
 قصده ❖ خنجر بیداد و شمشیر جفا چکمک ندر ❖ حضرت امام اول
 مظلومه مرده شربت شهادت برله تسکین و یروب ایتدی ای قاسم
 بردخی دولت دیدار غنیمتدر حره سرایه واروب اهل بیتله رسم مواده
 تازه قیل شهراده قاسم متوجه حضور اهل بیت اولوب عروس شبستان
 عصمت پرده سرادن چیقوب دولت پابوسنه مشرف اولوب نوحه
 قیلوب کریمه آغا ز ایتدی شهراده جوان بخت اکاتسلی و یروبینه میدانه
 هر اجمت قیلدی اما موقد ضمیرنده نار محبت بغایت مشعل و ضمیر
 منیری تأمل کیفیت عواقب اموره مشغول اولوب بو نظمه مترنم اولدی
 (شهر) ندرای چرخ ظالم یاری یارندن جدا قیلق ❖ می ادا هلمن اسیر دام
 بیداد قیلق ❖ چولا ز مندر سکا قیلق جدا هر یاری یارندن ❖ چکوب
 زحمت نه لازم بر بریله آشنا قیلق (القصة) اول شهراده کامل هزار
 هزار اندوهله میدانه کیرد کده نظر مبارکی عبیدالله زیاده علیه السلام
 رایت نحوست آینه دوشوب همتی آنک دفعه مصروف ایدوب
 قلب سپاهه متوجه اولدی پیادهل شهراده مک منعه اقدام ایدوب
 اول حضرت پیادهله مشغول ایکن شبت بن نخعی ملعون کتف
 مبارکنه برنیزه حواله قیلوب اول شهسوار معرکی شجاعتی می کیندن
 بر اقدی اول خضرک بکرمی یدی زنجی اولوب هر بدن چشمه چشمه
 قانلر روان اولغین ضعف غالب اولمشیدی مغلوب اولوب می کیندن
 جدا اولدوقده نعره اوردیکه (یا عماه در کنی) حضرت امام اول صدادن
 متأثر اولوب می کب مجاهدت میدانه صالوب صفر صند یروب کوردیکه
 اول سرو ریاض مکرمت آلوده خالک و خون اولوب شیت بن ربیععه اوزرینه
 مسلط اولش سر مبارکن بدن اطمینندن جدا قیلق استر حضرت امام

بر ضرر بله اول باید لعنة الله علیہی شهراده مك اوزرندن دور ایدوب
 اول شهیدی كوتروب خیمه كاهه یتوردی كه هنوز حبسبندن
 برهق باقی ایدی اهل بیت قاسم اوزرینه جمع اولوب نوحه وافغان ایتدكه
 آنلرك صداسندن برنوبت تركس شهلاسن آچوب كل كبی تبسم ایدوب
 كلشن جنانه عزم ایتدی رحمة الله علیه (شعر) رحت اول اهل دلاره
 كیم اختیارله * رغبث بو كارگاه فنادن كوتر دیلر * بل بغلوب طریق
 محبته مردوار * هر دعوی ایتدیلر سه یرینه كتوردیلر * ایكنجی
 فصل * حضرت امام حسین و اهل بیت شهادتلرین بیان ایدر *
 منشیء احكام كارگاه قدرت و ملی ارقام صحائف حكمت كه بدایت
 فطرته (ان الانسان لفی خسر) عبارتله صحیفه احوال انسانه رقم حكیم
 خسران یورتش وزمره خواص بارگاه قرین استثنای (الا الذین آمنوا
 وعملوا الصالحات) اشارتله اول جمله دن مفرور ایتمش اما مضمون
 (ان وعد الله حق ولكن اكثرهم لایؤمنون) كثرت اعداسنه بر بهان
 قاطع در و مفهوم (وقلیل من عبادى الشكور) قلت احباسنه بر بیان
 واقع و ظاهر در كثرت ارباب ضلالت و قلت اصحاب هدایت و سیله اولدر كه
 طبیعت بشر اصل فطرته مائل راحت * و قبول احكام
 شرعیه متضمن اصناف مشقتدر (شعر) راحت استر طبع و محنتدر
 عبادت سر بسر * ترك راحت رغبث محنت قبلن متمسك اولور *
 بوسیدندر كه كفر آسان اولو با اسلام صعب * عرصه عالمده ملحد چوق
 موحد آز اولور * فی الواقع بو مضمونه رشاهد صادقدر واقعه كربلا
 و بو مفهومه بر بهان موافقدر وقوع كثرت سپاه یزید و قلت زمزم شهاد
 رحمة الله علیهم زیرا كه بكرمی ایكى يك جفا كار یتش ایكى لب تشنه
 دلفكاره مقابل طور مشدی و صرصر طغیان ستم پرده آزر می ارادن
 كوتر مشیدی بر طرفدن جمیع اصناف عدوان صورت جمعیت بولوب
 و رجا بندن سلسله جمعیت ایمان متحرك اولوب نه كروه مخالفدن طریق

مروت آناری هویدایی و نه زمره شهادت قاعده تنزل و مدار نمودار
 و پیدا ایدی اگر چه عالم صورته زمان زمان مجاهد را کس لوب مخالف
 زیاده اولمده اما عالم معینده مخالف تنزل بولوب مجاهد را کمال رفعت
 بولمده ایدی (شعر) ممکن اولمزه که اوله عالمده * اهل بطلانه اهل حق
 مغلوب * اهل حق قاتل اولسه اسکر مقتول * ظفری عقل اکاقیلور
 دنسوب * قتلدن اولدر ایلین اگر امه * که شهادت اکادکل مغلوب *
 هر آینه حضرت امام حسین لشکرینک امواتنه مضنون (فریق
 فی الجنة) طغرای مثال حال و مرده (ان الابرار فی نعیم) عوجب فراغ
 بال اولوب سکن ریاض رضواندن (سلام علیکم بما صبرتم) تهنیه قدوم
 اولمده ایدی (شعر) نقد جان صرف ره جانان ایدن صاحب نظر * عشق
 میداننده سرخیل صف عشاق اولور * منزل مقصوده در قید تعلق
 سدره * رتبه ترک تعلق احسن اخلاق اولور * و مخالف سپاهک قتلسته
 مفهوم (فریق فی السعیر) طراز نامه اعمال اولوب تهدید (ان الفجار
 فی جحیم) اهتزاز و اختلال و یروب مقید سلاسل صلابت قلمده ایدی
 (شعر) قید جمعیت اسباب گرفتاری اولان * سیر کلزار جنان ایتکه
 فرصت بولم * ذوق دنیا ایله ضایع بکورن اوقات * شرف رتبه توفیق
 سعادت بولم * بی تکلف عرصه کر بلا میدان امتیاز حق و باطل در و طریق
 حصول کماله اشرف منازل و مر احمدر (شعر) کر بلاد حاصل ایتش
 علو منزلت * ذات و عزتده اهل ظلم و ارباب وفا * زردبان بام رفعتدر تأمل
 ایلسک * نقش موج ریک صحرای شریف کر بلا * حقا که عرصه
 کر بلاک اخبار جگر سوزی آندن زیاده در که احاطه امکان تقریره کیره
 و احوال شهیدانک حکایت غم اندوزی آندن افزوندر که قلم شکسته
 زبان اکاصورت تحریر ویره (شعر) ایلیوب هر بل جمع اهل عالم اتفاق
 * شرح ایدر لر ماجرای کر بلا اخبارنی * نه تو کمز قصه در کیم هرگز
 آخراولدی * شرحی عاجز ایلدی اهل جهانک وارنی * معرکه آرای

میدان کلام و انجمن پیرای محفل اخبار و اعلام * تمه احوال کر بلادن
 بوطریقه خبر و یرمش و شهدایک انجام حالن بوطر زایله بیانه کتور مشکه
 حضرت امام زاده قاسم بن حسن مجتبی سعادته داخل (اصحاب الجنة
 هم الفانزون) اولوب متوجه عالم بقا اولدقد نصکر ابو بکر بن علی مرتضی
 کر عزیمت شهادتی میان جانه استوار قیلوب کمال تضرعله حضرت
 سلطان کر بلادن اجازت میدان التماس ایتد کده حضرت امام حسین
 زکس شهلا دن کل رخسارنه اشک لاله کون روان ایدوب ایتدی
 ای غنچه کلبن امامت وای شکوفه باغ رحمت بوتما قیلدیغک میدان بلا
 عرصه فنادر بوعرصه قدم بصن مرا جعت قیلدی و بویه دانه کیرن
 کیر و کلبدی نه امیدله سکار خست و یریم ونه وجهله مفارقتک
 روا کوریم اول سرور حیدره مناقب واول نقد علی بن ابی طالب
 رکاب همایونه یوز سوروب ایتدی ای پادشاه مسند عزو تمکین وای
 شهر یار ولایت دولت و دین تحت لواء نصرتکدن هر مبارز که میدان
 کوروب شهد شهادت ایچد کچد بنم در یای شوق متوجه کلوب و تعطش
 زلال ملاقات مصطفی و مر تضایه زیاده اولوب سبقت ایدن لرک رشکندن
 هلاک اولدم نوله اگر کمال مرا جتکدن رضا حاصل ایدوب بندخی نقد جان بذل
 ایدوب بومیدانده مرا دم حاصل ایدم (شعر) جان تماشای ریاض رحمت
 ایلم آرزو * دل صفای بزمگاه جنت ایلم آرزو * اولدی بقرم برق افراط
 حرارتدن کباب * سلسبیل روضه دن بر شر بت ایلم آرزو * محصل
 کلام الحاح تمامله اجازت حاصل ایدوب متوجه میدان اولوب
 بومضمونه بر رجز آغاز ایتدی (شعر) بنم نقد سلطان دلدل سوار * شه
 قنبر و صاحب ذوالفقار * بنم اختر آسمان شرف * ابو بکر بن حیدر نامه دار
 بنم چاکر نور چشم بتول * حسین علی سرور کامکار * بحمد الله اولدر امام
 بنم * انک طاعتن قیلشم اختیار * مرا دم بودر کیم رضاسن بولوب * اکا
 ایلم نقد جانم نثار * و مبارزانه جولان لر قیلوب و رفعت اقتدار ابا واجد ادله

مباهات لر ایدوب و سمند صبارفتارن تحریر که صالوب و تبغ صاعقه کردارن
 الله آلوب میدانه کربوب آرزمانده یوز قرق مبارز کراهی مسافر راه
 عدم قیلدی ویکرمی یدی زخم مهلك اعضای شریفه واصل اولدی
 آخر الامر عبید الله بن عتبہ ضریله دار دنیا دن دار عقبایه انتقال ایتدی
 رحمة الله علیه (شعر) دار السلام جلوه کهن اختیار ایدوب * پیوندی
 کسدی رشته قبلد زمانه دن * میل فضا ن روضه * ملک بقا قیلوب *
 شهباز روحی اوچدی بوتک آشیانه دن * اندنصکره عمر بن علی متصدی
 امر حرب اولوب صمصام انتقام له لشکر یزیدک رایت استقلاله اهتر از
 راغوب کال شجاعت ایله مبارزلر یقوب عاقبه الامر شربت شهادت نوش
 ایتدی رحمة الله علیه (و بر روایت دخی اولدر که اول حضرت کر بلا واقعه سنه
 حاضر اولدی اما اصح اقوال اولدر که حاضر اولوب شهید اولدی
 اندنصکره عثمان بن علی مرتضی مباشر ترویج عرصه زرم اولوب سلطان
 کر بلانک اجازت شریفه میدانه کربوب بومضمونه بر جر آغاز ایتدی
 (شعر) من کوهر معدن وفایم * عثمان علی مرتضی یم * تاج سراهل
 عالم ایک * خاک ره شاه کر بلایم * ترک ایشم فنامقامن * من طالب دولت
 بقایم * اول وارث شجاعت حیدر ورشحه زلال وجود ساقی کوثر
 علی وارچنک لر ایدوب وحیدرانه مصافق قیلوب بیکران مخالف لر هلاک
 ایتد کدنصکره سنان بن زید البطحی ضریله شهید اولوب و شمع حیاتی
 شبستان بدن انطفأ بولدی رحمة الله علیه (شعر) هر شهیده کوسرتوب
 جتده دوران منزلن * آلدی اول منزل تمناسنده * وکلندن قرار *
 عصمت اشجارن فضای روضه ده غرس ایتکه * خاکدان دهر دن
 بر بر قوردی روزگار * اندنصکره عون بن علی که صورت له احسن
 ارباب جمال و سیرت له اکمل اصحاب کمال ایدی حضرت امامک رکاب
 سعادت انساب نه روی تضرع سوروب ایتدی (شعر) ای فضای روضه
 قربک بهشت جاودان * پادشاه دین و دولت سن امام انس و جان *

اختیار خدمتک مصباح ابواب نجات * انقیاد طاعتک مفتاح
 ابواب جنان * ادای شاد نصیحه عرض ایتدیکه ای پرده کشای
 بارگاه (انی اعلم مالا تعلمون) وای عارف اسرار (نوالقلم وما یسطرون
 اجازت میدان التفات ایتکه عرصه هیکاده هنوز سنک رایت ظفر
 آیتک سایه کستر ایکن ونظر التفاتک عالم ظاهرده بنده پرور
 ایکن ظل مرتبه کده واصل درجه شهادت اولم زیر مرادم
 بودرکه دیوان حشرده شهادت کده شهادتی اثبات قبل بالاحاطه اجازت
 الدقه ایتدی یا امام بر تدبیر ایشم حضرت ایتدی اول تدبیر ندر عون
 ایتدی یا امام بولشکر بینهایتدر و بونلر ایله بر بر محاربه ایتک بزه صرفه
 ایمن زیراکه اگر تعرض کوره یوب ایشم مجرد تیغ اوروب قتل ایتک اولسه
 امتداد طول عمر من بولشکرک نهایتیه یمن صلاح اولدرکه ایتدی توجیهده
 قلب لشکره حله قلم اوله که علم علامه عسکر مخانی سرنکون ایتکه فرصت
 بولم حضرت امام ایتدی ای شاه ملک ملاح وای شاهباز اوج
 صباحت صفوف لشکر اعدا بر مرتبه حائل دکلدرکه اول مدعایه
 رخصت و فرصت متصور اوله عون ایتدی ای سرور حیده خصال وای
 سید ستوده فعال حله عنقایه طمقات پرده عنکبوت حجاب اولورمی
 وهجوم سیلابه صفوف خار و خاشاک ممانعت قیلورمی بوتدبیرله اول سرور
 غازی واول میدان غراسرافرازی قلب لشکره حله قیلدقده ابن الاحجار
 اول پلید غدار واول لعین نابکار ایکی بیک مبارز خونخواره شاهزاده
 استقبال ایدوب بنیاد حرب ایتدی (شعر) تیشه فرهاد قصید بیستون
 ایلرولی * تیشه ایله بیستون طاشی توکم کندر محال * منعدم اولوق نه ممکن
 لشکر مورومکس * طوتم کیم ازدها دم اوردی سیغ آجدی بال *
 شهزاده اول حرا من اده لردن قتل ایتدیکه قلب لشکره معاونت
 کلوب شهزاده تهجم قیلوب قلب لشکره دخول متعذر اولوب حضرت
 امامک شوق دیداری شهزاده ک عنان عزیمت جانب خیمه کاهه

منعطف قیلوب دولت ملازمت میسر اولد قدده حضرت امام اکادعالر
 قیلوب ایتدی ای عون جراحاتک چوقدر بر زمان حرمسرایه توجه
 ابایوب جراحاتلرک باغلبوب بر مقدار استراحت ایله ینه میدانه کل
 عون ایتدی ای برادر بزرگوار کوررم که ساقی کوژ بر جام ایله شربت
 مهیا قیلوبدر بکا اشارت ایتکده در وهم اندر که توجه راحت
 ایتد کده بوشربت فوت اولوب تعطشتم زیاده اوله وجانده فرات صویندن
 زیاده بوشربتک تحسری قاله حضرت امام کوردیکه منع اولمز ایتدی
 ای عون رکابکده کی مر کب جراحاتلردن زبون اولوبدر اول اسبابدهم که
 حضرت علی مرتضادن سکا عنایت قیلغشدی مبارکدر سفر آخرت
 ایچون آنی رکابهمایونه چک عون بن علی اول مر کی مشرف ایدوب
 معرکه یه کیرد کده صالح بن یسار که حضرت مرتضایک ایام خلافتده
 مستحق تعزیر اولوب امر شرع مقتضاسیجده عون بن علی اکاسکسان
 تازیانه اورمشدی و اول کینه همیشه خاطرنده ایدی عونه انتقام ایچون
 مقابل طور دی و عون اکافرست ویره یوب برضریله هلاک ایدوب
 مبارز استد کده لشکر فجار پیاده و سوار بیحد و بیشمار هر جانبدن تیر
 باران ایدوب اول عقاب بلند پرواز سهام اعدادن بال و پر پیدا قیلوب
 قوت و قد رقی اولد قیجده ویرانه غفلت بوملرن متفرق ایدوب عاقبت
 طریقی اخوان و انسایه سالک اولوب شربت شهادت ایچدی رحمة الله
 علیه (شعر) کیمکه کیردی کر بلا میدانه فرصت بولوب * زهت عقبایه
 تبدیل ایتدی دنیایک غن * غائب اولدی کیمکه جلاب شهادت قیلدی
 نوش * عالم غیب ایلدی دوران شهادت عالمن * اندن صکره عبدالله
 ابن علی مرتضی شهریار مسند رضادن اجازت میدان آلوب عرصه
 میدانی جلوه سمند صبا سیرله قانوس خیال ایدوب اسرع حرکاتله یوز
 سکسان مبارزک رشته حیانت قطع ایتد کدنصکره هانی بن نویب حضرمی
 ضریله شربت حیات ابدی نوش ایتدی رحمة الله علیه (شعر) بارگاه

قریده ترتیب اولوب بزم سرور * نوبتله ایچدیله جام طرب فرزانلر *
 پنجه دوران شهادت رشته سینه و یردی تاب * دورایله بر پردوزلدی
 رشته یه دردانهلر * اندنصره نوبت تجرع شربت شهادت عباس بن
 علی مرتضایه یتدی اول حضرت علمدار سپاه و علامه اشکر طفر پناه
 ایدی چون کوردیکه تنگنای حیات مستعارفانی ترتیب صفوف عسکر
 ارباب وفایه مضایقه و یروب اشکر بر فرضای عالم بقای جلوه گاه ایتدیکده در
 و سلططان کر بلادن بر رخست آلوب مضیق محنتدن اول فضای
 فرج فزایه کتدیکده در علم علامه عسکر همایونی دل زمینده محکم ایدوب
 حضرت سلططان کر بلانک رکاب همایون تلیم و تقبیل ایدوب
 بو طریقه عرض نیاز ایتدیکه ای لشکر سفینه صبر و تحمل وای عنقای قاف
 تسلیم و توکل وقت اولدیکه بن دخی علم افراز عالم علوی اولم و علم آهی
 علامه علواقده ایدوب عالم عقبایه توجه قلم حضرت امام حسین کر یان
 اولوب ایتدی ای عباس سن علامه عسکر اسلام ایدک حالاکه اشکر
 بادیه فزادن ملک بقایه عزیمت رحلت قبلدی سکا دخی اول دیاره علم
 چکمک مناسب اولدی اما سکا نصیحتیم بودر که میدانه کیرد کده بو ظالم لره
 تجدید حجت طریقه نصیحت ویره سن عباس بن علی قبول ایدوب
 توجه میدان اولوب انواع لعبله اعدایه مهابتلر راغوب بو مضمونه
 بر جز آغاز ایتدی (شعر) بنم عباس سردار مخالف سوز و خصم افکن *
 مطیع مصطفی نقدا میر المؤمنین حیدر * اگر دریاه دوشسه تیغ آتش
 بارمک عکسی * شعاعندن اولور دریاده هر بر قطره براخکر * و کر طپراغه
 پرتو صالسه شمع رایت عزیم * ضیا سندن اولور طپرا قده هر بر ذره براختر *
 اظهار اسم و رسم ایتدکنصره آواز بلانده ندا قیلدیکه ای قوم
 بیروت اگر نصیحت مقبول ایسه حضرت امام حسین دن سزه رسول
 پیغام کن ایدم واکر خلاف طریق مروت طوتسه کن مؤدی کارزام اول
 معاند و کراهلر ایتدیلر پیغام کن ندر عباس علی ایتدی ای بیوفال حضرت

سلطان کر بلا و نقد حضرت مصطفی و نور چشم علی مرتضی و جگر
 کوشه زهرا بیوردیکه تمامی وفادار و خواهر بنی قتل ایتدیکر وقت
 اولدیمیکه واقع اولان احوال دن پشیمان اولوب بونیران تعط شدن
 اضطرار ایدن عورات واطفاله بر ایچم صو ویره سز که لب خشک رین
 تر قبله ل و امان ویره سز که انلری آلوب جانب رومه و یادیار هنده
 و یاچینه چیقوب جزیره عرب و ملک حجازی سزه مسلم قبل و شرط ایدم
 سز که که روز قیامت مخصوصه قیلم و بوکلات دن لشکر یزید پلیده خروش
 و غلغله دوشوب بعضی متأسف اولوب امرای اشکره قصدا یتک
 تدارکنده ایکن شمر ذی الجوشن لهین و شبت بن ربیع و حبر الاحجار لعنة
 الله علیهم اجمعین فتنه دن توهم ایدوب لشکره تمکین ویرموب حضرت
 عباس علییه مقابل طوروب ایتدیلر ای عباس اگر تمامی روی زمین سیلابه
 طواسه واک حفظی بزم قبضه اقتدار مرده اولسه یزیده بیعت
 ایتمینجه بر قطره صو حضرت امام حسین و اتباعنه ویرمک ممکن دکل
 عباس علی اول طائفه دن نومه ایدوب امر اجعت قیلوب حضرت امامه
 عرض حال ایتدکده ناکاه اطفال اهل بیت دن فریاد العطش العطش سمع
 مبارکنه ایرشوب بر ایکی مشک و مطره آلوب بی اختیار سیلاب وار
 متوجه رود فرات اولدی و اول درت یک نامر دکه محافظت فرات ایچون
 مقرر اولشدر حضرت عباسی کوروب سوار و پیاده متوجه اولوب تیر
 باران ایتدیلر و اول شیر پیشه مهابت اول گروه کلابدن اندیشه قیلوب
 اول گروه حله قیلوب بر حله ده یتش نامر دی درکات جهنمه کوندروب
 تته سین پراکنده قیلوب فراته کیردی اما اکا تمکین ویرموب سوار
 و پیاده هجوم ایدوب تیر باران ایتدیلر اول نهنک دریای شجاعت
 فرات دن چیقوب ینه اول دریای طغیانه عصای موسی کی چاکلر
 صالوب کیر و فراته امر اجعت قیلدی استبدیکه مر کین سیراب ایدوب
 کندودخی بر مقدار صو ایچه ینه اهل بیتک لب تشنه و جگر سوخته لری

یادنه کلوب روا کورم دیکه آنلردن مقدم سیراب اوله (الفصه) رایشیم
 صو ایچمدن انده کی مشک و مطره یی پر آب ایدوب چقد قدده اول
 بد بختر اطرافک الوب تیر باران ایدوب انهای محاربه ده نوفل بن ازرق
 حرامزاده لعین غافل برتبع پیدریغ اوروب اول مظلومک ساعدیمین
 بدن مبارکنندن جدا قیلدی حضرت عباس اول مشکی الندن بر اقیوب
 بازوی یساره صالوب روان اولدی بر حرامزاده دخی فرصت بولوب
 بر حربه ایله بازوی یسارک دخی قطع ایتدی (روایتدرکه اول ثانی جعفر
 طیار واول وارث حیدر کرار اول مشکی بر اقیوب مبارک دیشلریله کتقنه
 صالوب رکابله اعدایی اطرافندن منع ایدردی ویدردی (شعر) صبردن
 قطع کف و ساعدینی منع ایلز * نخلی قیلز منحر ف نقصان رک و شاکسار *
 مرده بدان بلایم قطع اعضادن نه باک * شهر همتده در پرواز اوج اقتدار *
 ناکاه بر بدبخت حرامزاده دخی زخم ناولک دلدوزله اول مشکی داوب وائده
 اولان صودخی مظلوملر اشکی کبی و شهیدلر قانی مثابه سنده خاکی کر بلایه
 دوکلدی عباس اول واقعه دن پریشان حال اولوب سینه پر آتشدن
 آه جگر سوز چکوب ایتدی یارب بونه حالندرکه بر قطره صواهل یتنه
 نصیب اولز * هاتقدن داکل دیکه ای مظلوم حصول درجات اخروی
 آسان اولز * وجفا چکمدین هیچ رسالت منزل مقصوده دست رس بولز
 (شعر) فراق آتشی روشن قیلور چراغ وصال * حرارت عطش ایلز یاده
 ذوق زلال (الفصه) عباس علی اول ایکی زخم مهلک ایله مر کبندن جدا
 دوشوب نعره اوردیکه یاخی ادرك اخاک حسین مظلوم اول آوازی استماع
 ایدوب فغان ایتدیکه (الان انکسر ظهری) یعنی شمیدی بلم صندی و برآه
 جگر سوز چکدیکه زمین کر بلا مترزل اولدی (شعر) کتدی اول سرو سمن
 رک دلارام ایدی * راحت سینه و غم خوار دل آرام ایدی (روایتدرکه محمد
 بن انس دیدیکه بن حضرت امام حسین خدمتده ایدم حضرت عباسک
 آوازین استماع ایتدیکه اول صدا استماعندن شهرزاده مک اضطر این

کورد کده متوجه میدان اولدی **ک**وردیکه عباس آغشته خاک
 و خون اولوب جان و یرمش کندوسن انک اوزرینه راغوب شـیون
 ایدرکن لشکر مخالف سوار و پیاده تیر باران ایدوب آنی دخی شهید ایتدیلر
 رحمة الله علیهم اجمیع چون جمیع انساب و اخوان و اقربا شهد شهادت
 نوش ایدوب عالم بقایه انتقال ایتدیلر نو بت تجرع شربت بقا حضرت امام
 حسین و اولادنه یتدی حدت و شدت آتش ستم جگر سوز کائنات تاثیر
 ایتدی آسمان نیچه خورشیدی دامن دورانه اوردیکه وقت اولدی بودور
 مخالفدن پشیمان اوله سن واجل ملک الموت اغاز تعرض ایتدیکه نیچه
 ربی آل مصطفادن شرمنده و شرمسار قیله سن (شعر) تجاوز قیلدی
 حددن ای فلک بیدادک انصاف ایت * بترت عظیم اشرا را یلوب تحفیف
 اسراف ایت (روایت در **ک**ه حضرت امام حسین بن علی بنک اوج
 اوغلی اولوب بری علی اکبر بری علی اوسط ایدیکه اکا زین العابدین دیرل
 و بری علی اصغر ایدیکه اکا عبدالله دیرل حضرت امام انک اسمیله مکنی
 ایدی و اول سرور ملک بقا * و محرم سرا پرده وفا * اولادک فوت و موت
 کورمک مصلمتی ایچون کندویه سلاح مرتب قیلوب متوجه میدان
 اولدی علی اکبر خورشید رخسارن حضرت امامک کف پای عرش پایه سته
 سوروب تضرع ایدوب رخصت میدان استندی هر نیچه که خوانن
 حرم سرای فریاد و فغانله منع ایتدیلر فائده ایتدی حضرت امام
 تضرع و الحاحدن متأثر اولوب کندو مبارک الیه اسباب رزمن مرتب
 قیلوب حضرت آدم صبی علیه السلام مکن که شاه ولایتدن یادکار
 ایدی بیانه بغلیوب و حضرت عباسک مرتب بندروب همت عالیله سن
 بدرقه راه بقا قیلوب میدان روان ایتدی (شعر) وه که اول کل رخ سفر
 عزیمته آهنگ ایلدی * شهر و صحرائی بکا کوکلم کی تنک ایلدی
 (روایت در که اول زمانده شهراده اون سکر یاشنده اولوب سنبل کبسوی
 مشکباری کلشن رخسارنه سایه صالمقده ایدی و اطراف لاله زاری

بنفشه تردن مزین اولفنده ایدی و بومشهور در که حسن صورت له رسول الله
اندن اشبه مادر ایا مدن متولد اولماشیدی و اندن املح دائرة وجوده
عدم مدن کلامشیدی هرگاه که اهل بیته آرزوی استماع کلمات رسول الله
غالب اولوردی آنک اهل شکر یازندن گفتاره کتور لر دی و هرگاه که دیدار
سید کائناته مشفق اولور لر دی آنک چهره سندن دیده نور سرور
یتور لر دی (القصة) اول نهال کلشن صباحت اول زمانکه رخصت آلوب
سرو خراماک علم عرصه میدان ایتدی و ذوق بابوس سمند سبک سیرندن
زمزمه مباحات زمین و آسمانه یتدی (شعر) عقاب برق شتابی صبادن آلدی
قرار * سپهری ایلدی حیران سرعت رفتار * زمینه رخشی صالوب
نقش میخ ریزه نعل * ثوابت ایلدی ظاهر کواکب سیار * الطافت
حرکاته آفرینلر ایدوب * طبق طبق در انجم سپهر قیلدی نثار * هر
طرف جولانلر ایدوب لعبلر کوسر دکدنصکره بیان اسم و رسم ایدوب
نعره اوردیکه بنم شکوفه نهال تقوا بنم حسین بن علی مرتضا (شعر)
بنم اول شهرزاده کونین * که صفاتمه عقل حیراندر * حصر اوصاف قدر
و منزلتم * خارج احتمال امکاندر * نور بخش چراغ ایجادم * ماه کونین
و شاه مرداندر * جد پاتم محمد مرسل * اصل ذاتم علی عمراندر * عمر بن سعد که
اول فروع شعله جالی مطالعه قیلدی و اول لطافت حسن مقاله واقف
اولدی و شهرزاده کیم اولدیغن تحقیق بلدی کند و قباحث افعالنندن
اثر افعال بولوب آه حسرت چکوب اعیان لشکر کراهه ایتدی ای قوم
بوسرور اکبر اولاد حسین بن علیدر که شکل و شمائلده شبیه حضرت نبی در
بر زمان متحیر اولوب کسینه به رخصت ویرمیدیکه مبداه کیره واکا
والم یتوره زرا بلدیکه مکث ابتدکجه تعرض لشکره احتیاج اولوب اول
نوجوانک هلاکنه تیغ تعطش و تیر ناولک شعاع آفتاب سوزان و سنان
زهره شکاف سموم چکر سوز کفایت ایدر شهرزاده کور دیکه درنک
ایتمکله شمشیر حرارت تیر اولوب موجب ضعف قوی و باعث رکاکت

اعضا اولور بيمحابا كندوسين قلب سپاهه اوروب بنياد جندال ايتدى
 وحكم زلال شمشير آبدارن ممكن اولدقه مجارى عروق ابدان اعدايه
 يورتدى اما اظهار كمال شجاعت ايدوب شوقله جنك ايدرك تاب
 آفتابدن زره حلقه لرى حدت حرارت بولوب بدن ناز پروردنه داغلا
 آوردى واحمال آلت حرب كنف شريفنه المريتوردى (شعر) بارتار
 پيرهندن اينجنن جسم لطيف * نيجه چكسون رزم ميدانده بند آهني
 * ناز پرورديم شفقت واحسان اولان * نيجه اولسون قابل يدا داهل ظم
 وكين (القصة) كلفت آلات رزم علاوه آندوه تعطش اولوب شهزاده
 تلاطم حربدن كناره چيقوب والديزركوار ينك ملازمته مراجعت ايدوب
 فرياده كلديكه (يا ابتاه ذبحني العطش واثقني الحديد) يعنى بنى هلاك
 ايتدى صوسرلىق واغرا ندردى بار آهني حقا كه اكر برقطره صوابله تسكين
 حرارت ويرسيديم لشكر محالني غرقه طوفان فنا قيلوردم حضرت امام
 مبارك اليه كرد ميداني چهره پاكندن پاك ايدوب حضرت رسول الله
 نكين مبارك كن تسكين حرارت ايچون لعل آبداره ملازم ايتكين بر مقدار
 تسكين بولوب ينه ميدانه مراجعت قيلدى بونوبت عمر بن سعد طارق
 ابن شبنه امر ايتديكه اى طارق سن ميدانه كيروب بوشهزادهك دفعنه
 قدرت بولاسك ولايت موصل حكومت سن سكا انعام ايدرم طارق ملعون
 حكومت موصل هوا سيله ميدانه كيروب على بن حسنه نيره حواله
 قيلدى شهزاده اول بدبختك نيره سنى رد ايدوب سبنه پر كينه سبنه نيره
 اورديكه نوك نيره سبنه مانند شوره زار جسم پليدن باش چيقاروب هلاك
 اولدى اندنصر كه عمر بن طارق كلوب شهزاده الندين شربت فنا ايچدى
 اندنصر كه مصراع بن غالب ميدانه كلوب مقابل اولدقه شهزاده شجاعت
 مصطفى و جلادت مر تضي اظهار ايدوب تبغ آبدارله نيره سن قلم
 قلوب فرق بيدوات و ناهبار كنه برضرب اورديكه ايكي پاره اولوب مر كينك
 ايكي طرفندن ميدانه دوشدى لشكر مخالف اولضرب دستى كوروب

يك خزان كې لرزان اولوب محاربه سندن متوهم اولدوقده عمر بن سعد
 محكم بن طفيل ايكي يك مبارزله شهزاده نك مصافحه قهر يص ايتدى
 محكم بن طفيل ايكي يك مبارزله اول آفتاب آسمان ولايتي ارايه آلوب
 شهزاده اندیشه قيايوب تشنه ولايت سرمستی اولوب اول ايكي يك
 نامردى متفرق ايدوب بردخی حضرت امام خدمتسه متوجه اولوب
 ايتدى (يا ابتاه العطش العطش) حضرت امام حسين ديدۀ نما كندن
 سيل خوناب روان ايدوب ايتدى ای جگر گوشم صبرابت كه سنگچون
 شربت كوثر مهيا اولوبدر شهزاده اول بشارتله ينه ميدانه مراجعت
 قیلدوقده اشكر اعداهجوم ايدوب يمين و يسار ين آلوب ونهال جسم لطيفي
 كلب غنچه كې پر پيكان اولوب وسيره سال اعضاي شريفنه مخالف
 زخملر وچا كلر صالوب عاقبة الامر ابن نير لعين طعنه سيله و بر روايتده
 منة بن مروه عبدی زخيله مر كبدن دوشوب نعره اورديكه (يا ابتاه
 ادر كن) (شعر) غرق كرداب فراق اولم ترحم قيل صبا * شرح ايدوب
 حالم بكا بالله يتوردلدارمى * قیلدى جلاد اجل قصده لایم نكر يچون
 * عرض قيل داداريمه حال دل افكارمى * وارا يكن جسمده
 جان مقصودم اولدر كه قيل * شمع رويندن منور ديدۀ خونبارمى *
 حضرت امام حسين اول مظلومك انتطارنده ايكن اول نعره يي استماع
 ايدوب بي اختيار ميدانه كيروب اول سروروانى خاك مذلتدن كوتروب
 خيمده كاه يتوردی و رخسارنى رخسارينه سوروب ايتدى ای فرزند
 دلبنده واى آرام دل دردمند بر تكليم ايت شهزاده كوز آچوب والد
 بزرگوارن ووالده بيقاران و برادر نيكسارن اوزرنده كوروب ايتدى
 يا ابتاه كوردمكه ابواب آسمان مفتوح اولوب شربت سلسيلدن
 جاملر مر تب اولوبدر * بونكلم انسانده روح پرفتوحى روضه
 رضوانه انتقال ايتدى رحمة الله عليه (شعر) ماه جان اول كل باغ
 رسالتك * ستر سحاب مر ك نهان ايتدى ای دريغ * شاه كل حديقۀ

اقبال روزگار * پامال انقلاب خزان ایتدی ای دریغ * و بودخی
روایتدرکه شهزاده قلب سپاه اعدایه حمله قیلدقده حضرت
امام حسینک نظرندن عائب اولدی اول حضرت بی اختیار اناک
مطالبته روان اولوب یاعلی یاعلی دیوب هر طرفی کزوب فریاد ایدرکن
ناگاه بر جانبدن صدای یابشاه استماع ایدوب اوجانبه روان اولدی
اما اثرین کورمدی و سبب اول ایدیکه منعمه بن مروه حرامزاده شهزاده یه
زخم آوردقده بی شعور اولوب مر کبی بی اختیار آتی میدانن چیقاروب
بر صحرایه براقشیدی حضرت امام شهزاده تفحصنده ایکن کوردیکه
مر کب بی راکب متوجه خیمه گاه اولدی جامه صبر و تحملی چاک
ایدوب مر کبی طومق استدکده مر کبینه کلدیکی یوله دونوب فرار
ایتدکده حضرت امامی اول منزله کتوردیکه شهزاده آتده دوشمش ایدی
حضرت امام حسین کوردیکه شهزاده آغشته خاک و خون اولوب هنوز
حیاتندن بررق وار مر کبندن پیاده اولوب سرمبارکن کنار شریفته
آلوب رخسارن رخسارنه سوروب شهزاده کوزن آچدقده حضرت
سلطان کر بلانک رخسار مبارکن کوروب ایتدی ای والد بزرگوار حالا
کوررمکه حضرت رسول ایکی الله ایکی جام طوتو بدر برین بکا و یرمک
استدی بن ایتدم یاجده ایکیسن دخی احسان ایتکه غایتده تشنه یم
یوردیکه ای علی بوجاملرک بری سکامنسویدر سن تشریایت بو برینه
طمع قیلکه حسنین ایچون مهیا اولبدر حالا کلوب نوش ایده جکدر
بو تکلمده ایکن جانی جائله تسلیم ایتدی رحمة الله علیه حضرت امام
آتی مر کبه بغلوب خیمه گاهه کتوروب اهل بیتک مصیبتن تازه قیلدی
(شعر) دردا که ایچدی بزم بلاده می فنا * جان و جهانن المدن اول
نورسیده کام * کلزار عمری کوردی خزان کورمدن بهار * ماه جلالی
ایتدی غروب اولمدن تمام * دریغا که نهال نورس امامت اظهار شکوفه
قیلوب چن آرای بوستان ولایت اولمشکن صرصر خزان فندان شکست

بولدی و هلال آسمان سیادت گوشه ابرو کوستروب اهل اشباق
نظاره سیله مسرور ایش ایکن بدر تمام اولدن سحاب اجلده محتفی اولدی
مخدرات سر پرده عصمت بنیاد نوحه قیلوب تجدید ماتم ایتدیلر فی الواقع
بو واقعه داسه و زک لهیب نیران حرارتدن برخونین جگر کاهدر که دل
پاره سی بر فرزند دلبندک داغ فراق به یانمش اوله و بوحادثه غم اندوزک
حرارتدن برداسوخته واقفدر که نخل حیانتک تازه ایکن صرصره وای
مخالقدن بر شاخساری صمنش اوله حضرت امام باوجود حرقت تمام ایله
خوانین اهل بیت اول مصیبتده تسلی و یروب دیردی که ای اهل بیت
رسالت وای ریاحین کلزار امانت بلای آسمان نزول ایتد کده آناری جیع
کاشانه شاملدر و کافر و مسلمان احاطه عموم محتسه داخلدر اما عیار
امتیاز مؤمن و کافر بلاده صبر و جزع در نه که نعمتده فسق و ورع در لاچرم
مؤمن بلایه صبر و شکر ایتد کله رتبه رفعت بولور و کافر جزع و اضطراب
فتنغله مقهور و مذموم اولور و تفریر دلپذیر (انما یوفی الصابرون اجرهم بغير
حساب) بو موضونه اصح دلاندر (شعر) صبر ایتدوب مصیبت هر کیم
قبلور جزع * شایسته مواهب عفو و عطا دکل * معلوم اولور مصائب
ارباب کفر دن * کیم صبر در وسیله رحمت بلاد دکل * ای خوانین سر پرده
ستر و عفاف صبر ایدک و تحملی پیشه قیلک که بو صبر و تحمک نتیجه سی
آخرته روضه نعیم و دنیا ده قیامتده دکل احترام و تعظیمدر زندهار زندهار
بند نصره چاک کریبان ایدوب موی سر پریشان ایتد سز که موجب شمت
اعدا اولیه اما کریه دن سزی منع ایتد زرا آب دیده مظلوم حدیقه
رحمت سیراب ایدر و سبل اشک غریب مهمومله حرآت عاندن غبار
کدورت کیدر پس اصاغر اولادنی اکابر امانت طریقه تسلیم ایدوب
و مجموعی حضرت واجب الوجوده تابشروب و داغ قیلوب میدان
مصافه موجه اولده مطهرات اهل بیت بر نوحه قیلدیلر و بر نوحه
نالان اولدیلر که سکن صوامع ملکوت غلغله نوحه لر دن سر اسه اولوب

تسبیح و تهلیلان فراموش ایتدیلر و عندل وقاری ریاض بهشت زمزمه
 کره لردن متحیر قالوب کند و سرودلر اونندیلر (شعر) شاهد افراط و تفریط
 کثرت فریاد و آه * سبیل آب چشم مقداری دل ازار نجه در * ایل عراسنه
 نه نسبت در عزای اهل بیت * چون عراسی هر کسک مقتولی مقدار نجه در *
 اول حاله مقارن علی اصغر که طفل شیر خواره ایدی حرارت روزگار
 غنچه پستان والدہ سنه حدت پیکان و یروب اول طفلک چشمه معیشتن
 مسدود قیامتیدی و اول طفل معصوم اضطراب جوع و عطشیدن
 ورطه هلا که قریب اولمشیدی حضرت امامه احوال عرض ایتدکه
 حضرت امام اول طفلی مبارک الله الوب لشکر مخالفه مقابل طوروب
 ایتدی ای ظالم طوطم که بن کنه کارم آیا بوطفلی کنه نیچون بر قطره
 صو و بر مرز اول سنک پاره لردن آب روان چیققی ممکن اولوب ایتدیلر
 ای حسین عبدالله زیادک حکم روانی صومعه نه و کدر تغیر بولر و بیعت
 ایتمیجه سکا و اولادیکه صوابچکم دسر اولر حضرت امام نوید
 اولوب مراجهت ایتک صد دنده ایکن حزیمه کاهلی لعین برناوک دل دوزه
 کشاد و یروب اتفاق اول معصومک خلق مبارکنه دکوب اندن گذار ایدوب
 حضرت امامک ساعد مبارکنه صابجلی حضرت امام اول اوقی
 چکد که اول طفلک حلقه مین چشمه خون روان اولوب پاک ایدرک
 والدہ سنه تیوروب ایتدی ای بیچاره فرزندک شربت شهادتله سیراب اولدی
 (روایتدر علی اصغریله یتیمش ایکی نفر تمام اولدی و حضرت امامه
 زین العابدین غیریکه بیمار ایدی صحرای وجودده حضرت حسنه
 همراه قالمدی شاهزاده کندوسن تنها کورد که آه جگر سوز چکوب
 بومضمونه بر رجز آغاز ایتدی (شعر) دردا کد دارد رده بریار قالمدی *
 بریار غمگسار و وفادار قالمدی * دام بلادن اهل وفا بولدیلر نجات * بریدن
 اوز که زار و گرفتار قالمدی * روایتدر که حضرت امام زین العابدین والد
 بزرگوارن تنها کوروب رقت تمامله خوابکا هدن طشره چقبوب جسم

ضعیف و کفر از آن ایله کند و به اسباب رزم مرئوس قیلوب عزیمت میدان
ایتمکده ایکن حضرت امام حسین ایتدی ای نور دیده حال اسکار خصت
شهادت یوقدر زیر سلسله سیادت سکامری بو طدر و بقای نسل مصطفی
و مرآتیی سنک وجود که مشروطدر حضرت امام زین العابدین ایتدی
ای مخدوم حاشا که بن شربت شهادتدن بینصب و دولت دیدار
شریفکدن محروم قالم حضرت حسین ایتدی ای جگر گوشه رزم بلاده
جام شهادت نوش ایتمکده هنوز سکا نوبت یتمشدر و ساقی اجل سنی
هنوز یاد ایتمشدر عن قریب سن دخی بو شربتدن ایچوب بزه واصل
اولورسن و مراد کجه بو خوان مصیبتدن نصیب آلورسن پس حضرت
زین العابدینی حضورینه آلوب جد و آبادن مودوع اولان امانتبری
اول حضرت تاپشوردی کلام الله المجید و مصدق فاطمه و جعفر ابیض
و جعفر جامع و علم قیامت و باقی علومکه ائمه دن غیری کیمسه به ضبطی
ممکن دکل اکا تسلیم ایدوب و آتی حضرت واجب الوجوده تاپشوردی
(شعر) سیر ایلدی زلال صفا باغده باغدن * نور ایتدی انتقال چراغده
چراغدن * تسلیم امانت ایتد کدنصکره ضیافتخانه بهشت عزیمت مقرر
بلوب دوستلر دوستانلر و لیمه سنه کتد کده مرین اولق رسمدر دیو بردخی
حریمسرایه کبروب غبار میدادن محاسن لطیفی و کسوی شریفی پاک
ایدوب و تجدد لباس طریقیله رق مصریدن برکات نمای خلعت کیوب
و عمامه رسول اللهک عقدن تازه لیوب و سید الشهدا جرنک سپرن
کشفنه براغوب و علی مرتضی نک ذوالفقارین حائل ایدوب رسول اللهک
ذوالجناح نام سمنسد برقی رفتارن رکاب همایونه چکوب مبارک الله
بر رخ از دهامانند آلوب زینت تمامله اهل بیته و داع ایدوب (و کنی بالله
شهبدا) کله سن یاد ایدوب عرصه میدانه یوز طودی و تده کده نیره جان
ستانی دل خاکه استوار قیلوب و نیره سنه تکبه قیلوب بر جز آغاز ایتدی که
بعض ایاتی بودر (شعر) خیر الله من الخلق ابی * ثم امی وانا ابن الخیرین

فضة قد خلقت من ذهب * وانا الفضة ابن الذهبين * فاطم الزهر آءامی
 وای * وارث رسول الثقلين * من له جد کجدی فی الوری * او کشیخی
 وانا ابن العلمین * ذهب فی ذهب فی ذهب * ولحین فی لحین فی لحین *
 (شعر) اول بنم کم جد پاکدر چراغ اندیا * آفتاب اوج همت سرو باغ
 اصطفای * اول بنم کیم معدن در وجود مدر علی * شاه ارباب حقیقت
 شمع جمع اولیا * اول بنم کیم شمع نور خلقت در فاطمه * کوهر کان
 شرف شمع شبستان خیا * بن نهال کلشن عدل وریاض عصمت * ای
 فساد اهلی نذر بونجه بکا جور و جفا * دو کدیکن بر آتوب ستم ستم
 اورا قی * قودیکر تنهایی غربده بی رکن و نوا * حالیا قلم تمنا سنده قیتلش سر
 غلو * قننی مذهبده بنم قطع حیات مدر روا * بومقاله د نصکره اول
 کروه مخالفی مخاطب قلوب ندا قبله دیکه ای قوم ستمکار وای طائفه
 غدار احتراز ایدک اول قهارک قهرندن کیم فرقه آل فرعون غرقه
 سیلاب نیل و سپاه اصحاب فیلی مغلوب هجوم طیر ابابیل ایدوب و توهم
 قیلک اول جبارک غضبندن که عصمت قوم لوطک شهین سرنگون
 ایدوب غلات ال نوحک ملکنه سیلاب سبست یورتدی (واستغفروا
 ربکم ثم توبوا الیه یمتعهم متاعا حسنا) ای ظالم ترا که حاکم دیوان قضا عدلانه
 و حضرت رسول شریعتنه اعتقاد و انقیاد کن و اربسه یاد ایدک
 عواقب اموری و بوظلم الدن استغفار قیلک و بکا امان و یرک که بواطفال
 و عیالی پایمال غربت اولمدین دیار حبش جاننده یاروم طرفه آلوب کیده یم
 و بوجزیره عرب و ارض بابل و ملک حجازی سرزه تسلیم ایده یم * واکر
 محاربه دن تجاوز ممکن اولماز اربسه باری بر میدانه کلک دیدکده لشکر
 کوفه و شام اول کلمات محبت آمیزی استماع ایتدکده طاشلردن چشمه
 روان اولور کبی بی اختیار دیده و قاحت پیشه لردن اشک ندامت روان
 اولوب بر مقداری پشیمان اولغه متوجه اولمش ابکن بختی بن ربعه
 و شبت بن ربعه و شمر ذی الجوشن و بعض رؤسای عسکر که دل

سخنارنده عداوت خاندان ولایت متکمن ایدی کوردیلر که حضرت امام
حسینک کلماتی تأثیر ایدوب تغیر عقاید عسکر ممکندر فی الحال حضرت
حسیننه مقابل طوروب ایتدیلر ای حسین بزم محار بهمن یزید حکمبله
اولوب سسنگ زلال نجاتک آلم چشمه بیعتده در * یاقبول بیعت ایتک
کرتک یاسیاسته یتک کرتک بوحاله مقارن تیر اندازره حکم اولندیکه حضرت
حسیننه مهلت ورمیوب تیر باران ایدک برغایتده تیر باران ایتدیلر که هوا
بر عقابدن مملو اولوب کثرت پیکان سهام هجوم عام شعاع آفتابدن اول ماه
اوج رفته برسر آهین اولدی واول کلزار عصمتک اطرافنی غلبه ناوک
خارستان جفا قیلدی اما حرز حایت ربانی حصین و حقیظ اولوب اول
پادشاه عالمپناه ضرر یتدی حضرت امام اول حالی کوروب قلب
سپاهه حله قیلق تدارکنده ایکن ناکاه بر غبار وهمناک پید اولوب عالمی
تیره و تار قیلدی واول حالده بر شخص مهیب و صورت عجیب ظاهر
اولدی که باشی مرکه و آبقلری ارسلان ابقلرینه بکوردی حضرت سلطان
کربلاک ملازمته مشرف اولوب ایتدی (السلام علیک وعلی جدک
وعلی ایک) حضرت امام جواب سلام قیلوب ایتدی ای نیک بخت سن
کیمسن که بوتنهالقد غریبنوا ذاق ایدرسن دیدی یا ابن رسول الله بودیار
ایچنده ساکن اولان پرلرک سرداری یم و بکازعفر جنی دیرلر و حضرت
علی بن ابی طالب اول زمانده که چاه بین العلمین ده ضرب ذوالفقارله دیوری
مسلمان ایتدی و بنم بابای بودیارک پرلرینه سردار قیلدی و حال بن وارث
مالکیم رخصت ویرکه بوسه تکارله ایتدکلری عملارک نتیجه سن کوستره یم
حضرت امام ایتدی ای زعفر حسن اعتقادیکه بمنون اولدم اما سز
اجسام لطیفه سز محسوس اولیوب انسانله محار به ایتک متضمن ظلمدر
روا کورمزم زعفر جنی ایتدی یا امام حسین صورت انسانه کیروب جنک
ایدهلم نه که پدر حنین مهر که سنده ملائکه حضرت رسوله معاون اولدیلر
حضرت امام ایتدی ای زعفر حضرت رسوله پدر حنین مهر که سنده

وعدة شهادت يتمشدي بهر حال نجات ایچون معاونت لازم اولمغین
حضرت حق ملائکهیه حکم ایتدی حالا علم المناباده کورمشم که بن
بوکون معبودمله ملاقات ایدرم ودار فنادن ملک بقایه کیدرم
بو بر ساعت حیات ایچون دوستلریمی زحمته صالمق نه مناسبدر زعفرجن
رخصت محاربه بولوب وداع ایدوب مراجعت ایتدکده اول غبار
ساکن اولوب اول طلت آچلوب حضرت امام متوجه حرب اولوب
مبارز طلب ایتدکده تمیم بن خطبه که امرای شامدن اولوب مبارزلیکه
معروف ایدی مقابل طوروب ایتدی یا امام حسین نفس واحدایله بر اشکره
مقابل طورمش سنکه زمان سابقده اکثریک ابا واجدادن نهر وانه
صفین محاربه سنده اتاک قتل ایدوب هنوز خاطرارنده اول کینه متمکن
ایکن حالا دخی اکثریک اخوان واولادن هلاک ایدوب تجدید عداوت
واقع اولشد و زمان زمان دخی زیاده اولمقدده در بونک کبی لشکرایله مقابله
ایتنک غلطدر صلاح اولدر که طریق بیعتنه سلوک ایدوب طلب نجات
ایده سن حضرت امام ایتدی ای شامی بن سزکه ابتدای حرب ایتدم سز
باعث فساد اولوب اولاد وانسابی قتل ایتدیکر حالا کثرت اعدادن بکا
توهم ویروب بیعتی المی استرسن ای بدبخت اگرچه عالم صورتنده سزک
لشکر یکن چوقدر اما عالم معنیده بنم سپاهیه نهایت یوقدر بن اول
سلطان بلند بارگاهمه سزادق جاه و جلالم سطح عرشده اطناب توفیق
واوتاد ناییده استحکام بولوب سایه عموم عاطفتی جمیع کائناته بر اقصدر
و تمامی معشر ملائکه علویه و سفایه و عقول و نفوس بشریه و دیو و پری
وحوش و طیور تحت لوای امامتمده اعانتیه مأمور اولوب مطبعلری
میربان مرجتم متمتع نعمت بهشت ایدوب و متمرذلری اقتضای مخالفتهم
آتش جحیمه یا قشدر ان شاء الله تعالی بو صورت عاقبت سزه معلوم اولور
و پرده غفلت رفع اولوب هر کس صورت اعمالن ملاحظه قیلور (قدخسر
الذین کذبوا بلفاء الله حتی اذا جاءتهم الساعة بغتة قالوا یا حسرتنا علی

ما فرطنا (الآية ای حرامزاده بنم جد رفیع عالمقدارم اولدر که لشکر
مخالف هجوم ایتدکده ملائکه صورت انسانه کیروب خدمت اختیار
ایتدیلر و بنم والدبزرگوارم اولدر که رایت رفعت و قدرن مهجته (یحیی
الله ورسوله) کرد و نوسای ایدوب ضرب دستندن باب خیمه شکست
یتدی بوشاطایله بر نعره اوردیکه جمیع لشکر هیئتندن دتره دی بلیکدارض
کر بلایه زلزله دوشدی هم اول ساعتده تیغ صاعقه کردارن چکوب
تمیم بن خطبه بی برضربله هلاک ایدوب دخی مبارز استدکده جمیع لشکر
اول صلابت نعره دن و اول ضرب دستندن ترسک اولوب متحیر و متفکر
قالمش ایکن زید ابیطحی بدبخت که عالم شجاعته بغایت صاحب غرور
ودیار عربده کال مبارزتله مشهور ایدی شهرادهیه مقابل طوروب
بی محابا تیغ حواله قبلدی حضرت امام انی دخی برضربله ایکی پاره
قیلوب مر کبک ایکی جانبده دوشدی اما شهزاده تشنه لیکن بغایت
مضطرب اولوب صواچمک قصده آهنگ رود فرات ایتدی شمرلین
اول حالی کوروب فریاده کلدیکه ای لشکر شام و کوفه زنهار حسینه
تمکین ویرمکه اکر رایچ صواچوب کندی سیراب و مر کی دخی صو
ایچسه یک بونک کی لشکر اکا جواب ویره مز و جمیع ایتدیکمز سیرلر
ضایع اولق مقرر در اول حرامزاده اولاینک تحریصیلله غلبه
قیلوب حضرت امامله فرات اراسنه حائل اولدیلر و حضرت امام
مر کب باد رفتارینه جلو و یروب و تیغ آتشیبارک چکوب مقاتله و محاربهیه
مشغول اولدی (شعر) اویله کیم پولادله طاشدن اولور آتش عیان
* اقبدردی تیغی بغرندن عدونک خون ناب * خون اعدادن روان
ایلدی هریان سیلار * سیلار اوزره عیان ایلدی باشلردن حباب * جوهر
تغندن مضمون موج طوفان فنا * سایه رحمنده مضمحل شرح احوال
عذاب * جلوه رخشنده روشن سرعت نور بصیر * سرعت سیرنده ظاهر
حله سلطان خواب * رخشی کوه باد جنبش تیغی برق آب کون * رخشنه

کردون فدا تیغینه قربان آفتاب * اول شهسوار عرصه میدان شهادت
 واول شاهباز صیدگاه سعادت رخس همتی کرم جولان ایدوب و تیغ
 شجاعتی غرق خوناب اهل شقاوت قیلوب اول ظالم ملک اوچ صفت شکست
 وچاک ایدوب کندوسن فراته یتوردی ونهنک وار آب فراته کیروب انه
 صوآلوب ایچمک تدار کنده ایکن برکسنه ندا یتوردیکه ای حسین نه
 صوایچمک مجانیدر لشکر بدخواه اغارت حرم سرایه متوجه اولدی لریکال
 غیرت عنان اختیارن الندن آلوب برقطره ایچمدن سمندسبل رفتارن
 جانب خیمه کاهه سدسیر ایدوب یتدکده کوردیکه اول آواز منع آب ایچون
 رحله ایمش اما موافق اراده تقدیر واقع اولش زیر اول کون شربت
 شهادت ایچمک مقرر ایدی (روایتدر که فرات کنارندن خیمه کاهه یتنجه
 قرق مبارز هلاک ایتشدی ونفل سحیحدر که حضرت امام خیمه کاهه
 یتدکده تکرار خوانین حرم سرای عصمتی حاضر ایدوب وصتی
 تازه قیلوب ایتدیکه ای آثار نهال فتوت وای اشجار ریاحین طهارت مصیبت
 ایچون مهیا اولک امان نهال جامه چاک ایدوب موی کسو پریشان ایتک
 و کندو کنزی ممکن اولد قجه تا محرم دن نهان طوتک حضرت امام زین العابدینی
 بغرنه باصوب بردخی یوزن یوزینه سوروب وداع ایتدی (شعر) کل
 ای همدم که جسمم له وداع ایتدکده در جانم * دو کر فانی را کوب فرقت
 بلاسن چشم کر بانم * بنم مشکل دکل عالم که قرب حق قیلوب حاصل *
 غم دنیا الندن قور تلور حالا کر بانم * سنکچون اغلره کم ایده چکدر حالکی
 مضطر * هم اعدا ظلم و جوری هم بنم اندوه هجرانم * ای نوردیده طریق
 مصارتدن انحراف ایته که شیمه انبیا و شیوه اولیادر و یقین که بوابه بلازه
 نصیب اولمسیدی زدنصکره ظاهر اولان مسلمانلره بر بلا نازل اولد قده آنی
 موجب غضب الهی تصور ایدوب مأیوس اولمق مقرر ایدی زهی سعادت که
 بلا بنم ملازم تزدده ممدوح اهل حقیقتدر و وقوع مصیبت موجب تسلی
 اتقای امت اولدی (شعر) بلایه صبر ایده لم جو ره شکر لر قبله لم * که بوروش

طلب اهلیندر طریق وصول * جمیع خلقه بلا احترامی واجبدر * کیم
اولدی اقرب خدام اهل بیت رسول * ای جگر گوشه مدینه یتدکده
نته که بن س. ن. ک. سلامی سکن اهل بهشته انورم سندخی بنم سلامی انده
اولان احبایه و اودایه عرض ایدهن * بو حاننده شهر بانو اول شهر یارک
دامن پاکن طوتوب ایتدی ای سرور عالیقدر وای سید بزرگوار بن نسل
یزدجرد شهر یارم حوادث بامدن سنک حصن حایتک پناه ایتمش ایدم
حالا وهم اندر که زمان غیبتکده بو ظالم ساءرخواتین اهل یتنه اولاد
رسول اولغله حرمت ایدوب بکاهانت یتوره ل بنی کیمه تسلم ایدرسن
حضرت حسین ایتدی ای شهر بانو بو واسطه دن دغه غه چکمه که سن
داخل یت سن و بو حصار عفتده س. ک. نا محرم تعرضی یتز (ش. ع. ر)
پرچهر بلرز دیوار دواخانه عصمت * آنک سکا نه آسب یتز شر شیطان دن
* حریم قرب اهل بیت بکزر زورق نوحه * اولان اول زورق ایچره احتراز
ایلر می طوفاندن (و بروایت دخی اولدر که حضرت امام شهر بانو یه
وصیت قیلدیکه بند نص کره می کیم خیمه کاهه کله اول مر کبه کندوی محکم
ایدوب عنان ارادتک راض قضایه تابشور اول مر کب سنی بادیه هولدن
چبقارر شهر بانو اول وصیتلرله عمل ایدوب اول مر کبه لک کرگاهدن
حقیقوب کتدی عاقبت امرن الله بیلوز که نیجه اولدی اما صبح روایت
اولدر که اهل بیتله شامه کتدی (القصة) حضرت سلطان کر بلانک
وصیتی تمام اولدقده متوجه میدان اولوب بو مضمونه بر رجز آغاز ایتدی
(ش. ع. ر) کلدی اولدم کیم دل غما کی شاد ایلیم * مرغ روحی دامگاه ندن آزاد
ایلیم * کلدی اولدم کیم بو محنت خانه یی ویران ایدوب * قدس ملک کنده
بنای عشرت آباد ایلیم * کلدی اولدم کیم قلم در کاهه عرض حال می * چشم
نمناک و دل غمناک ایلله داد ایلیم * اول پادشاه قدسی سه پاه و اول سلطان
عرش بارگاه ذوق تقرب درگاه اله ایلله «تا بن رسول الله و تا بن علی ولی الله»
دیوب بر نعره اوردیکه اول صدادن جمیع اجزای ترکیب کائنات متخلخل

اولوب فلک دوار حرکت منوقف وارض ساکن منزل اولدی عربن
 سعد شاهزاده بی اول صلابتله کوروب لشکری بربر محاربه قیلمدن منع
 ایدوب فریاد ایتدی که ای یخبزر شجاعت مصطفی و صلابت مرضا و هیبت
 حسن مجتبا بو کون بوشخصه منحصر اولوبدر * حقا که اگر جمیع
 کائنات بر صورتی متشخص اولوب اگامقابل طور سه بر حله سنه وفاقیلر *
 و حال ازخم تیغ عطش و جراحت مفارقت احباب و اولاد اکاکار کر اولوبدر
 جمیع لشکر اتفاقله حله قیلوب تردددن زیاده قیلک اول معلوک امریله
 جمیع لشکر اتفاقله متوجه اولوب شهزاده بی ارایه آدیلر و اول
 شیر پیشه شجاعت شعاع تیغ برق آسایله دیده ادرالک بدخواه لری خیره
 قیلوب و هر جانبه توجه قیلد قچه کردنعل باد پای بادیه پیاسندن روزگار
 اعدا تیره اولدی هر جانبه توجه قیلد قچه کر زان اولوب متفرق اولور لردی
 (روایتدر که بدخی اول لشکر کراهی پامال رخس همت قیلوب
 سمن دباد رفتارن فراهیتوردی و داعیه قیلدی که بر قطره صوایچوب
 تسکین حرارت ویره اما عطش مطهرات و اطفال یادنه کلوب ترک مدعا
 قیلدی و بر روایت دخی اولدر که بر مقدار صوایچمک تدارکنده ایکن
 حصیر بن تمیم براوق آتوب اول اوق زخیله لب و دندان مبارکن مجروح
 قیلوب صوایچمک سسر اولدی (الفصه) لشکر اعدا هجوم
 ایدوب کلدی که غلوی مخالف زیاده اولوب و وعده شهادت مقاربت
 قیلوب زخبلندن چشمه چشمه قائلر کتمکله شهزاده یه ضعف غالب
 اولوب سست اولدی (روایتدر که اول حضرتک یتش ایکی زخی
 اولوب سمن دسبک سیردخی کتمکدن قلوب کثرت زخم و افراط
 عطشیدن سست اولوب آثار تزلزل ظاهر اولدی عربن سعد شاهزاده مک
 ضعف حالن ملاحظه قیلوب قتلنه اقدام ایتد کده حضرت
 امام اول بدبخته قهرله باقوب ایتدی ای ظالم بوامر قیجه سنی اقدام
 ایدرسن اول بدبخت انفعال بولوب کیر و دوند کده شمر لعین پیاده لره

دیدیکه اطراف وجوانین طوتوب تیر باران ایدلر ینه شهراده برجه
 قیلوب آنلرک صفن صندروب بر موضعه قرار طودی (روایتدر که اول
 بدبختلردن بعض یزیدلر مباشر قتل حسین اولوب بعضی متوجه غارت
 ونهب اهل بیت اولدیلر حضرت اول حالتده واقف اولوب ایندی
 ای آل ابو سفیان طوته لم سرده اثر ایمان یوقدر باری قاعده ناموس
 جاهلیتی که لازمه جبلت کردلر ترک ایتمک نه مناسبدر که قصد عورات
 ایدر سرزا کر مقصود کز بنم قلم ایسه اول مدعا بنندن میسر در شمر این
 ایندی ای حسین بوالتماسک قبول ایدرز پس لشکری تعرض اهل
 بینندن منع ایدوب مباشر قتل امام حسین اولدیلر (روایتدر که اول کمال
 ضعفله تیغ آیدارندن اهتراز ایدوب قتلنه کسنه اقدام ایده بلردی عاقبت
 ایراقدن تیر باران ایندیبلر حضرت امام کوردیکه جولان ایتمکجه مجال
 یوق ناچار مر کبندن اینوب پیاده اولدیکه هر کبنه تیر باراندن
 بر ضرر یتجه زیرا یادکار مصطفی و مر تضا اولوب مکرم ومحترم ایدی اول
 بدبختلر حضرت امامی پیاده کوردکده دلیر اولوب قتلنه متوجه
 اولدیلر اثنای معرکه ده بر این بدبخت اول آفتاب اوج سعادتک جبین
 مبارک کز ینه که مطلع نور هدایت ایدی بر اوق اوروب مجروح ایندی
 حضرت امام اول ناولک خونفشانی چکوب جبین مبارک کندن محاسن
 شیرینه قائلر روان اولوب خضاب اولدقده مبارک الی رخسار شیرینه
 سوب مباحات ایدردیکه ان شاء الله بورنکه جدم مصطفی خدمته
 مشرف اولورم و بو حالتده قبله یتجه متوجه اولوب و بارگاه قرب معبوده یوز
 طوتوب منتظر شهادت اولدی (شعر) شمع حیات صبح اجل و یردی
 اضطراب * ملک وجوده سبل عدم صالیدی انقلاب * کلزار عمره قیلدی
 اثر صرصر خزان * دست زمانه رشته امید و یردی ناب (روایتدر که
 اول شهریار سرو ریاض شریعت و اول کلبن باغ طریقت صرصر هجوم
 اعدادن وسیل سهام اشقیادن کمال ضعف بدن حاصل ایدوب بی مجال

اولدی کوردیلرکه حضرت امام هر کبندن دوشوب بخود اولوبدر
 منافقر برز ایکی ایکی قصد قتل ایدوب مقابله سنه کلدکده رخسار
 مبارکن کوروب شرم ایدوب تأخیر ایدرلر ایدی (شعر) دوکت اولاد
 رسولک قانی اسان دکل ❁ اول سیدنسکیم بوقان هر قانه بکزرقان دکل ❁
 عاقبه الامر شمر این کوردیکه لشکر اول حضرت قتلنده تأخیر ایدرلر دی
 فریاده کلوب ایتدی که ای بی جیتلر بونه تأخیر در در عت بن شریک بیدولت
 کلوب اول حضرتک ساعد مبارکن مجروح ایتدی و سنان بن انس این
 کتف مبارکنه بر اوق اوروب اول ایکی زچدن شهراده عالم بی اختیار
 دوشوب خاک کر بلایه تزلزل بر اقدی و اول واقعه دن سکان تحت الثران
 ثریاه غلغله چیقدی و دوران فلک سراسمه اولوب دیردیکه ایابونه امر قیچدر
 و دائره زمان اضطرابه دوشوب تأسف چکر دیکه ایابونه ظلم صریحدر
 (القصه خول بن یزید اصبحی و انک فرزندی شبل یزید اتفاقه پیاده
 اولوب اول سرافرازک سر مبارکن بدن شریفتدن جدا قتلک قصدنه
 متوجه اولدیلر اقدام ایتدکده مهابت مستولی اولوب مہر اولدی
 و اسماعیل بخاریدن نقلدر که شهراده دوشدییکی زمانده عمر بن سعد امر یله
 بر مبارز انک قتلنه اقدام ایتدکده حضرت امام ایتدی ای فقیر بنم
 قاتلم سن دکل سین بوا امر قیچکه اقدام ایتدکه حب قدر آتش دوزخه گرفتار
 اوله سن اول مبارز کریان اولوب ایتدی یا بن رسول الله بو حالته سن بزه
 هنوز رحم ایدر سن اهل حق اولدیغکه شکم قالمدی اول مبارز بی محابا
 انده کی تبخی مراجعت قیلوب عمر بن سعد حواله قیلدی ملازم لری
 هر طرفدن مانع اولوب اکاز خلر اوروب اول یکانه زمانه بدن مجروح له
 حضرت امام حضورنه کلوب ایتدی یا امام حسین سنکچون بی
 شهید ایدرلر حضرت ایتدی بمجاهد لری عملی ضایع اولماز (القصه
 هر طرفدن تیغ لر چکوب یزیدک انعام و التفات امیدنه اول امر قیچکه
 اقدام ایدرلر ایدی اما کسنه یه بوشقاوت مہر اولوب ایکی کسنه یه

مختصر اولدی بری سنان بن انس و بری شمر ذی الجوشن سنان بدبخت
استدیکه اول امر قبیحه مباشرت قبله شمر لعین بی دولت سبقت ایدوب
اول حضرتک سنه بی کینه سنه قدم بصدی حضرت امام کوز آچوب
دیدى ای بدبخت سکا کیم دیرل اول ملعون دیدیکه بن شمر ذی الجوشن
حضرت امام ایتدی دامن زرهی چهره ناپاکدن کوتر سنی کوره یم
اول بدبخت دامن زرهی رفع ایدوب چهره ناپاکنی کوستردکده حضرت
امام کوردیکه دیشلری خنزیر دیشلری کی دهان پلبندن طشره چقمش
دیدى (صدق رسول الله) بو برنشانه در زیر اواقعه سنده حضرت رسول
قائلندن خبر و یروب وعده قتل مقرر ایتشیدی * دیدى ای شمر بنم قتل
سکام قدر اولو بدر علما کده تقصیر ایتد اما ای شمر بو وقت نه وقتدر و بو کون
نه کوندرو بو آی نه آیدر شمر بدبخت ایتدی محرم آبی وجهه کونی و نماز
وقتدر حضرت امام ایتدی ای ظالم بونک کی شهر حرام و روز جمعت
و وقت نماز که خطبای اسلام رأس منارده جدم اوصافن بیان ایدرل
و عباد خواص و عوام متوجه درگاه معبود اولوب اداء عبادت قبلورل
سن تیشه بو امر قبیحه اقدام ایدرسین باری ای شمر کو کسم اوزرندن
طووروب بر مقدار مهلت ویرکه بن دخی لب تشنه ایله نمازه مشغول اولیم
و چون نمازده ایکن شهید اولق بکامیراندر بن دخی اول سعادت بولیم
شمر بدبخت اول حضرتک سنه پرفصافسندن طووروب و اول حضرتده
اولمقدار قدرت و ارایدیکه او طووروب قبله یه متوجه اولوب نمازه اشتغال
ایتدی * اول وقت بر وقتدیکه سلطان سراپرده طارم چارم سهام
شعاعن خار و خاشاکه اوروب پاره پاره قیلوب و شمشیر شمشه سن
کوه ساره چالمندن صندروب زواله متوجه اولمش ایتدی * و خطبای امت
منبره حقیقوب (ان الله یا امر بالعدل و الاحسان و ایتاء ذی القربى و ینهى
عن الفحشاء و المنکر و البغی یعظکم الله لکم تذکرون) موعظه سین ظالمه
القا ایدوب و مؤذنلر مناره لرده (ان الله و ملائکته یصلون علی النبی)

زمزمه سن جهانها صالمشرایدی و فی الواقع اگر چه اول وقت عالم صورتده
 اهل ضلالتک کواکب اقبالری درجه رفعتده اولوب عمر بن سعد امین
 وسائر امرای اشکر یزید لعنة الله علیهم بر برینه تهنیه ظفر و یروب امید
 التفات وانعامله نشاط تمام بولوب و یزید پلید و عبید الله زیاده معلوم
 مسند حکومتلرنده بحال س طرب ترتیب ایدوب ساز و نوشله مشغول عبش
 و طرب اولمشرایدی و اهل بیت حضرت امام حسینک نواب و اخزانلری
 کاله یتوب حضرت حسین وسائر شهدا آلوده خاک و خون دشت کربلا ده
 مر کبر پامالی اولوب و مطهرات حر مسرای نبوت رقت قلبله
 کشته لرن پاره پاره برابر لنده کوروب و باشلری اوزره مجرد تیغلمشاهده
 قیلوب اضطراب تمامله تزلزل بولمشلرایدی ❁ اما عالم معنیده اول
 بدبختلرک منشی قضایا نصیه احوالرینه رقم (خسر الدنیا والاخرة)
 چکوب استرداد نعمتلرینه فلک پنجه تصرف مهیا قیلوب و تعذیب
 روحلرینه مالک دوزخ سلاسل و اغلالی مرتب ایدوب اترطم و ستملری
 سرای عاقبتلرین ویران ایتمشیدی و حضرت امام حسین و اتباعه رضی الله
 تعالی عنهم ارواح انبیا و اولیا استقبال ایدوب و ملائکه مقربین نثار
 ایچون اطباقی جواهر تحیات مهیا قیلوب دیوان قضادن مثال حکومت
 دنیا و آخرت و یریلوب و مطهرات اهل بیت حجت تملیک حور و قصور
 جنت انعام اولنوب سمع رضالرینه مرده احقرام دنیوی و اخروی
 ایتمشیدی (شعر) بردگاندن بوساط دهر کیم عمانه ❁ اجر مقدار
 عملد رمن دمقدار هنر ❁ خاکدان دهر برمن عددر اعمال زرع ❁ خیر اولور
 محصول خیر اهلینه شر اهلینه شر (القصة) حضرت امام نمازه مشغول
 اولوب سجده ده ایکن شمر بدبخت باش قالدرمغه مهلت و یرمبوب
 شربت شهادت ایچوردی (انا لله وانا الیه راجعون) بوحالنده
 صوامع ملکوتیه غلغله دوشوب و حظا ر جبروت ولوله ملاء اعلا دن
 طولوب ❁ چون پادشاه مسند امامت عالم صورتدن عالم معنیه انتقال

ایندی اهل عالم صورت اول داغ فراقه صبرایمجبوب اتفاقه اضطراب
ایدوب بجمره کردن کردن قصور رز نکارایله افلاکه آتش اوروب
ملائکه پروبال آتش فراقه یقیدی * وشعبده بازصور تخانه طبیعت
سلسله رابطه طبایع قطع قلوب اجرای مر کباته اهتر از براقیدی فضای
دریا بومصیبتده ماهواره چشمه زهره لاهل اولدی وعرصه صحرا
بومحنتده وحوش و طیوره تنکنای تنور پر آتش قیلیدی (نقلدر اتم
کوفیدن که مقارن قتل امام حسین هوایه بر غبار طاری اولوب اول غایتده
عالم تیره و تار اولدی که علامت قیامت درد یو خلق عالم استغفاره باشلدیلر
اول غبار مر تفع اولد قنده حضرت حسبنک مر کبی کا کلن قانله رنگین
ایدوب متوجه خیمه کاه اولوب مطهرات اهل بیت اول مر کبک کا کلن
بر خون ایله شاهزاده دن جدا کورد کده فغانلر ایدوب مر کبی مخاطب
قیلوب نوحه ایله ایتدیلر (شعر) ای سمند بادیا بالله قتی اول شهسوار *
نیشه اول سرداردن قیلدک جدالتی اختیار * نیلدک اول در شهوار بکه
طاشر دق سکا * قنده صالدک نیشه کلز آشدی حددن انتظار * پای
بوسندن محروم اولوب سن ای رکاب * سخت دل سن کیم کوزک
اولز دما دم اشکبار * دست بوسندن انک دوشمش سن آبرو ای حلام
نوله طیراغده دوشوب اولد کسه خوار و خاسار * آنلر بوسرودله نوحه
قیلدیقه ذوالخناح دیده زدن اشک روان آقیدردی (روایتدر که اول
مر کب وفادار اول حضرت نصکره راه بادیه طوقوب کتیدی من بعداندن
کسنه نشان بولدی و آنک رکوبی کسنه یه مبسر اولدی (روایتدر که
اول حضرتک قتلند نصکره شعر بدبخت منافق لرایله متوجه حر مسرای
اولوب بنیاد غارت ایتدیلر اما مطهرات اهل بیت دست تعرض یتدی
(روایتدر که شعر بدبخت لعین گراه حضرت امام زین العابدینه یتوب قصد
ایتدی که قتل ایده حیدر بن مسلم طریق منع ایله ایتدی ای بدبخت ملعون
بونور سبده اسیر دام روضدر بیکناه قتلنه اقدام ایتک مرو تمیدر (و بر روایتدخی

اولدرکه عمر بن سعد منع ایتدی بهر حال چون مقتضای حکمت
بقای شهر داده ایدی اولورطه دن نجات بولدی حضرت امام حسینک
ماتمه اشتغال ایدوب بومضموله سروده باشلدیلر (شعر) یارب
نه فتنه درکه جهان قیلدی آشکار * یارب نه ظلمدرکه عیان ایتدی
روزگار * یارب قضا بوا مرده چکمر می انفعال * یارب فلک بوفعلدن
اولزمی شرمسار * آب و هوای کلشن محنت فرای دهر * چون اولدی
حسینه صفا بخش سازگار * آرام طوتمیوب یره کچسون همیشه آب *
مهد فراغت اوزره هوا طوتمسون قرار * چون خاکدان دهرده آرام
بولدی * سلطان دین حسین علی شاه کامکار * باد فتنایه کنسه روادر
بوخاکدان * آینه وجوده عدمدن صالوب غبار * ای دل حکومتنه
جهانک نه اعتماد * ای دیده حشمتنه زمانک نه اعتبار * اولسیدی
روزگار نه اندنه بر ثبات * عهدین قیلوردی آل رسولیله استوار * دوران
جبلنده کرا اولسیدی بروفا * آل رسول خدمتن ایلردی اختیار *
اول وقتد نیکه خصم رضاسیله تیغ و تیر * شاه شهیدک ایلدی اغضاسنی
فیکار * آچش دهان نأسف ایچون نیرتدرو * چکمش زبان
تخسرا ایچون تیغ ابدار * یارب که تیغ چیقیمییه حبس نیامندن * یارب که
قنده اولسه اوله خاکسار * خاتمه * مخدرات اهل بیتک کر بلادن شامه
کتدکلرین بیان ایدر * چون حکمت بالغه ربانی بنای مکونات *
وقدرت کامله سبحانی مصور اشکال موجودات * بویله اقتضا قیلش که
بنده وجود بشر مظهر جمیع صفات اولوب گاه اطوار ستوده لری اعمال
ذمیدلری ینه غالب دوشوب رفعت اقتدار لری ملائکه دن اعلا اوله و گاه
افعال قیحه لری اخلاق حمیده لر ینه فایق اولوب رتبه اعتبارلرین
ابلیس دن ادنا قیله و بعضی ارباب حقایق که عالم کون و فساد
انسان کبیر دیمش بومعنایی متضمندرکه صورت عالم همیشه
متنوع و متلوندر * گاه مسند خلافتده خلفای عدالت شعار و سلاطین

رأفت دثار اولفده استقلال بولوب ارباب کفر و طغیان مقهور اولور ❁
 وکاه سریر ایلانده ملوک جفا پیشه و حکام ستم اندیشه متمکن اولوب اصحاب
 عقل و ایمانی مغبون و مخدول قیلور ❁ اول جله دندر یزید علیه اللعنه تک
 ایلم استقلال حکومتی که جمیع افعال ذمیه بی جامع اولوب جهانی فسق
 و فسادله دارالفساد یتش ایدی ❁ و حضرت امام حسین مظلومک
 زمان اسنبلای محنتی که تمامی اخلاق کریمه مظهر واقع اولوب
 عالم صورته مصیبت و ملالی کاله یتش ایدی ❁ بیک کر کدر که دور
 آدمدن خاتم انبیاه دکن جمیع اعصار و امصارده تمامی
 افراد انسانه واقع اولان اصناف بلیاتی جمع ایتسدر کر بلامصیبتک
 یکدن برینه برابر اولور ❁ و اعتقاد ایتک کر که سائر بلیاتک عینی واقعه
 کر بلانک تصور نیجه حقیقت اهلنه اثر قیلز (شعر) کوکدن اندکده
 بلا بولمزدی منزل قونمه ❁ اولمسیدی عرصه عالمده خاک کر بلا ❁
 کر بلادن غیری یوقدر بر مبارک بقعه کم ❁ اوله آنک اکثری اجزاسی
 ترکیب بلا ❁ فی الواقع کر بلا بر بقعه شریفدر که جانب حقندن انده رتبه
 احترام خاندان رسالت و تعظیم دودمان نبوت کاله یتش ❁ و حقیقت
 ظلم اشقی و صبر اولیاده اولان اسرار حکمت ظهوره یتش زهی
 بدبختلر که آنک کبی بقعه شریفده ماه محرم که مقدم شهور مدار عالمدر
 و روز جمعه که سائر ایامدن احترامله مقدمدر و وقت ظهر که زمان امامت
 آثار رسول مکرمدر حرمت رسول الهی رعایت قیلمیوب اولادینه
 ظلم و ستم روا کوردیلر و حضرت واجب الوجودک صبرین کندولرینه
 نصرت تصور ایدوب واجب التعظیم اولان جماعته اهانته یتوردیلر
 چون ماه محرمده اهل بیت رسالت نهایت ملالت بولمشلر ❁ و غایت
 اضطرابله متفرق و پریشان اولمشلر ❁ لاجرم ترک سرور قیلوب طریقه ماتم
 رعایت ایدنلره شرف انتساب اهل بیت رسالت مقرردر ❁ و ملالتلرینه
 شریک اولنلره ثوابلرنده شرکت ميسردر (شعر) محرمدر کوکل فریاده

کل آه ایله افغان قیل * عزاطوت باشه طهراقله صچوب چاک کریبان قبل *
 قیلوب قطع نظرمه محرم عبش و عشریدن * دمام چشمکی مظلوملر
 یادیله کریان قبل * اوروب کردونه برق آه آشباردن آتش * بناسین بقی آتی
 دور مخالفدن یشیمان قیل (عبون الرضاده مسطوردر که عمرو بن ایث
 حاکم خراسان ایکن امرای لشکرندن بیک مسلح مبارزه مالک اولان
 کسنه یه برزین کرزانعام ایدردی برکون اعیان دولت وارکان حشمتی
 عرض لشکر کورد کده یوزب کرمی صاحب لوی زرین کرزقله کلدی
 صورت حالی عمرو بن ایثه عرض اولاند کده هر کبندن دوشوب خالک مذلتله
 یوز سوروب زارزار اغلدی ارکان دولت اول حاله تعجب ایدوب ایتدیلر که
 ای ملک کامکار وای شهریار عالیقدر المنه لله ملکک معمر *
 ولشکرک موفور و دشمنک مقهور * شاد و خرم اولق مناسب ایکن بو
 پریشانلغه سبب ندر * عمرو بن ایث ایتدی ای عزیز بن بولشکر
 استعداد تمامله مهیا کورد کده یادمه واقعه کر بلاکلدی تأسفم و تحیرم
 بودر که نیچون بولشکر ایله اول کون امام حسین مظلومه معاونت قیلغه
 موافق اولدم ویزیدلینک لشکرندن متفرق ایدوب اکسباب سعادت قیلدم
 (روایتدر که عمرو بن ایث دنیادن انتقال ایتد کده واقعه ده کوردیلر که
 باشنده برتاج مرصع واکنده خلعت کرانمایه و آلتنده هر کب بادرقتار
 و ملازمته غلمان ماه رخسار منظر خدمت اولش لیر ایتدیلر ای امیر
 بوس سعادت نه عبادت اجریدر عمرو بن ایث ایتدی بو کراملر اول تأسف
 مقابله سمنده واقع اولدیکه هنکام عرض لشکر معاونت شهدای کر بلا
 خصوصنده که خا طرمه بتوردم * بو واقعه دن معلوم اولدیکه آرزوی
 معاونت سلطان شهدا مشابه غرادر بلکه غزادن الثوب واصو بدر آنلر
 ایچون ارتکاب غرادر (شعر) اگر چه حشمت اولادوملک و مال قو * عزیز
 اولور قویه ذوق روح غالبدر * چو جان مقدم اولور جله دن یقین در بو * که
 ترک جان المی اعظم مصائبدر * محقق اولدی بو ترتیب اولان مقدمه دن که

رتبه شهدا اشرف مراتب و تقدیر که روز جزا زمره شهدایه جمیع اصناف
 مواهب و جله انواع مطالب محقق اولدی * بو ترتیب اولان مقدمه دن که
 رتبه شهدا کرامت اولندقد نصکره جانب حقن نداکدیکه ای طریق
 مجتهده نقد جان نثار قائلر * وای زم بلاده هلاهل محنتی شهد شقاییلر
 دخی مراد کز واریسه بیان ایدک حاصل اولسون * و دخی مقصود کز
 نه ایسه عیان ایدک اجابت بولسون * فرقه شهدا بوجوابه مبهم اولر که یارب
 بوسـ عادت شهادت نتیجه سن کوروب ارادتمز زیاده اولمغین مرادمن
 دنیا به مر اجمت قیلوب تکرار له سعادت شهادت بولمقدر * واکر مبسر
 اولسه بواقبالک ادر اکنه مداوم اولمقدر (شـهر) شهید خنجر
 پیدا ده روز حشر فیض حق * عیان ایتد که صرف نقد جان اجرینک
 آثارن * کمال ذوق بوندن غیر قویمن آنده حسرتکم * دونوب دنیا به
 حاصل ایله اول ذوق تکرارن (کتاب ربیع الا برارده بختری مسـطور
 ایتش بر عزیزدن نقل ایدر که برکون حضرت رسول الله بنم منزله
 مبارک الارین یویوب و مضمه ایدوب استعمال اولنان صوینی بموضعه
 دوکدی صباح اولدقد اول موضعه بدرخت بارور پیدا اولوب
 برخوش میوه کتوردی بر مدت خلق اکا شجره مبارکه لقب قویوب
 میوه سندن متمتع اولورلدی * برکون کوردک که میوه سی دوکلوب
 برکری پرمرده اولش تعجب ایتدک که آیا بوکانه آفت واقع اولدی * ناکاه
 خبر وفات حضرت رسول الله صلی الله علیه وسلم استماع اولندی *
 اند نصکره دخی میوه ویرردی اما غایت قلنده برکون کوردک که جمیع
 میوه سی دوکلوب میوه یرینه دیکن بخش ناکاه حضرت مرتضی
 وفاتندن خبر ویردیلر * اند نصکره دخی اوراق استعمال ایدوب بیمارلر
 شفا بولورلدی * برکون کوردک تمامی عضو و اوراق خشک اولوب
 همان ساق درخت قالمش * ناکاه خبر وفات امام حسن شـیوع
 بولدی بعده برکون ینـه کوردک که اول ساق درختندن دخی اُر

قالیوب خاکله یکسان اولمش * ناکاه واقعه کر بلادن سلطان شهدا تک
 شهادتی خبرن یتور دیلر (شعر) هر غافلک که چشمی بومآئمه تردکل *
 مطلق نهال عمری الک بارور دکل * هر دیده کیم دکل بومصیبتده اشکبار *
 مقبول طبع مردم صاحب نظر دکل (روایتدر که حضرت امام حسین
 شهید اولدقده فی الحال بر کبوتر کافور فام هوادن اینوب پروبالن اول
 مظلومک قانله کلکون ایدوب پروازه کلوب هم اول ساعتده مدینه یه
 عزیم قلوب روضه رسول اللهک اطرافنده جولان ایدوب قطره قطره قان
 پروبالندن اول مرقد مبارکه آقیدردی واهل بیت اول حالتی مشاهده
 قلوب حیران قالمشلر ایدیکه آیابونه علامتدر ناکاه خبر واقعه کر بلا
 یتوب معلوم اولدیکه اول کبوترک پروبالی نامه احوال کر بلا ایش که
 روضه رسول الله صلوات الله علیه وسلمه کلش (کنز الغرائبده
 مسطوردر که بریهودینک بر جبله قری اولوب بعض بلالره مبتلا ایدی
 اول جله دن بری اولدر که اعمی ایدی ویهودی خارج شهرده انکچون
 بوستان مرتب ایدوب منزل معین ایتشیدی برکون اول یهودی غائب
 اولوب اول ضعیفه تنها قالدقده حضرت امام حسین مظلومک قانله
 رنگین اولان کبوتر اول بوستانه کذار ایدوب برشاخسار اوزره
 قونوب فغانه باشلدی اول ضعیفه آنک صداسنه متوجه اولوب اول
 شاخساره یتدکده باشن قالدیروب یوقارو توجه قیلدقده اول کبوترک
 پروبالدن برقطره قان دیده نابیناسنه داملیوب بینا اولدی * کوز
 آچوب اول کبوتری کوردکده پروبالندن اقدیغی قانندن سار
 اعضاسنه دخی سوروب صحت تام بولدی صحیح المزاج و بینا سیر
 ایدرکن یهودی شهردن کلوب بوستانه کیردکده اول بیمارنی صحت
 اوزره کوروب تعجب ایدوب سببن سؤال ایتدکده اول ضعیفه صورت
 حالن بیان ایتدی یهودی متعجب اولوب اول شاخساره متوجه اولدقده
 اول کبوتری کوروب نشاط تمامله ایتدی (ایها الطیر ما حقیقه حالک

و مافی بالک) حکمت الهی بدن یهودی به سبب اسلام اولوق مصلمتی ایچون
 اول حیوان ناطق اولوب کفتاره کلدیکه ای یهودی بو کون بعض
 کبوترلایله آشیانه مزده پرواز ایدوب سیرایدکن کذارمن دشت کر بلایه
 دوشدی حضرت امام حسین مظلومی کوردک آلوده خالک و خون اولوب
 شهید اولمش پرو بالیزی آنک مبارک فائده سوروب هر بریمز بر جابه توجه
 قیلوب حال این بو بقعه یه دوشوب نوحه یه مشغول ایکن قزک حاضر
 اولوب توجه ایتد کده امر اضنه شفا اولان پرو بالیدن آقن فاندرو بو کون
 جیع وحوش و بطور ماتم اولاد رسول الله طوتوب پریشان حالدر یهودی
 بو حاله مطلع اولد قده هدایت اسلام بولوب سعادت اسلامه ایمانه
 کلدی و سبب سؤال ایدنلره شرح و بسطله بیان حال ایدوب نیجه لری
 دخی مسلمان ایتدی (شعر) محرم بارگاه عزتدن * نه عجب کر کرامت
 ایتسه ظهور * قرب درگاه حق بولنلردن * معجزات و کرامت اولردور *
 (روایتدر که اخبار جکر سوز کر بلادن و ناقل آثار غم اندوز شهدادن صحت
 یتش روایت و شهرت بولمش حکایت بودر که شمر ذی الجوشن ملعون
 اول فعل قبیحه مباشرت ایتد کدنصکره اهل بیتک غارت اموال
 واسبابنه اطاله ایادی تصرف قیلوب متعرض اولدی استبدیکه حضرت
 امام زین العابدینی شهید ایده بر روایتده حید بن مسلم منعیله و بر روایتده
 عمر بن سعد نهیله ممنوع اولوب اموال و اتمعه زن غارت قیلدی *
 ابو حنیفه تاریخنده مسطوردر که عمر بن سعد امر بحار به تمام
 اولد قدنصکره حضرت امام حسینک سر صاحب سعادتین خولی بن یزید
 اصبحی به تسلیم ایدوب عبید الله زیاده ارسال ایتدی و کندی ر کون دخی
 کر بلاده قالب لشکر مقتوللرن جمع ایدوب اوزرلینه نماز ایدوب دفن
 ایتدردی و شهدا نک باشلرین الوب بدنلرینه التفات ایچوب صحرا ده عربان
 بر اقدی و اول باشلری لشکرینه تقسیم ایتدیکه هر جماعت مقدار نیجه
 عبید الله زیاده لیک انعام و احسانه مستحق اوله یکر می ایکی عدد یهودایه

درد عددینی تمیّه ویدی عددینی اسده و بش عدد اردشیره واون
ایکی عددینی ثقیفه و یروب حکم ایتدیکه هر طائفه کندی صنفه اول باشلر
ایله زینت و یروب کوفه شهرینه کیرهلر * خواتین حر مسرای اهل بیت
رسالت ایچون مناسب هود جلر مرتب قیلوب * بعضیلر دیرلر که اهل
بیتی عربان ناقه را اوزره آلوب کتشلر غلط محضدر زیر اهل بیت رسالته
اول اهانت هیچ بوجهله ممکن اولمز و نقل صحیح در که چون وقعه
کر بلاده اهل بیت جمیع مکار هندن مصون و محروس اولوب حصن
وحایت و عصمت و عقیده قالوب مستور و محجوبه متوجه شام اولدیلر
(شهر) مخدرات سرارده رسالت بی شک * کفالت کرم کردکارده
حصن حصین در * نه احتمال خلل ستر عقیده آتک کیم * حریم
حرمت قرب نبیده پرده نشیندر (روایتدر که خواتین حر مسرای اعمار یلر
ایچره کیدرکن کذارلری معرکه قتاله دوشوب زینت که همشیره امام
حسیندر حضرت شاه کر بلانک بدن شریف الموده خاک و خون کوروب
بی اختیار فریاده کلوب ایتدیکه یاجده و امجداه بو اول حسین بن
علیدر که سینه و رخساری سنک بوسه کاهن ایدی و بو اول فرزندار چند
و جگر کوشه سعادتمنددر که محبوب و مقبول دل اکاهک ایدی
باشی بدندن جدا ویدی لباسندن معرا کور نه مقامه یتسدر و روزگار
اکانه جفال یتسدر (القصه) خولی بن یزید که حضرت امام حسینک
سر صاحب سعادتن کوفهیه ایلمتک مصلحتنه مأمور ایدی اول کون
کوفهیه کیرمک هبسر اولوب منزلی خارج شهرده اولمغین کند و منزله
نزول ایتدی * و حضرت امامک سر مبارکن بر کوشده پنهان ایدوب
مسنندنه ارام طوندی (روایتدر که اول بد بختک عورتی انصاردن
اولوب غایتده اهل صلاح و محب خاندان ایدی و تهجد نماز نه عادت
ایتمشدی نصف الایله قاعده معهوده سی اوزره نمازه مشغول اولدقده
کوردیکه منزلی روشن اولمش آسبب ضیانه اوله دیوملا حظه قیلدقده

کوردیکه برکوشه دن لایح اولور شعله آتش تصور ایدوب تفحص
 ایتد کده کوردیکه سقف کوشه حجره شق اولوب نوردن بر تخت پیدا اولوب
 اوزرندن درت خانون ایوب بری اول شعاع ظاهر اولان کوشه دن
 بر صورت چیقاروب رخسارنی رخسارنه سوروب فغانه باشلدی که ای
 مظلوم مادر وای مهموم پدر ان شاء الله روز قیامت قائمه عرشدن دست
 تظلم چکمیم تاسک انتقامی ظالمردن آلتیجه و باقی خواتین دخی اتفاق
 ایدوب نوحه یه مشغول اولدیلر بر زمان نوحه ایتد کده نصکره وداع ایدوب
 کلدکاری مقامه مراجعت قیلدیلر * اول ضعیفه اضطرارله اول کوشه یه
 متوجه اولوب کوردیکه زیارت ایتدکاری صورت چهره مبارک مظلوم
 کر بلادر و تعظیمن قیلدقلری پیکر جگر سوز سرد فترسید شهادت غایت
 توهمندن مضطرب اولدقده هانقدن ندا کلدیکه ای مستوره سن بو
 بد بختک کشاهله مؤاخذه اولمز سین * ویتاش اولکده حالو تعزیننه حاضر
 اولنلرک بری مریم بنت عمران و بری آسیه و بری خدیجه کبری و بری
 فاطمه زهرا ایدی * اول صالحه پاکیزه اعتقاد اول سرمبارکی کرد
 میدان کر بلادن پاک ایدوب مشک و کلابله یویوب و کسوی مبارکن
 شانلایوب بر پاکیزه قویوب خولی بدبختی بیدار ایدوب ایتدی ای بدولت
 بلدکی که بوفزند رسول الله در نیجه قتلنه اقدام ایدوب ارتکاب
 قیلدکی فی الحال اول ملعونک منزلندن چیقوب کتدی دخی اثری
 کورنمدی * اما صبح دمکه جلاد فلک سلطان انجمک سر بی بدن طبق
 لاجورد قامه وضع ایدوب محفل اعیانه کتوردی ونسیم سحر مجمع خار
 کلبن ایچره شاهد کلچهره سندن نقاب کوتردی خولی بی سعادت انفات
 و عنایت امید وار اولوب سرنورانی صاحب سعادت سلطان کر بلایی
 بر طبقه وضع ایدوب عبید الله زیادک مجاسنه یوردی اول بدبخت
 مبتهج و سرور اولوب اول صورت جمیلی مقابلنده قویوب و جمال عالم
 آراسنی تماشا قیلوب وحسن شمائنه متحیر قالوب الله بر قضیب اولوب

اول قضیب ایله لب و دندان مبارکته اشارت ایدر دیکه حسبک نه
خوش لب و دندانی واریعش اول حالتده ارقم که اصحاب بکاردن ایدی
و اول مجلسده حاضر ایدی فریاده کلوب ایتدی (قطع الله یدک) ای بد بخت
بونه ترک ایدر حقا که کراله کورشم که حضرت رسول الله بوقضیب ایله
متعرض اولدیغک لب و دندانی نلثیم و تقبیل احترام ایتدیکن حضار
مجلس آک کلماتدن متأثر اولوب فغانه بشلمدیلر عید الله بن زیاد بد بخت
غضبناک اولوب ایتدی ای ارقم اگر حرمت رسول الله اولسیدی سکا
سببست ایدردم (الفصه) ارقی مجلسدن چیقاروب یوردیکه
حضرت امامک مبارک و سعادت مند باشی سائر شهداک باشلرینه ملحق
ایدوب جمعیتله شهره کتوردیلر (روایتدر که عمر بن سعد پلید شهداک
مبارک باشلرین آلوب بدنلرین بر اقوب کر بلادن ارتحال ایتد کدنصرکه
اول جوانبده عارضه نام برقریه واریدی اهلانه اول واقعه معلوم اولوب
کر بلایه کلدیله کوردیلر که بر نیچه باش سز بدنلر یاتور اما اوزر لر نده نوحه
اولوب و بر کسنه کورمک لرندن فراسه تله بلدیلر که جنیه لر ماتم
طوتوب مرثیه اوقورلر و بوییت اول مرثیه دندر که ذکر اولنور
(شعر) نساء الجن یسعدن نساء الهاشمیات * بنات المصطفی احد
امام زای الذات (شواهد النبوه مسطوردر که سؤال ایتدیلر
بنی طی قبیله سنک بر معتد کسنه سنه که شهداء کر بلا ایچون جنیلرک
نوحه قیلد قیلرینی سز استماع ایتدی بکرمی اول مؤمن ایتدی حقا که حر
و آزد اول نوحه بی استماع ایتدیلر * وانلرک مرثیه زندن ییتلر یاد لر نده
طوتدیلر و اول جله دندر بو که ذکر اولنور (شعر) مسیح الرسول جینه
قدفاق بر قافی الحدود * ابواه من اعلی قریش وجده خیر الحدود (الفصه)
اهل عارضه اول مظلوملرک بدنلرین جمع ایدوب تجهیز و تکفین ایدوب
اوزر لرینه نماز قیلوب دفن ایتدیلر * و عمر بن سعد ملعون کر بلادن روان
اولوب کوفه یه یئتد کده شهدا باشلرین نیزه لر اوزرینه تعبیه قیلوب و مخدرات

خاندان عصمتی عمار بلر ایچره ترتیله روان ایدوب علملر آچدیروب نقاره لر
چالدیروب شهره متوجداولدیبلر (شعر) آماج ناولك نذر هر می دم اولغه *
باشلرد بزلدی نیره یوزین قبق مثل * تقدیردن زمانه به حکم اولدی غالباً
* کیم سربلند قبل بولری قیلده پایمال * عبیدالله زیاد عمر بن سعدك
کلدیکندن واقف اولوب بارگاه حشمتن انواع زیب وزینتله آرایش قیلوب
بیك مسلح مبار تعین ایتدیکه دروازه لری و محله لری ضبط ایدوب فتنه دن
احتیاط ایدهلر و نمادی ایتدی که جمیع خواص و عوام استقباله حقیقه لر
تمای اهل شهره بعضی تهنیه طریقیله و بعضی تعزیه استعداده یله استقبال
ایدوب اول کون برغوغا و ازدحام اولدی که کثرت خلقتدن لشکر عمر
بن سعد امین صباح دروازه دن کیروب وقت عصر قصر اماره به بتدیبلر
(روایتدر که اهل کوفه محمل اطرافنده غلوقیلوب تأسیفله چکوب فغان
ایدولردی زینب بنت علی مطلع اولوب هوو دجدن زبان طعن آچوب
ایتدی ای اهل کوفه سز پیغاملرو مکتوبلر ارسال ایدوب حضرت امام
حسینی بودیاره کتوردیکیز * و سز نقض عهد ایدوب مسلم عقبلی شهید
ایدوب بزی بوم مقامه بتوردیکیز نه تأسیف ایدوب نوحه قیلور سز (شعر) ای
اهل کوفه عاذرکن مکر ایمش مدام * ای اهل شام حیله ایمش رسمکن تمام *
که سعی ایدرسز آل رسولك قتانه * که ماعن طو توب آکه ایلرسز احترام *
اهل کوفه اراسنده بر بیر کهن سال واریدی ایتدی ای خاتون قیامب
بوکلانکده صادقسن (یقولون بالسنتم مایس فی قلوبهم) حقا که
بودناملق کوفه اهلندن قیامتهدک مرفوع اولماز * زید بن ارقدن
نقلدر که شهید باشلرین کوفه محله لنده کردیرکن بن برغفه اوزرنده
ساکن ایدم بکایتد که حضرت امام حسینك سربار کندن برصدا
اشتمده که او قوردی (ام حسب ان اصحاب الکهف والرقیم کائوامن آیاتنا
عجبا) اول کلماتک صلایتندن اعضاه لرزه دوشوب ایتدم (صدق یابن
رسول الله) ودخی برعز رذن نقلدر که قصر اماره ده شهید باشلرین

نیزه لردن ایندرد کلرنده بنانده قریب ایدم حضرت امام حسینک
 سر مبارکندن بواجبت تلاوتن صریح اشدیم که (ولا تحسبن الله
 غافلاً عما يعمل الظالمون) روایتدرکه عیدالله زیاد بنوبت دخی
 حضرت امامک سر مبارکن حضورینه کنوروب انه آلوب دیزی
 اوزرینه قودقده برقطره فان آقوب ساق پای پلبدندن پیکان
 آبدارکی گذار ایتدی واول مرچوسته مجروح قالوب مدت
 حیاتنده قابل علاج اولوب رایحه مکروهندن اهل مجلس متأذی
 اولغین اول حرامزاده اول جراحتنه هر نقدر نافه مشک بغلردی
 فائده قیلردی (شعر) صممه دوکت اهل بیتک قانی آسان
 اولور * احترزازیت کم سکا هر قطره بر پیکان اولور *
 روایتدرکه اول جراحت زمان قتلنه دکن علاجپذیر اولوب
 محاربته مختارده مقتول اولدقده ابراهیم بن مالک اشتر اول پلبدک
 جثه مر دارن اول جراحتدن معلوم ایتدی (القصه) عیدالله
 زیادک مجلسنه اهل بیت حاضر اولدقده زینب بنت علی
 جله دن مقدم مجلسنه قدم باصوب سلام ویرمیوب والتفات
 ایتمیوب برکوشده قرار طوتدی عیدالله زیاد آنک استغناسندن
 غضبناک اولوب ایتدی بوکیمدرکه هنوز اثر طغیان صورت
 احوالندن ملحوظ اولور دیدنر بوزینبدر همشیره حضرت
 حسین عیدالله زیاد ملعون ایتدی ای خاتون شکر و سپاس اول
 معبوده که سسزی خاص و عام ایچنده مغلوب ایدوب بطلانکنر
 ظاهر ایتدی وصیقل اعانتیه مرأت ملکمردن ثلک کدورتمن
 کتدی زینب رضی الله عنها ایتدی (کذبت یا عدو الله) ای کذاب
 سپاس بی قیاس اول واجب الوجوده که بزم خاندنری شرف
 نیوله معزز و مکرم قیلوب (انما یرید الله لیهذهب عنکم الرجس
 اهل البیت) اشارتیه سعادت (و یطهرکم تطهیرا) بشارتیه
 کرامت قیلدی و بدخواه لریمزک دیده بصیرتدن اعی قیلوب
 (ولهم اعین لایصرون بها ولهم آذان لایسمعون بها) بادیه سنده

حیران ایدوب دأره حیره صالدى عبيدالله زياد لعين ايتدى
 اى فرزند على ابن ابى طالب نه اعتقاد كز وارايدى بزم غالب وسرك
 مغلوب اولديقه كز خصوصده حضرت زينب ايتدى اى ظالم بزه واقع
 اولان احوالدين جديز خبر ويره مشدى وقوعنه منتظر ايدك (المنقلا)
 كه جديمك صدق قولنه صورت احوالز مظهر واقع اولوب درجه
 اقبال (ان الله مع الصابرين) ميسر اولدى عن قريب سزه دخی هر كيك
 سرانجامى نه اوله جـ حى معلوم اوله جـ قدر وهر كس جزای عملن
 كار كاه عدلدين بوله جـ قدر (و بشر المنافقين بان اھم عذابا لھما) عبيد
 الله زياد ايتدى اى بنت ابوتراب حالا بوير سعادتر كه ضمير من سرك
 طغيان كر دن فارغ اولدى واسئلاى غرور بكن تسكين بولدى
 زينب ايتدى اى ابن مرجاه غرور اسباب دنباله سرمست اولوب
 بر پادشاه قصدن ايتش سنكه جميع افراد آفرينش تحت لواء امامنده
 ورضای خدا ورسول شرف اطاعتنده ايدى (شعر) حسين بن على ابن
 ابى طالبكم اندر * بنای شرع استحكام ودين حقه استعلا * معظم جد
 والاسى نبى امى ومكى * مكرم باب القامى على على اعلى * عبيدالله
 زياد بدبخت اول كلاتن متأذى اولوب قتلنه امر ايتدى عمر بن حريث
 مخزومى حاضر ايدى فرياده كلوب ايتدى اى ظالم بر غريبك كه اكبرى
 مقتول اولوب واصاغرى بنيم اسير اولمش اوله اگر حرق قلب وحرارت
 جكر دن دلبرانه تكلم قبله عجب اولمز (شعر) سن آكه سنكه سوز
 آتش محنت ندر * مسند راحتده ملك ومائله مغرور سن *
 درد اهل حالى عالمده درد اهل يـلور * سنده يوقدر درد اى بنى درد
 سن معذور سن * عبيدالله زياد لعين زينبدين انحراف ايدوب على
 زين العابدينه توجه قيلوب ايتدى بوكيمدر ديديلر على بن حسين در
 ايتدى على بن حسين مقتول اولد بغي استماع اولدى ديديلر كه اول على
 اكبر ايدى حضرت امام زين العابدين متحمل او ايدوب ايتدى (والله
 انله مطالب يوم القيمة) اى عبيدالله زياد اول بنم برادر بزرگوارم ايدى

واول بنم امیدگاهم واستظهارم ایدی حتا که آخرتدن مقدم دنیاده ائک
 انتقامن آنلر عن قریب پیدا اولور * عبیدالله زیاد ملعون غضبتک اولوب
 امرایتدیکه اول مظلومی قتل ایدلر زینب دست مبارکن حضرت
 امام زین العابدینک دامن شریفنه محکم ایدوب بنیاد نوحه قیادتیکه
 ای بدبخت ظالم اگر هنوز آتش طغیانک سبیل خون شهدای اهل بیت
 مصطفادن تسکین بولمیدسه وحرارت عصیانک شهیدلر قانی ایچمکدن
 سیراب اولمیدسه بومظلومک یرینه بنی شهیدایت و بوکه متعرض اولمه
 زرا خاندان نبوته و دودمان ولایتده بوندن غیری محترم قالمه شددر
 حضرت امام زین العابدین عمه محترمه سندن عنان تکلم آلوب میدان
 فصاحتیه رخس عبارت صالوب کفتاره کلدیکه ای ابن مرجاه
 بکا قتلدن توهیمی ویررسین بیلر میسنکه بزه قتل و قتال سرمایه فیض
 شهادتدر وهه بشه غزا قیلوب شهید اولق بزه رسم وعادتدر پیوسته
 حیاتر زلال شمشیر ابدارله سبز وخرمدر وهمواره قضایه رضایه یرمک
 و مصائبه صبرائیک بزه مسلمدر (شعر) قتلدن خوف و یرن اهل حقه
 بیلر کیم * دام اولور اهل حقه دأره قید حیات * دهر برحمت و غم منز ایدر
 ای غافل * وعده قتله در مرده توفیق نجات * عبیدالله زیاد کوردیکه
 مصدوقه (وما یخطق عن الهوی) واقع اولان قومله مناظره فائده قیلر
 و معلم مکتب (علمه شدید القوی) یه مباحثه ده غالب اولق اولماز ناچار
 ساکت اولوب ملازمارینه امرایتدیکه انلرایچون قصر دن طشره جامع
 کوفه یه قین بر منزل تعین ایدوب اهل شهری اختلاط لرندن منع ایدلر
 برنیچه کوندنصکره تهیه اسباب سفر قیلوب زهیر بن قیس و حصین
 بن مغیره و شمردی الجوشن ایله بش بیک مسلح نامر دقوشوب اهل بیتی شهدا
 باشلری ایله جانب شامه روان ایتدی (روایتدر که منازل و مراحل قطع
 ایدوب کیدرکن هر منزله انواع کرامت ظاهر اولوردی اول جمله دندر
 بوکه چون حرانه یتدیلر یحیی نام بریهودی سائر خلقک تماشا ایچون اول

باشلره استقبال ایتدکده وحضرت امام حسینک سر مبارکنه قریب
اولدقده اب مبارکن متحرک کوروب دقتله تأمل قیلدقده بو آیتی تلاوتی
سمعه یتدی (وسیع العلموا ای نقاب ینقلبون) یحیی متحیر اولوب
سؤال ایتدیکه بو کیمک باشیدر ایتدیله حسین بن علیک باشیدر که جدی
محمد مصطفادر وجهه سی خدیجه کبرادر و والد بزرگوار ی علی مرتضادر
و والدۀ عالی مقداری فاطمة الزهراء رحیمه اول کرامت اثر قیلوب
فی الحال ایمانه کلدی و منزله دونوب خوانین حرمرای اهل بیت ایچون
وحضرت امام زین العابدین ایچون البسه دن والوان اطعمه دن بعض
مناسب هدیه لر مرتب ایدوب و بیک درهم نذر ایدوب کتوردکده موکل
اولدر تعرض ایتدیله که اعدای پادشاهه محبت موجب فساد درد یو قتله
قصد ایتدیله یحیی دخی وهم ایتوب بعض ملازم لایله انلره مقابل طوروب
بحسب المقدور مقاتله ایدوب شهید اولدی رحمه الله علیه و حالا قبری
حرانده اولوب یحیی شهید دیمکله مشهور و معروف برمز اردر (شعر)
کرامت نسب مصطفی دکل محفی * نه پاک اکا حسد اهل ی اگر نظر قیلن *
نه تیره در دل اهل حسد که مهج زال * یهوده ایلر اثر انلره اثر قیلن * جله
گراماتدن بری اولدر که موصل دیارنه یتدکده شمر ذی الجوشن
ملعون اعلام ایتدیله که امیر موصل شهره آیین بغلیوب اهل شهرله
استقباله چیققلر عماد الدوله که امیر موصل ایدی اهل شهری جمع ایدوب
اول امره اقدام ایتوب جواب کوندردیکه بوشهرده طوائف مختلفه
چوقدر فساد احتمالی وار صلاح اولدر که طشره ده قونوب نزول ایدلر
وسائر لوازم خدمت کوزه ارسال اولنه شمر ملعون دخی غایت
توهمدن بوصولاحی قبول ایدوب شهره کیر محبوب طشره ده نزول ایدوب
حضرت امام حسینک سر مبارکنی برطاش اوزره قوم شلرایدی
برقطره فان طاملوب اول صخره مبارکی معدن یاقوت کرامت قیلدی
مقرر اولدر که هر ماه محرم اول فان جوشه کلوب مجدد اوله اولاد رسول الله

ماتمله خواص وعوام شهر اطرافنده جمع اولوب عزایه مشغول اوله
 تابعه الملك ابن مروان خلافتنه دك موجود ایدی عبد الملك مسند
 حـ و منده والی اولدقده حسـ دندن اول طاشی کوتوروب اندن اثر
 قالمدی اما رینه مشهـ نقطه دیوب هنوز زیارت ایدرل (شهر) کبرك
 ای اهل سـ تم برفاه کیم هر قطره سی * طاشه طسه تابد طشـ دن
 چبقر یاقوت تر * کوکـ کی طاشـ دن بتدریسم روادرنیشه کیم * طاشه
 تأثیر ایملر اول قان کوکـ که قیلمز اثر * وجهه کراماتـ دن بری دخی
 اولدر که نصیبین حدودنه یتد که منصور بن الباس شهر آیین بغلدوب
 استقباله چبقوب انلری شهره کتورد که بر برق عالم سوزظاها راولوب
 شهرک اکثرین یاقدی و لشـ کر شمر ملهونه غایتـ ده اضطراب براقدی
 (شهر) دشمن غافل صنور کیم خون آل مصطفـ * باغ اقبانه کلبرك
 بهار افروزدر * احتراز ایتمز حذر قیلمز مکر واقف دکل * کیم آنک
 هر قطره سی بر برق عالم سوزدر * وجهه کراماتـ دن بری دخی اولدر که
 چون نصیبین اضطرابله چبقوب بر قلمه یه دخی یتدیلر که حاکمه سلیمان
 بن یوسف دیرزدی و انک ایکی قرن داشی اولوب بری محاربه صفین ده علی
 مرتضی النـ ده مقتول اولشـ یدی و بری آنکله شریک ایالت ایدی
 و شهرک ایکی دروازه سی اولوب هر بری رینک حکمنده ایدی شمر لعینک
 وصولـ دن واقف اولدقده شهر آیین بغلدوب تـ فاخر ایچون هر بری
 اول باشـ لری کـ ندویه متعلق اولان دروازه دن کتورمک ایچون نزاع
 ایدوب ارالنده فتنه واقع اولوب سلیمان مقتول اولدی لشـ کر شمر لعین
 دخی سر اسیمه اولوب انده تمکین بولوب حلب دیارنه توجه ایتدیلر حوالی
 حلبـ ده برهمور بقعه یه یتدیلر که انده حریردن غیری نسـ نه استعمال
 اولتمز ایدی قریبده قونوب آرام طو تدیلر شهر بانوئک انده شیرین نام برجـ له
 جاریه سی وارا یدیکه لطافت حسنله یکنانه روزگار ایدی شهر بانو خدمته
 کلوب کریمه یه آغاز ایتدی و سبب بوایدیکه شهر بانو مدینه یه کلوب حضرت

امام حسین صحنه مشرف اولدقدہ یوز جاریہ سی اولوب زمان زفادہ
الی جاریہ پی آزاد ایدوب الی جاریہ سی قالمشیدی وحضرت امام زین
العابدین متولد اولدقدہ قرق جاریہ دخی آزاد ایدوب اون جاریہ خدمتده
قالمشیدی وشیرین اول جله دن ایدی (روایتدر که بر کون حضرت امامک
نظر شریفنه شیرین مطبوع کورینوب مطایبه طریقه شهر بانویه ایتدی
ای شهزاده شیرین بکابو کون غایتده حسن اوزیبا کورینور (شعر) دوشدی
کویاصورت شیرینه حسنکدن فروغ * کیم کوکل فرهادوش بولدی
لقامندن سرور * رتوخورشید عالمنا بندر متصل * لاله رنگ ولاله
سیرابه تابوماه نور * شهر بانو تصورایتدی که حضرت امامک اکارغبی
وارا خلاصه ایتدی ای شهزاده بوجاریہ پی سکا هبه قیلدم حضرت امام
ایتدی بن دخی آزاد ایتدم شیرین آزاد اولدقدہ شهر بانو اکابر خلعت فاخره
کبدردی که خزانه آباواجدادندن اکارثله یتشیدی حضرت امام
ایتدی ای شهر بانو نه واقع اولدی که شیرین حسن التفاتله سائر جاریه لردن
ممتاز اولدی شهر بانو ایتدی ای شهزاده سائر جاریه لرنم آزاد مدر اما شیرین
سنگ آزاد کدر حضرت امامه خوش کلوب اکادعا قیلدی * وحالا شیرین
شهر بانو ک کسوتن پیرایه لطیفدن معرا کوروب ادنا البسه ایله ملاحظه
قیلغین متحمل اولوب تضرع ایتدی که ای مخدومه بکار خصت ویر که
بو قلعه یه کوروب بعض پیرایه لرم ووروب اوله که بر مناسب ملبوس حریر
آلوب خدمتکه مشرف اولم شهر بانو ایتدی ای شیرین سن آزاد سن سکا
کیم مانع اولور شیرین اجازت آلوب اول قلعه یه متوجه اولدقدہ دروازه پی
بغلو کوروب برکوشده متمکن اولوب دروازه آچلمنه منتظر ایکن بس
عزیز بن هارون که کوتوال قلعه ایدی رجو بارواوزرنده سیرایدرکن
کوروب شیرینه آواز یتوردی که ایها الرجل سن کیمسن شیرین
ایتدی بن رغریم حاجتم وارنوله اگر لطیف ایدوب قلعه قیوسن آچهن
عزیز ایتدی ای خاتون سن شیرین دکلین شیرین تعجب ایدوب ایتدی بلی

شیرینم عزیز دروازه پی آچوب شیرینی قلعه یه آلوب اکا سلام و یرد کده
 شیرین جواب سلام آلوب ایتدی ای عزیزنه بلدك که بن شیرینم عزیز ایتدی
 بو کجه حضرت موسی ایله هارونی واقعده کوردن ناصیه رنده اثر تعزیت
 و چهره رنده نشانه مصیبت و کربانلری چاك و دیده لری نمناك تضرع له
 ایتدم ای عزیز زلر بنی اسرائیل نه واقع اولدی که صورت حال کزه تغییر ملاحظه
 اولنور دیدیلر ای عزیز بو کون جمیع اشیا عزایه مشغولدر زیر نقد خاتم
 المرسلین شهید اولمشدر و اول مظلومك سرما کن بدن لطیفندن جدا
 قیلوب حالا بومقامه کتور مشلردر ای عزیز اگر سعادت باقی مراد کسه
 حضرت حبیب الله ایمان کتوروب حضرت امام حسینك سربار کن
 زیارت ایدوب بزم سلامی اکایتور کلمات شیرینلرین کمال اعتقاد ایله استماع
 ایتد کد نصکره ایتدم ای قدمای بنی اسرائیل تزیاید اعتقاد ایچون
 بر سر رشته مراد مدر دیدیلر ای عزیز حالا بو قلعه قپوسنده اهل بیتندن
 شیرین نام بجاریه کلوب منتظر در و اول جاریه دیوان قضادن سنك
 تزویج که مقدر اولوبدر اکا استقبال ایدوب حقیقت حالی اندن معلوم
 ایدوب آنکله خدمت لرینه مشرف اوله سن * شیرین اول کلماتدن
 خوشحال اولوب ایتدی ای عزیز هر نه که دیدك عین صواب و محض
 مصلحتدر اما بنم عقلم شهر بانو اجازه ته موقوفدر پس شیرین هم اول
 ساعت مر اجعت قیلوب شهر بانو یه احوالی عرض ایتد کده جمیع اهل بیت
 واقف اولوب مباها ترقیلوب شکر ایتدیلر اما صبح ده که موسی خورشید
 عالمتاب عصای شعاع له در یای نیل کونه گذار ایتدی و شعشعه ید بیضای
 صبح صادق طور کوه ساری سراسر طودی عزیز بن هارون قلعه دن
 اینوب مستحفظ لره بیک درهم خدمت و یروب خدمت اهل بیته اجازت
 آلوب بیک التون حضرت امام زین العابدینه نذر طریق بله مهیا قیلوب
 و خوانین حره سرای اهل بیتك هر برینه بر مناسب تحفه لر مر تب ایدوب
 خدمت لر یله مشرف اولوب ایمان کتوردی و حضرت امام حسینك

سر مبارک زيارت ايدوب موسی و هارون عليهم السلام سلام برين
يتورد كده حضرت امامك سر صاحب سعادتن بر آواز كلديكه سلام
الله على نبينا و عليهم * عز زياتدي يا امام بك طريق هدايت ارشاد ايت
صد اكلديكه اي عز ز چون مسلمان اولدك ايمان و هدايت بولدك و چون
اهل بيته حرمت قيلدك و انديا سلامن يتوردك سلسله انسابمزه داخل
اولدك عز ز دعا قبول مر اجعت قيلدقده شهر بانو شيرينه ايتدي اكر
بعضاي شريفمزي استرسك عز ز ي قبول ايت شيرين شهر بانو اجازت بله
عز ز ي قبول ايدوب حضرت امام زين العابدين حضورنده عقد ايدوب
انكه روان اولدي (شعر) سعادت نشاني بودر كيم يهود * اولور اهل دين
اهل طغيان ايكن * شقاوت دليلي بودر كيم شقي * قبول ترك دين اهل ايمان
ايكن * حضرت امام زين العابدين اسمعيل ابوا الخوقدن روايت ايدر كه
شهدا باشلرين اللى مبارز هر كيجه محافظت ايدر لردي بن كه ابوا الخوقم
بر كيجه انلرايله همراه اولوب انلراو يقويه واروب بن بيدار قابوب كورد كه
بر كنديم كون كسسه لباس كافور قام ايله كريان حضرت امام حسينك
سر مباركي اولان صندوقه مقارن اولوب اول سر مباركي صندوقدن
چيقاروب يوزن يوزينه سوروب فغانه باشلدي بن اويلد تصور ايتدم كه سائر
خلقندر تهو رايله متوجه اولدم كه اول باشي النندن آلوب يينه صندوقه
براقم ناكاه برصد اكلديكه اي بي ادب بو آدم صفيدر كه جكر كوشه مصطفي
ماتمن طوتر بن غرقه درياي تحير اولش ايكن برصد ادخي كلد ي بومعبر
كسسه ادخي پيدا اولدي ديديلر كه بونوح عليه السلام درو متعاقب ابراهيم
واسماعيل واسحقاق و سائر انبيا عليهم السلام حاضر اولوب بر بركلوب
حضرت امام حسينك سر مبارك زيارت قيلديلر جمله سندن نصر كره
صدمات ناله و افغان ايله كسوي مباركلري پریشان و دیده شريفلري
كريان حضرت رسول الله جماعت صحابه بكار و حضرت حيدر كرار و امام
حسن شهسوار و حمزه و جعفر طيارله كلوب حاضر اولد قلنده ملاحظه

قبلدم که آسمانند بر کرسی نورانی نازل اولوب حضرت رسول علیه السلام
 اول کرسی اوزرنده قرار طوتوب و سائر انبیا اطرافنده متمکن اولوب
 عزایه مشغول اولدیله اول حاله مقارن کوکدن بر فرشته ایندی برالنده
 تیغ بران و برالنده برعود آتشین کران اول صندوق مسخفظلرینه حمله
 قبلد قده بن غایت و همدن فریاده کلوب ایتدم یار رسول الله بن اکر همراهم
 لیکن بونلردن مفارقت قیلشم حاشا که دشمن خاندان رسول اولم حضرت
 رسول الله بنی منعله خلاص ایتدی امار خسارمه برطبا نجه اوردیکه انک
 اثرندن طرف رخسارم سیاه اولدی صباح اولد قده اول رفیقلمدن بر اثر
 کوردم بر نجه خرمن خاکستردن غیری * بو خبر شمر ذی الجوشن
 ملعونه یتوب بندن که ابوالخوفم حقیقت حالی سؤل ایتد کده مشاهده
 قیلدیغم احوالی تمام شرح ایلدم اشکر مخالف اول حالی معلوم ایدوب
 عواقب امورلرینه اطلاع بولدیله امانه چاره (شعر) هر عمل بر جزایه
 قابلدر * ای خوش اولکم ثوابه مائلدن * نسکیم کل اولور تکیندن یک *
 کل دیکندر دیکندن یک * ابو سعید دمشقیدن نقلدر که دیمش که بن
 اول جماعتله شام یولنده رفیق ایدم حوالی دمشقه یتد کده بو خبر شایع
 اولدیکه مسبب بن قعقاع خزاعی بر اشکر مرتب ایدوب شبیخون ایدوب
 باشلری آملق تدارکنده در رؤسای لشکر مضطرب اولوب اول
 صحرا ده بر دیر کوردیلر متحصن اولق ایچون اولدیره متوجه اولدیله
 راهب دیر ایتدی ای قوم سز نه طائفه سز و بو باشلر کیلر کدر و بودیره
 کلمه کندن مراد کز ندر ایتدیله که بر عسکر یزید زو بوجاعت خروج ایتشلر
 ایدی سیاسته یتوردل و حالا استماع اولدیکه جمیع مخالفلر قصد شبیخون
 ایتشلر بز بودیره متحصن اولق استر ز راهب ایتدی بودیره از دام عسکر
 وسعتی یوقدر مناسب بودر که اسیرلری و باشلری حصاره کتوروب اشکر
 طشرده دوره شمر ذی الجوشن لعین بو صلاحه راضی اولوب باشلری
 جله بر صندوقه قویوب مهر لوب دیر ایچنده بر مستحکم سرایه صالوب

فوسنه قفل اوروب حضرت امام زین العابدین و باقی اهل بیت ایچون
 دخی اول دیرده برمناسب منزل تعیین ایدوب اول جائیدن منسل اولوب
 کندو اشکر یله طشمرده آرام طوتندی شب هنکام که دیر بنای فلک
 مودع مهره* مهر رخشان اولوب سپاه ظلام قیرقام* مثال اشکر
 شام* اطراف فلکده قرار طوتدی و راهب هندوی زنکی رنگ شب
 صندوق زرین آفتابی دیر سپهر میناده نهان ایتدی نصف الایله راهب
 دیر بیدار اولوب کوردیکه صندوق اولان سرایک روزنلرندن نور لامع
 اولور متحیر اولوب برروزنه دن نظر قیلدقه کوردی که سقف سرای شق
 اولوب شکافتندن برعماری چقبوب اول عمار یدن برنیجه خاتون
 چقبوبیکه تار معجزلرندن مدشعاع خورشید کی انوار عفت و عصمت
 فروزان ایدی و پرتو انوار طلعتلرندن سایه وار ظلمت فساد و فتنه کریزان
 ایدی انلره متعاقب برخاتون دخی بعض مظهاراته ظاهر اولدیکه کلامه
 نور صلاحلرندن مقدم کلنلر پرده خفایه کیردیلر راهب متحیر ایکن
 ندا کلدیکه ای بی ادب نظاره قیلنه که بونلر مخدرات پرده عفت
 و خواتین سر پرده عصمت درلر* مقدم کلنلرک بری ساره در که زوجه
 خلیلدر و بری هاجر در که والده اسمعیل در و بری خدیجه کبری در که
 زوجه حبیب ملک جلیلدر و بری آسیه که زوجه فرعون علیادر*
 و بونلر د نصکره کلن فاطمه زهرا در ا کرچه راهب نظر قیلریدی اما استماع
 ایدر دیکه دیرلر دی السلام علیک ایها المظلوم السلام علیک ایها المهموم
 السلام علیک ایها المغموم و سائر خواتین اکا موافقت قیلوب نوحه لر
 قیلوردی بر زمان عزرا طوتوب غائب اولدیلر راهب بو حال دن متأثر اولوب
 بی اختیار چراغلر یاقوب اول سرایک قفلن صندیروب حضرت امام
 حسینک سربار کن صندوقدن چبقاروب مشک و کلابله یو یوب بر طبق
 اوزرنده قویوب بنیاد تضرع ایتدیکه ای سرور عالم شمدی یلدمکه* سن
 اول طائفه دن سنکه پیغمبر لر یز قدوم شریف کزدن خبر و یروب متابعتک بزه

لازم ایتشدر فی الحال راهبی ارشاد ایچون حضرت امامک لب
 مبارکی متحرک اولوب کفتاره کلوب ایتدی ای راهب (انامظلوم
 انامهموم انا مقتول اناقرب انا ابن المصطفی انا ابن المرتضی) (شعر)
 بن روح روان مصطفایم * بن راحت جان مر تضایم * مظلوم وغریب
 وزارو حیران * مقتول وشمیدگر بلایم * چون راهب بو کراتی کوروب
 اولاد واتباعن حاضر ایدوب احواله مطلع قیلدی یتش نفر نصرانی
 انتقاله حضرت امام زین العابدین حضورنه کلوب هم اول ساعته
 اول کیجه مسلمان اولدیلر واجازت استدیله که چیقوب لشکره شبخون ایدر
 حضرت امام زین العابدین رخصت ویرمدیکه حالانلرک زوانه وعده
 ایرمشدر صباح اولدقده شمر ذی الجوشن لعین لشکرن ترتیب ایدوب
 انلری چیقاروب آهنگ راه ایدوب عسقلان نام شهره یتدیله یعقوب
 عسقلانی که حرب کر بلادده داخل عسکر یزیدایدی فی الحال شهره آیین
 یاغلدوب خلغن استقباله چیقاروب مجالس خرو واهو مرتب قیلدیروب
 شمر ذی الجوشنی لشکر یله آلوب کلورکن بررخزای تجارت طریقه لنده
 حاضر ایدی بو احواله مطلع اولدقده استقباله چیقوب سیر ایدرکن شمر
 بدبخته مقابل اولدی کوردیکه مباحات ایدوب کلور بریر ایتدی ای بدبخت
 بوکیمک باشیدر که مهجته علم ایتش سن شمر لعین اندن مخالفت فهم
 ایدوب ملازم لینه حکم ایتدی اول مظلومی مجروح ایدوب براقیدیلر
 (روایتدر که لشکر کتد کد نصرکه بریر طوروب هر طرفه رد ایدرکن
 برجماعته یولی اوغرادای که فریاد و فغان ایدرلر ایتدی ای قوم بوکون
 بوشهرک خلیق شاد وخرم ایکن نه عجبدر که سز فریاد و فغان ایدر سز دیدیلر
 بز محب خاندان رسول حضرت امام حسین ایچون ماتمده بز بریر ایتدی
 ای قوم اگر قول کزده صادق سکر کلک جانغری فدای اهل بیت ایدلم
 اول جماعت اتفاق ایدوب یوزاون نفر مجاهد جمعه کونی خروج ایدوب
 خطیبی اولدیروب اظهار محبت اهل بیت ایتدیله وحکایتلری اکثر

توار یخده مسطوردر (اقصه لشکر یزید پلید منازل و مراحل قطع
ایدوب وهر منزله بر کرامت وهر مرحله ده بر اشارت کوروب
شهر دمشق قریب اولوب خبر وصولری خاص وعامه شیوع بولدقده
یزید پلید واقف اولوب مسند حکومتنه انواع تکلفانه زینت وزینت
ویروب و مجلس عیش وعشرت مرتب قیلوب وجمع ارکان حشمت
واعیان حکومتی البسه فاخره واسباب ملوکانه ایله مزین اولوب
بارگاهنه جمع اولدیبار وتمامی شهرک خلق معاملاتدن فارغ اولوب
نشاط وسرورله تماشایچون استقباله توجه قیلدیبار کز الغرائبده
ابوالعباس سهل ساعدیدن نقل ایتشکه بن طریق تجارتله اول زمانده
شامده ایدم کورد مکه بر کون کوس بشارت اوریلوب خلق شهر نشاطه
مشغول اولدیبار کان ایتدم که عیدلریدر بر یسندن سؤال ایتدم که آیا
سبب نشاطندر دیدی ای شیخ بو کون یزیدک مخالفترینک باشلری کلور
نشاطانکچوندر دیدم ای عزیز فتنی دروازه دن کتورلر دیدی دروازه
سعادتدن در حال روان اولدم وکنیدی اول غوغاده اهل بته تیوردم
واول مبارک باشلری کورد که اختیار سن فریاده کلام فریادیمی
ایشید که هودجدن بر آواز ایشید مکه بکادیدی ای پیر سبب ندر که جمع
خلق خندان اولدیغی زمانده سن کریان اولور سن دیدم ای عقیقه سن کم
اولور سن دیدی بن سکنه بنت امام حسین بن دیدم که ای کوهر خزانة
عصمت بن سهل ساعدم که صحابه رسول الله بنم و بودیاده غریب
واقع اولشم * دیدی ای سهل چون محب اهل بیت سن بر تدبیر ایت
بونیر دارزه که شهدا باشلرین طومشاردر یزدن بمقدار مبعادت قیله لر
اوله که خلقک هجویی باشلر تماشاسنه اولوب هودج مطهرات اهل بیت
نظر ناخردن محفوظ اوله * بو خدمتی عین سعادت یلوب نیزه دارلرک
سردارنه بیک قزل التون ویرمکی قبول ایتدم که بمقدار اول باشلری
خوانین حرم سرانمار یلرندن مقدم یورودملر (روایتدر که لشکر کوفه

شهدا باشلرین مشعل پرنور کی نیر دل اوزره ترتیب ایدوب و مخدرات اهل
 بیت عماریلرین غنچه کلین کی ناله اوزره مرتب قیاموب و برینه
 متعاقب روان ایدوب و باقی لشکر عقبه بنجه صف چکوب علمر و بیر اقلر
 جولانه کتوروب و صدای نفیر و ناله کوس و غلغله نایی آسمانه ی تور دیلر
 صبحدم که جلاد فلاک مهره خورشید در خشتانی سربنی تن کی نیر مد
 شعاع اوزره تماشاگاه اهل عالم قیامدی و رماح سبز نه نوخیز اوزره عقود شبنم
 رؤس شهدا کی جلوه کراولدی شهره کوروب از دخام عوامدن وقت عصرده
 قصر اماریه فرصت وصول وادیلر دروازه قصره یتد کده باشلری
 نیر لردن ایندیروب مخدرات اهل بیتی هود جلردن چیقاروب یزید
 ملعونک بارگاه بی سعادتنه متوجه اولدیلر * اما شمر ذی الجوشن ملعون
 حبله ایدوب حضرت امامک سر سعادتن بشیر بن مالک الله و ردیکه
 اگر خدمت مقبول اولرسه کندو اهانت چکیمه بشیر بدبخت اول سر
 پر سعادت یزیدک مجاسنه کتورد کده مباحات ایدوب بر جرن آغاز ایتدی
 (شعر) املاء رکابی فضة و ذهباً * اتی قتلت الملك المهدیاً * قتلت خیر
 الناس اما وایا * و اشرف العالم جمیعاً حسباً * یزید ملعون بو گتادن انفعال
 بو اوب متغیر اولوب (املاً الله رکابک ناراً و خطباً) دیدی و ایتدی ای
 بدبخت چون بلدک که امام حسین بو وصفله موصوفدر نیجه قتل ایتدک
 فی الحال امر ایتدی دفع مظنه ایچون آتی قتل ایتدیلر * پس یزیداعین
 امر ای کوفه یه متوجه اولوب صورت واقعه بی سسؤل ایتد کده
 زهیر بن قیس آغاز تکلم قیاب ایتدی بو شخص بعض اقوامیله کربلا یه
 کلد کده بیعت عرض ایتدک قبول ایتدی یزدخی قتل ایدوب باشلرین
 کتوردک یزید بر زمان متفکر ایکن حضرت امام حسینک سر مبارکن
 بر طبق ایچنه قویوب حضورینه کتوردیلر اتفاقاً اول بیدولنک دخی
 عبیدالله زیاد کی انده بر قضیب و ار ایدی آنکله مبارک لب و دنداننه
 اشارت ایتد کده (ابوالمؤید خوارزمیندن نقلدر که نمیر بن جندب او

مجلسه حاضر ایدی مختل اولوب ایتدی (قطع الله يدك) ای بی ادب
 بوملا عبه قیلدینگ لب ودهن بوسه گاه حضرت رسول الله در یزد
 غضبتك اولوب ایتدی ای غیرا کر حرمت صحبت رسول الله اولسیدی
 سکا سیاست ایدرم نیر ایتدی ای بدبخت صحبت رسول الله حرمت
 اولوب اولادك حرمتی اولمق نه مناسبدر حضار مجلس وکلماتدن متأثر
 اولوب و یزد پلیدفته دن توهم ایدوب نمیری مجلسدن اخراج ایتدی ربوب
 غیري کلامه مشغول اولدی ابوالمفاخر خوارزمین نقلدر که ریهودی
 تجارت طریقله شامه کلوب اتفاقا اول کون مجلسه حاضر ایدی سؤال
 ایتدی که بونه باشد یزد لعین ایتدی بو رکسنه نك باشد که بکا خروج
 ایتسیدی یهودی ایتدی بو شخص کنديسند بر لیه وقت ملاحظه
 قیاسیدی خروج ایتدی یزد ایتدی بو حسین بن عبدرونیر حضرت
 نبیر یهودی فریاده کلوب ایتدی ای یزد بنه داود بنی اراسنده یتش
 قرن تجاوز ایتشد رهنوز بکا یهودلر تعظیم ایدرلر * محمد قریشی هنوز
 دون فوت اولدی بو کون اولاد نه قصه ایدرسن بونه دیانتدر یزد قهر
 ایدوب ایتدی ای یهودی اگر حضرت رسول الله دن ازار اهل ذمت ممنوع
 اولسیدی سنی قتل ایدرم یهودی ایتدی ای احق یهودی ایچون مخصوصه
 قبلن واجب الوجود رسول ایچون خصم اولرمی یزد پلید غضبتك اولوب
 قتلند امر ایتدی یهودی فی الحال حضرت حسینك سره بارکن مخاطب
 قیلوب ایتدی یا ابا عبد الله یوم عرصاته شهادت ویره سنک صدق پاکاه
 مسلمان اولدم و محمد ایمان کتوردم و حق بر بلدم یزد ایتدی ای یهودی
 خوف قتلدر سنی مسلمان ایدن سنک اسلامکده اعتبار یهودی ایتدی
 ای یزد مسلمانلرک امان قتل ایتدک اگر برنو مسلمان قتل ایتدک
 نه لازم کلور بن دخی بوسه عاده طالیم که داخل فرقه شهداء کر بلا اولم
 فی الحال اول نو مسلمان شهید ایتدیلر حجة الله علیه (و کتاب ربيع
 الاخبارده مسطوردر که عبد الوهاب نام برتر رسالت طریقله روم

دیارندن کلوب اول محفاده حاضر ایدی حضرت امامک رخسار شریفین
 کوروب آه چکر سوز چکوب ایتدی بن حضرت رسولک ایلم حیسانده
 تجارت طریقله مدینه یه گتمش ایدم استدمکه حضرت رسوله بر تحفه
 نذر ایدم صحابه دن استفسار ایتدمکه حضرت رسول نه جنس نسیبده
 طابلدردیدیلر طبع مبارک لری عطر یانه راغبدر ایکی نافه مشک ایلر بمقدار
 عنبر اشهب آلوب اول حضرتنه تحفه ایلتم اول حضرت ام سلمه سر ایتده
 ایدی عرض ایتدم بیوردیکه ای عزیز اسمک در دیم عبدالوهابدر
 بیوردیلرکه اگر دین اسلامی قبول ایدرسن بن دخی تحفه کی قبول ایدرم
 سیمای مبارکندن بکام معلوم اولدیکه حضرت عبسی وعده قبلدینغی پیغمبر
 اواذر فی الحال ازاله قاتلریله مسلمان اولدم و برمدتد که ایمانی اخفا قبولوب
 دیارنده امر وزارتیه مشغول ایدم حقا که اول کون حضرت رسولک
 حضور شریفنده ایدم بوعز بکه حالاسر مبارکی زاتله حضور کده در
 طفل ایدی ناکاه حاضر اولوب حضرت رسول الله آنی بغرنه باصوب
 رخسارین رخسارینه سوروب دیدیکه واجب الوجود رحمتدن بینصیب
 اولسون اول بدبخت کیم ستمک قتله که رضا ویره ونقل ایتدیکه برکون
 دخی حضرت رسول ایلر مسجدده ایدم بوعز بن اولوقرنداش یله کلوب
 دیدیلر یاجده قدرت و قوت تفاوتنده بر یمنز ایلر ناعمز وارددر حالمدعامن
 بودرکه حضور کرده مصارع ایدم هر کیم قدرت و قوتی زیاده ایسه
 معلوم اوله اول حضرت تبسم ایدوب ایتدی ای نور دیده لر مصارع ایتدک
 سزدن مناسب دکل اما هر بریکر خط یازک هر کیم حسن خطی زیاده
 ایسه او غالب اوله شهراده لر قبول ایدوب هر بری بر خط یازوب حضرت
 رسول الله عرض ایتدیلر حضرت رسول هیچ ریت خاطر یملول اولمق
 مصالحتی ایچون ایتدی ای چکر گوشه لر خط لری بکری علی مرتضایه کو سترک
 اول تمیز ایتسون شهراده لر خط لری مرتضایه کو سترکده ایتدی سیدلر
 والده کزه عرض ایدک اول تمیز ایلسون شهراده لر حضرت فاطمه زهرا یه

عرض ایندکرنده ایتدی ای مخدوم زاده لر بنم خط علمنده وقوفم بوقدر
 اما بر نیجه دانه لؤلویه مالکم سزم نثار ایدیم هر کیم زیاده جمع ایدر سه اول
 غالبدر پس حضرت فاطمه زهرا اول کوهر لری اول در لره نثار ایدوب
 شهر زاده لر جمع ایتدیکه توجه قیلد قدده حضرت رسولدن استماع ایتدیکه
 حضرت عزت جبرائله امر ایتدیکه ای جبرائیل بر یوزینه اینوب
 بولؤلور لری مساوی تقسیم ایت قویمه کیم تقسیمده تفاوت بولوب
 بر یسنک خاطر بنه غبار الم ابریشه نامل ایلدک ای عز زلهر گاه که حضرت
 عزت و حضرت مصطفی و حضرت مرتضی و حضرت فاطمه زهرا انلره
 ملالت روا کورده لر زهی بد بخنلر که بونجه ظلمی انلره روا کورده لر که برین
 زهرا یله هلاک ایدوب و برین تیغ تسلط مستحق کورده لر (شعر) ای دعوی
 سعادت اسلام ایدن گروه * حاشا که قتل آل پیغمبر روا اوله * وای اول لعین
 مدبره کم سوء فاعلاه * محشر کوننده خصمی انک مصطفی اوله * اهل مجلس
 بو حکایتدن متأرا ولوب فریاده کلدی لر یزید پلید ایتدی ای عبدالوهاب
 بو کلماتک سبب فتنه اولور اگر حرمت صحبت رسول الله اولمسیدی سکا
 سبب است ایدردم عبدالوهاب ایتدی ای بد بخت حرمت رسول خلقه لازم
 اولان یرده آنک اولادنه نیجه لازم اولماز یزید ملزم اولوب امر ایتدی
 آتی مجلسدن چیقاردیلر اندنصکره حکم ایتدیکه اهل بیتدن بعض
 کسینه بی احضار ایدمزم ام کلثوم وزینب امام زین العابدین حاضر اولوب
 رده الندن زینبک نظر مبارکی حضرت امامک رخسار شریفه
 دوشوب بی اختیار فریاده کلوب ایتدی (شعر) ای فلک شرم ایت
 نه بد عتدر که بنیاد ایلدک * خاندان احمد مختاره پیداد ایلدک * اهل بیت
 مضطغایه بیک ستم کوردک روا * تازی بد پر جفانک کوکلی شاد ایلدک
 بونه فکر باطل وانیدیشه پیهوده در * کیم یقوب بیک کعبه بریتخانه آباد
 ایلدک * ای یزید پر جفا هر کیمسه برآد ایلش * سندی بو ظلمه عالمده برآد
 ایلدک * یزید ایتدی بو کیم در دیدیلر همشیره حسین بن علیدر * ام کلثوم

دخی بر جانبدن خروشه کلوب ایتدی ای یزید رخصت ویرکه حضرت
 حسین ایله بردخی ملاقات ایدوب وداع ایدم اجازت حاصل ایدوب اول
 دمده سرمبارکی انه آلوب رایحه کیسوی مشک بارندن بر زمان بیهوش
 اولوب اوزرینه کلدکده ایتدی ای یزید امیدوارم اول واجب الوجود
 درگاهندن که عذاب آخرتدن مقدم عذاب دنیا به کرفتار اولوب هر ادبکه
 یتیمه سن یزید ایتدی ای خاتون کوردیکریمکه دعوی کاذبه کن نتیجه
 ویردی ام **ک**لثوم ایتدی ای یزید (ان المنافقین الکاذبون) منافق
 کاذب در (و یعذب المنافقین و المنافقات) وحق تعالی منافقین و منافقاتی
 معذب ایدر الله که بخاندان نبوت و لایق یزید انلردن منحرف
 اولوب امام زین العابدین توجه ایدوب ایتدی بو کیمدر دیدیلر علی بن
 حسین در یزید ایتدی علی بن حسین مقتول اولدیمی دیدیلر اول علی
اکبردر بو بیمار ایدی یزید ایتدی ای زین العابدین حسین استدعا
 قیلوردیکه منبرلده جلوه قیله و خطبه لر بیان اید الله الله که جلوه کاهی
 رؤس رماح اولدی و بنم دولتم انی مقهور و مخذول قیلدی امام
 زین العابدین ایتدی ای یزید بنای منبر بنم اجداد مدتمیدر یاسنک و رسم
 خطبه بنم جانمزدنمیدر یاسنک طرفه کنن ای یزید دولت دولت اخرویدر
 واول بزه ميسردر و سعادت سعادت باقیدر واول بزه مقرر در (والذین
 جاهدوا فی سبیل الله ثم قتلوا اوماتوا لبرزقههم الله رزقا حسنا) ای غافل
 سکادخی ایتدیکل عمل جراسی عن قرب ب عائد اولق مقرر در (ومن یقل
 مؤمنا متعمدا فجزاؤه جهنم خالدافیه) (شعر) ای که هر کنز قیلبوب اندیشه
 روز حشر دن * سبئات محضدر پیوسته افعالك سنك * اول زمانه کیم
 مصطفی خاصم اوله حاکم کرد کار * سندخی یشک ییلور سنکم نواور حاکم
 سنك * یزید انک کمانندن غضبتك اولوب قتلنه حکم ایتدی ام کلثوم
 وزینب فریاده کلوب ایتدیلر ای ظالم بی دین بو طفلدن غیری خاندان
 نبوته صاحب ولایت قالمدی بو ظلم صریحدر (شعر) انادیک یا جداه

یا خبر مرسل * حسینک مقتول و نسلک ضایع * یزیده بوکلماندن هول غالب
اولوب امام زین العابدینک قتلندن تجاوز ایدوب حضورنه کتوروب
اوغلنه مقارن بمقام تعین ایدوب ایتدی ای زین العابدین بنم اوغلم سنکله
قریندر انکله مصارعنه ایتکله قادر مسین امام زین العابدین ایتدی
مصارعنه سهادر اما هر بریمزه برآلت حرب و یروب حکم ایت مجادله
قیله لم غالب اولان مغلوبی قتل اینسون بوتسکلمده ایکن ناکاه صدای نقاره
نوبت چیقوب بارگاهه زلزله راقدی یزیدک اوغلی ایتدی ای زین العابدین
بو بنم اتام نوبتدر قتی سنک نوبتکز زین العابدین ایتدی بمقدار صبر ایت
نقاره دن صکره مؤذنلر ندای الله اکبر چکوب مسامع حضاره غلغله راقده
امام زین العابدین ایتدی ای نطفه یزید بو بنم نوبتدر که تاقیامت
تغیر و تبدل اولمز (شعر) نوبت حکم ملوک ایلر قبول انتقال * شرعدر
اول حکم کم یوقدر اکا مطابق زوال * قطع بولمز رسته پیوند آل مصطفی
* کردن عقبایه صالمشدر مکنند اتصال * حضرت امام زین العابدینک حسن
فصاحتندن یزیده رعشه دوشوب ایتدی ای فرزند حسین بن علی
هر نه حاجتک وارا یسه بندن استدعا قبل حضرت امام زین العابدین ایتدی
قاتل حسینی بکا تسلیم ایت که جزا سنه بتوره یم یزید دفع مظنه ایچون
کوفه سردارلرین جمع ایدوب ایتدی کیمدر امام حسینک قاتلی دیدیلر خولی
بن یزیدر خولی بن یزیدی حاضر ایدوب سؤال ایتدکده ایتدی حاشا که
بن قتل ایتش اولم لعنت انک قاتلنه (النصه) چوق مناظره و مجادله دن
صکره دیدیلر شمر ذی الجوشندر شمر لعیندن سؤال اولندقدنه ایتدی
ای امیر حسینک قاتلی بن دکل یزید ایتدی پس کیمدر شمر ایتدی اول
کسنه در که تهیه اسباب سفر ایدوب حکملر ارسال قیلوب لشکر
کوندروب بو امره مباشر اولدی یزید بوسوزدن متفعل اولوب ایتدی
لعنت سزه و افعالکزه بن امام حسینک قتلنه راضی دکل ایتم دیوب
امر ایتدی فی الحال شمر خنزیری میداننه کتوروب حضرت

امام زین العابدین معرفتیه درت پاره قیلوب هر پاره سن بردروازه
 آصوب سیاسته توردیلر لعنه الله علیه آندنصرکه بروایتده حضرت
 امام زین العابدینه ایتدی بوندن عبیری حاجت تمنا قبل حضرت امام زین
 العابدینی ایتدی اجازت و یرکه اهل بنله متوجه مدینه اولوب جدبزر کو ارم
 تره سی اوزرنده مجاور اولم یزید ایتدی بو حاجتک دخی اجابته مقرونر
 بر حاجت دخی استه امام زین العابدین ایتدی بو کون جمعه کونیدر رخصت
 و یرکه منبره چیقوب بر خطبه بیان ایدم یزید ایتدی بو استماع دخی
 مقبولر اما و شرطله که آخر خطبه ده مناقب آل ابی سفیانی بیان ایده سن
 پس منادیلر صالوب جمیع اهل شامی مسجد جمعه حاضر ایدوب
 ابتدای حالده اهل شامدن بر خطیب منبره چیقدی حدو ثناد نصرکه
 ستایش آل ابی سفیان و مذهب آل ابی تراب ایدوب اولویت یزید و بطلان
 امام حسین خصوصنده مبالغه دل قیلدی حضرت امام زین العابدین
 متحمل اولوب ایتدی ای خطیب خطا قیلد ککه رضای خالق قویوب
 رضای خلق اختیار ایتدک (شعر) ای خطیب سست رأی و سخت
 روی و بی ادب * دامن ناپاکله آلوده قبلدک منبری * مدح اهل
 ظلمه ایتدک خدای خشنک * طعن آل ایتدک مذمت ایلدک پیغمبری *
 اعتبار دولت دنیای فانی سهیلدر * نولدک ای ظالم نیچون یاد ایلر سن
 محشری * خطیبک تعرضند نصرکه ایتدی ای یزید اجازت و یرکه بن منبره
 چیقوب حسب الواقع بر خطبه بیان ایدم چون یزید بیلوردیکه اظهار
 حقیقتدن انفعال چکمک لازم کلور تفاسل قیلوب رضا و یرمدی اما
 حضار مجلس التماس ایتدیلر که اهل حجازک فصاحتی استماع ایتک
 مراد مندر در حق مبالغه نصرکه اجازت و یردی و حضرت امام زین
 العابدین منبره چیقوب مسند رسول الهی وجود شریفله منور قیلوب
 بر خطبه بلیغ ادا قیلدیکه کند ادراک نظری کنسکره ایوان اوصافته
 یتک دائره امکله کیرمز و دریای تفکر مضمون و عبارتنده عقل سراسیمه

ساحله احتمال و رمز * و بدایع عباراتند اصناف لطائف ملکیه
محتوی * و لطایف مضمون سر بفته اسرار ظرایف ملکوتیه منظوی
(شعر) تسلسل کلماتی که تنقید قلوب * فضای عرصه گفتاری صیدگاه
عقول * بلاغتند عیان سر حکمت قرآن عبارتند معین رموز شرع
رسول * شرائط جد و ثبات نصره رموز عظمه بیان ابتدیکه لذات
استماعند نفوس و عقول حضار مجلس رشته علاقه عوالم جسمانیه دن
منقطع اولوب * غرقه دریای حظوظات روحانی اولدیله و ارواح قلوب
سکان محفل شراب ادرا کنند سر مست اولوب ذوق تنعمات حظائر
قدسیه حاصل قیلدیله * فی الواقع بوبر کلام حکمت نظام محضدر دیدیلر
و نهایت سوز جگر دن منبعث اوله سرایتی مقرر در و بر جوهر تکلم که
صدف عصمت و عقندن چقبوب اقتضای اظهار قلبه عدم حسن
قبول نامتصور در (القصد) صفر سنیه کمال فصاحت و نهایت بلاغت
ملاحظه قلوب جمیع اهل مجلس مفتون و معتقد اولدوقده احسن
اصواتله ندا قیلدیله ای قوم بنم و ارت مسافر فضای (سبحان الذی اسری
بعده لیلای من المسجد الحرام الی المسجد الاقصی) بنم مجاور حریم حرم
سرای (فیکان قاب قوسین او ادنی) بنم دردانه دندانه مفتاح ابواب
(انا مدینه العلم و علی بابها) بنم مضمون عبارت (لاسئلكم علیه اجرا
الا الموده فی القرین) بنم نطفه خیر الاصلاح * بنم نفاوه احسن الانساب
بنم شکوفه بهارستان عصمت * بنم غنچه کلین طهارت * بنم جگر کوشه
فاطمه الزهرا * بنم بهوه دل علی مرتضی * بنم نور دیده حسن مجتبا * بنم
سرور سینه سلطان شهدای کربلا * مسند خلافت معنوی جانب والد
زر کواردن بکا موهو بدر * و سریر سلطنت صوری جانب والده
عالیقدر مدن بکامنسو بدر * اول بلبل کلزار فصاحت * و اول طوطی
شکرستان بلاغت کلمات حکمت آنازن * یزید پلیده مؤثر کوروب خلق
تغیر عقیده لرندن احتراز ایدوب مؤذنه اشارت قیلدیله قامت کتوروب

حضرت امامك كمان قطع ایدہ مؤذن ایاغہ طوروب ایتدی (الله اکبر)
 حضرت امام ایتدی (لاشك فيه ولا شبهة ولا شيء اكبر منه) مؤذن ایتدی
 (اشهد ان لا اله الا الله) حضرت امام ایتدی که (اشهد بها الحی ودمی) مؤذن
 ایتدی (اشهد ان محمدا رسول الله) حضرت امام عمامه شریفن فرق
 مبارک کنیدن آلوب مؤذن اوکنه راقوب کبسوی معبرلرین پریشان
 ایدوب ایتدی ای مؤذن بو ذکر ایتدی که محمد حقیچون رساعت
 صبرایت مؤذن خوش اولدقدہ شہزادہ رخس فصاحتی میدان عبارتہ
 براغوب حرارت عصمت و جرأت امامت بلہ احتراز واجتباب ایتوب
 دیدی ای یزید کراہ و لعین بوسول کریم کہ ذکر یزید منابر در آیاسنک
 جد کبدر یانیم * و بوساحب شان عظیم کہ وصفی وردا کا بر و اصاغرد
 آیاسکامی اقر بدر یابکا * اگر درسک بتلزم و کال تجاہلدر * و اگر درسک
 کہ بیلورم * آیانه خیال غلط و اندیشه باطلدر * بو کہ زخارف دنیای
 بنی اعتبار ایچون سرای عاقبتک ویران ایدوب نقد رسول الہمی نشنه
 و حیران هدف سهام بلا * و سپر تیغ جفا قیلوب و مخدرات اہل بیٹی
 ناخبر ملرلہ شہر دن شہرہ کردیروب مبتلا ی محنت غربت قیلدک * اگر
 خلقت کدہ اثر اسلام وارا یسہندر بواستخفاف نقبای اسلام * و اگر یوق ایسہ
 ندر بوسجد و محرابی آلودہ قیلوب عادت باطلہ قیام واقدام ایتک یزید
 لعین اول کلاتدن کمال انفعال بولوب ایاغہ طوروب مؤذنہ امر ایتدی کہ
 اقامت کتوروب مشغول نماز اولدیلر نمازد نصکرہ دفع مظنہ ایچون
 جمیع امر ای شام و کوفہ بی حاضر ایدوب انلرہ نفرین و ناسر ایدوب اظهار
 تأسف قیلدی کہ بن حضرت حسینک قتلہ راضی دکل ایدم لعنت عبیدالله
 زیادہ کہ بوامر قبیحہ اقدام ایدوب بنی عراقی و شامہ بدنام ایتدی
 (شعر) دکل ای سقلہ آسان قتل آل مصطفی قیلق * و فاهان اسیر بند
 بیداد و بلا قیلق * عدالت باغتنک کلبن زدن غنچہ لاوزمک * جفا قیلہ
 برر باشلرن تندن جدا قیلق (کنز الغرائبہ مسطوردر کہ

یزید امین اهل بیتہ کند و سراینده بر منزل تعیین آیت شدی حضرت
 امام حسینک درت یاشنده بر معصومه سی اولوب اول معصومه حضرتک
 التفاتہ معناد ایدی اول حضرت درجه شہادت بواقده هر کون
 متفق اولوب صور دیکه (این ابی) انواع فریله تسکین و برلردی
 بوزمانده که مقاملری یزیدک سراینده ایدی اول معصومه بر کیجه
 والد بزکوارن واقعه سنده کوروب اضطرار به بیدار اولوب فریاد ایتدیکه
 (این ابی) اول نوحه دن یزید بیدار اولوب سبب سؤال ایتدکده اول
 معصومه ک حان عرض ایتدیلر یزید ایتدی حضرت امام حسینک باشن
 اکا کوسترک اوله که تسکین بوله حضرت امامک سر مبارکن رطبه قویوب
 اول معصومه ک حضور نه کتورد کده دیدی و ندر دیدیلر (هذا بولک) اول
 طفل معصومه اکا نظر قیلد قده بی اختیار رخسارن رخسارینه سوروب
 آه جگر سهوز چکوب جا تابشوردی مخدرات اهل بیت اول حال
 کوروب تجدید ماتم قیلوب نوحه لر بنیاد ایتدیلر که یزیدک سراینه تزلزل
 راقدیلر (شعر) ارتور رسن ای فلک اولاد پیغمبر غن * تازه یلرسن دما-م
 اهل بیتک ماتن * تیشه بیدادایله هر دم دکوب برطاشنی * وه که و بران
 ابلدک شرعک بناء محکم * یزید اول حاله مطلع اواقده اهل بیتہ تعظیله
 تعزیت بتوردی ام کلثوم یزیددن استدا قیلدیکه سرای اماره دن
 خارج بر منزل مقرر ایدیلر که اهل بیت آنده ساکن اولوب فراغتله عزایه
 مشغول اولیلر یزید مخدرات پرده عصمت ایچون خارج سرای اماره ده
 بر منزل مناسب تعیین ایتدیروب امر ایتدیکه خواتین اکا برواشراف
 شام جمع اولوب انلرکله عزایه مشغول اولیلر (الفصه) مجمع ماتم مرتب
 ایدوب نوحه لر بنیاد اولوب مرتیلر اوقندی اول جله دندر بو که ذکر
 اولونور (نظم) مانت رجالی وافنی الموت ساداتی * وزادنی حیرة من بعد
 عاداتی (شعر) آه کیم قیلدی جفا چرخ وفادار له * داغلر اوردی
 دمام دلی افکار له * بونجه معصوملری زار و گرفتار ایتدی * هیچ

رحم ایلوب زار و گرفتار لره * مقتل ابی مخنفه مسطور در که یزید پلید
 حضرت امام زین العابدین ایله بعض خدمتکارلر قوشوب شهداگ
 باشلرین کر بلایه و نروب بدنارینه ملحق ایدوب کیر و شامه مر اجعت قیلته
 د کین اهل بیت ایچون اسباب سفر مهیا قیلوب هر برینه مناسب خدمتکار
 و هدیلر و یروب حضرت امام زین العابدین کلد کده نعمان بشیری
 اوتوز مکمل مبارزله خدمتلی ایچون تعیین ایدوب رعایت لرنده مبالغه ل
 قیلوب مدینه یه ارسال ایتدی نعمان بشیر که محب مخلص خاندان ایدی
 مدینه یوانده اهل بیتک خدمتنده کمال سعی و اهتمام ظهوره کتوروب
 نزول و ارتحال لرنده طریق ادب له بر مر تبده رعایت قیلدیکه خواتین
 اهل بیت شا کر و راضی اولدیلر مدینه قرینه یتد کده ام کلثوم زینه
 ایتدی ای همشیره عزیزه نعمانک اداء حقوقی بزه لازم اولدی صلاح
 ندر زینب ایتدی (مانناشی الاحیلتا) یعنی حلیه من دن غیری نسنه یه
 قدر تمیز یوقدر پس اعضا لرندن حلیه لری ن چیقاروب بر طبقه قویوب
 نعمانه ارسال ایتدیلر که بو خدمت دنیادر انشاء الله جزای خدمتک
 آخرنده ظاهر اولور نعمان اول حلیه لری یته کیر و دوندروب
 تضرع قیلدیکه ای خواتین اهل بیت نبوت اگر چه بو خدمت ظاهر ا
 یزید حکمیه صورت بولدی اما حقیقته بنم مقصودم بوا بدیکه خاندان
 عصمت و عفته لایق بر خدمت شایسته بو بنده بیچاره دن ظاهر اوله
 المنه لله که مبرر اولدی (شعر) لله الحمد که شایسته درگاه اولدم * معنی
 و صورت اخلاص دن آگاه اولدم * عاقبت منزل مقصوده بترسم تعجب * اهل
 اعجاز کرامتله همراه اولدم (الفصه) اهل بیتک تشریف قدومندن
 خبر دار اولوب اهل مدینه ذکور و اناث صفار و کبار ناله و افغان ایله
 استقبال ایدوب حضرت امام زین العابدین و خواتین اهل بیتی لباس
 مآتمه کریان و پریشان کوروب سینه لری ن چاک و دیدلری ن نمناک ایدوب آه
 و واهله دیرلدی (شعر) ای سپاه من کمر نولدی سپه سالار بکر * ناله بکر

سلطانك بآلة قفى سردار بكر * نيشه اولمش لهلكون لولو آب چشمكز *
 نچه ريك ياشمن طومش كل رخسار بكر * نند بكر اول شهر يار معدلت
 انار بكر * لطف اولشدى انيس ومونس وضع خوار بكر (القصه) مدينه
 غلغله اهل عزادن برزله دوشديك درو يواردن صدای نوحه سطح
 آسمانه ايرشدى (ونزه الارواحده مسطور در كه بش نوبت مدينه
 اويله مصيبت واقع اولديكه غوغاسندن مقدمه قيامت تصور ايدوب
 خلق استغفار به باشديلر * برنوبت حرب احده حضرت رسول الله
 مقول الرحيره قالوب ابليس ندا قبلدغه (الآن قد قتل محمد) و برنوبت دخی
 حضرت رسالت داردنيادن رحلت ايند كده و برنوبت دخی حضرت
 عر تضالك خبر وفاتى ايرشد كده و برنوبت دخی حضرت حسين مدينه دن
 مكه ميه توجه ايند كده و برنوبت دخی اهل بيت شامدن مدينه كلكده
 (روايندر كه اهل بيت چهره و كسولرين غبار را هندن پاك ايتندن و رنج
 سفر دن استراحت بولدن روضه سيدكائات و مقبره موجوداته متوجه
 اولوب فریاد و فغان ايدوب سلام و يروب عرض حال ايند يلكه ياجده
 و ياشيده باده كر بلاسر كردانلری ز وديار غربت حيران و پريشانلری يز
 پنجه حوادثدن كريسانمز چاك و طبايحه مصائبدن ديده من نمنالك
 (شعر) بار رسول الله بيابان بلا سياحير * گلشن درگاهكه زار و دلفكار
 و حزين * شمع زهنگاهم ز باد فنادن فوت اولوب * همدم اولشدر بزه نيران
 آه آتسين * رختريلا به كشم ملكم ز اولمش خراب * حالم ز اولمش مكدر
 كوكلر اندوه كين * بونوعه نوحه لرقيلور كن ناكاهام سله حجره طهارتدن
 خراشیده روی و پريشان روی استقباله كلوب و شيشه خاك كر بلا الله
 قانه دوش مطهرات اهل بيت ام سله يى بو حال ايله كوروب برنوعه ماتم
 ايند يلكه سكان طبقات سمايحه عبادتلى بن الدين را غوب دائره مجلسلى
 حيران قالديلر و عباد عبادتخانه عليا اوراده معارفلى بن فراموش ايدوب
 انلرك عزاسمه متوجه اولديلر (عيون الرضاه مسطور در كه فرزند

دعبل خزاعی روایت ایتشکه والده مک حین موندنه رخسارنی سیاه
 کوردم غایتده متخیر ایدم بر کجه واقعهده کوردمکه خرم و خندان و لباس
 فاخر له جنت ایچره سیر ایدر دیدم ای والد بزرگوار حین وفاتیکده حالک
 اهل جرایم حالنه مشابه ایدی حالا صورت حالیکده نشانه اهل صلاح
 ملاحظه اولنور حکمت ندر دیدی ای فرزند عزیز غایت عصبانله
 دیادن چیهدم اما حضرت رسول بندن سؤال ایتدیکه ای دعبل شهید
 کر بلامریبه سنده نه دیمش سن تقریر ایله بنی دخی ادا قیلدم یویت اول
 جله ندر (بیث) لا اضحک الله نغر الدهر ان ضحکت * و آل احمد
 مظلومین قد قهرها * و بن اوقودخه حضرت رسول الله رقت ایدوب
 آغلردی تمام اولدوقده بواوزرمده کی خلعتی انعام ایدوب کنناهلریمه شفیع
 اولدی (شعر) اهل بیتک شواصریبه سی * احسن افضل فضایلدر *
 کیمکه بر بیت اول خصوصده دیر * اول دخی اهل بیته داخلدر (روایتدر
 نقل صحیح ایلکه قائل حسین بر آتشین تابوت ایچره مقید اولوب سلاسل
 واغلا الله معاقب اولدوقده در قیامتهدک (وصحف شریفده) اسناد
 رضویه دن نقلدر که حضرت رسول بیورمشکه موسی بن عمران هارون نبی
 فوتند نصر کره روی تضرعی درگاه واجب الوجوده طو توب هارون ایچون
 رجت استدعا قیلدی حضرت عزیدن وحی کلدیکه یا موسی اکر بندن
 جمیع خلق ایچون رجت استدعا قیلد قبول ایدرم اما قائل حسنین
 کنناهندن تجاوز ممکن دکلدر انک انتقامن بن السم کرک (شعر) کر عذاب
 اهل دوزخ جرمی مقدار نیجه در * وای اکا کیم ایلش قتل شهید کر بلا
 اول سبیدن کیم شهید کر بلانک قدرنی * ایلش اعلی جمیع خلقدن رب
 العلا (کنز الغرائبده مسطوردر که جمیع اژدها لک مهتری بر اژدردر که
 شدید نام هر کون یش نوبت تتره یوب اعضا سندن زهر هلاهل دو کور
 حضرت عزیدن ندا کور که ای شدید صبرایت که قائل امام حسینی تعذیبی
 سکا منسوبدر (روایتدر که اهل کوفه وشامدن هر فرد که اول معرکه ده

ایدی یوعقوبته شریکدر (کنزالفراشته مسطوردر امام سپری
 نقلیه که برکون مجلسیده بودکر اولنوردیکه واقعه کر بلاده مسرور
 اولنلر سر بسر دنیاده و آخرتده هوراوله ^ل خوارجدن بر بدبخت آده
 حاضر ایدی بو کفتاره انکار ایدوب دیدی بوسوز کنبدر زربن اول
 جله دنم واصلایکا بر مکروه متوجه اولدی حقا که هنوز کفتاری تمام
 اولدن چراغ مجلسدن بر شراره رخته دوشوب زبانه چکوب هیچ
 بوجهله تسکین بولوب اول بدبختی یاقدی و بصورت اولوالابصاره
 موجب تزايد اعتبار اولدی (امام حسن بصری نقل ایشکه تحقیق
 مسائل شرعیه ایچون بر متعلم بنم مجلسه تردد ایدردی وهه بشه اندن
 بر رایحه مکروه ظاهر اولوب اهل مجلسه کدورت یتوردی امانعنه
 حیا مانع اولوردی عاقبه الامر اول رایحه نک سببین سؤال ایتدکه
 منفعل اولوب ایتدی ای عزیز بن اول طائفه دنمکه واقعه کر بلاده
 محافظت فرات ایچون مأمور ایشلر ایدی محارب دینصرکه بر کیجه
 واقعه کوردم قیامت اولمش و بن غایتده تشنه نیم ناگاه کوردمکه
 حضرت رسول و حضرت علی مرتضای حسن مجتبا و حسین مظلوم
 وشهید کر بلا حوض ککوثر کنارنده جمع اولشلر و بعض ملازمیری
 اول حوضدن اصحاب و احبابه صوویرلر بن دخی الخاح ایدوب بر جرحه
 صواستدم و برمدیلر فریاد ایتدکه تشنه ام حضرت رسول مطلع اولوب
 ایتدی نیچون بوقیره صوویرمز سز ایتدیلر یا رسول الله بوشخص اول
 طائفه دندرکه محارب کر بلاده حفظ فرات ایچون تعیین اولمشلر ایدی
 حضرت رسول ایتدی (اسقوه فطرانا) بن قطرانی صوتصور ایتدم تجرع
 ایتدکه رایحه سندن نفرت ایدوب هول وهراسله بیدار اولدقده بوزجت
 بنده پیدا اولدی امام حسن بصری اول حالتدن واقف اولدقده انی
 مجلسدن منع ایدوب اول بدبخت اقرب زمانده اصعب بلایله دنیادن
 کتندی (ابوالمفاخر دن منقولدرکه بر شخصی طواف کعبه ده کوردم

نقابہ کبرمش تضرع ایدردیکہ یارب کنناہمی عفوایت اگرچہ بیاورم کہ
قابل عفو دکلدر اشرف مکہ ایتدیلم ای فقیر نومیدانک کفر در دیدی ای
قوم بن اول کروہد نم کہ شہدائک باشلری شامہ کتند کدہ محافظہ سندہ تعیین
اولنلردن ایدم واول بدبختلر ہر منزلدہ شہد باشلری اولان صندوقلری
ارایہ آلوب واطرافندہ اول محاسن خرمی تبایدوب ارتکاب لعب ولہو
ایدرلردی اما بن ارتکاب ایتوب عملارین مشاہدہ قیلوردم برکچہ جملہ
مستحق ظلمست اولوب بن تنہا قالدقہ ناکاہ کوردم کہ کوکدن برخیمہ
نورانی اینوب مبارک باشلرک مقابلہ سندہ قوریلوب واول خیمہ دن اوچ کسنہ
چہرہ نور افشاندہ چیقوب اول باشلری صندوقدن چیقاروب
زیارت ایدرلردی بن توہم تمام ایلہ مشاہدہ ایدرکن اوزرمدہ برپیروشن ضمیر
نورانی کوروب سؤال ایتدیکہ بونلر کتدر دیدیکہ بونلردر گاہ آلمقر بلریدر
یعنی جبرائیل ومیکائیل واسرافیل در برزماندنصرکہ کوردمکہ جبرائیل
خیمہ گاہہ متوجہ اولوب ایتدی انزل یاصفی اللہ کوردمکہ حضرت آدم
وشت وادر یس چیقوب اول باشلری زیارت ایتدیلم انلردنصرکہ ایتدی انزل
یا نبی اللہ کوردمکہ نوح وسام چیقوب اول باشلری زیارت ایتدیلم انلردنصرکہ
ایتدی انزل یا خلیل اللہ کوردمکہ ابراہیم خلیل واسمعیل واسحق ویسحاق
چیقوب اول باشلری زیارت ایتدیلم * انلردنصرکہ ایتدی انزل یا کلیم اللہ
کوردمکہ موسی وهارون چیقوب زیارت ایتدیلم * انلردنصرکہ ایتدی
انزل یاروح اللہ کوردمکہ حضرت عیسی چیقوب مبارک باشلری زیارت
ایتدی انلردنصرکہ ایتدی انزل یا حبیب اللہ کوردمکہ محمد مصطفی صلی اللہ
علیہ وسلم تشریف بیوردقہ سرب مبارک حضرت حسین شہید شمش
قدم مقداری استقبالی ادوب چہرہ مبارکن قدم رسول اللہ سوروب
آواز حزین ایلہ فغانہ کلدیکہ باجداء ملاحظہ قیل کہ امت بیوفالر کدن
بکانہ بلالرا یرشدی حضرت رسول علیہ السلام رخسار شریف رخسارینہ
سوروب وجہ انبیا اتفاق ایلہ عزایہ مشغول اولدیلم (شعر) سہلدر

اولیکیم همین حوادن آدم اولدی دور * اولدی مجموع اتباع و عیالندن جدا
 * سهدار اول غم که دوشدی بحره نو حک زورقی * کورمدی دریای خواب
 ایچره کرداب فنا * سهدار کم بتدی ابراهیم غرود آتشی * یتدی رق جهان
 سوز فراق قربا * سهدار کیم چکدی بیدادینی فرعونک کلیم * اولدی
 دشمن اکابر کافر مؤمن نما * بی تکلف عقل میر انیله تحقیق اینسدر * جلّه
 اندوه مجموع گروه انبیا * کلز اولقدار محنت لرحه کم صبر ایلوب * چکدی
 اهل ظلمدن مظلوم دشت کر بلا (روایتدر که اول تعزیت اناسنده
 جبرائیل علیه السلام رسول الله ک خدمت شریفه کلوب ایتدی یار رسول الله
 حکم حضرت عزتدر که ا کر رضای شریفک اولور سه کوفه شهرین
 لوط قونک شهرینه دوندرم * حضرت رسول الله ایتدی ای جبرائیل بنم
 صبرم سائر انبیدان زیاده در صبر ایدرم قیامت کونی عذاب شدید ایله
 انلردن انتقام آلورم جبرائیل ایتدی یار رسول الله حکمدر که بو مستحقظلری
 ملائکه عذاب آتش سوزان ایله یقال * هم اول ساعت فرشتهلر حربه
 آتشین چکوب اول جماعتنه جلّه قیلدیلر واللی نفر مستحقظلرک فرق
 طهوزی یانوب نوبت بکا کلد کده تضرع ایتد مکه الامان الامان
 حضرت رسول الله ایتدی لا غفر الله لک بن یلورم که دعای حضرت
 رسول مستجاب در و بن مغفور اوله حق دکلم * دیدیلر که نقاب طومعه
 سبب ندر دیدیکه اول واقعه هواندن لونم متغیر اولدی پس چوقه بالغه ایله
 یوزندن نقابی آچد قدّه کوردیلر که پیکری بوزولش اول بد بختی کعبه
 طوافندن منع ایدوب چیقاردیلر شهر دن چید قدقه همان برصاعقه پیدا
 اولوب اول ناپاکی پالک یاقدی (شهر) ا و ظلم و ستم در غضب قهر سبب *
 ظلم اهلینه دوشر صاعقه قهر و غضب * و دخی اکثر اهل تفاسیردن نقلدر
 وصححه یتشدر که واقعه کربلا در نصره عبید الله زیادک لشکرندن سوار
 و پیاده و خادم و مخدوم کاشا ماکان هیچ بر فرد اسایش و حضور له
 معاش ایتوب هر بری قبل الموت بر عذاب کرفتار اولوب اول عذاب له فوت

اولدیلر * خالد بن یزید حضرت امامک عمامه شریفن فرقه بار کندن
 آلوب تصرف ایتش ایدی دماغی مخطط اولوب علت سودا ایله زنجیرله
 کوروب اول قید ایله سلسله (زرعهها سجون ذراعا) قیدنه دوشدی و جعفر
 ابن خضرمی پیراهن شریفن بدن لطیفندن چیقاروب آتشیدی و اول
 پیراهنده یوزیمش زخم تیغ و تیر اولوب فی الحال اول بدبخت ابرص
 اولوب اول علت ایله دنیادن کتدی واسود بن خنظله شمشیرنی تصرف
 ایتدی علت جذامه گرفتار اولوب اول علتله دنیادن کتدی و مالک بن
 یسار جوشنلرین تصرف ایتدی خفت عقل پیدا قیلوب مصروع اولوب
 صوقاقلره دوشدی عاقبت طفلار طاشیله هلاک اولدی * ودخی
 شواهد النبوه مسطوردر که شمرا این بر مقدار اسرفی حضرت امامک
 رحوتندن چیقاروب نهب ایتشیدی بعضیسن حلیه ایدوب اولادنه
 و یرمک داعیه سن قبله قدغه اول طلایه معدوم اولوب شمرا این اول حالته شک
 کتوروب زرگری کندی حضورنه کتوروب اول طلائک بعضیسن دخی
 بویه قوید قدغه تمام معدوم اولدی (روایتدر که بعض بدبختلر شهراده نک
 قطارندن ناقار ذبح ایدوب تناول ایتدکده مثابه زهر اولوب اکلای
 مہسر اولدی (القصة) قتلائی حضرت حسین عقوبات اخرویه دن مقدم
 عقوبات دنیویه گرفتار اولمدین دنیادن کتدیلر (مرأت الجنانده
 مسطوردر که واقعه کربلا دن صکره اقرب زمانده عبیدالله زیاد ملعونک
 سرنا نحوستن قطع ایدوب کوفه مسجدی اوکنه بر اقدیلر امام زهدی
 عماریدن نقل ایتشکه بن انده حاضر ایدم کوردم دیواردن رافعی
 چیقوب عبیدالله زیاد بدبختک دماغ نحو سننه کوروب وینه چیقوب
 زنجیره نوبت بوعلی ایدردی مشاهده ایدلره محقق اولوب معلوم
 اولدیکه بومقدمه عذابدر (وشواهدده مسطوردر که مدینه ده بر
 بدبخت حضرت امامک قتله مباشرت ایتدی وهم اول کجه بر آواز
 اشدیکه آسمانن کلوردی (نظم) ایها القاتلون جهلا حسبتا * ایشروا

بالعذاب والتکبیل * و دخی امیدوار مکدهوم اطف الهی * و شمول
 فضل نامتناهی * و اول احبای صادق الاخلاص و اودای قدیم
 الاختصاصه قرین حال * و کفیل حسن آمال اوله که هر ماه محرم
 تجدید ماتم شاه کر بلا * و تحریک سلسله تعزیت شهدا قیلوب دیده * کر بان *
 و دل بر بان ایله متوجه کسب ثواب ذبیوی و اخروی اولوب اجر لر بولر
 (شعر) هجوم محنت دوران ملولی * کر فتار غم عالم فضولی * دکل اول الهجته
 کفتاره قادر * کیم اوله قابل سمع کار * قیلور جمعیت دل لفظی دل کش *
 مشوش سوزن الامشوش * کل ای حار تکلمدن خبر دار * ترجم قبل
 تعرض قیله زهار * و جلله * و ایدن اشبو مصیبت نامه مؤلفه و کاتبه
 و مستمنه دخی دعاء خیر تصدق قیلوب و ثواب دخی موجب مزید
 حسنات اوله * (مرثیه) ماه محرم اولدی شفقندن چقبوب هلال *
 قیاش عر ادا و کوب قدخم بله اشک آل * اولاد مصطفی به مدد قیلمش فرات *
 یکور مسوغنی پرلهانی بوانفعال * چوقدر حکایت الم شاه کر بلا *
 البته چوق حکایت اولور موجب ملال * عزیم ایاک غم شهدا شرحن
 ایتکه * هر سبزه کر بلا * آچو بدر زبان حال * تجدید ماتم شهدا
 قیلدی روزگار * زار آغه ای کوکل و کون اولد قیچه احتمال * میدان چرخ
 جلاوه کدود آه قبل * کدودونه کسوت ماتم سیاه قبل (نظم دیگر) ماه محرم
 اولدی مسرت حرامدر * ماتم و کون شریعت به احترامدر * تجدید ماتم
 شهدا نفوس سز دکل * غفلت سرای دهرده تنبیه عامدر * غوغای کر بلا
 خبرین سهل صاعه کیم * نقص وفای دهرده دلیل تمامدر * هر ذره
 اشک کم دو کلو * ذکر آل ایله * سیاره سپهر علوم مقامدر * هر مدآه کم چکبلور
 اهل بیت ایچون * وفتاح باب روضه دار السلامدر * شاد اولسون
 بو واقعه دن شاد اولان کوکل * بر دم بلا و غصه دن آزاد اولان کوکل
 (نظم دیگر) تدبیر قل آل عبا قبلدک ای واک * فکر غلط خیال خطا
 قبلدک ای واک * رفی سحاب حادثه دن تیغ لر چکوب * برحواله شهدا

قیلدک ای فلک عصمت حرم سراسیمه حرمت روا بکر * پنامال خصم
 و بی سرو پا قیلدک ای فلک * صحرای کر بلا ده اولار توشنه لباره * ریک
 روان وسیل بلا قیلدک ای فلک * تخفیف قدر شرعدن اندیشه قیلدک *
 اولاده مصطفایه جفا قیلدک ای فلک * بر رحم قیلدک جگری قان اولنلره *
 غریبه روزکاری پریشان اولنلره (نظم دیگر) با صدقه کر بلایه قدم شاه
 کر بلا * اولدن نشان تبرستم شاه کر بلا * دشمن اوقینه غیر سپر
 کور میوب روا * یاقشیدی جان داغ لم شاه کر بلا * اعدا مقابله
 چکنده صف سپاه * قیامت دی مد آهی شاه کر بلا * دود دل پر آتش
 اهل نظاره دن * آتش دی پرده دار حرم شاه کر بلا * اولد قبحه عمری راحت
 دل کور میوب دی * اولمش همیشه همدم غم شاه کر بلا * باشاه کر بلا
 نه روا بونجه غم سکا * درد دمامد والم دمدم سکا * (نظم دیگر) ای
 درد پرورالم کر بلا حسین * وی کر بلا بلال بنه مبتلا حسین * غم پاره پاره
 بغری بالدردی داغله * ای لاله حدیقه آل عبا حسین * تیغ حفا یله
 بدک اولدی چاک چاک * ای بوستان سبزه تیغ جفا حسین * یقیدی
 وجود یکی غم ظلمت سرائی ده * ی شمع زمر که کبریا حسین * دور فلک
 ایچدی سکا کاسه کاسه فار * ای تیشه حرارت برق بلا حسین * یادایت
 فضولی آل عبا حالن ایله آه * کم برق آهله یاقبلور خرمن کلاه * اگر چه
 اظهار سلسله سیادت داخل احوال کر بلا و شرح ابتلای انبیا اولیوب
 بونسخه ده ایرادی مناسب دکل اما تتبع مضمون روضه الشهدا ایدوب
 طریق اجمال اوزره تقریرینه اقتضا فیلغین اولیله که شواهد النبوه ده
 مسطور در عرض اوانور بیات کر کدر که اصح روایاتله حضرت
 امیر المؤمنین علی بن ابی طالب حضرت تارینک اووزاتی عدد اولادی اولوب
 اول جله دن اون سکر عدد ذکور و اون سکر عدد انادر و بعض روایتده
 اون طفوز عدد ذکور و اونیدی عدد انادر * اول جله دن التي عدد ایام
 حیاتنده متوفیه اولوب واتی عدد کر بلا سه شربت شهادت نوش ایتدیله

اما مشهور اولاد بونلدر که ذکر اولاد امام حسن و حضرت حسين
 و محسن و يحيى و عبدالله و محمد حنفى و ابوبكر و عمرو عثمان و عون
 و جعفر و عباس در و الله اعلم (و حضرت امام حسن اكبر اولاد فاطمه
 زهرا در و اينكنجى امامدر ولاده شريفى رمضان شريفك اون بشنجى
 كونده و هجرت نبويهك اوچنجى بلنده در وفاتى صفر آينك اون
 طقوزنجى كجه سنده هجرتدن الى ييل كچد كدن صكره و مدت عمر
 شريفلى قرق الى ييل و آلى آى و اون بش كونايدى و اون الى عدد
 اولادى اولوب اون رى ذ كورايدى انلردن مشهور اولاد بونلدر زيد
 و حسين و طحله و اسماعيل و عبدالله و حمزه و عبدالرحمن و قاسم و عمردر
 و الله اعلم (و حضرت امام حسين اوچنجى امامدر ولادت شريفلى
 هجرتك دردنجى بلنده واقع اولوب و مرصعه سى ام الفضل ايديكه زوجه
 عباس بن عبدالمطلبدر و اولادلى على اكبر و على اوسط و على اصغر
 و عبدالله و محمد و جعفر در و الله اعلم (و حضرت امام زين العابدين دردنجى
 امامدر ولادت شريفى هجرتك اوتوزالى الى بلنده واقع اولوب وفاتى
 بشنجى بيانده واقع اولاددر اون سكر عدد اولادى اولوب اول جله دن
 طقوز عدد اناث و طقوز عدد ذ كوردر اما اولاد ذ كوردرن مشهور اولاد
 بونلدر محمد باقر و عبدالله باهر و زيد شهيد و عمر اشرف و حسين اصغر در
 و الله اعلم (و حضرت امام محمد باقر بشنجى امامدر كنيتى ابو جعفر و لقبى
 باقر در ولاده شريفلى مدينه ده جمعه كوفى صفر آينك اوچنجى كوفى
 هجرتك الى يدنجى بيانده واقع اولدى يدى عدد اولادى اولوب اول جله دن
 مشهور اولاد جعفر و عبدالله و ابراهيم و على در و الله اعلم (حضرت
 امام جعفر صادق النجى امامدر ولادت شريفلى مدينه ده دوشنبه كوفى
 ربيع الاولك اون يدنجى كونده هجرتك سكرسان بلى كچد كده واقع اولاددر
 و اكثر علوم غريبه اكا منسوبدر مثل جفراجر و جفرابيض و جعفر جامع
 و مصحف فاطمه كى و يدى اولادى اولوب اول جله دن مشهور اولاددر

بونلردر اسمعیل و عبدالله و موسی و اسحاق و محمد و عباس و علی در والله
 اعلم (و امام موسی کاظم بدینجی امامدر ولادت شریفی یکشنبه کونی
 هجرتدن یوز یکرمی بدی ییل کچد کده در و هارون الرشید حبسنده وفات
 ایتدی و التمش عدد اولادی اولوب اول جله دن او توزیدیسی اثاث یکرمی
 اوچی ذکوردر مشهور اولانلر بونلردر عباس و هارون و اسحاق و اسمعیل
 و حسن و رضا و مرتضی و ابراهیم و محمد و جعفر و الله اعلم (و حضرت
 علی بن موسی رضا سکرنجی امامدر ولادت شریفی مدینه ده
 پنجشنبه کونی نصف ربیع الآخرده هجرتک یوز الی ییلی کچد کده واقع
 اولدی * و اول حضرتک بش عدد اولادی اولوب محمد و حسین و حسن
 و جعفر و ابراهیم در و الله اعلم (و حضرت امام محمد تقی طقوزنجی امامدر
 ولادت شریفی جمعه کونی نصف شهر رجبده هجرتدن یوز طقسان بش
 ییل کچد کده واقع اولوب متصمک ایام خلافتده زهرا یله شهادت بوالدی
 و ایکی عدد فرزند سعادتمندی اولمش علی هادی و موسی در و الله اعلم
 (حضرت امام علی نقی اوننجی امامدر ولادت شریفی مدینه ده رجب
 آتیک اون اوچنجی کوننده واقع اولدی و مستنصرک ایام خلافتده شهید
 اولدی و اوچ اوغلی اولوب حسن و حسین و جعفر در و الله اعلم (حضرت
 امام حسن عسکری اون برنجی امامدر ولادت شریفی مدینه ده
 واقع اولوب و اول حضرتک محمد مهدیدن غیری فرزند یوغیدی
 و الله اعلم (و حضرت امام محمد مهدی اون ایکنجی امامدر مذهب
 امامیه مقتضاسنجیه سلسله امامت انده ختم اولدی * خاتمه کتب *
 (مناجات) الهی کمال عنایتکدن شرف اختتامه موفق اولان بونسخه
 سامی * و نوال عاطفتهکدن سعادت اتمام بولان بو صحیفه کرامیده *
 ابتدادن انتهایه دک اعمال ستوده لری مذکور و مستور اولان * و افعال
 حبه لری تسطیر و تحریر بولان انبیاء عظام و اولیاء کرام * و شهداء
 ذوی الاحترامک که ساکن سرادقات قرب قبول اولمشلر * و محرمیت

سر پرده سنده تقرب بولشیر مبان ارواح مقدسین و برکات نفوس
 مظهرین * اول پادشاه عالمپناه بدرقه طریق هدایت قبل و طراز
 مهجئه لوای نصرت آیتی که طغیان ارباب ضلالت و بدعت اهل بیت
 مصطفایه مسدودایتدبکی آب فرات انک ایام عدالتده فرمان شریفیه
 دست توسلی دامن کر بلایه آوردی و اول زلال کوثر مثاک تحسرنده
 هلاک اولنلرک ارواح شریفی سیراب ایتکه چشمه التفاتی جویبار
 مرحمت یوردی * شهنشاهی کما کر خامه سبره اوصاف عدان صفحه
 کلزاره تحریرایتسه اوراق اشجاره نسیم تزلزل کذار ایتمز واکر مثال
 زرنکار کل طغرای شریفیه موشخ اولسه استمرار حکمنه تغلب
 خزاندن خلل و تغیر یتمز (شعر) اول شهنشاه فلک رفعت که کسب ایتمش
 کونش * خاک بوس آستانندن علو اوقه دار * اول سرفراز ملک
 سیرتیکیم المش آسمان * خدمت درگاه قدرندن سماء اعتبار * یعنی
 سلطان شهنشاهان و قطب دایره امن و امان * اول المظفر سلطان سلیمان
 بن سلطان سلیم خان * رفع الله به النوائب عن الزمان الی یوم یقوم الحشر
 وینصب المیزان * و اول خداوندکار سعادستگاهک ظل مکرمتده
 و اول کامکار ملائک سیاهک سایه مرچنده همیشه متع اوله *
 و همواره انتفاع بوله * و اول سرور خجسته لقا و اول سردار صاحب
 رأی ملک آرا که بونسخه دلبذیرانک حسن اشارت شریفیه سمت تحریر
 بولش * وانک لطف و اهتمام به مستعد سعادت تسطیر اولش جهان
 دار بکه پیرایه حفظ و حراسته حوزه عراق عرب رنگ نیکارستان چین
 طوتمش * و کمال حرز و حجابی بقعه بغدادی حیرت دار السلام ایتمش *
 کل کلزار دولت و اقبال آفتاب سپهر جاه و جلال * کوه مرعدن سخا
 و کرم * زبده فرقه بنی آدم ملجأ و مرجع خواص و عوام * اعظم واکرم
 عظام و کرام * یعنی کشف الفقراء صدر الامراء معارفه و العز
 و العلاء حضرت محمد پاشا * حفظه الله بما یخاف و یخشى الله که بو طرز

ملال افزای غم اندوز* و بونسخه جان کداز جگر سوز* احسن ساعات
و ایمن اوقاتده سمت اختتام بوالدی* و مصلحت تفهیم عوام ایچ-ون
تکلفات رسمیه دن معرا واستعارات بدیعیه واستبحاع غریبه دن مبرآتمام
اولدی* و دخی توقع ورجا و انور که فضلالی بلاغت پیشه و فصیحای دقت
اندیشه دنکه بنای تألیفنه و طرح تصنیفنه نظر دقت براقدوده اصلاح
خطاسنه اقدام و اهتمام ایدهل* و محرر و مقرر دن دعاء خیرایله یاد ایدوب
قبول عذرله هر نقصان تمام ایدهل (شعر) هجوم محنت دوران ملولی*
کرفتار غم عالم فضولی* دکل اول لهجه کفتاره قابل* کیم اوله قابل سمع
اکابر* قبلورجیت دل لفظ دایکش* مشوش سوبلن الامشوش

* کل ای حال تکلمدن خبردار *

* ترجم قبل تعرض قیلله زنهار *

تصویر افکار مطبعه سنده طبع اولمشدر .

غره فی ذی القعدة سنده ۱۲۸۶





